





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.342



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.342




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.342

2. 6. 342

2 M. 6

XXXIV
CALIXT



DE PACTIS

QVÆ DEVS CVM HO-
MINIBVS INIIT

GEORGII CALIX TI

S. THEOLOGIE D. ET IN ACAD.

IVLIA PRIMARI PRO-
FESSORIS

TRACTATVS,

QVEM

SVB EIVSDEM PRÆSIDIO

ADIVVANTE DEO

PVBLICE DEFENDET

SAMVEL VOSS

Nobilis Mekelnburgicus,
S. Theol. studiosus.

IN MAGNO JVLEO

DIE XXIX QVINCTIL.
& nonnullis aliis.

)(




HELMESTADII,

IN TYPOGRAPHEO CALIXTINO EXCVDIT
HENNINGVS MVLLERVS.

CID 13CLIV.








SERENISSIMO ET CELSISSIMO
PRINCIPI ET DOMINO
DOMINO

FRIDERICO

HEREDI NORVVEGIÆ, DVCI SLESVVI-
CI, HOLSATIAE, STORMARIAE ET DITH-
MARSIAE, COMITI IN OLDENBORG
ET DELMENHORST

PRINCIPI ET DOMINO MEO CLE-
MENTISSIMO ET BENIGNISSIMO
FELICITATEM.

D Serenissimæ Celsitudi-
nis Tuæ genua supplici-
ter provolutus, post vota
pro Tuâ & Augustæ Do-
mus Tuæ Felicitate identidem in-
geminata, offero humilimè hunc
de Pactis, quæ DEUS cum homi-
nibus iniit, Tractatum. Eum scri-
psit natus in ditione Tuo subjectâ

(:) 2

impe-

imperio, magnum patriæ suæ de-
cus, Georgius Calixtus Theologus
in hac illustri Iuliâ ætate & dignita-
te primarius; & me inter clientes
Tuos minimum, Respondentis
partes, ad eas capeffendas utinam
tam aptum quàm promptum, susci-
pere, sicut in academiis fieri amat,
voluit. Quàm omnia, quàm me
totum TIBI, BENIGNISSIME DOMINE,
debeam, verbis nullis dignè un-
quam expressero. Integri decem &
quinque intercedunt anni, quibus
clientulum me Tuum complecte-
ris & foves & alis beneficiâ divi-
næ prorsus æmulâ. Adduxerat sub-
missâ intercessione inclutus Heros
VVilhelmus Lohausius puerum,
orbum

orbū parentibus, bellorū im-
manitate afflicto & bonis exutū:
Tu, GLORIOSISSIME PRINCEPS, mise-
rum recepisti; Tu receptum in il-
lustri Gymnasio Tuo Bordeshol-
mensi, Tu inter alumnos Tuos
Rostochij, Tu hīc in Tui Calixti si-
nu præcepisti in spem aliquam &
servitium Ecclesiæ munificentia
verè regiā educari. Quid dicam?
Prædicentur beneficia vulgaria.
Tua, DOMINE, ingentia & inulitata
Deum autorem referunt, omniq;
oratione sublimiora religiosi poti-
us silentij exigunt admirationem,
quā laudes impares. Atque ita
toto animo venerabundus quem-
admodum Te, SERENISSIME PRIN-
(.) 3 CEPS,

CEPS, DOMINE CLEMENTISSIME, So-
spitatoris omnium, Dei Opt. Max.
clarissimam Imaginem, quemad-
modum Te Beneficum & Salutare
fidus, in quo uno cumulatè omnia
mihi ac studijs meis necessaria æ-
ternus Ipse Luminum Pater provi-
dit, submissâ devotione suspicio:
sic porrò etiam æternū Illū Deum,
Deum verum & Deum vivū, Patrē
DOMINI NOSTRI IESV CHRISTI, soli-
citare ardentissimis precibus nun-
quam cessavero, ut IPSE IS TIBI pro
me velit debere, IPSE agere ac refer-
re gratias, IPSE Tua in me merita &
ingentia beneficia, tum in hac vitā
tum in alterā æternū remunerari.
Quæ verò de studijs meis pro-
mitti

mitti possunt, Tuâ, DOMINE, volun-
tate & benignitate nituntur. Sunt
illa quidem, ut omnia mea, tenuia:
cæterum si progrediantur, quem-
admodum auspicio & arbitrio Tuo,
PRINCEPS GLORIOSISSIME, ordinari
Deus voluerit, non poterunt non,
qualiacunque fuerint, felicem suc-
cessum sortiri. Tu Deo, OPTIME PRIN-
CEPS, proximiori commercio, ut ita
loquar, conjunctus: per Te Iussa
Sua Deus, per Te Benignissimam
Voluntatem suam mihi expromit.
In Te Deum, Deiq; de me judiciū
ubique suspicio supplex & adoro.
IPSE igitur, omnipotens ille exerci-
tuum Dominus, æternus ille Pater
misericordiarum, Qui ea, quæ non
sunt,

sunt, gloriosæ virtutis suæ verbo jubet esse,
etiam minimum, etiam indignum operari-
um, donis, quibus Ipsi visum fuerit, instru-
ctum extruserit aliquando in messem Suam.
IPSE olim ostenderit, quòd ex imperio Tuo,
INDVLGENTISSIME DOMINE, sub
specioso studiorum nomine mihi nihil quæ-
siverim; nec debuerim respicere ad ostentatio-
nem inanem, sed ad solidum honorem CHRIS-
TI, Vnici Salutis humanæ Autoris & Ma-
gistri, sine Quo vanum est omne, quod vi-
vimus. IPSE TE, SERENISSIME DO-
MINE, incolumem & florentem seruet &
fospitet diutissimè. IPSE pietati & Virtuti
Tuæ Mercedem largiatur Gloriam æternam,
Helmestadij in academiâ Iuliâ, vii Kl. Sextil;
clō Id c LIV.

SERENISSIMÆ TVÆ
CELSITVDINIS

subiectissimus cliens
& alumnus
Samuel Voss.
DE



עֲשֵׂי עֲשֵׂי

DE PACTIS, QVÆ DEVS CVM HOMINIBVS INIIT.



Eus opt. max. quum sex diebus cœ-
los & terram, astra, solem & lunam con-
didisset, aëri volucres, aquis pisces addi-
disset, terramque à mari separatam ha-
bitationi idoneam reddidisset variisque
animantium generibus instruxisset, tan-
dem die sexto hominem creavit, & in hoc omnibus jam
numeris absolutum splendideque præparatum hospiti-
um sive domicilium introduxit. Creavit autem Deus
hominem *ad imaginem & similitudinem suam*, Gen. 1, 26;
v, 1; ix, 6: *ad imaginem*, inquam, *Dei creavit eum: marem
& feminam creavit eos*, Gen. 1, 27; ne quis faminam ima-
ginis divinæ participem non esse existimet. Dicit tamen
sanctus Paulus 1 Cor. xi, 7: *Vir est imago & gloria Dei; at
mulier gloria viri est*. Nempe indita prius fuit imago Dei
viro, quàm faminæ, ut imago quæ in faminâ ad exem-
plum ejus, quæ jam in viro erat, expressa videatur. Est
autem vir gloria Dei, quoniam in creato viro gloria fa-
pientiæ divinæ maximè elucet; mulier autem gloria vi-
ri, nempe ~~in hoc~~, quanti virum Deus fecerit, apparet,
quod ei adiutorium adeo nobile parare & jungere vo-
luerit. *Neque enim conditus est vir propter mulierem, sed
mulier propter virum*, 1 Cor. xi, 9.

A

II. Ima-

II. Imago autem est quædam similitudo alterius, cuius imago dicitur, & quidem expressa sive deducta secundum aliquod ei proprium, & cum aliis rebus non commune. Sic imago hominis est, quæ præ se fert constitutionem & habitum corporis hominibus proprium; imago verò Caji vel Petri vel alterius individui, quæ exprimit propria eorum accidentia, per quæ ab aliis individuis discernuntur. In Deo verò non est distinctio aliqua essentia, proprietatum vel accidentium, ut aliquid, quod Deo magis proprium quàm aliud, exprimi possit. Respiciendum itaque potius, quid creaturæ proprium, ut quò secundum proprium naturæ gradum ad perfectionem divinam propius accedit, eò quoque perfectior & expressior habeatur Dei imago. Quoniam itaque juxta differentiam suam essentialem, quam constituit rationalis natura instructa intellectu & voluntate, homo ad perfectionem divinam propius accedit, quàm ulla alia res corporea; hinc est quòd imago Dei homini excellenter, & magis, quàm ulli alteri rei corporeæ, competit. Per rationem itidem homo cæteris animantibus, utpote ratione destitutis & brutis, utut nonnullis mole & robore corporis superioribus dominatur: & per hoc dominium refert imaginem Dei & dominii divini. Quod ipsum indicat Scriptura Genes. I, 26 & 27. *Dixit Deus, Faciamus hominem ad imaginem nostram, secundum similitudinem nostram: qui dominantur in pisces maris, & in volucres cæli, & in pecudes, & in universam terram, atq; in omnia reptilia reptantia super terram.* Itaq; creavit Deus hominem ad imaginem suam, ad imaginem Dei creavit eum: marem & feminam creavit eos. Quoniam autem caput femina est vir, 1 Cor. XI, 3; & uxorem subjectam esse oportet viro, Eph. V, 24; Coloss. III, 18; 1 Petri III, 1: ideo respectu dominii perfe-

perfectior est imago divina in viro, quàm in femina.

III. Cætera præter hominem creaturæ quoniam omnes existunt, aliæ præterea vivunt, aliæ etiam sentiunt; hoc ipso omnes imaginem quamdam Dei referunt, licet imperfectius. Et sunt, qui vocabulum *similitudinis* latioris significationis esse volunt, & de talibus usurpare malunt. Augustinus libro xxxiii quæstionum, quæstione LI, *Omnis quidem, inquit, imago similis est, non autem omne quod simile est, etiam imago propriè, sed fortè abusive dici potest.* Paullo antè scripserat, quæ hic subjungimus. *Multis modis dici possunt res similes Deo: aliæ secundum virtutem & sapientiam factæ, quia in ipso est virtus & sapientia non facta; aliæ in quantum solum vivunt, quia ille summè & primè vivit; aliæ in quantum sunt, quia ille summè & primitus est.* Et ideo quæ tantummodo sunt, nec tamen vivunt aut sapiunt, non perfectè sed exiguè sunt ad similitudinem ejus, quia & ipsa bona sunt in ordine suo, quum ille sit super omnia bonus, à quo omnia bona procedunt. Omnia verò quæ vivunt & non sapiunt, paullo amplius participant similitudinem: quod enim vivit, etiam est; non autem quidquid est, etiam vivit. Jam porro quæ sapiunt, ita illi similitudine proxima sunt, ut in creaturis nihil sit propinquius. Hæc Augustinus. Sunt autem nonnulla corpora, quæ licet nec vivant, nec sentiant, nec sapiant, ut cœlestium orbium & astrorum, quia tamen per nullas naturales causas dissolvi vel destrui possunt, hac ipsâ suâ firmitate & duratione similitudinem aliquam divinæ immutabilitatis & perpetuitatis participant.

IX. Et harum quidem sive imaginum sive similitudinum rationes competunt iis, quibus insunt, secundum naturam rerum, ut earum essentiam constituent vel consequantur, sive sint, ut Logici loquuntur, in primo aut secundo modo dicendi per se. Cæterum in proto-

plasto fuerunt etiā alia, secundum quæ imaginem Dei gereret, non quidem substantiam vel essentiam illius constituentia, nec ab eā naturaliter emanantia, sed accidentia, naturæ peculiari Dei providentiæ & benignitate, obtinendæ æternæ beatitudinis ergo, prorsus gratuito superaddita: quæ per lapsum, de quo postea, deperdita sunt, restituuntur autem suo quodam modo juxta divinum beneplacitum, per Evangelicum pactum & regenerationem.

V. Nempe cognita habebat primus homo, quæcumque de Deo ejusque essentiâ & voluntate cognosci ad conservandam præsentem & adipiscendam æternam beatitudinem erant necessaria. Præterea instructus erat eximiâ rerum omnium scientiâ, non acquisitâ, sed divinitus inditâ sive infusâ. Hinc, quod *quum formasset Dominus Deus è terra omnes bestias agri, omnesq; volucres cæli, adduxit eas ad Adamum, ut videret quomodo vocaret singulas: & quo nomine vocavit Adam animantem quamque, id est nomen ejus*, Gen. 1 1, 19. Magnæ enim sapientiæ est, congrua & commoda rebus nomina indere. Hinc etiam, quod quum ad eum ex ejus dormientis latere & costâ condita Heva adduceretur, statim agnovit *adesse o sex ossibus suis, & carnem ex carne suâ*, Genes. 1 1, 23. Inprimis autem perspectum & certum habuit, quod ad retinendam præsentem & obtinendam æternam felicitatem necessarium fuerit amare Deum super omnia, sive nullius rei creatæ amorem amorì divino præponere, sive cultum & obsequium, quod Deo deberur, ulli alteri rei, vel per desiderium ejus vel per gratificandi studium, postponere.

VI. Totam sanè naturæ legem inscriptam cordi suo, tantâ præsertim, ut diximus, sapientiâ præditus, habuit cognitissimam: præterea ex peculiari revelatione
cogni-

cognitum habuit præceptum positivum de non comedendo fructu arboris scientiæ boni & mali. Vt voluntas prompta & idonea esset ad omnia ista sine difficultate in rem conferenda, præstare dotes ei, facultati quidem naturali, sed præter & supra naturam divinitus collatæ. Nihil autem magis voluntatem, quum ab eâ bonos, iustos & legitimos actus præstari oportet, impedit & remoratur, quàm quoddam appetitus sensitivus, si sibi relinquatur, in objectum suum bonumque delectabile pertinace impetu fertur, atque ita rationem sæpe antevertit, sæpe illi adversatur & repugnat. Hinc sanctus Paulus: *Non quod volo, hoc ago: volebam immunis esse ab huiusmodi impetu & rebellionem appetitus: sed quod ed, hoc facio.* Actiones tribuuntur suppositis sive personis: atque ideo hosce rationi repugnantes actus, quamvis ab inferiore facultate profectos, sibi tribuit sequere eos edere fateretur Apostolus. *Non facio, inquit, bonum quod volo; sed malum, quod nolo, hoc ago. Video aliam legem in membris meis rebellantem legi mentis meæ; & captivum reddentem me legi peccati, quæ est in membris meis. Miser ego homo: quis me eripiet ex isto corpore mortis?* Rom. VII, 15, 19, 23, 24. Propter quod Apostolus se miserum esse conqueritur, id non potuit habere locum in statu, qualis ante lapsum erat, à quo omnis aberat miseria. Lex igitur in membris rebellans legi mentis, sive impetus illi & contumacia vel repugnantia facultatum concupiscentis & irascentis, in statu innocentiae per donum iustitiæ originalis, quam vocant, naturæ superadditum compressa & velut abolita erat. Cujus rei hoc quoque argumentum, quoddam ante commissum peccatum *utrumque nudi erant, Adam & uxor ejus; & non erubescerant,* Gen. 11, 25. Nihil igitur in se pudendum animadvertēbant: uti etiam nihil erat. Quod

A 3 iplum

ipsum arguit eximiam perfectionem, siue perfectam appetitus sensitivi, membrorumque ei deservientium subjectionem.

VII. Et hæc quidem in intellectu, voluntate & appetitu dona, quibus facultates istæ hominis supra conditionem merè naturalem evehebantur, eò faciebant, ut felicitatem præsentem conservare, & æternam consummatamq; , cui obtinendæ preparatus erat, adipisci posset. Hæc itaque dona junctim sumta justitiam originalem constitui rectè censentur, atque eo nomine satis commodè appellantur, & pro præcipuâ divinæ imaginis, hominibus inditæ, parte meritò habentur. Quæ quidem eatenus per peccatum tota est amissa: restauratur autem suo modo per singularem Dei gratiam, annunciationem evangelij & spiritualem regenerationem. Homo enim se enormiter peccasse & iram divinam incurrisset non poterat ignorare: interim scire non poterat, an Deus esset recepturus in gratiam, præsertim *quum angelis, qui peccaverant, non pepercerit, sed in tartarum detru- sos catenis caliginis tradiderit, damnationi servatos*, 11 Petri 11, 4; Iudæ vers. 6. Quod itaque Deus misereri velit, ipso revelante demum didicit; & ut revelationi fidem haberet, & in promisso semine mulieris contrituro caput serpentis fiduciam & spem consequendæ veniæ & salutis poneret, collata gratia præstitit. Per quam etiam fit, ut exorbitans concupiscentia, quamvis penitus tolli & eradicari nequeat, compesci tamen possit, ne actus vitiosos, ad quos instigat, consummet & perficiat. Ita in gratiam receptus, & modo, qui Deo placuit, restitutus est Adam: pariq; ratione restituuntur hodie fideles, & imago Dei in eis, quatenus ad salutem necessarium est, instauratur. Hinc igitur Ephesios hortatur sanctus Paulus,

Eph. 4, 22.

Paulus, deponere quod ad pristinam conversationem attinet, veterem hominem, qui seductricibus cupiditatibus corrumpitur: renovari verò spiritu mentis sue, & induere novum hominem, qui secundum Deum conditus est ad iustitiam & sanctimoniam veram. Ad Colossenses scribit in hunc modum: *Ne mentimini alius adversus alium, quum exueritis veterem hominem cum factis ipsius, & indueritis novum, qui renovatur in agnitionem, secundum imaginem eius, qui illum creavit.* Tantum differt a non regenerato regeneratus, sic adfectibus & studijs mutatus est, ut videatur alius & novus esse homo. Sed pergat Apostolus. *Induimini igitur ut electi Dei, sancti & dilecti, visceribus miserationum, benignitate, humilitate, mansuetudine, lenitate sive iræ cohibitione.* Ex hisce quomodo in fidelibus imago Dei reparetur, & quibus in rebus primitus sita fuerit, intelligitur: nempe in iustitiâ & verâ sanctimoniâ; in agnitione sive notitiâ omnium, quæ ad salutem necessaria; in omni virtutum genere & exercitio. Quibus quum potiuntur & perficiuntur & operam dare pergunt fideles, tum *faciunt recta* nulloq; velamine, sicut iudæis contingit, obnuptâ gloriâ Domini quasi in speculo intuentes in eandem Domini imaginem transformantur ex gloria in gloriam, sicut docet Apostolus 1 Cor. 11, 18.

IIIX. Etiam si verò in his ipsis, in quibus iustitia originalis consistebat, posita fuerit præcipua ratio imaginis divinæ; manifestum tamen est ea nec substantiam sive essentiam hominis constituisse, nec ab eâ naturaliter emanasse. Neque enim quum vel habentur, vel amittuntur, vel reparantur, homo secundum speciem mutatur, aut alius specie & definitione homo efficitur. Naturalis tamen dici potest imago Dei & iustitia originalis aliò quodam sensu, nempe quòd Adamo concreata fuerit,

fuerit, & unâ cum naturâ ejus cœperit: quo modo post
lapsum peccatum originale, justitiæ originali privativè
oppositum, itidem naturale dici potest, quod connasca-
tur, & natura humana illo contaminata prodeat, & sine
eo nusquam, nisi in uno virginis filio Salvatore nostro,
reperiatur. *Translato verbo utimur, ait Augustinus prio-
re Retract. cap. x. ut naturam dicamus etiam quali nascitur ho-
mo: secundum quam loquutionem dixit Apostolus, Fumus enim*
Eph. 2, 30. *& nos aliquando naturâ filii iræ.*

IX. Fuerunt etiam alia naturæ superaddita dona
& ornamenta, non tamen propriè & directè ad justitiam
facientia, vel eam constituentia, sed nihilominus per-
sonæ, qualis Adam in statu innocentiae erat, congrua; ut
videlicet totus & ab omni parte imaginem perfectionis
divinae referret. Non itaque solum sicut ratio & supe-
riores intellectus & voluntatis facultates Deo erant sub-
jectæ, ita quoque rationi appetitus sensitivus sine re-
nifu & certamine parebat: sed etiam ab inferioribus,
ut locomotivâ & vegetante, quidquid incommodi vel
miseriæ aliquid adferre posset, aberat, partim per peculi-
arem Dei providentiam, partim per supernaturalia in
promptu posita & parata remedia. Huc videlicet facie-
bat *arbor vitæ* à Deo in paradiso collocata, Gen. 2, 9: ad
quam ne post admissum peccatum homo *extendens ma-
num suam acciperet de fructu ejus, & comedens viveret in secu-
lum*, sive ultra terminos à Deo constitutos; propterea po-
suit Deus *ab oriente horri Heden Cherubim, flammamq; gladij
vibrantis*, & terrorem adspicientibus incutientis, *ad cu-
stodiendum viam*, quæ ferebat *ad arborem vitæ*, Gen. 3, 24.
Fructus igitur arboris vitæ pollebat facultate,
& quidem naturæ suæ, ut videtur, divinitus inditâ, quæ
debilitates corpori aliàs secundum naturam incumben-
tes

res averteret, morbosque & mortem areceret. Interclusa itaque post lapsum fuit via ad arborem illam ducens, ne homo fructu ejus idemtidem vescens vitam, quousque vellet & longius, quam Deo videretur, extenderet. Adscribam hic verba Augustini ex libro De civitate Dei xiii, cap. xx. *Primi homines licet morituri non essent, nisi peccassent, alimentis tamen ut homines utebantur, nondum spiritualia, sed adhuc animalia corpora terrena gestantes. Quæ licet senio non veterascerent, ut necessitate perducerentur ad mortem, qui status eis de ligno vite, quod in medio paradisi cum arbore veritatis simul erat, mirabili Dei gratia prestabatur; tamen & alios sumebant cibos, præter unam arborem, quæ fuerat interdicta. — Aiebantur ergo aliis, quæ sumebant, ne animalia corpora molestie aliquid esuriendo & sitiendo sentirent. De ligno autem vite propterea gustabatur, ne mors eis undecumq; subreperet, vel senectute confecti decursis temporum spatius interirent.*

X. Idem Augustinus libro vi de Genesi ad litteram cap. xxv expendens verba Rom. iix, 10; annotat Apostolum non dicere Corpus mortale propter peccatum, sed, Corpus mortuum propter peccatum. Illud quippe, inquit, ante peccatum & mortale secundum aliam, & immortale secundum aliam causam dici poterat: id est, mortale quia poterat mori; immortale, quia poterat non mori. Aliud est enim non posse mori, sicut quædam naturas immortales creavit Deus; aliud est autem posse non mori, secundum quem modum primus creatus est homo immortalis, quod ei prestabatur de ligno vite, non de constitutione nature: à quo ligno separatus est quum peccasset, ut posset mori, qui nisi peccasset, posset non mori. Mortalis ergo erat condicione corporis animalis; immortalis autem beneficio conditoris. Hæc rectè & ad rem Augustinus. Cujus verbis lubet subungere verba Lutheri è commentario in Gen. ii, 9: *Habuit A-*

B

dam

dam corpus naturale & mobile, quod generabat, edebat, laborabat. Hæc corruptionem judicantur asferre, aut saltem mutationem aliquam, quâ tandem homo naturaliter esset corruptus. Sed huic naturali ordinationi Deus curavit remedium per arboris vitæ, ut homo sine ullo virium decremento longam & suam vitam viveret in perpetuâ juventâ. Dixerat paullo antè ad versum septimum: Docet Paulus, etiamsi Adam non peccasset, tamen victurum fuisse corporalem vitam, indigam cibi, potus, quietis, crescentem, generantem, donec per Deum ad vitam spiritualem esset translatus, in qua vixisset sine animalitate, ut sic dicam, nempe ab intra ex solo Deo; & non ab extra, sicut antea ex herbis & fructibus: idq; sic, ut tamen homo habeat carnem & ossa, & non sit merè spiritus, sicut Angeli sunt.

XI. Ex hisce intelligi potest, qualis fuerit in statu innocentie homini collata immortalitas, nempe per quam potuisset non-mori, sive mortem evitare. Non itaque fuit immortalitas simpliciter & absolute, sed secundum quid: sublata erat mors quoad necessitatem & actum moriendi, sed non quoad potentiam. Potuit homo ad eum modum sese gerere, ut necessitatem moriendi declinaret: sed potuit ita quoque se gerere, ut incurreret, & potentia aliquando in actum prodiret; sicut etiam reapse factum fuit. In æternâ verò vitâ (addimus ut discrimen appareat) mors tum quoad actum tum quoad potentiam erit sublata, atque ita immutabuntur homines, ut non possint mori: sicut è contrario in vitâ, qualem nunc agimus, non possumus non mori.

XII. Quibus autem verbis hoc discrimen commodè exprimi posset, in eo videtur hæsitasse Theophilus Antiochenus, unus ex antiquissimis scriptoribus Christianis. Sic enim ille libro secundo ad Autolycum: Di-

Post med. cat quis, Num naturâ mortalis creatus est homo? Nequaquam.

Quid

Quid igitur? num immortalis? Ne hoc quidem. Neque enim natura mortalis creatus est, neque immortalis. — οὐτε οὖν ἀθάνατον αὐτὸν ἐποίησεν, οὐτε μὴν θνητὸν, ἀλλὰ δεκτικὸν ἀμφοτέρων. Nec igitur eum immortalem creavit Deus, nec mortalem, sed utriusq. capacem. Theophilo quatuor seculis recentior Eusebius, Thessalonicae episcopus, adversus quemdam Andream, monachum inclusum, hominem improbum, scripsit, sicut memorat Photius codice clix; hæc q; ejus verba recitat: Δέον ἔν ῥοῦν καὶ λέγειν, ὡς τὸ ἔ Ἀδάμ σῶμα θνητὸν ἢ φύσει ἔ παθητὸν. θεὸς δὲ χάριτι ἀθάνατον διεφυλάχτητο ἔ ἀπαθείς, μέλεις ἀν αὐτὸ ἡ πωδίασας τῆς φυλακῆς ἀπεγμύμνωσεν. οὐτω γάρ ἔ ὁ τῷ ἀνὴρ χορὸς ἀποφάινεται. *Oportet sentire & dicere, quod Adami corpus natura mortale & passibile, divinā vero gratiā immortale & impassibile præsitum & custoditum fuerit, usquequò eum prævaricatio custodia illa privaret. Hæc enim est concors sanctorum Patrum sententia.* Ad Eusebium illum scribit, & Andreæ istius monachi improbitatem enarrat Gregorius cognomine Magnus, episcopus Romanus, libro ix, epistolā lxxix. Cujus Magnorum moralium libro iii, cap. xxvi dere, quam nunc consideramus, hæc sunt verba: *Sic homo immortalis est conditus, ut tamen, si peccaret, mori posset; & sic mortalis est conditus, ut si non peccaret, etiam non mori posset, atq; beatitudinem illius regionis attingere, in qua vel peccare vel mori non posset. Vbi igitur post redemptionis tempus, carnis morte interposita, electi transcunt, illuc procul dubio parentes primi, si in conditionis suæ stitui perstitissent, etiam sine morte corporum transferri potuissent.*

XIII. Sed ut exactius omnia intelligantur, observandum inprimis est, Deum eò usque se demittere & ad hominem accommodare, atque ita gerere, quasi cum eo pactum vel fœdus ineat; & hoc vocabulo suas cum

hominibus actiones sapissimè designare. Facile autem animadvertitur, non esse quasi pactum par cum pari, sed superioris cum subdito, domini cum servo. Superiori jubendi potestate præditus lege latâ obligat subditum ad parendum, & præstandum quod lex requirit. Si subditus detrectat, & in legem peccat, poenæ est obnoxius. Nec consensus ejus requiritur, ut acceptet; sed perinde se habet, ac si ita conventum esset. In arbitrio autem superioris positum est, num velit obsequium aliquo præmio vel beneficio prosequi: & quum Deus hominum sit amantissimus, sit optimus & benignissimus, hinc fit, ut oboedientes & verba pacti custodientes amplissimis & maximis præmiis mactet beetque. Quum autem idem sit justissimus, fieri aliter non potest, quin inobœdientiam, præsertim contumacem & datâ operâ admissam, severissimis poenis castiget & afficiat. Perinde igitur est, ac si utrimque ita conventum esset. Conditio autem à parte hominis, per quam præmiis divinitus promissis potiri detur, est obœdientia.

XIV. Qualem Deus primum hominem creaverit, & quòd in statu merè naturali, qui que ab ipsâ humanâ naturâ secundùm se consideratâ dependeat, non reliquerit, sed mox in ipsâ creatione supra eum longè evexerit, & dotibus naturalem constitutionem excedentibus instruxerit, superius est ostensum. Ut in hoc felicitatis statu permaneret, & ex eo ad perfectè beatam æternamque vitam aliquando, nullâ interveniente morte, transferretur posita est ipsi observanda universa lex naturæ, cordi ejus inscripta; quæ etiam ut exactissimè servari posset, supernaturali dote cohibitus fuit appetitus sensitivus, ne adversus rationem sive præveniendò sive repugnando se commoveret; additum præterea est unicùm præceptum

ptum positivum de non comedendo fructu arboris scientiæ boni & mali, ad præbendum specimen & documentum animi Deo devoti perfectæque obœdientiæ. Quum enim aliàs fructus ille esset bonus in cibum, minimeque noxius aut insalubris, non necesse erat abstinere, nisi propter solam prohibitionem divinam. Perinde itaque fuit, ac si Deus in hunc modum cum homine pactus fuisset: Adame, si servaveris, quemadmodum servare potes & dotibus in hunc finem instructus es, leges quas tibi posui, felicitate, quâ nunc gaudes, non interruptâ diutissimè poteris, & tandem, quum mihi visum fuerit, nullo interveniente morbo vel morte, ex hac vitâ, quæ licet felicitate suâ polleat, animalis tamen est, ad spiritualem & æternam & omnibus numeris perfectè beatam transfereris. Sin prævariceris & inobœdiens fueris, & *comederis de fructu arboris scientiæ boni & mali, quo die comederis, moriendo morieris*, id est omnino morieris, si ve necessitatem moriendi incurres, eaque obstrictus teneris. Stipulatus igitur est Deus ab homine perfectam observationem legis: & observanti promisit felicitatem, quæ incoata erat, continuandam, & tandem aliâ perfectissimâ commutandam & consummandam; non observanti autem comminatus est & imposuit necessitatem subeundi mortem. Hæc acceptare hisque acquiescere hominem oportuit.

Genes. 3, 17.

XV. Si verò natura humana sibi relicta, & ultra perfectionem naturalem, quatenus talem, exaltata non fuisset, mortem evitare non potuisset. Quod itaque potuit, donis naturæ superadditis sive supernaturalibus acceptò ferendum. Comminatus autem est Deus, nisi observaretur sua lex, ablatum iri donum illud supernaturale non-moriendi. Par verò ratio erat reliquorum

B 3

dono-

Gen. 3. 7.

donorum supernaturalium, ut commisso peccato ipsa quoque abolerentur, & homini inesse ejusque felicitati praesidium prestare desinerent. Sicut eventus id ipsum docuit, nempe amisso dono immortalitatis amissum quoque fuisse donum, quo appetitus coërebat: unde coëpit eos pudere, quod nudi essent, & consutis foliis ficulneis fecerunt sibi subligacula. Quod autem superiores attinet facultates, intellectum & voluntatem, quomodo se post perpetratum peccatum habuerint, dictum est superius: nempe homo nihil poterat de impetranda venia sibi promittere vel sperare, sed desperandum fuisset, si sibi relictus esset, & divina misericordia per revelatum novum veniae & salutis consequendae modum non subvenisset. Atque ita amissa est justitia, quam originalem siue concreatam appellamus, faciens ad perfectam justitiam praestandam, perfectamque beatitudinem obtinendam; & successit peccatum, quod itidem originale dicimus, nempe quia sicut illa cum ipsa Adami origine coeperat & concreata erat, ita istud post lapsum originem posterorum Adami comitatur & connascitur; & sicut illa, si perseverasset, hominem ad beatitudinem perduxisset, ita istud è contrario beatitudine excludit & damnationi involvit. Lubet hic adscribere sententiam Lutheri ex commentario in Gen. 11, 17. *Peccatum, inquit, originale est, quod intellectus est obscuratus, ut non agnoscamus amplius Deum & voluntatem ejus, ut non animadvertamus opera Dei: deinde quod etiam voluntas est mirè depravata, ut non fidamus misericordiae Dei, ut non metueamus Deum, sed securi, omisso verbo & voluntate Dei, sequimur concupiscentiam & impetus carnis: item quod conscientia non amplius tranquilla est, sed quum de justitia Dei cogitat, desberat, sequitur illicita praesidia & remedia.* Hae peccata sic aliè innatu-

naturam fixa sunt, ut in hac vitâ non possint penitus evelli. Ad hunc modum peccatum originale demonstrat, quid sit justitia originalis; & contra justitia originalis demonstrat, quid sit peccatum originale, nempe quod est amissio justitiæ originalis seu privatio, sicut cecitas est privatio visus. Hæc Lutherus.

XVI. Sicigitur per lapsum è vestigio cœpit homo dotibus supernaturalibus orbari, & in statu, qualem natura sibi relicta præbet, relinqui, obnoxio præterea culpæ & inde exortis miseriis. Observandum enim, etiamsi numquam reapse & actu exstiterit status merorum naturalium, sed naturalia semper conjuncta fuerint vel cum innocentia, & proinde cum dotibus innocentie congruis, vel cum culpâ, vel cum gratiâ regenerationis; quod nihilominus seorsim mera naturalia secundum se considerari, & qualem illa statum importent, intelligi possit: quemadmodum etsi nulla materia nisi formæ alicui conjuncta exstat, quid tamen materiæ secundum se, quid formæ competat, seorsim considerari potest & debet. Sunt autem varii status hominis, & **PRIMUM** quidem status merorum naturalium, qui etiamsi, ut diximus, numquam talis exstiterit, quid tamen importaturus esset, considerari potest. Est **SECUNDO** status innocentie, in quali erant protoplasti ante lapsum, plurimis maximisque supra mera naturalia dotibus evectis. Est **TERTIO** status peccati & miseriæ & incumben-
tis divinæ iræ ac damnationis: in quali erant primi parentes post commissum peccatum, antequam reciperentur in gratiam; & in quali sunt omnes eorum posteris, nisi Deo reconcilientur veniæque & gratiæ participes reddantur. In eo naturæ sunt laxatae habenæ, ut inferre permittatur, quod sibi relicta inferre potest, nempe plurima incommoda, pericula, morbos & denique mortem.

tem. Concupiscentia quoque soluta est, & ne se move-
at & turbas det, dum hæc mortalis vita vivitur, prohi-
beri non potest. Dices fortè, Quæ mēre naturalia sunt,
referuntur in Deum naturæ auctorem. Si igitur inor-
dinati concupiscentiæ motus, quibus non possumus
non laceffi, à naturâ sunt, & peccata sunt, hæc peccata
in Deum tamquam causam redundabunt. Respondeo
autem, Si Deo placuisset hominem in statu merorum na-
turalium relinquere, tum legem de non-concupiscendo
non tulisset. Quod verò nulla lex prohibet, id quoq; pec-
catum non est. Cæterum ex quo voluit hominem care-
re motibus, quos diximus; ex eo contulit dotes, per
quas, modò per ipsum non staret, carere posset. Est
QUARTO status reconciliationis & regenerationis, in
quo fuit Adam, postquam receptus est in gratiam, & in
quo positi sunt omnes fideles. In eo quidem non resti-
tuuntur cuncta supernaturalia per lapsum amissa; mini-
mè autem omnium, quæ felicitatem paradificam (ut ita
appellare liceat) constituiebant, & immunitatem à mo-
lestiis & ægrotudinibus & naturali morte præstabant: ha-
tēusenim in ipso gratiæ statu natura sibi permittitur:
conferuntur tamen, quæ juxta divinum beneplacitum
& pactum evangelicum ad obtinendam reconciliatio-
nem & recuperandam salutem sunt necessaria. Et quo-
niam hac finì in hoc statu non est necessarium à motibus,
de quibus diximus, prorsus immunem esse, sed sufficit
eos compescere, ne in actus consummatos erumpant,
& quod caro concupiscit, perficiant; ad hoc præstan-
dum necessaria gratia non deest. QUINTO est futurus
status gloriæ, in quo qui in priore quarto statu ad finem
usque perseveraverint, Deum *coram* sive *facie ad faciem*
videbunt, I Cor. xiii, 12; & corpus, quod in ipso etiam
statu

statu innocentiae animale fuerat, id est, ad conservatio-
 nem individuorum alimento, & ad propagationem spe-
 ciei generatione indiguerat, spirituale habebunt, non
 quod substantia corporea commutanda sit in spirituale
 substantiam, sed quod glorificanda sit dotibus, quales
 alias spiritibus sive angelis propriae sunt. *Oportet enim cor-
 ruptibile istud induere incorruptibilitatem, & mortale istud in-
 duere immortalitatem, 1 Cor. xv, 53.* SEXTO est futurus sta-
 tus damnationis, superiori proximo oppositus, in quo
 qui è tertio prius memorato erepti non fuerint, & ad
 quartum translati, supremo iudicio hanc audient sen-
 tentiam: *Abite maledicti in ignem aeternum, qui paratus est
 diabolo & angelis ejus, Matth. xxv, 41: conicientur in cami-
 num ignis, in tenebras extimas, ubi erit ejulatus & stridor denti-
 um, Matth. iix, 12; xiv, 42, 50; xxii, 13; xxiv, 51; xxv, 30:*
iis enim caligo tenebrarum in aeternum adservata est, II Petri
i i, 17. Igitur torquebuntur igne & sulfure in conspectu ange-
 lorum sanctorum, & in conspectu Agni; & fumus tormenti
 ipsorum ascendet in secula seculorum, Apocal. xiv, 10. nam
 incredulis, & execrabilibus, & homicidis, & scortatoribus, &
 veneficis, & idololatriis, & omnibus mendacibus portio adsigna-
 ta est in stagno, in quo ardet ignis & sulfur, Apocal. xxi, 8.
 SEPTIMO est status hominis inter naturalem mortem &
 supremum iudicium medius, habentis interea animam
 à corpore separatam. Sicut autem mortui in duplici
 sunt differentiâ, nempe vel beandi, vel damnandi, ita
 quoque status, de quo nunc loquimur, alius est illorum,
 alius horum.

XVII. Quod corpora quidem attinet, utrorum-
 que corruptioni & putredini & resolutioni in elementa
 usque materiamque primam sunt obnoxia. *Pulvis es &
 in pulverem reverteris, ait Dominus Gen. iii, 19.* *Iustorum*
C
autem

autem anima in manu Dei sunt, & non tangit eos tormentum.
Sap. 111, 1. Attamen non obtinuerunt promissum illud: quoni-
am Deus de nobis potius quiddam providit, ne absque nobis con-
summentur, sive beatitudine prorsus completâ & con-
summatâ potiantur, Hebr. xi, 39. Regnum Dei est justi-
tia & pax & gaudium per Spiritum Sanctum, Rom. xiv, 17.
Id sane obtinuerunt. Quod itaque sine nobis obtine-
re nequeunt, est promissum regnum aeternæ completæ
que beatitudinis. Hinc est, quod Iohannes in Apoca-
lypsi videt sub altari animas eorum, qui mactati fuerant pro-
pter verbum Dei, & propter testimonium quod tuebantur: qui-
bis data sunt stola alba, quæ videlicet mysticè intellectæ
ad eas blandè fovendas & hilaritate focillandas facerent;
& dictum est eis, ut requiescerent adhuc paullulum temporis, us-
que quo compleantur etiam conservi eorum & fratres eorum, qui
occidendi sunt, sicut & ipsi. Status quoque animarum san-
ctarum à corporibus separatarum in eadem Apocalypsi
verbis figuratis & propheticis describitur in hunc mo-
dum: Sunt ante thronum Dei, & colunt eum die ac nocte in tem-
pore ejus: & qui insidet throno, proteget eos umbraculo. Non esu-
rient amplius, neque sitient amplius, nec in eos cadet sol, neque
ullus aestus. Quoniam Agnus, qui in medio throni est, pascet
eos, & via dux erit ipsis ad vivos fontes aquarum: & absterfu-
rus est Deus omnem lacrymâ ab oculis eorum. Damnando-
rum animæ sunt in carcere, sicut colligitur ex 1 Petri 111,
16. Videtur itaque, quod animas separatas attinet, ita
fere se habere, quemadmodum se habet quod attinet ele-
ctos ad capeßendû regnum, & destinatos supplicio.
Illi, dum modo sint electi, etiamsi nondum sint coronati,
etiamsi nondum in manus traditum sceptrum & regnum
acceperint, in honore tamen coronandis congruo ha-
bentur, & tractantur, sicut decet regnaturos: isti verò

Apoc. 6, 9
& 11.

Apoc. 7, 17.
& seqq

in car.

in carceribus miseram vitam agunt, & metu imminenti supplicii torquentur.

XIIX. Caterum, ut ad priora redeamus, dubium nullum est, nec naturam sibi permittendam, sed mediis & dotibus supernaturalibus sive compescendam sive emendandam, nec hominem, nisi peccasset, moriturum fuisse. Clara enim sunt verba Apostoli: *Per unum hominem peccatum in mundum introiit, & per peccatum mors; & ita in omnes homines mors pervasit*, Rom. v, 12. *In Adamo omnes moriuntur. Aculeus mortis est peccatum; vis autem peccati, lex*, I Cor. xv, 22 & 56. Nempe absque peccato esset, nihil morti permissum: & si nulla lex lata vel promulgata, nullum quoque esset peccatum. Neque vero Deus tamquam poenam intentare sive comminari potuisset mortem vel moriendi necessitatem, si alias & etiam absque commisso peccato moriturus homo fuisset. *Quo die, inquit comederis, omnino morieris*, sive moriendi necessitatem incurres.

XIX. Est autem homo mediæ inter spiritus sive angelos & animalia bruta naturæ, & utrimque participat. Angeli sunt substantiæ spirituales, immateriatæ & per naturam immortales: sic quoque homo secundum animam rationalem, per quam in esse hominis constituitur. Cum brutis commune habet corpus ex elementis compositum, quod naturæ relictum dissolvi oportet. Sicut autem pridem expositum fuit, non placuit Deo hominem naturæ relinquere, sed supra eam multis modis extulit. A corpore itaque necessitatem moriendi amovit, ut unâ cum animâ perennare & ab eâ perpetuò informari posset. Quum enim condita sit, ut corpus informet, & tamquam altera pars compositi sive unâ cum corpore personam constituat; videtur omnino ad

hoc ipsum naturaliter propendere. Voluit itaque Deus hominem talem creare, qui nisi per ipsum staret, animæ corpus perpetuò conjunctum haberet. Ergo homo, quamvis naturæ relictus fuisset mortalis, conditus tamen est ad immortalitatem: cui opponitur duplex mors, tum temporalis, tum præcipuè spiritualis & æterna, quæ est damnatio. Quando igitur Adamo dixit Deus, *omnino morieris*; non potuit ille, tantâ videlicet infusâ sapientiâ præditus, quin etiam spiritu prophetico instructus, ignorare, vocabulum mortis ad temporalem non esse restringendum, sed ad utramque sensu, quàm latè is patet, extendendum. Neque dubitari potest, quandoquidem supremo mundi die Deus omnes homines resuscitabit & redintegrabit, sive omnibus & singulis animabus sua corpora restituet; quin id ad eum modum facere decreverit ab æterno. Quin etiam quum ab æterno præsciverit hominem in statu innocentiae non esse perseveraturum, & etiam si in gratiam reciperetur, posterorum tamen ejus alios evangelico pacto, à quo reconciliatio & salus suspendenda esset, obtemperaturos, alios non obtemperaturos, nihilominus omnes decrevit resuscitare. Generalis itaque resurrectio, quæ etiam damnandos includit, in hoc decretum referenda est: beandorum verò, quatenus beata, & membrorum cum capite suo conjunctio erit, Christo redemptori imputanda venit. *Sicut enim in Adamo omnes, qui videlicet Adami sunt & ab eo originem communi viâ ducunt, moriuntur; ita & in Christo omnes (nempe qui sunt Christi, ut mox subjungitur) vivificabuntur*, 1 Cor. xv, 22 & 23.

XX. Existimamus pactum Dei cum primo homine initum, quod antea proposuimus, exactius & accuratius nunc intellectum iri. Finis pacti, quod homi-
nem

nem attinet, erat ut presentem felicitatem conservaret,
& aeternam perfecteque beatam consequeretur. Medi-
um, sive conditio ad hunc finem obtinendum divinitus
homini proposita; & ab eo necessario acceptanda, erat
Perfecta legis divinae tum cordi inscriptae tum peculiari-
ter revelatae observatio, sive exacta obœdientia; ad
quam præstandam vires sufficientes præstò erant. Poena
non observanti indicebatur mors, non quidem mox &
in vestigio subeunda, sed per naturam suo tempore in-
ferenda; & post corpus animæ restitutum aeterna, sicut
jam diximus. Se enim ad aeternam beatitudinem ha-
bendam creatum esse, & si eâ excideret, aeternae damna-
tioni obnoxium fore non poterat ignorare Adamus. Hoc
pactum ab apposita conditione, quæ erat Exacta obœ-
dientia legi præstanda, Legale meritò appellatur.

XXI. Ex quo contra legem peccabatur, è vestigio
privati sunt protoplasti omnibus dotibus supernaturali-
bus; & sicut superius ostensum est, nullo ingenio adsequi
potuerunt, quòd Deus misereri vellet, & quomodo;
quandoquidem de veritate verborum Dei & immota
justitiâ dubitari non poterat, & præstò erat exemplum
severitatis adversus angelos, quibus *peccantibus Deus non* Petri 2, 4
pepercerat. A parte igitur hominum res erat desperata,
quorum præter spem nihilominus miseretur Deus, &
modum reconciliationis & restitutionis, & temperati-
onem justitiæ cum misericordiâ, humanæ menti alio-
quin impervestigabilem, init. *Solus ipse cogitabat cogitati-*
ones pacis, quum afflictionis plena omnia viderentur, ait Bern-
hardus sermone primo in Annunciationem Domini-
cam. Vbi per prosopopœjam introducit loquentes &
quasi contententes Misericordiam & Veritatem. *Eget*
miseratione creatura rationalis, ait Misericordia, quoniam
C 3 *mise-*

*miseria facta est, & miserabilis valde. E contra Veritas, Oper-
ret, inquit, impleri sermonem, quem loquutus es Domine. To-
tus moriatur Adam necesse est cum omnibus qui in eo erant, quā
die vetitum pomum in pravaricatione gustavit. Vt quid ergo ait
Misericordia, ut quid me genuisti Pater citius perituram? Scie
enim Veritas ipsa, quoniam misericordia tua perit & nulla est,
si non aliquando miserearis. Similiter, autem è contrario & illa
loquebatur: Quis nesciat, quod si prae dictam sibi praevaricator
sententiam mortis evaserit, perit nec permanebit jam in aeter-
num veritas tua Domine? Cetera apud ipsum auctorem,
cui libuerit, videat.*

XXII. Veritatem sanè divinam & iustitiam factam
tectam praestari oportuit; quomodo autem jungi posset
misericordia, & simul partes suas obire, nullum huma-
num ingenium, in isto praesertim culpæ & miseriæ statu,
nulloque exemplo adiutum sed potius contrarium,
quod lapsi angeli praebant, ob oculos positum ha-
bens, perspicere vel adsequi poterat. Homo peccave-
rat, & propterea hominem plecti oportebat. Satisfa-
ciendum autem erat iustitiæ divinæ, quæ est infinita, iti-
dem pro morte aeternâ sive quæ durationis infinitæ: vel
quod idem est, praestandum erat quod infinitæ iustitiæ
satisfaceret, & pœnis in aeternum duraturis æquipolle-
ret. Hoc à nullâ creaturâ praestari poterat. Deus itaque
suum ipsius unigenitum propriumque filium, sibi que
ὁμοῦσιον dedit, ut incarnatus & homo factus passusque
& mortuus pro peccatis tum primorum parentum, tum
universi generis humani satisfaceret. Quia enim passio
& mors hominis futura erat, propterea hominibus im-
putanda veniebat; quia verò Dei, propterea infiniti va-
loris & precii aestimanda. *Est piissimus, ait Irenæus, & mi-
sericors Dominus, & amans humanum genus. Herere itaq, fecit
& adu-*

& adunivit hominem: sive humanam naturam Deo. Si enim
 homo non vicisset inimicum hominis, non jussu victus esset inimi-
 cus. Rursus autem nisi Deus donasset salutem, non firmiter habe-
 remus eam: & nisi homo conjunctus fuisset Deo nostro, non po-
 tuisset particeps fieri incorruptibilitatis. Oportuerat enim me-
 diatorem Dei & hominum per suam ad utroque domesticita-
 tem, ad amicitiam & concordiam utroque reducere, & facere
 ut Deus adsumeret hominem, & homo se dederet Deo, sive po-
 tius, & Deo sistere hominem reconciliatum & acceptum,
 & hominibus nostrum facere Deum, quàm videlicet sit mise-
 ricors & φιλόθρωπος. Exscripsit & dialogo suo secun-
 do, Αουγύστου sive Inconfusi titulum præferenti, inseruit Post med.
 Theodoretus; ex quo græca verba proferemus. ἤνωσεν οὖν
 τὸν ἄνθρωπον τῷ θεῷ. εἰ γὰρ μὴ ἄνθρωπος ἐνίκησεν τὸ ἀντίπαλον
 τὸ ἀνθρώπου, οὐκ ἂν δικαίως ἐνίκηθῃ ὁ ἐχθρὸς. πάλιν τε, εἰ μὴ ὁ θεὸς
 ἐδώρησατο τὴν σωτηρίαν, οὐκ ἂν βεβαίως ἔσχομεν αὐτῷ, καὶ εἰ μὴ
 συνελύθη ὁ ἄνθρωπος τῷ θεῷ, οὐκ ἂν ἠδυνήθη μετασχεῖν τῆς
 ἀφθαρσίας. ἔδει γὰρ τὸ μέστω θεῷ τε καὶ ἀνθρώπων, ἁπλῶς τῆς
 ἰδίας πρὸς ἑαυτὴν οἰκειότητος, εἰς φιλίαν καὶ ὁμόνοιαν τοὺς ἀμ-
 φοτέρους συναγαγεῖν. καὶ θεῷ μὲν προσδεῖσθαι τοὺς ἄνθρωπον, ἀνθρώ-
 ποις δὲ γνωεῖσθαι τὸ θεόν. Hæc ex Irenæo Theodoretus.

XXIII. Scribit Augustinus De agone Christiano
 cap. xi: Sunt stulti qui dicunt, Non poterat aliter sapientia
 Dei homines liberare, nisi susciperet hominem, & nasceretur ex
 femina, & à peccatoribus omnia illa pateretur? Quibus dici-
 mus, Poterat omnino: sed si aliter faceret, similiter vestra stul-
 titia displiceret. Libro xiii de Trinitate, cap. x dicit, non
 alium modum possibilem Deo defuisse, cujus potestati cuncta aqua-
 liter subjacent, sed sanande nostræ miseriæ convenientiorem
 modum alium non fuisse, nec esse oportuisse. Nihilominus
 idem Enchiridio, ad Laurentium, Ne per ipsum quidem,
inquit,

Cap. 108. inquit, liberaremur unum mediatorem Dei & hominum, hominem Christum Iesum, nisi esset & Deus. Leo Magnus sermone secundo in solennitate nativitat^{is} Dominicæ: Verax misericordia Dei, quum ad reparandum humanum genus ineffabiliter ei multa suppeterent, hanc potissimum consulendi viam elegit, qua ad destruendum opus diaboli non virtute uteretur potentia, sed ratione iustitiæ. Respicere videtur ad dictum Irenæi paulò ante productum, affirmantis, Si homo non vicisset adversarium hominis, non iuste victum esse adversarium. Idem autem sermone primo in eadem solennitate: Nisi esset Deus verus, non afferret remedium. Sermone quinto: Nisi Verbum Dei caro fieret, & habitaret in nobis, nisi in communionem creatura creator ipse descenderet, & vetustatem humanam ad novum principium suæ nativitate revocaret; regnaret mors ad Adam usq; in finem, & super omnes homines condemnatio insolubilis permaneret, quum de solâ conditione nascendi una cunctis esset causa pereundi.

Post med.

XXIV. Athanasius oratione tertiâ contra Arianos, hanc ab ipsis propositam objectionem adducit: ἡ δύναμις πασι καὶ κόσμῳ ὅτι & σωτὴρ, μόνος αἰῶν ὁ θεὸς, καὶ λύσαι τὴν κατὰραν. Poterat (ajunt) etiam si Servator creatura fuerit, tantummodo loqui Deus, atq; ita solvere maledictionem, declarando videlicet sibi placere, ut per creaturam solvatur. Et respondet Athanasius, Pote-
rat etiam sine ullo adventu Christi solummodo loqui Deus, & solvere maledictionem. Sed spectare oportet, quid homini sit utile, nec ubiq; ad potentiam Dei confugere. Cæterum non videtur huic sententiæ inhærere Athanasius, quum post nonnulla subjungat: Quemadmodum non fuisset vindicatus à peccato & maledictione, nisi caro, quam induit & adsumsit Verbum, esset secundum naturam caro humana: ita neque deificatus fuisset homo (per restitutionem videlicet imagi-
nis di-

nis divinæ confors factus divinæ naturæ, ut loquitur 2 Pet. 1, 4.
 sanctus Petrus) nisi secundam naturam ex Patre veramq; &
 proprium ejus esset Verbum, quod factum est caro. Sic enim
 demum juxta Athanasium θεὸς ἁγίος καὶ ζωὴν θεο-
 ποιῶν ἀνθρώπων, stabilis efficitur & firma salus & deificatio ho-
 minis. ἔδεν γὰρ πλεον ἡμῶν τοῖς ἀνθρώποις ὡς, εἰ μὴτε ἀληθινὸς &
 φύσει υἱὸς ἦν τοῦ Θεοῦ ὁ λόγος, μὴτε ἀληθινὴ σὰρξ ἦν, ὡς ἀπο-
 λάβετο. Nullum enim in nos homines redundaverit emolumen-
 tum, si neg. Verbum verus & naturalis sit Dei filius, neg. vera sit
 caro, quam adsumsit. Dicit etiam oratione secundā contra Post. med.
 Arianos, nullo modo futurum fuisse, ut in regiones Angelorum
 induceremur, nisi ille, qui in formā Dei est, formam servi susce-
 pisset, & se humiliasset, permittens corpus suum usque ad mortem
 devenire. Item, Εἰ μὴ ἀνθρώπος ὁ κύριος ἐγάρνοι, οὐκ ἂν
 ἡμῶν διὰ τῆς ἁμαρτιῶν λυτρωθέντες ἐκ νεκρῶν ἀνέστημεν, ἀλλ' ἐμ-
 νομεν ὑπὸ γλυκὺ νεκροῦ. ἔδ' ἂν ὑψώθημεν εἰς οὐρανούς, ἀλλ' ἐκεί-
 μεθα ἐν τῷ ἄδῃ. Si Dominus homo factus non esset, nunquam nos
 à peccatis vindicati ex mortuis resurrexissimus, sed sub terrā
 mortui relinqueremur; neg. ad cælos eveheremur, sed manere-
 mus in inferno.

XXV. Basilii Magnus ad psalmi, juxta nume-
 rum Græcum, xliix versiculos vi i & ix: Deus fratrem
 in redemptionem non querit, sed aliquem qui tuam exsuperet na-
 turam. μὴτε ἀνθρώποι φίλον, ἀλλ' ἀνθρώποι Θεὸν Ἰησοῦν Χριστόν,
 ὅς & μόνος δύναται δοῦναι ἐξίλασμα τῷ Θεῷ ὑπὲρ πάντων ἡμῶν.
 Neg. hominem nudum, sed hominem Deum Jesum Christum, qui
 etiam solus propitiationem dare potest Deo pro nobis omnibus.
 Fulgentius de Incarnatione & gratiā cap. vi i: Si unigeni-
 tus Filius, qui est in sinu Patris, post eternam nativitatem, quam
 ex eterno Patre Filius coæternus habet, secundam nativitatem
 sanctificandi hominis gratiā non susceperet, homo in iniquitatibus
 conceptus primæ nativitatis nexibus non careret. Vigiliis
 libro

D

Ante fi-
nem.

libro v contra Eutychen: *Ni sitalem dederis inter Deum & homines, qui ita sit medius, ut ex uiroq; utrumq; sit, id est, ut & Deus sit propter diuinitatis, & idem homo sit propter humanitatis naturam, humana diuinis quemadmodum reconcilientur, non ostendis. — Et quia reconciliationis sacramentum immaculatum flagitabat sacrificium, talis hostia requirenda fuerat, qua ita media esset inter Deum & homines, ut & morti succumberet per illud, quod hominis habebat, & mortem revinceret per id, quod in se diuinitatis tenebat.*

XXVI. Anselmus duos scripsit libros ad modum dialogi, titulo & argumento, *Cur Deus homo*. Laborat ostendere, quod redemptio generis humani per inuolabilem Dei iustitiam peragi non potuerit, nisi Deus fieret homo, & pro hominibus satisfaceret. Ad verba

Matth. 26,
42.

Lib. 1, c. 10.

Christi, Pater mi, si non potest hic calix transire, nisi bibam illum, fiat voluntas tua, ita commentatur: Non potuisse calicem transire, nisi biberet illum, dixit, non quia non posset mortem vitare si vellet, sed quoniam mundum erat impossibile aliter saluari, & ipse indeclinabiliter volebat potius mortem pati, quam ut mundus non salvaretur. Deinceps in hunc modum lo-

Cap. 12.

quitur: Peccatum, si non punitur, inordinatum dimittitur. — Quapropter si non decet Deum aliquid iniuste aut inordinare facere, non pertinet ad eius libertatem ac benignitatem ac voluntatem, peccatorem, qui non soluit Deo quod abstulit, honorem scilicet debitum & obœdientiam, impunitum dimit-

Cap. 16.

tere. Immiscet alicubi, Deum proposuisse, ut de humanâ naturâ, quam fecit sine peccato, numerum angelorum restitueret. Quod sanè absque fundamento adseruit. Tandem

Cap. 19

in hunc modum pronunciat: Tene certissimè, quia sine satisfactione, id est, sine debiti solutione spontaneâ, nec Deus potest peccatum impunitum dimittere, nec peccator ad beatitudinem vel talem, qualem habebat antequam peccaret, pervenire. Po-

terio-

Anteriore libro, quod priore docuerat, prosequitur. *Non potest, ait, hanc satisfactionem facere nisi Deus. Sed nec facere illam debet, nisi homo. Si ergo necesse est, ut de hominibus perficiatur illa superna civitas, nec hoc esse valet, nisi fiat prae dicta satisfactio, quam nec potest facere nisi Deus, nec debet nisi homo; necesse est ut eam faciat Deus-homo.* Commentarius quidem in epistolas sancti Pauli, operibus Anselmi immixtus, ad Rom. v. 8, docet, praetermissis aliis innumerabilibus modis, quibus ad nos liberandos uti potuisset omnipotens, potissimum elegisse, ut Filius suus pro nobis moreretur. At hoc ipsum arguit, commentarios illos non esse Anselmi, sed potius, ut existimatur, Hervæi. Cap. 6.

XXVII. Richardus de S. Victore scripsit ad Bernhardum Clarevallensem de Verbo incarnato librum, in quo ostendit, ut habet in scriptio, necessarium fuisse Deum incarnari; nullamq; personam congruentius quam Filii. Capite sane octavo his utitur verbis: *Plus est profecto justificari & beari, quam creari. Ad plenam itaque hominis restorationem omnino non sufficeret persona, quae Deus non esset. — Indebitam mortem pro debita solvere oportuit. Sed hoc omnino non potuit, nisi homo mortalis & iustus, & qui mortis sententiae in nullo esset obnoxius. Ut itaque humani redemptoris persona ad debitam satisfactionem idonea foret, oportuit ut esset verus Deus, qui ad hoc sufficeret; & ut esset verus homo, qui pro jure necessitudinis merito exsolveret.* Ita Richardus, quidem S. Victor appellatur, & Scotus fuit.

XXIIX. Συγγρον tamen ejus, & monasterii prope moenia Parisiorum, in quo uterque vixerunt, abbas Hugo, in viciniâ ex familiâ dynastarum Blancoburgensium oriundus, De sacramentis libro 1, parte iix, cap. x ita scribit: *Veraciter profitemur, quod redemptionem generis humani etiam alio modo Deus perficere potuisset, si voluisset.* Sed iste

nostra infirmitati convenientior fuit, ut Deus homo fieret, & pro homine mortalitatem hominis adsumens ad spem suam immortalitatis hominem reformaret: ut non diffidat iam homo se ad bona illius posse ascendere, quem ad sua mala toleranda videt descendisse.

4. dist. 20. XXIX. Haut diu post Hugonem scripsit Petrus Lombardus, episcopus Pariensis, ejusque ductum, ut videtur, sequutus affirmat modum hominem liberandi altum, quam per mortem Christi, fuisse possibilem Deo, cujus potestati cuncta subjaceant: sed nostre miseria sananda convenientiorem modum alium non fuisse, nec esse oportuisse. Quid enim, inquit, mentes nostras tantum erigit, & ab immortalitatis desperatione liberat, quam quod tanti nos fecit Deus, ut Dei Filius, immutabiliter bonus, in se manens quod erat, & à nobis accipiens quod non erat, dignatus nostrum inire consortium, mala nostra moriendo perferret? Cetera apud auctorem ipsum legi poterunt.

Tr de ti-
more ser-
vili. XXX. Anselmum nihilominus sequitur Alexander Halensis, qui, ut habet præfatio Summæ ejus præfixa, primus fertur in libros Sententiarum scripsisse, & primus ex Franciscanis Magisterii insignia adeptus; five, ut loquitur Stephanus Brulifer, primus doctor, fons & origo omnium aliorum doctorum questionariorum tam in ordine Minorum quam Prædicatorum, quam etiam in cœtu & collegio omnium secularium: hic, inquam, Alexander, dictus quoque à suis Doctor irrefragabilis, Anselmum sequitur, & scribit concedendum esse, quod hanc satisfactionem requirit necessitas justitiæ, ut fiat per Deum unitum humane naturæ, Summæ parte III, quæst. 1, membro VII.

Quæst. 7,
art. 2. XXXI. Thomas tamen Aquinas sub initium Tertiarum quærit, Virum necessarium fuerit ad præparationem generis humani Verbum Dei incarnari, & respondet ad finem aliquem aliquid

aliquid esse necessarium dupliciter: uno modo, sine quo aliquid
esse non possit; alio modo, per quod melius & convenientius perve-
niatur ad finem. Primo modo, inquit, Deum incarnari non fuit
necessarium ad reparationem humanæ naturæ: Deus enim per su-
am omnipotentem virtutem poterat humanam naturam multis
aliis modis reparare. Secundo autem modo necessarium fuit
Deum incarnari. Videtur ponere Thomas, quod Deus
nullâ habitâ ratione veritatis vel iustitiæ, si absolutâ
suâ potentiâ utatur, procedere possit. Sic Durandus in
Tertium, dist. xx, quæst. ii, si loquamur, ait, de eo quod ab-
solutè fieri potuit, sic dicendum est, quod Deus potuisset, si volu-
isset, reparare humanam naturam sine ulla satisfactione; & repa-
randop per satisfactionem potuisset acceptare opus puri hominis, ut
Adæ pœnitentis vel alterius innocentis quem creasset, loquendo de
potentiâ absolutâ: nec fuisset in aliquo dictorum modorum aliqua
injustitia. Sed non persuadet Durandus, iustitiæ & veritati
suas partes fore integras, si in eum, qui solennem legē sibi
à suo creatore, cui semetipsum & tantam suam felicitatem
debeat, positam, per inobœdientiam & contumaciam violaverit,
juxta merita sua non animadvertatur & pœnæ, quæ constituta & dictata fuit, gratia fiat, at-
que ita à pacto, quale superius descripsimus, recedatur.
Possunt quidem homines, quibus commissæ est potestas
& administratio iustitiæ, supplicium commérito pœnam
condonare & impunitum dimittere, quia possunt defi-
cere, iustitiâque & pacta insuper habere. Quale quid
in Deum cadere summa & absoluta ejus perfectio non
admittit, non magis, quàm ut fallat, aut Deus esse desi-
nat. Absoluta igitur Dei potentia non est eò usque ex-
tendenda, ut absolutæ ejus perfectioni deroget aut de-
trahat.

XXXII. Concedunt itaque Scholastici, quibus
D 3 oppo-

opposita arridet opinio, quòd si habenda sit ratio iustitiae, (quà nos actiones divinas destitui posse negamus) & redemptionis precii que iusti pro redemptione exsolvendi; non potuerit id aliter praestari, quàm Filio Dei in carnem misso. Et distinguunt inter liberationem, quæ excludat respectum ad iustitiam legitimamque satisfactionem; & redemptionem, quæ includat. Sic Albertus Magnus in Tertium, dist. xx, art. 111: *Potest esse dubium, quamvis fuit alius modus possibilis liberationi nostræ, quòd tamen alius modus, quo redimeremur, non fuit possibilis.* Et adductis pro hac sententiâ rationibus, tandem concludit: *Sine præiudicio loquendo concedo eas rationes, & non fuit alius modus possibilis nostræ redemptioni, nisi per precii talis solutionem; nisi redemptio largè pro liberatione accipiatur: quia non est nisi duplex redemptio, scilicet iure belli, & ita redempti sumus à servitute diaboli per victoriam Christi; & solutione precii, & sic non sumus redempti à diabolo, quia absit ut Christus oblatus sit diabolo pro nobis, sed oblatus est Patri, & nos soluti sumus à decreto Patris obligante nos ad non intrandum paradysum, nisi tanta appareret in uno iustitia humilitatis, quæ omnibus sufficeret.* Ipse Thomas in eandem distinctionem Tertii, quæst. 1, art. iv: *Ex parte Dei fuit alius modus nostræ liberationis possibilis, quia eius potentia limitata non est; quem si elegisset, convenientissimus fuisset; non tamen habuisset rationem redemptionis, sed liberationis tantum, quia liberatio non fuisset facta per solutionem precii.* Labet adjicere, quæ apud eundem eodem loco art. ii leguntur: *Ad hoc ut satisfactio esset condigna, oportebat quòd haberet virtutem infinitam, quia peccatum, pro quo fiebat satisfactio, infinitatem quamdam habebat ex tribus. Primo ex infinitate divine majestatis, in quantum offensa fuerat per contemptum inobedientiae; quanto enim major est in quem peccatur, tanto est gravior culpa. Secundo ex bono, quod per peccatum aufer-*
rebat.

rebat, quod est infinitum, scilicet ipse Deus, cujus participatione sunt homines beati: nempe ἀντὶ τοῦ sive precio redemptionis, quod pro nobis Filius Dei obtulit, præstitum est, non modò ut à damnatione infinitæ durationis eximeremur, sed etiam ut ad cœlestem beatitudinem, quæ itidem infinitæ est durationis, & posita in fruitione Dei æterni & infiniti, admitteremur. Tertiò ex ipsa naturâ, quæ corrupta erat; quæ quidem infinitatem quandam habet, in quantum in eâ possunt supposita in infinitum multiplicari: imò multò magis multiplicantur peccata, pro quibus satisfactio exigitur. Actio autem puræ creaturæ non potest habere infinitam efficaciam; & ideo nulla creatura poterat sufficienter satisfactionem facere. Quin eo loco Summæ, quem superius produximus, ita loquitur: Homo purus sive merus satisfacere non poterat pro toto humano genere; Deus autem satisfacere non debebat: unde oportebat Deum & hominem esse Jesum Christum. Ex recentioribus, ut id quoque obiter moneamus, agnoscit Gregorius de Valentia, ut homo liberaretur non quomodocumque, sed simul faciendo satis justitiæ divinæ, sic omnino verum esse, quod non potuerit homo à peccato liberari, nisi per Christum, Tomo IV, disp. I, qu. I, puncto V.

XXXIII. Neque verò videtur congruum esse summæ sapientiæ divinæ, si vel citra omnem satisfactionem, vel citra sufficientem genus humanum redimi potuisset, quòd nihilominus *Filio proprio non pepercit, sed pro nobis omnibus eum tradidit.* Qui enim vel mediocriter prudens est, non profundit immensas opes & omnes suas facultates ut id consequatur, quod aut nullis aut levibus impensis possit obtinere. Nos igitur in hoc, quod Deum fecisse videmus, potiùs acquiescamus, & ex imâ mente animi devotissimas gratias agamus, quòd voluerit nos justificare per redemptionem factam in Christo Jesu, quem proposuit

Rom. 8, 32

posuit ut esset *ἱλαστήριον*, propitiatio sive expiatio per fidem in sanguine ipsius, ad demonstrandam iustitiam suam, Rom. iii, 24. Qui est *ἱλαστήριον* propitiatio pro peccatis nostris; nec pro nostris solum, sed etiam pro totius mundi, i Ioh. ii, 2. Et per hoc manifesta facta est caritas Dei in nos, quod Filium suum unigenitum misit in mundum, ut vivamus per eum. In hoc est caritas, non quod nos dilexerimus Deum, sed quod ipse dilexit nos, & misit Filium suum, ut esset propitiatio pro peccatis nostris, i Ioh. iv, 9 & 10. In hoc, inquam, quod factum nobis patefactum est, acquiescamus, & curiosas quaestiones, quarum apud Scholasticos ingens est copia, missas faciamus.

XXXIV. Ex harum censu est quoque ista, quam quaeritur, Num si Adam non peccasset, nihilominus Filius Dei incarnandus fuisset? Timide affirmat Alensis, & sicut ipse loquitur, *sine praedicio*, Summae parte iii, quaest. ii, art. ii, membro xii. Similiter Albertus Magnus in Tertiis dist. xx, art. iv, *Dicendum*, inquit, quod in hac quaestione solutio incerta est: sed quantum possum opinari, credo quod Filius Dei factus fuisset homo, etiam si nunquam fuisset peccatum. — tamen nihil de hoc asserendo dico. Magis cordate negat Thomas Aquinas Tertiis, quaest. i, art. iii. Agnoscit, quosdam dicere, quod etiam si homo non peccasset, Dei Filius incarnatus fuisset, carne tamen nec passibili nec mortali, ad complendum scilicet & ornandum eximio hoc modo universum; alios vero contrarium adserere. Quorum, inquit, assertioni magis adsentendum videtur. Ea enim, quae ex sola Dei voluntate proveniunt supra omne debitum creaturae, nobis innotescere non possunt, nisi quatenus in Sacra scriptura traduntur, per quam divina voluntas nobis innotescit. Certum autem est, Sacram scripturam ubique inculcare, quod propter redemptionem & salutem hominum Filius Dei

Dei in mundum venerit; nec ullibi aliam causam reddere. Hinc Bonaventura in Tertium, dist. 1, art. 11, quaest. 11: *Tam novum quam vetus testamentum, ubi de Filii Dei descensu loquuntur, generis humani liberationem rationem reddunt. Et si divina eloquia nobilissimam & precipuam incarnationis rationem adsignant, & nihil etiam à nobis dicendum est prater ea; quae nobis ex sacris eloquiis clarent; ideo magis videtur pietati fidei consonum, quod precipua incarnationis ratio sit liberatio generis humani, quam aliter sentire.* Post aliqua subjungit: *Hic modus dicendi, etiamsi non videatur ita esse subtilis, sicut precedens sive oppositus, plus tamen consonat pietati fidei in hoc, quod autoritatibus Sanctorum magis concordat; & Deum magis honorificat; etiam incarnationis mysterium magis commendat, & affectum nostrum ardentius inflamat.* — Plus enim excitat devotionem animae fidelis, quod Deus sit incarnatus ad delenda scelera nostra, quam propter consummandam incoata sua opera. Hæc ibi & plura alia Bonaventura.

XXXV. Sed ad Thomam revertamur, qui quoniam rectè & cordatè adseruit, quæ ex solâ Dei voluntate proventiant supra omne debitum creaturæ, nobis innotescere non posse, nisi quatenus traduntur in Sacra scripturâ; propterea subjungemus nonnulla ex articulo, qui proximè subsequitur. Certum est, inquit, Christum venisse in hunc mundum non solum ad delendum illud peccatum, quod traductum est originaliter in posteros, sed etiam ad deletionem omnium peccatorum, quæ postmodum superaddita sunt: non quod omnia deleantur (quod est propter defectum hominum, qui Christo non inhaerent) sed quia ipse exhibuit, quod sufficiens fuit ad omnium peccatorum deletionem. Tanto autem, ait, principalius ad alicujus peccati deletionem Christus venit, quanto illud peccatum majus est. Et addit per subtilitatem Scholasticam, quâ sanè superfedere optimum factum est, peccata actualia majora esse

E

inter-

intensivè, quia sint voluntaria; peccatum verò originale majus esse extensivè, quòdeo totum genus humanum inficiatur. Magister ejus Albertus Magnus in Tertium, dist. xx, art. vi simpliciter & disertè affirmat nos indigere redemptore non pro originali tantum, sed etiam pro omnibus actualibus. Notanda etiam ibidem hæc ejus verba: *Constat quòd fides Mediatoris conjungit justitiam Christi cum justificatis. Ergo sine justitiâ Christi nullum remittitur peccatum. Quoniam ad Scholasticos prolapsi sumus, jungemus hac ipsâ de re sententiam Henrici Gandavenfis ex Quodlibeti quinti articulo decimo. Dicendum, inquit, quòd passio Christi meritò aperuit januam paradisi, & amovit omne impedimentum introeundi ipsum, & quoad impedimentum nature per peccatum originale, & quoad impedimentum persone per peccatum actuale. Et hoc omnibus quoad sufficientiam; quoad efficaciam autem solum his, qui sibi membra unita per sacramentum baptismi, & in eo permansuri.*

XXXVI. Cæterum intermissis quæstionibus tam veterum tum recentium Scholasticorum, quas inter multas non modò ociosas & vanas & insolubiles, sed etiam ridiculas & absurdas esse constat, ad rem ipsam porrò considerandam progrediemur. Certum est redemptum esse genus humanum morte Christi, utpote precio sufficiente, imò redundante, & redemptum esse à peccatis poenisque peccatorum, quibus tenebatur obnoxium, nempe ab irâ divinâ & morte æternâ; atque adeo pro eis Deo, ne nobis intentare aut inferre velit, satisfactum. *Quum inimici essemus, reconciliati sumus Deo per mortem Filii ejus, Rom. v, 10. Ille animam suam pro nobis posuit, 1 Ioh. iii, 16. Ille venit, ut daret animam suam in λύτρον pro multis, Matth. xx, 28; sive in ἀντίλυτρον pro omnibus, 1 Tim. ii, 6. Atque adeo precio emti sumus, 1 Cor. vi, 20;*

&c.

§VII, 23: non quidem corruptilibus auro & argento, sed
pretioso sanguine utpote agni immaculati & incontaminati Chri-
sti, 1 Petri 1, 19. Vnde de eo Iohannes Baptista, Ecce
agnus Dei, qui tollit peccatum mundi Ioh. 1, 29. Ejus enim
corpus pro nobis in mortem est traditum, Luc. xxii, 19; &
sanguis effusus in remissionem peccatorum, Matth. xxvi, 28:
sive ad expiandum peccata populi, Hebr. 11, 17. Igitur in eo
habemus redemptionem per sanguinem ipsius, remissionem videli-
cet peccatorum, Eph. 1, 7. Sic nos redemit à maledictione le-
gis, Gal. 11, 13: cujus hæc est decretoria sententia, Ma-
ledictus omnis, qui non permanserit in omnibus, quæ scripta sunt in
libro legis, ut faciat ea. Sic inter Deum & homines pax
per sanguinem crucis ejus facta est, Coloss. 1, 20. Sic Deus in
Christo mundum reconciliat sibi, non imputando eis peccata ipso-
rum, 11 Cor. v, 19. Sic igitur homines, qui ad æternam
vitam capeffendam creati erant, cujus etiam intuitu di-
vinitus promulgabatur, *Quo die comederis, omnino morie-* Gen. 3, 3
ris; nempe morte non solum temporali sed etiam æter-
nâ & æternæ vitæ oppositâ: quum, inquam, homines
ad æternam vitam & beatitudinem creati, tum per Ada-
mi peccatum & inobædientiam, tum per propriam ini-
quitatem illâ excidissent & exclusi essent; per Christi sa-
tisfactionem & justitiam restituuntur, & ad eam suo tem-
pore habendam denuò admittuntur. Nam si quum inimici
essemus, reconciliati fuimus Deo per mortem Filij ejus, multo ma-
gis reconciliati servabimur per vitam ipsius, Rom v, 10. Nem-
pe inenarrabilem vim & efficaciam mortis Christi ma-
nifestavit reditus ejus in vitam & resurrectio. Demon-
stratus est Filius Dei potenter, per resurrectionem ex mortuis,
Rom. 1, 4. Quoniam itaque mors Christi inefficax fuisset,
nisi excepisset eam resurrectio; & præterea humile
est mori, gloriosum autem resurgere; propterea quod
E 2 inter

inter effectus meritorum Christi maximè eminet, resurrectioni ejus tribuitur. Hinc sanctus Petrus 1 ep. 1, 3: *Deus & Pater domini nostri Jesu Christi ex multa sua misericordia regenuit nos in spem vivam per resurrectionem Jesu Christi ex mortuis.* Ibidem III, 21: *Baptismus nos servat per resurrectionem Jesu Christi.* Et sanctus Paulus Rom. IV, 25: *Traditus est in mortem propter delicta nostra, & resurrexit propter justificationem nostram.*

XXXVII. Sic itaque solutum est pro nobis λύτρον sive precium redemptionis, & abundè satisfactum justitiæ divinæ, ita tamen, ut partes quoque suas interponat obeatque misericordia & eximia φιλανθρωπία sive caritas, quæ Deus prosequi voluit homines lapsos & non dignatus est angelos lapsos. Nempe modum & rationem redimendi inivit; & quum secundum inviolabilem justitiam satisfactio sive precium, quod infinitæ dignitatis & valoris esset, exigeretur, idque de suo homines dependere non possent, totum Deus de suo obtulit, nempe unigenitum suum Filium, qui factus homo, ut ad homines, quæ præstabantur, referri, sive hominibus imputari & communicari possent, præstitit, quibus præstandis aliàs genus humanum prorsus impar erat. In numerum igitur hominum cooptato Dei Filio, jam ab homine, qui tamen non merus homo, sed simul Deus sit, præstatur, quod aliter præstari non potuisset: hocque ipsum & poena, quam pro alienis delictis Filius Dei exsolvit, habetur & imputatur, quasi delinquentes ipsi, qui tamen personæ sunt prorsus diversæ, præstitissent & exsolvisent. Sic itaque per misericordiam divinam temperatur & mitigatur justitia divina: quod nemini mortalium, nisi divinitus revelatum esset, in mentem venire potuisset. Nempe commendat suam caritatem Deus
erga

erga nos, quòd quum adhuc effemus peccatores, Christus pro nobis mortuus est, Rom. v, 8. Ita cum Deus dilexit mundum, ut Filium suum unigenitum dederit, Ioh. iii, 16. Per hoc patefacta est caritas Dei in nos, quòd Filium suum unigenitum misit in mundum, ut vivamus per eum. In hoc est caritas, non quòd nos dilexerimus Deum, sed quòd ipse dilexit nos, & misit Filium suum, ut esset propitiatio pro peccatis nostris, 1 Ioh. iv, 9 & 10. Ipse prior dilexit nos, ibidem, 19. Sic itaque per Dei misericordiam & gratiam sive gratuitam benevolentiam, tamquam causam primariam, via ad redemptionem generis humani est patefacta.

XXXIIX. Hoc igitur ubi à Deo annunciatum est primis parentibus in summo pavore & desperatione constitutis, nec ullius remedii gnaris, verè fuit evangelium, sive bonum & latum nuncium, quo tandem recreati sunt, & angustii erepti. Verba primi evangelii hæc sunt. Dixit Dominus Deus serpenti: Inimicitiam ponam inter te & mulierem, & inter sementium & inter semen ejus: ipsum conteret tibi caput, & tu conteres ei calcaneum, Gen. iii, 15. Vbi notandum, quum serpens infernalis sive diabolus junctus fuerit cum terreno, & primaria causa sermonis & discursus, qui cum Hevâ instituebatur, atque adeo quando loquutus scribitur serpens, intelligendum sit, ejus loquutionis satanam sive infernalem serpentem principalem fuisse causam, terrenum non nisi instrumentalem: quòd pari modo verba, quæ Deus ad serpentem facit, utrumque concernant, & indicta poena utrumque tangat. Dæmon enim, qui in persuadendo peccato cum terreno serpente voluit jungi, & unam quasi personam moraliter constituere, cum eodem quoque in poena jungi debuit, ut verba, quibus irrogatur, non quidem à terreno serpente aliena sint,

intermisceantur tamen, quæ etiam dæmonem, principem mali causam, feriant. Qualia sunt, *Semen mulieris*, id est, natus ex muliere virgine absque copulâ viri, *conteret caput tuum*, id est, opera tua, quibus ad perdendos homines unicè intentus es & incumbis, dissolvat & destruet. Nam, ut loquitur sanctus Iohannes, *ad hoc manifestus factus est Filius Dei, ut dissolvat opera diaboli*, 1 Ep. 111, 8. Opera verò diaboli sunt, quòd peccare fecit facitque homines, & per peccatum morti & damnationi obnoxios reddit. His operibus sibi placet, triumphat & perpetuò incumbit. At semen mulieris sive filius virginis *peccata nostra ipsemet sursum tulit in corpore suo super lignum*, 1 Petri 11, 24; est agnus ille Dei, qui tollit peccatum mundi, Ioh. 1, 29. Ille apparuit sive incarnatus prodiit, ut peccata nostra tolleretur, 1 Ioh. 111, 5. *Parriceps factus est carnis & sanguinis*, id est, humanæ naturæ, quam adsumsit, ut per mortem aboleret eum, *penes quem est mortis imperium*, hoc est, *diabolus*, Hebr. 11, 14. Dicitur autem penes diabolum esse imperium mortis, quia ei tamquam lictori à Deo commissum sive permissum est, ut illos, qui in morte captivi detinentur, affligat & torqueat. Sic igitur eripimur è potestate tenebrarum, sic destruuntur opera diaboli, sic conteritur caput serpentis; imò *Satanas sub pedibus nostris*, Rom. xvi, 20. Sequitur apud Moysen: *Et tu conteres ei calcaneum*. Non tu quidem attinges caput, nec primarium finem, qui est, ut qui tamquam membra cum Servatore capite suo per fidem coherent, æternâ vitâ potiuntur, evertes; insidiaberis tamen tum capiti tum membris, adversaberis, persecutiones excitabis, & quocumque poteris modo nocebis. Nolim negare, mysterium redemptionis nostræ pluribus & fortè manifestioribus verbis tunc expositum fuisse. Hæc verò sola Scripturæ credita sunt, nec
alibi

alibi allegantur, quod succedentibus temporibus de se-
mine mulieris sive Filio Virginis & Dei contrituro caput
serpentis & opera diaboli destructuro clariora, quorum
et commodior usus, promulgarentur & scriberentur.

XXXIX. Porro constat divino huic de humana re-
demptione promisso sive evangelio ab hominibus fidem
habendam, sicut sanè quibuscumque etiam revelatio-
nibus divinis; & præterea in eo fiduciam veniæ & salu-
tis consequendæ collocandam fuisse. Nempe promif-
sio divina, utpote citra omne dubium vera, ad sensum
exigit: quatenus autem nostrum est bonum, fiduciam.
Vero videlicet ad sentimur; in bono, quod præsens est,
sicut promissiones evangelicæ dum annunciantur, præ-
sentes hominibus sistuntur, confidimus; bonum, quod
nondum adest, speramus. Ita avarus in opibus, quas
præsentis tenet, fiduciam ponit; quas non habet, spe-
rat. Manifestum igitur est promissionibus divinis e-
vangelicis ab eo, cui proponuntur, credendum esse &
confidendum, sive præbendum esse ad sensum & fiduci-
am; alioquin non profuturas, scilicet si neque veræ exi-
stimentur, neque tales, in quibus nostrum bonum fi-
tum sit.

XL. Hominibus igitur post lapsum remissione
peccatorum & salute potiri cupidis hæc conditio posita
est, ut evangelio divinitus revelato & promulgato fi-
dem habeant, id est, Christo promisso & venturo inni-
tantur. Hinc sanctus Petrus Act. xv, 11: *Per gratiam Do-*
mini nostri Jesu Christi credimus nos servatum iri, quemadma-
dum & antiqui Patres servati sunt. Rectè igitur Augusti-
nus epistola clvii: *Profecto quod scriptum est, Non esse aliud Act. 4. 12*
nomen sub cælo, in quo oporteat salvos fieri nos; ex illo tempore
valet ad salvandum genus humanum, ex quo in Adam vitia-

1477

rum est genus humanum. Et i de peccatorum meritis & remissione cap. xi: Regnum mortis sola in quolibet homine, gratia destruit Salvatoris, quæ operata est etiam in antiquis sanctis, quicumq; antequam in carne Christus veniret, ad ejus tamen gratiam pertinebant. Et i contra duas epistolas Pelagianorum cap. xxi: Quantalibet fuisse virtutis antiquos prædices justos, non eos salvos fecit nisi fides Mediatoris, qui in remissionem peccatorum sanguinem fudit.

XLi. Quin fides in Christum Servatorem non faltem est qualiscumque conditio, sed suo modo à parte hominis necessaria aliqua causa. Quod enim ante lapsum præstitisset perfecta legisive mandatorum divinatorum, tum naturali lumine cognitorum, tum peculiaris illius positivi de non comedendo fructu arboris scientiæ boni & mali observatio; id post lapsum præstat fides habita evangelio. Non quidem potest creatura à suo creatore ullo modo aliquid mereri, si vox merendi capiatur secundum justitiam vel commutativam vel distributivam: etiamsi positâ promissione divinâ possit aliquid consequi; quo sensu, nempe ut mereri nihil aliud sit quàm consequi, scriptores deficiente latini sermonis puritate voculam frequenter usurparunt: habent tamen opera, præsertim in sensus incurrentia, uti laboris ita quoque meriti majorem quamdam speciem, quàm fides, quæ nullum præ se fert laborem. Hinc videtur dicere sanctus Paulus Rom. iv, 4: *Ei, qui operatur merces non imputatur ex gratia, sed est ex debito.* Non vult autem nos quidquam à Deo flagitare, tamquam nobis propter labores nostros jure debitum. Et Rom. xi, 6: *Si per gratiam, non jam ex operibus; alioquin gratia jam non est gratia. Sin ex operibus, jam non est gratia; alioquin opus jam non est opus.*

XLii.

XLII. Est igitur modus obtinendæ salutis post lapsum prorsus alius, quàm fuisset, si homines lapsi non essent; quo statu nec remissione peccatorum nec Redemptore, & proinde neque evangelio de ejus adventu, neque fide illi habendâ opus fuisset. Neque placuit Deo hominibus lapsis eas vires, quibus ante lapsum instruiti legem perfectissimè implere poterant, restituere. Viribus igitur amissis lex impotens reddita est ad salutem conferendam, quemadmodum indicatur Rom. *ix*, 3. At contrâ *Evangelium est potentia Dei*, sive à Deo constitutum organum potens & efficax ad salutem omni credenti, *Indeoprimum, tum etiam Græco. Iustitiæ enim Dei*, quam scilicet nobis confert & imputat, *per illud revelatur ex fide in fidem*, ut totum negotium à parte nostrâ tamquam aliqua causa conficiat fides, *sicut scriptum est, Iustus ex fide vivet*, Rom. *i*, 16 & 17. Opponuntur itaque Evangelium & Lex, Fides & opera legis sive juxta præscriptum legis facta. Quod de Evangelio & Fide affirmatur, hoc de Lege ejusque operibus negatur: nempe affirmatur de Evangelio, quòd sit ex parte Dei offerentis, & de Fide, quòd sit ex parte hominis apprehendentis, causa justificationis & salutis. Hoc Legi & Operibus adimitur. *Ex operibus legis nulla caro justificabitur in conspectu Dei. Absq; lege iustitia Dei manifesta facta est: iustitia, inquam, Dei per fidem Iesu Christi in omnes & super omnes qui credunt. Colligimus igitur fide justificari hominem absque operibus legis. Siquidem Deus unus est, qui justificabit circumcisionem sive circumcisos ex fide, & præputium sive præputiatos per fidem*, Rom. *iii*, 20 21, 22, 28, 30. In eandem sententiam Gal. *iii*, 16: *Scientes non justificari hominem ex operibus legis, sed per fidem Iesu Christi; etiam nos in Christum Iesum credidimus, ut justificaremur ex fide Christi, & non ex operibus legis.*

F

propie-

propterea quod non justificabitur ex operibus legis ulla caro. III, 7: Nostis eos, qui ex fide sunt, vel mediante fide justificari & servari cupiunt, esse filios Abrahami. At quotquot ex operibus legis sunt, sive salutem quarunt & expectant, sub maledictione sunt. Nam nullum per legem justificari apud Deum manifestum est, quoniam justus ex fide vivet, vers. 10 & 11. Conclufit Scriptura omnia sub peccatum, ut promissio five promissa hereditas aeternae vitae ex fide Iesu Christi daretur credentibus, v. 22. Lex pedagogus noster fuit in Christum, ut ex fide justificaremur, vers. 24. c. v. 4: Evacuati estis & separati à Christo, quicumque per legem justificamini. Eph. II, 8 & 9: Gratia servati estis per fidem; non ex operibus.

XLIII. Hac ob oculos ponere voluimus, ut elucescat discrimen inter pactum legale, quod ante lapsum fuit, & pactum evangelicum, quod post lapsum obtinet. Sicut enim perfecta legis observatio, si non intervenisset lapsus, fuisset à parte hominis medium consequendae aeternae beatitudinis; ita postquam lapsus est homo, medium consequendae remissionis peccatorum & salutis est fides Evangelio habenda. Nempe perinde est, ac si Deus dixisset, Promitto vobis veniam peccatorum & aeternam vitam; (*haec est promissio, quam ipse pollicitus est nobis, nempe aeterna vita, 1 Ioh. II, 25*) stipulor autem à vobis fidem evangelicis meis de mittendo in mundum Salvatore promissionibus habendam. Sicut igitur illud à conditione appositae Legale, ita hoc meritò dicitur Evangelicum pactum. Pactum autem inter Deum & hominem non potest esse pactum, quale inter pares, ut liberum sit homini conditionem positam acceptare vel repudiare. Aut enim acceptare & praestare oportet, aut perire. Obligatio igitur ad praestandum non pendet à consensu hominis acceptantis, sed à voluntate

luntate & imperio Dei imponentis. Deus tamen juxta
 summam suam benignitatē & φιλανθρωπία συγκαταλαίψει,
 & ne videatur nobiscum rigidē agere, sed potius comi-
 ter & blandē, quod lex & mandatum appellari posset,
 pactum appellat. Nihilominus quod est Exodi xxiv,
 8, *Ecce sanguis fœderis, quod pepigit Dominus vobiscum*; ita ef-
 fertur Hebr. ix, 20, *Hic est sanguis pacti, quod mandavit vo-
 bis Deus*. Et i Ioh. iiii, 23: *Hoc est ejus mandatum, ut cre-
 damus nomini Filii ejus Iesu Christi, & diligamus alii alios, sicut
 dedit mandatum nobis*.

XLIV. Latus autem est usus vocabuli כרית, quod
 latinē solet reddi *fœdus, pactum*; etiamsi *pactum* aptius sit
 ad significandum contractus privatorum, *fœdus* con-
 ventionibus principum & populorum magis quadret.
 Quæcumque igitur statuta, promissa, mandata Dei di-
 cuntur pacta Dei, etiamsi nulla apponatur conditio, nec
 ab alterâ parte accesserit acceptatio. Ita Achan, qui
 contrâ, quàm Deus ordinaverat, nonnulla ex spoliis le-
 richunticis acceperat & occultarat, *fœdus Domini transgres-
 sus esse* scribitur Jos. vii, 11, 15. Imò memoratur pa-
 ctum Dei cum die & nocte; quia videlicet non minùs suo
 tempore redeunt dies & nox, quàm si certissimum & fir-
 missimum eâ dereinitum esset pactum. Sic dixit Domi-
 nus, *Si irritum facere potestis pactum meum de die, & pactum
 meum de nocte, ut non sit dies & nox tempore suo; etiam pactum
 meum irritum fiet cum David servo meo, ut non sit et filius re-
 gnans super thronum ejus*, Jerem, xxxiii, 20: & iterum
 paucis interjectis; *Si non erit pactum meum cum die & nocte,
 & statuta cæli & terræ non posui, etiam semen Jacobi & Davi-
 dis servi mei abiciam*. Hoseæ ii, 18 in hunc modum ha-
 bent verba: *Feriam eis, vel pro eis fœdus in die illa cum bestiis
 agri, & cum volucribus cæli, & reptilibus terræ, & arcum &*
 F 2 *gladi-*

gladium & bellum conteram de terrâ & dormire eos faciam securè. Iesaiæ xxix, 15 memorantur qui dixerint, Se percussisse fœdus cum morte, & cum sepulcro fecisse pactum sive visionem, id est, venisse in colloquium, in quo conventum fuerit, se ab eo non iri absorptum. Sed hæc per figuram & sublime dicendi genus prolata esse manifestum est.

XLV. Caterùm ut major esset apparentia pacti, voluit Deus aliquando, quos res concernebat, adesse, & conditiones à Deo promulgatas audire & acceptare. Sic factum, quum lex promulgaretur, Omnis populus videbant sive percipiebant tonitruum, & fulgerra, & sonitum buccina, & montem fumantem: & dixerunt Mosi, Loquere tu nobiscum & obsequemur; & ne loquatur nobiscum Deus, ne forte moriamur. Respondit autem Moses populo, Ne timeatis, quia ut tentaret vos, probaret seu innotescere faceret, quali fitis animo, venit Deus & ut sit timor ejus coram facie vestrà, ne peccetis, deterriti videlicet horribilibus pœnis, quibus inobœdientiam & contumaciam vindicaturum esse Deum hinc potestis intelligere, Exodi xx, 18, 19, 20. Idipsum fœdus Moses morti vicinus repetebat sive renovabat Deut. xxix; unde nonnulla, ut res planior sit, ad-

Verf. 1. scribemus. Hæc sunt verba fœderis, quæ præcepit Dominus Mosi, ut pangeret cum filiis Israël in terrâ Moab, præter pactum, quod

Verf. 10. & seqq. pepigit cum eis in Horeb. Et post aliquam multa: Vos statis hodie omnes coram Domino Deo vestro, primores vestri tribuum vestrarum, seniores vestri & moderatores vestri, omnes viri Israëlita; parvuli vestri, uxores vestrae, & peregrinus qui est in medio castrorum tuorum, à caesore lignorum tuorum usque ad haurientem aquas tuas: ut transeas in fœdus Domini Dei tui cum adjuratione ejus, sive junctis maledictionibus, quas Dominus se refractariis irrogaturum sanctè attestatus est: quod

*quod Dominus Deus tuus pangit tecum hodie: ut statuatur tibi in
 populum, & ipse sit tibi in Deum, quemadmodum dixit tibi, &
 quemadmodum juramento promisit patribus tuis, Abrahamo,
 Isaac & Jacobo, Neque vobiscum solis pangit fœdus hoc cum ad-
 juratione istâ, sed cum eo, qui adstet hîc nobiscum hodie coram
 Domino Deo nostro, & cum eo qui non est hîc nobiscum hodie: —
 ne sit inter vos vir aut mulier aut tribus, cujus cor avertat se ho-
 die à Domino Deo vestro, ut vadat ad colendum deos gentium.
 Hæc hîc sufficiant: cetera legi possunt in ipso Deutero-
 nomio. Pari fere modo Iosua morti vicinus divinum
 fœdus populo proponit & inculcat. *Pepigit Iosua fœdus
 cum populo die illa, proposuitq; ei statuta & judicia sive condi-
 tiones fœderis in Sichem, Ios. xxiv, 25.* Cæterum quum
 quæ præscripta erant fœdere isto per Moysen promulga-
 to, valde labefactata & neglecta essent postremâ aetate
 Salomonis, & sub regno filii ejus Rehabaami & nepotis
 Abiam, pronepos ejus Asa, rex pius, fœdus illud quasi
 renovavit, & congregati ab eo & cum eo Ierusalemum
 subditi iniverunt fœdus de requirendo Domino Deo majorum
 suorum, ex toto corde suo & ex toto animo suo; adeo, ut quisquis
 non requisitus esset Dominum Deum Israël morte afficiendus
 esset, sive parvus sive magnus, sive vir sive femina. Et juraverunt
 Domino cum sono magno & clangore, tubisq; & buccinis, *II
 Chronic. xv, 12, 13, 14.* Sic quum casâ Athaliâ rex Ju-
 dæ constitueretur Iosias operâ Ioiadæ sacerdotis, itidem
 renovatum est fœdus. Nempe *pepigit Ioiada fœdus inter
 Dominum & regem ac populum, ut esset populus Domini, II Reg.
 xi, 17.* Postquam impius rex Achaz multiplici idolo-
 latriâ Domini iram sexdecim annis, quibus regnaverat,
 provocasset, filius & successor ejus Ezechias, *Nunc est,*
inquit, mihi in animo pangere fœdus cum Domino Deo Israël,
ut avertat à nobis astum iræ suæ, II Chron. xxix, 10. Iterum*

quum Iosias rex invento per Hilkiam sacerdotem in domo Domini libro legis, animadvertisset, quantopere ab ejus præscriptis discessum esset & provocata ira divina, ascendit in domum Domini, & omnes viri Jehuda omnesque habitatores Ierusalem cum eo, & sacerdotes & prophetae & universus populus a minimo usque ad maximum, & legit in auribus eorum sive ipsis audientibus omnia verba libri fœderis, qui inventus fuerat in domo Domini. Stetitque Rex juxta columnam, & pepigit fœdus coram Domino, se sequuturos Dominum, & observaturos præcepta ejus & testimonia ejus ac statuta ejus ex toto corde & ex toto animo, ut suscitarent sive denuò in praxin irraducerent verba fœderis ejus, quæ scripta sunt in libro illo: & stetit sive consensit universus populus in fœdere, 11 Reg. xxi iij, 2 & 3. Iunge & confer 11 Chron. xxxi v, 29 & seqq. Sed de illo fœdere, quod Mosaicum appellare licet, paullo post plura.

XLVI. Præcipua & ad quæ animus, quomodo se habeant, inprimis advertere nos oportet, sunt Legale, juxta quod & conditiones ab eo positas temporariam & perpetuam felicitatem adepti essent homines, nisi peccatum intervenisset; & Evangelicum, per quod & per fidem, quæ evangelio divinitus annunciato habetur, impetrant post lapsum homines peccatores peccatorum & pœnarum remissionem, & non quidem terrenam sed cœlestem beatitudinem. Dona & beneficia supernaturalia, quæ amissa sunt, non restituuntur; nec redeunt mortis & ægritudinum aliarumque calamitatum declinandarum adminicula; sed naturæ molestiarum feraci suus cursus permittitur: quin etiam aliquam partem improbitati humanæ. Dicit itaque Servator ipse: *Qui non accipit crucem suam, & ponere me sequitur, non est me dignus*, Matth. x, 38. Item, *Si quis vult ponere me venire, abneget semet-*

metipsum, & tollat crucem suam, & sequatur me, Matth. xvi,
24. Repetitur Marci ix, 34; Lucae ix, 23; xiv, 27. Per
multas tribulationes oportet nos ingredi in regnum Dei, Act.
xiv, 22. Et omnes qui volunt pie vivere in Christo Iesu, perse-
cutionem patientur, 1 Tim. iii, 12. Nulla igitur foederi
evangelico, praesertim Novo, addita est terrenae emi-
nentiae vel inviolabilis prosperitatis indubitato obti-
nendae promissio, sicut olim addita fuerat pacto legali
Mosaico. Novimus tamen, iis qui diligunt Deum, omnia
simul adjumento esse ad bonum, Rom. ix, 28: atque adeo glo-
riamur de tribulationibus, Rom. v, 3. Et quamvis non ita
ordinariam & inviolabilem, suam tamen aliquam promif-
sionem vi & praesentis habet pietas fidelium, 1 Tim. iv, 8.

XLVII. Sicut autem paullo ante dictis Apostoli-
cis monstravimus, eam vim justificandi & salvandi, quae
fidei tribuitur, operibus legis adimi; sic etiam porro ma-
nifestum est, nullum opus a lege naturali vel morali vel
etiam ceremoniali praescriptum & injunctum ad efficien-
dam justificationem & salutem concurrere. Esto, quod
adesse oporteat, non tamen aderit, tamquam causa quae-
dam positivè efficiens & influxum in effectum impor-
tans. At fidei id ipsum tribuunt loquutiones Aposto-
licae, non sanè ut causae primariae, sed ut secundariae cui-
dam a parte hominis, sive instrumentali, ut ita post mise-
ricordiam divinam Christi quae incarnationem & meri-
tum, tamquam primarias causas, sicut secundariae & in-
strumentales (quae vox commodissima videtur) habeantur
a parte Dei, Evangelium, quod is facit praedicari &
annunciari; a parte verò hominis Fides, pro ut complecti-
tur ad sensum & fiduciam innixam misericordiae divinae,
& inde profectis promissis meritoque Christi; quae citra
revelationem per evangelium factam nobis planè essent
inco-

incognita, & ad notitiam nostram numquam pervenissent. Et hoc est quod dicitur *Iustus ex fide vivere; Nos justificari ex fide, per fidem.*

XLII. Objicies fortè, quòd etiam dicimur *per multas tribulationes ingredi in regnum Dei*, Act. xiv, 22: *jubemur esse imitatores eorum, qui per fidem & patientiam heredes sunt promissionum*, Heb. vi, 12. Respondeo voculam *PER* aliquando indicare causam, aliquando viam, quæ transcendenda sit, priusquam ad metam perveniatur: priore modo accipi, quum dicimur per fidem heredes fieri promissæ beatitudinis; posteriore, quum per tribulationes & patientiam. *Patientia enim nobis necessaria est, ut voluntatem Dei facientes reportemus promissionem*, Heb. x, 36. *Si toleramus, etiam cum eo regnabimus*, Hebr. ii, 12. Equidem nequeo venire ad vicinam urbem, nisi per viam, quæ eò ducit: efficienter tamen equi me eò trahunt vel vehunt, non via per quam itur. *Per fidem* igitur idem est, quod *ex fide*; quæ loquutio non admittit parem æquivocationem. Quoniam etiam diximus, proprium objectum fidei salvificæ esse, quæ non nisi ex revelatione evangelicâ innotescant; inde patet, etiam si lex naturaliter nota præcipiat, ut quibuscumque divinis effatis & promissionibus ad sensum præbeamus; quia tamen lex naturæ evangelicæ mysteria & promissa non pandit, ideo fidem propriè & directè ex lege naturæ non derivari, vel ab eâ pendere, sed imputandam esse Evangelio & revelationi per id factæ.

XLIX. Porro sicut ante lapsum ad præstandam perfectam universæ legis naturalis & positivæ observationem, qualis tunc exigebatur, non sufficiebant vires naturæ secundum se spectatæ & sibi relictæ, sed ut præstare possent, supra conditionem merè naturalem evectæ & doti-

dotibus naturam excedentibus instructæ erant; sic quoque post lapsum & sub statu pacti evangelici fides *Dei donum est*, Eph. 11, 8. *Donatur nobis in Christum credere* Phil. 1, 29. *Deus enim is est, qui efficit in nobis & velle & agere pro sua benevolentia*, Phil. 11, 13. Largitur itaque vires facultatem naturæ excedentes, per quas in intellectu & voluntate, potentiis sanè naturalibus, sed ad hoc non potentibus, fides nascatur, alatur, conservetur. Largitur autem per evangelium sive cum ipso annunciato evangelio. Vnde dicitur *Evangelium potentia Dei*, Rom. 1, 16; sive potens & efficax Dei organum. Et *fides ex auditu est*, Rom. 10, 17. *Christus in lucem produxit vitam & incorruptibilitatem per Evangelium*, 11 Tim. 1, 10. *Renati sumus per verbum Dei vivi*, 1 Petri 1, 23. Dixit Angelus Cornelio centurioni: Petrus apostolus tibi eadicturus est, per quem tu servaris & tota domus tua, Act. 11, 14. Sic igitur Evangelium est à parte Dei organum, per quod efficitur salus hominum: & Evangelio conjunguntur sive unà cum annunciato & audito evangelio & per illud suppeditantur dona & auxilia naturalibus viribus superiora, sine quibus fides haberi non potest, sive per quæ Spiritus sanctus fidem in animis audientium operatur.

L. Non operatur autem potentiâ absolutâ, sic enim omnes audientes obtemperare & credere oporteret, nec Spiritui sancto resistere, vel operationem ejus per auditum incoartam interrompere aut excutere possent: sed permittit resistantiam. De Iudæis enim affirmat protomartyr Stephanus, quod sicut patres israhel, ita quoque ipsi semper resstant & obnivantur Spiritui sancto, Act. 7, 51. De iisdem Paulus & Barnabas: *Vobis necesse fuit primum exponi verbum Dei, postquam autem repellitis illud, & indignos vos ipsos decernitis æterna vita, ecce convertimur ad gentes*, Act. 13, 46. Act.

46. Repelli itaque potest verbum Dei sive Evangelium, & unâ cum eo excuti conjuncta ad sensum & fiduciam eliciendi facultas & conatus; atque adeo resisti Spiritui sancto. Rem conabimur declarare exemplo. Facultas videndi inest oculo, non tamen directe intuendi culminantem ipso meridie solem, ejusque substantiam, vel circa eum sidera, quæ Medicæ vocant, contemplandi. Sic etiam intellectui inest facultas præbendi ad sensum vero, quod evidens est, aut ex principiis naturæ notis deduci potest; similiter collocandi fiduciam in bono, quod ad eum, quem diximus, modum innotuit: at non inest facultas assentiendi vero, vel fiduciam collocandi in bono, quod per Evangelium revelatur, quoniam superat captum ingenii humani, ex nullis principiis naturæ notis derivari potest, nec in se evidens est, & ne quidem quod revelatio, per quam innotescit, à Deo profecta sit, evidens est. Ponamus placere Deo, ut homines solem ad eum, quem diximus, modum inspiciant & contemplantur, faciatque huic fini in locis celebribus & passim notis exstare aquam, quâ si liniantur oculi, tum per eam operante Deo accipiant facultatem intuendi modo, quo diximus, solem. Multi quidem utuntur hac aquâ: alii verò spernunt & adhibere nolunt: alii etiam si adhibuerint, oculos tamen obtegunt vel aliò convertunt, atque ita facultatem, quâ per admirabilem illam aquam divinitus instrui cœperant, excutiunt & amittunt. Aqua enim & per eam divina operatio facultatem quidem largiuntur, sed necessitatem non imponunt. Sic etiam facit Deus annunciari Evangelium, & per id auditum operatur fidem & salutem. Aliis audientibus & *fructum adferentibus in patientiâ*, alii audire negligunt & contemnunt: alii audiunt quidem & Deo per id operante *ad tem-*

phus

pus credunt, & tempore tentationis recedunt; alii à sollicitudinibus & divitiis ac voluptatibus vite suffocantur, & fructum non perferunt, Lucæ 11x, 13, 14, 15. Nempe Deus per annunciatum & auditum Evangelium facultatem quidem Evangelio obtemperandi & credendi impertit, sed necessitatem non imponit. Quum dicimus Deum donare & impertire facultatem & vires, Pelagianismum declinamus: quum addimus, per annunciatum & auditum Evangelium, Enthusiasmos repudiamus; denique quum adjicimus necessitatem non imponi, fatum vel absolutum divinum decretum negamus, & hominibus libertatem, quæ ipsis competit, conservamus. Annunciato videlicet Evangelio possunt credere; possunt etiam non credere. Quod possunt credere, Evangelio & Spiritui sancto per id operanti debetur: quod tamen etiam possunt non credere, inde est, quod Spiritus sanctus per absolutam suam potentiam, cui nemo resistere valeat, non operatur, sed ad ordinem quemdam & condiciones se demittit; & quod in homine connata pravitas adhuc residua, nec penitus sit exenta vel prorsus extincta. Hæc nobis sufficiant, nec arcana operationis divinæ, quæ per evangelium & fidem nos regenerat, nimis curiosè scrutemur, vel accumulatis subtilitatibus involvamus. Deterreret Servator ipse, quando dicit Nicodemo Ioh. 111, 8: *Ventus ubi vult spirat; & sonum ejus audis, sed nescis unde veniat, nescis determinatè locum, ex quo oriatur aut exhaleatur, & quò vadat, sive ubi positurus sit & conquieturus: ita est, quisquis genitus est ex Spiritu, sive renatus gratiâ & operatione Spiritus sancti, quod scilicet, quomodo ea in particulari per omnia sese habeant, hisq; vel illis opulentur præcisè sciri & pervideri nequeat, atque adeo exclamandum sit cum Apostolo Paulo: O profundas divi-*

*rias tum sapientia tum cognitionis Dei! quàm inscrutabilia sunt
ejus judicia, & ejus via impervestigabiles! Rom. xi, 33.*

LI. Possit etiam hoc alicui in mentem venire dubium, num quia juxta perspicuam Scripturam negamus hominem justificari & salvari per legem, & ex operibus legis; propterea pariter negemus necessarium esse homini salutem consequuturo ullam operam observandæ legi dare, atque adeo statuamus non esse necessarium homini, qui coram Deo justificatur, ut propositum habeat emendandi vitam, & servari eum posse, etiam si in peccatis divinâ lege vetitis pergat. Minimè verò. Id saltem negatur, observationem vel opera legis ita esse à parte nostrâ justificationis & salutis causam, sive apprehendendi eam instrumentum, quemadmodum est fides. Quum enim affirmamus *Solam fidem justificare & servare*, non est sensus, quòd à parte Dei non sit causa justificationis & salutis Divina misericordia, Incarnatio & mors Christi, Verbum & Sacramenta, quæque per ista peragitur Spiritus sancti operatio; neque est sensus, quòd à parte nostrâ non sit necessarium agnoscere peccata & iram Dei adversus peccata, aut de illis dolere, aut propositum habere ab illis in posterum abstinendi: sed hic est sensus, quòd sola fides à parte hominis ad justificationem & salutem tamquam causa vi aliquâ efficiendi juxta divinum beneplacitum prædita concurrat, ita videlicet, ut positâ & præsentē fide ponatur etiam & præsens sit justificatio & status salutis, sive jus, si in eo statu perseveretur, adeundi æternam salutem. Adsint cætera omnia, si absit fides, non aderit justificatio & status is, quem diximus, salutis. Iudas proditor agnovit scelus suum, acerbè doluit, & in etiam propositum nunquam iterandum non defuit: sed quum fide destitueretur, periit. Sola
igitur

igitur est fides, per quam in statum gratiæ homo recipitur.

LII. Interim non negamus, si res ipsas, ut in se sunt, consideremus, memorato statui propinquiorem esse qui resipiscere cœperit, peccata & adversus ea Dei iram agnoverit & doleat, quàm in quem nihil eorum adhuc cadat. Cæterùm in solam fidem id, quod diximus, competit. Affirmat Scriptura, quin ipse Servator aliquoties sanctè & disertè, quòd *quisquis credit in Filium, non pereat sed habeat vitam æternam*. Verum hoc esse non poterit, nisi aut fides sola rem conficiat; aut certè ei inseparabiliter jungatur, quod conficiat. At de fide adferitur, quòd *per fidem & ex fide* justificemur & salvemur: de nullâ verò re aliâ: quin de operibus legis, fidei propterea in hoc negotio oppositis, disertè negatur, ut pridem ostendimus. Sola itaque fides ex divino beneplacito huc est evecta, ut hominem Deo reconciliet, & in statu gratiæ ac amicitia collocet, quemadmodum Abraham, quum credidisset, id ei imputatum est ad justitiam, & amicus Dei vocatus est, Iacobi 11, 23; Ies. xli, 8.

LIII. Quoniam itaque qui per fidem justificantur, in statum gratiæ & amicitia divinæ recipiuntur; ideo eos peccato operam dare vel servire vel secundum carnem vivere non oportet. *Nam si secundum carnem vixerint, morientur morte secundâ vel æternâ: sed si Spiritu actiones corporis aut carnis, ut Vulgata habet, mortificaverint, vivunt*, Rom. 11x, 13. Nempe Spiritui sive gratiæ & operationi Spiritus sancti, quæ unâ cum evangelio & per evangelium confertur, id etiam acceptò est ferendum, quòd fideles possunt resistere peccato, ne dominetur ipsis, & ipsi ei serviant, atque adeo illa, ad quæ desideria carnis sæpe impellunt, opere perficiant; sive, quod eo-

dem recidit, hætenus mandata Dei servare possunt, ne eorum contumax & repugnante conscientia animoq; deliberato commissa violatio statum divinae gratiae & amicitiae evertat vel abrumpat. Ut autem ita post lapsum perfectè & exactè observetur lex, quemadmodum ante lapsum observari poterat, quandoquidè non placet Deo vel eandem obtinendæ salutis rationem vel pristinas vires restaurare; id fieri non potest. Etiam si verò desideria carnis legi adversentur & proinde peccata sint; si tamen reprimuntur, si resistitur & consensus non accedit, è statu gratiae & amicitiae divinae non proturbant. *Nulla igitur nunc est condemnatio iis, qui sunt in Christo Iesu, qui non secundum carnem ambulant, sed secundum Spiritum, Rom. iix, 1.* Notandum, quòd non dicat in iis nihil esse damnabile, sive quod damnationem inducere possit, si juxta rigorem legis & pactum legale procedatur; sed nihil esse condemnationis, sive quod actu condemnationem inducat. Id agnoscere tenentur fideles, & propterea à Servatore jussi sunt quotidie orare: *Dimitte nobis debita nostra.* Si nulla essent debita, non jussisset ad eum modum orare. *Quis enim ferat orantem, & non hominibus sed ipsi Domino mentientem, qui labiis sibi dicit dimitti velle, & corde dicit, quæ sibi dimittantur se debita non habere?* Ita concilii Milevitani sive Africani plenarii capitulum octavum; cui addi quoque potest septimum.

LIV. Superfluum tamen videtur operosè & curiosè inquirere, qualia & quanta sint illa peccata, quæ deliberato consensu non approbantur & opere non complentur; quandoquidem fidelem è statu suo non magis dejiciunt, quàm si talia & tanta non essent. Verba sunt psalmici c. l. 13: *Sicut pater misereatur filiorum, misereatur Dominus timentium ipsam.* At pater liberis condonat, quæ ex pue-

ex puerili ignorantia vel infirmitate committunt; non item, quæ meliorum gnari per refractariam contumaciam. Vir bonus non colit amicitiam nec fœdus init cum eo, quem videt palam improbum esse, vel ex professo nequitia deditum. Si talem compererit, amicitia & fœdus, quamvis contracta fuerint, dissolvuntur. Multo minus itaque Deus erit & perseverabit esse amicus & fœderatus ejus, qui probus esse nolit, opera carnis perpetret, & divina præcepta susque deque habeat. Id enim justitiæ & voluntati divinæ, quæ non potest non esse recta & sancta, adversatur. Præterea vera & justificans fides non potest concipi, oriri & perseverare in animo hominis, nisi per gratiam intrinsecus operantis & inhabitantis Spiritus sancti. *Sed si spiritus ejus, qui suscitavit Iesum ex mortuis, habitat in vobis; is qui excitavit Christum ex mortuis, vivificabit etiam mortalia corpora vestra, ut vivant spiritualiter nec sint in peccatis mortua, per inhabitantem in suis Spiritum in vobis, Rom. 11x, 11. Spiritum ne exstinguite; est 1 Thessal. v, 19.* Nempe per opera carnis spirituales inclinationes & motus & operationes exstinguuntur, & Spiritus, à cujus inhabitantis sive intus agentis gratiâ pendent, ejicitur. Neque enim Spiritus, ut antè fuit dictum, absolutâ suâ potentiâ hîc utitur, sed patitur sibi resisti, patitur se ejici. *Cupiditates carnis militant adversus animam, sive eò tendunt & tandem, si indulgeatur, erumpunt, ut animam è prosperitatis & salutis statu deturbent, 1 Petri 11, 11.*

LV. *Ne regnato igitur, ait sanctus Paulus, peccatum in mortali vestro corpore (non dicit, Ne esto, sed Ne regnato: paullo post enim agnoscit habitare in se peccatum) ut au-* Rom. 7, 17,
scultetis ei in cupiditatibus corporis: neque sistite membra vestra 20,
arma in justitiæ peccato, ut vestris membris perpetretis in-
justi-

justitiam, quò inclinat & invitat inhabitans peccatum:
sed sistite vos Deo, ut ex mortuis vivos, tamquam tales, qui
quum olim essetis mortui in peccatis, nunc Spiritu exci-
tati novam vitam vivatis, & membra vestra arma justitia
Deo. Peccatum enim vobis non dominabitur: non enim estis sub
Lege sive pacto legali, sub quo quicumque hodie fuerit,
ei peccatum dominatur & damnatio incumbit, sed sub
Gratia sive gratuito pacto Evangelico, Rom. vi, 12, 13, 14.
In eam sententiam Gal. v, 16 & seqq. Spiritu ambulate, &
desideria carnis ne perficite; nec quaecumque volueritis, faciat.
Quod si Spiritu ducimini, si non instinctum carnalium desi-
deriorum, sed motum ductumque Spiritus sequimini,
non estis sub lege, sive sub pacto legali, juxta cujus rigorem,
quicumque sub eo sunt, damnationi succumbunt. Por-
ro manifesta sunt opera carnis, quorum septemdecim enume-
rat, deque his & horum similibus pronunciat, eos, qui ta-
lia agunt, regni Dei non fore heredes: quod ipsum liquidissi-
mam veritatem alicubi vocat Augustinus. Subjicit fructus
Spiritus, & addit, Adversus ejusmodi non est Lex, nec iis
damnationem intentat aut irrogat. Est autem adversus
alios, qui ejusmodi non sunt, qui secundum Spiritum
non ambulant, & desideria carnis perficiunt: adversus
eos viget lex & pactum legale, sive juxta legis legalisque
pacti rigorem cum eis agitur. Observandum enim sub
alterutro pacto quemvis constitui mortalium; & sub le-
gali quidem à primâ usque suâ origine & ortu, donec in
evangelicum recipiatur, & conditiones, quas id recipi-
endis & receptis ponit, amplectatur. Quòd si evangeli-
cum deferat vel ab eo deficiat, relabitur sub legale & in
statum damnationis. Et ex hætenus expositis naturam
differentiamque pactorum Legalis, per quod damna-
tionis homines subjiciuntur, & Evangelici, per quod ab
eâ e-

De fide &
oper. c. 18.

ea eripiuntur & in statum salutis adferuntur, animadverti & intelligi posse speramus.

LVI. Evangelium, quod primitus promulgatum, quibus verbis à Mose sit propositum, pridem ostendimus. Nempe *Semen mulieris conteret sive conculcabit caput serpentis*. Fide huic promisso habitâ, & in semen mulieris contritum caput serpentis, sive in Redemptorem venturum, & divina benignitate homines è potestate satana erepturum coniectâ servati fuerunt, quotquot deinceps servati sunt. Hoc enim ipsum semen mulieris basis est & fundamentum pacti evangelici, cui id totum innititur; & absque quo iniri sine dubio non potuisset. Quamdiu nondum aderat, sed venturum expectabatur, appellatur Vetus pactum: ex quo autem exhibitum fuit, Novum.

LVII. Hoc ipsum semen, sive is, qui venturus promittebatur, futurus erat *Propheta, sicut Moyses*, Deut. xix, 18; Act. iij, 22, & vii, 37: nempe ut quemadmodum Moyses inter Deum & populum, qui praelentiam Dei non ferret, suo interventu & operâ pactum sanciebat; sic quoque ille suo adventu & præsens, quæcumque ad placandum Deum & foedus evangelicum perficiendum requirerentur, adimpleret, *præstantioris tamen pacti æquus & mediator*, Hebr. vii, 22; iix, 6. Futurus erat Rex, *cujus tamen regnum non esset ex hoc mundo*, Ioh. xi ix, 36, sive ad rationes & conditiones mundanorum regnorum comparatum. Futurus erat sacerdos, & quidem *in æternum* perseveraturus, absque ullâ abrogatione vel successione, *secundum ordinem Melchisedeci*, Psal. cx, 4, & non juxta ordinem Leviticum, ex quo plures facti sunt sacerdotes, quod mors prohiberet eos permanere: at iste propterea quod in æternum manet, perpetuum habet sacerdotium.

H

um.

um. Cui non est quotidie necesse, quemadmodum illis pontifici-
bis, prius pro peccatis propriis victimas offerre, deinde pro pecca-
tis populi. Hoc enim fecit semel, quum semetipsum obtulit,
Hebr. vii, 23, 24, 27. Quoniam autem Prophetæ, Reges
& Sacerdotes ungebantur, hinc huic venturo nomen
Uncti collatum est. Ungetur sanctus sanctorum: usque ad
משיח unctum sive Christum ducem: occidetur Masiach, un-
ctus sive Christus, Dan. ix, 24, 25, 26. Chaldaei, ut & Syri,
pronunciant משיח unde Messias. Andreas fratri suo
Simoni: Invenimus Messiam, quod est, si interpreteris, Christus,
Ioh. i, 42. Mulier Samaritana: Scio quod veniet Messias, qui
dicitur Christus, Ioh. iv, 25. Observandum autem, ubi
Scriptura veteris pacti de venturo Redemptore, quamvis
aliquando obscurius, loquitur, ibi Chaldaeos interpre-
tes nomen Messiae exprimere. Sic quod est Gen. xlix, 16,
Donec veniat Siloh; omnes tres Onkelos, Ionathan & Ie-
rosolymitanus prolato nomine Messiae exponunt.
Quod est Num. xxiv, 17, Orietur stella ex Jacob, & surget
scaptrum ex Israël; reddidit Onkelos, Consurget Rex de Ia-
cob, & ungetur Messias de Israël; & occidet principes Moab, id
est, idololatriam (Moabitæ enim insignes erant idolo-
latræ) abolebit. Quod est Ies. lii, 13, Ecce intelliget servus
meus; exposuit Ionathan, servus meus Messias. Is ipse quod
est Ieremiæ xxiii, 5, Excitabo Davidi germen justum, reddit
Excitabo Messiam; & quod est Micheæ v, 2, Ex te Betlehem
prodibit dux; exponit, Ex te coram me prodibit Messias. Fide-
libus etiam quibusvis & Christianis tribuitur unctio.
Qui unxit nos, Deus est, ait sanctus Paulus, ii Cor. i, 21.
Sanctus Iohannes i Ep. ii, 20: Vos unctionem habetis à San-
cto illo profectam & nostis omnia, nempe ad salutem vobis
necessaria. Christianos igitur unctos esse idem est quod
divinitus instructos esse omnibus ad finem supernatu-
ralem

ralem, cui destinantur, consequendum necessariis auxiliis, donis & gratiis. Servator autem Dominus Iesus unctus est *ultra consortes suos*, Ps. xlv, 8; Hebr. i, 9. Huic enim *Deus non dat Spiritum ad mensuram*, Ioh. iii, 34. Quanto videlicet sublimior est finis Servatori propositus, nempe redemptio & salus totius generis humani, tanto quoque uberior & excellentior collata est unctio.

LIX. Quoniam autem tempore Novi p[ac]ti exhibitus fuit & in carne p[re]sentem se stitit & obtulit Messias, propterea peculiariter dicitur *mediator novi p[ac]ti*; etiam si eius *mors intercedat ad redemptionem illarum transgressionum, quae fuerant sub priore p[ac]to*, Hebr. ix, 15; sive etiam si nemo sub priore vetere p[ac]to servatus fuerit, nisi per meritum & mortem Messiae. Haec ipsa realis exhibitio & p[re]sentia id quoque p[re]stat, ut de Messia, qui haecenus figuris & typis adumbrabatur, & vaticiniis sive oraculis propheticiis p[re]nunciabatur, omnia sint sub Novo p[ac]to clariora & notiora & captui singulorum magis obvia & exposita, quam fuerant sub Vetere; cui alias proprium figuris & typis uti, & necessarium futura, quae per suam ipsorum conditionem minus manifesta quam p[re]sentia, p[re]dicere; imò cui res erat cum populo durae cervicis, incircumciso corde & auribus, atque adeo ad credenda, quae captum suum superarent, p[re]sertim si multiplicarentur, minimè apto.

LIX. Celebre est dictum Irenaei lib. iv, c. xliii: *Omnis prophetia priusquam habeat effectum, enigmata & ambiguitates sunt hominibus. Quum autem venerit tempus, & evenerit quod prophetatum est, tunc prophetiae habent liquidam & certam expositionem.* Produxerat prius rei confirmandae verba Danielis xii, 4; in hunc modum loquutus: *At-*

H 2

para-

parabolas significabatur. — Consummatio est adventus Christi. Et propter hoc Danieli propheta dicebatur; Muni sermones & signa librum usque ad tempus consummationis, quoadusque discant multi, & adimpleatur cognitio. Vetus interpres ita vertit: Tu Daniel claude (Munsterus reddit, tene in secreto) sermones, & signa librum usque ad tempus statutum sive determinatum rebus futuris: plurimi pertransibunt, & multiplex erit scientia, id est, multi percurrent & considerabunt sermones istos tuos propheticos, cum eventibus conferent, & quia respondere deprehendent, verum eorum sensum adsequentur, suamque cognitionem plurimum perficient. Sic paullo inferius vers. 9: Clausi sunt & obsignati hi sermones usque ad prefinitum tempus. Cap. 11x, 26 itidem occurrit phrasis de signandâ visione: Signa vel obsigna visionem, quia post multos dies erit. E contrario Apocal xxix, 10: Ne obsignes verba prophetiae libri huius: tempus enim prope est. Obsignari itaque prophetiam vel visionem idem fuerit, quod eventum, qui per illas significatur, differri, nec adhuc propinquum esse. Quoniam autem res ejusmodi futurae prophetico & sublimi dicendi genere describuntur, & per typos ac figuras proponuntur, hinc oritur obscuritas & difficultas intelligendi: quae proinde etiam libro clauso vel obsignato indicatur. Et quoniam multa de venturo Messia in Scripturis Veteris testamenti ad eum modum se habent, propterea Irenaeus, absconditum in Scripturis thesaurum esse Christum, & consummationem esse adventum Christi recte pronunciat, ut paullo antè audivimus. Theodoretus in commentario ad locum Danielis, quem protulit Irenaeus: πάντας ἡμεῖς πνεύματι & χάριτι μετὰ τὴν ἔσωτην & ἡμῶν ἐπιφάνειαν ἀφελῶσα τὰς σφραγίδας, σαφὴν τὰ ἀσαφὴ πεποίηκε τοῖς πιστεύουσιν. Divini spiritus gratia, ablatis post adventum Servatoris nostri istis sigil-

sigillis sive obfignationibus, obscura credentibus perspicua fecit.

LX. Accesserunt quidem de venturo Messia pristinis novæ & distinctiorem ejus notitiam suppeditantes revelationes, Scripturâ veteris pacti consignatâ, ut quod nasciturus ex posteritate Abrahami, Isaaci & Jacobi; ex tribu Judâ; ex domo & familiâ Davidis; ex virgine; quod ut ovis ad macerationem ducendus expositurus sit animam suam sive vitam suam in sacrificium pro delicto. Locus nativitatis determinatur Betlehem Micheâ v, 2: tempus adventus Hagg. ii, 9; imprimis verò Dan. ix, ubi de septuaginta septimanis, quæ singulæ septem annos continent, agitur. Cæterum ista omnia si comparentur cum luce Novi pacti, quando in rem præsentem, ut sic dicam, ventum fuit, & cuncta, quæ huc facerent, exhibita, præstita, adimpleta & consummata sunt, umbra quædam futurorum videri possunt. Hinc sanctus Paulus Evangelium suum vocat *mysterium à temporibus æternis sive omnibus præteritis tacitum, nunc verò patefactum*, Rom. xvi, 25: non quod penitus tacitum fuerit, sed quod accessu tantæ lucis videri queat noviter patefactum. Loquimur, inquit, *sapientiam Dei lateantem in mysterio & absconditam, quam præfinivit Deus in gloriam nostram*, I Cor. ii, 7: *mysterium absconditum à seculis in Deo*, Eph. iii, 9; Col. i, 26. *Gratia data nobis ante tempora seculorum nunc facta est manifesta per illustrem adventum servatoris nostri Iesu Christi*, I Tim. i, 9. Omnibus & consummatis, & factis manifestis, non est quod articulos fidei doctrinamque de Christo salutis nostræ necessariam secundum se, sive, ut ita dicam, substantiam suam augmentum porro capere posse existimemus. Ejus summam, quod credenda cuivis ad salutem necessaria attinet, complectitur Symbolum A-

postolicum, ita dictum, quod quæ Apostoli non tamquam futura more Mosaico & prophetico adumbrarunt, sed tamquam præstita & exhibita, & præterea quidquid fide, ut ab agendo distinguitur, amplecti Christianos oportet, clarè & perspicuè omnes docuerunt, brevi compendio & connexu proponat. Hinc Symbolum dicitur Apostolicum, non Mosaicum aut Propheticum.

LXI. Cum hominibus ita agit Deus, ut eorum captui se accommodet sive condescendat. Verbis ad eos utitur, quia verba sunt ordinarium medium, quo in notitiam rerum deducantur. Addit etiam utpote cui negotium cum iis, qui sensibus sint præditi, nonnulla signa in sensus incurrentia, ut hi quoque ociosi non sint, & non solus intellectus, sed ipsi quoque habeant, circa quod occupentur. Voluit igitur in argumentum subjectionis & typum futurorum nonnullas res corporeas certo & sensibili ritu sibi offerri. Hinc ex peculiari mandato divino (nam tale quid faciendum esse ex lumine naturæ deduci non potest) *obtulit Cain de fructu terræ munus Domino: & Abel quoque obtulit de primogenitis sive optimis & pinguiissimis gregis sui, & de adipe eorum, Gen. IV, 3 & 4.* Mactavit igitur animalia vel oves ad cultum Deo præstandum; quod propriè est קרבן sive sacrificium, typus sine dubio & indicium sacrificii, quod oblaturus erat Messias.

LXII. Observandum id quoque est, quamvis primo evangelico pacto accesserint alia pacta, sive de aliis rebus, sive tamquam appendices & determinationes & illustrationes: primum tamen illud tamquam fundamentum semper præsupponi, & in vigore suo permanisse; ut etiam si per alia res aliæ sive promissiones, prosperi-

esperitates & eminentiæ obtinerentur, per hoc tamen unicum remissio peccatorum & æterna salus haberetur. Circa tempus nati Enosi tunc cæptum est vocari vel appellari in nomine Domini, Gen. ix, 26. Tunc cœpit illa distinctio appellationum, ut pii & qui Deum timerent, dicerentur Filii Dei; impii verò & qui Deum contemnerent, vocarentur Filii hominum. Evénit autem quum cœpissent homines multiplicari, ut videntes filii Dei filias hominum bonæ formæ esse, acciperent sibi à quibusvis uxores, Gen. vi, 1. Hinc factum, ut omnis caro corruperit viam suam super terram; & pœniteret Dominum quòd fecisset hominem in terrâ. Erat tamen Noah vir justus & integer in generationibus suis, sive inter eos qui istis temporibus generati in terrâ debebant, & cum Domino ambulabat. Huic itaque Dominus, quum reliquos universali diluvio perditurus esset, Statuam, inquit, pactum meum tecum, ut ingrediaris in arcam tuam & filii tui, & uxor tua, uxoresq; filiorum tuorum, nempe ut cæteris omnibus intereuntibus vos incolumes servemini, Gen. vi, 18. Finito diluvio promissionem de pari cataclysmo numquam reducendo itidem pactum seu fœdus appellat Gen. ix, 9, 11, 15, 16: arcum autem cœlestem seu irim, quam aliàs ex causis naturalibus oriri necesse erat, huic fini deputat, ut sit signum illius fœderis, Gen. ix, 12, 13, 17.

LXIII. Cum Abrahamo aliquoties & solenniter fœdus inivit. Evangelium illud primarium restrinxit ad ipsum Abrahamum, ita videlicet, ut promittat in semine Abrahami benedicendas esse omnes gentes & familias terræ, sive ex semine Abrahami proditurum Messiam, Gen. xii, 3: xii, 18; xxii, 18. Idem repetitur & confirmatur Isahaco, Gen. xxv, 1, 4: & Iacobo, Gen. xxxi, 14. Adjunxit primario isti pacto sive promisso aliud secundarium velut appendicem, de terrâ Cananæâ posteris
Abra-

Abrahami immenso numero multiplicandis in possessionem & hereditatem tribuendâ, Gen. xii, 7; xiii, 15; xv, 5, 7, 18; xvii, 8; xxi, 17. *Dabo, inquit, tibi & semini tuo.* Sed hæc etiam promissio venturum Messiam præsupponebat & respiciebat. Vnde sanctus Paulus Gal. iii, 16: *Abraham dicta sunt promissiones & semini ejus. Non dicit, ET SEMINIBVS, ut de multis; sed ut de uno, ET SEMINI TVO; qui est Christus.* Vox feminis etiam si pro numero & multitudinem posterorum accipi sæpe soleat, hic tamen præcipuus respectus ad istum unum (de uno etiam capitur, quum dicitur, *Posuit mihi Deus semen aliud pro Abel, quem interfecit Cain,* Gen. iv, 25) propter quem omnia, & in quem omnia respiciunt, nempe Christum. Ei datur terra Canaan: quia propter eum, sive ut in illâ certo & constituto tempore is nasceretur, data fuit Abrahami posteris Israëlitis possidenda. Præterea datur quoque Christo, quatenus est typus regni cœlestis, quia videlicet hoc non datur ulli, nisi propter Christum, iisque solis, qui sunt Christi & sub capite Christo unum corpus constituunt. Sic itaq; prisca & pristina de semine mulieris caput serpentis contrituro sive de venturo Messia Evangelica promissio præsupponitur, & Abrahamo confirmatur, dum ei promittitur, quod ex suâ ipsius, Abrahami inquâ, progenie & stirpe proditurus sit Messias, & quod Abrahami posteris mirum in modum multiplicandis tradenda sit possessio terræ Canaan, ut in eâ definito tempore nascatur, prædicet & opus redemptionis peragat idem Messias. Hoc ipsum pactum non meris verbis proponitur, sed additis etiam ritibus & ceremoniis, signo circumcisionis, & tandem juramento.

LXIV. Mos fuit priscorum è supremâ antiquitate derivatus, ut fœdera inituri pecudes mactarent, in partes

res fecarent, sibi similia si fallerent imprecanti. Hinc a^s
pud Græcos ὀφθαλμοὶ τεύχων: apud Latinos fœdera icere, feri-
re, percutere. Sic Agamemnon apud Homerum fœdus
cum Trojanis initurus ἄνδρ' ἑομ' ἔχ' ἀπὸν τ' αἶμα νηλεὲς καὶ - Iliad γ.
καὶ, jugulos agnorum abscidit crudeli ferro. Apud Virgilium
Romulus & Tatius — — inter se posito certamine reges Aeneid. 8.

Armati, Jovis ante aras, paterasq; tenentes

Stabant, & casâ jungebant fœdera porcâ.

Apud Livium Pater patratus Romanorum fœdus initu- Lib. 1.
rus cum Albanis, si populus, inquit, Romanus prior deficiat
publico consilio, dolo malo, tu illo die Jupiter populum Romanum
sic ferito, ut ego hunc porcum hodie feriam; tantoq; magis ferito,
quanto magis potes pollesq;. Id ubi dixit, porcum saxo silice per-
cussit. Vetusissimus itaque mos cæsis animantibus fœ-
dus sancire.

LXV. Deus cum Abrahamo, tunc Abramo ad-
huc, fœdus pangens huc usque se demisit, & in gratiam
hominis condescendit, ut hujusmodi ritum aliquo mō-
do adhiberet. Dixit ei: Intuere cælum, & numera stellas, si
potes numerare eas: sic erit semen tuum, sic multiplicabitur,
ut suo tempore ex eo prodeat semen mulieris sive virgi-
nis, in quo benedicentur omnes gentes terræ. Et credidit
Abram Domino, sive toti isti divinæ promissioni, tum
quoad ea, quæ disertè proferebat, tum quæ supposebat
& includebat; & imputatum est ei ad justitiam. Dixit au-
tem Abram, non ex diffidentiâ vel dubitatione, sed ex
maximâ fiduciâ benevolentia, quâ se à Deo affici intelli-
geret, Domine Deus, unde cognoscam, quod possidebo terram
Canaan? Tunc Deus edixit ei, Sumens offer mihi vitulum
triennem, & capram triennem, & arietem triennem, turturemq;
cum pullo columbarum. Abram itaque sumta offerensei omnia
hæc, quam dissecuisset illa per medium, posuit dimidiam cujus-

I

que par-

que partem è regione sua alterius : aves verò non dissecuit. In-
gruente vespèrâ altus sopor occupavit Abramum, &
dormienti revelatum est, quid suis posteris immineret.
Fuit autem condito jam sole, quum cæra nox esset; & ecce fumantem furnum, fumum densum & quasi ex furno ebullientem, & lampadem igneam transeuntem inter segmenta illa.
Quod fuit symbolum & indicium peculiaris præsentia divina, & confirmationis promissorum antè factorum.
Hoc die pepigit Dominus cum Abramo fœdus dicendo; Semini tuo dedi terram hanc à flumine Aegypti usq; ad flumen illud magnum, flumen Euphratis, sive à vicinia Nili usque ad viciniam Euphratis. Hæc omnia Gen. xv. Ritus ineundi pacta cum Deo, sive contestandi, se divinis mandatis obtemperaturos, nî fecerint, capita sua se devovere, idque ipsum declarandi factu per dissectas pecudum partes transitu; hic, inquam, ritus diu apud Israëlitas perseveravit, sicut intelligitur ex Ieremia propheta, apud quem Dominus: *Tradam in manum hostium suorum homines istos, qui transgressi sunt fœdus meum, qui non præstiterunt verba fœderis quod pepigerunt coram me, quum transirent inter dimidiatas partes vituli, quem dissecuerant in duo, Ierem. xxxiv, 8.*

LXVI. Priora ista memorantur à Mose Gen. xv, ut diximus. Sequitur cap. xvii διαθήκη ἁειτομῆς, pactum circumcisionis, sicut Stephanus appellat Act. vii, 8: Vbi etiam mutantur nomina, & ex Abram sive *pater excelsus* fit Abraham, id est, *pater multitudinis*; & ex Sarai sive *domina mea* absolutè Sara, hoc est, *domina*, in eminentioris dignitatis indicium. Dixit autem Dominus Abrahamo: *Statuam pactum meum inter me & te, & inter semen tuum post te in generationibus suis fœdere perpetuo, ut sim tibi in Deum & semini tuo post te.* Nempe priora pacta & promissa supponuntur, hisque additis magis magisque confirmantur.

Daboq;

Daboq; tibi & semini tuo post te terram peregrinationum tuarum, totam terram Canaan in possessionem perpetuam; eroq; Deus eorum. Tu autem pactum meum custodies, tu & sementuum post te in generationibus suis. Hoc est pactum meum, quod observabis inter me & vos & inter sementuum post te, ut circumcidatur in vobis omnis masculus. Et circumcidetis carnem præputii vestri (quoniam de propagatione per generationem agitur, in organo generationi à naturâ destinato signum fœderis poni videtur) eritq; signum pacti inter me & vos. Circumcisio itaque signum est pacti; & quando ipsa pactum appellatur, per Metonomiam id fit. Omnis masculus octo dies natus, ut tolerandæ circumcisioni par sit, circumcideretur vobis per generationes vestras; natus domi & emtus argento à quocumq; alienigena, qui non est de semine tuo. Quicumque itaque non esset circumcissus, non potuit esse domesticus sive pars familiæ Abrahami vel Abrahamitarum. Incircumcissus masculus, qui non circumciderit carnem præputii sui, utiq; exscindetur homo ille de populis suis, quia pactum meum irritum fecit, (eadem phrasis Ierem. xxxi, 22; lezech. xliv, 7) sive conditionem sibi positam non observavit & adimplevit. Quidquid enim à Deo mandatur, observandum est ei, qui nolit poenas incurrere, & divinâ gratiâ excidere.

LXIIIX. Sicut autem apud Mosen Circumcisio ab ipso Deo dicitur signum pacti inter Deum & homines; sic etiam sanctus Paulus affirmat Abrahamum, quum ei præputiato imputata fuisset fides ad iustitiam, deinde accepisse signum circumcisionis, sigillum iustitiæ fidei, sive quæ per fidem recepta in præputio, ut esset pater omnium credentium, tum præputiatorum, tum circumcisorum, Rom. iv, 11 & 12. Nam quod Abrahamo etiamnum præputiato imputata fides ad iustitiam; inde deducit Apostolus, quod circum-

cisio non sit causa iustitiæ, sive quod iustitia non sit effectus circumcisionis, atque adeo non obtingat per circumcisionem sed per fidem. Interim circumcisio divino mandato addita fuit sigillum iustitiæ per fidem in præputio receptæ: quia enim ab ipso Deo addebatur & peculiariter instituebatur, ideo non potuit non esse certum signum & quasi sigillum, quod iustitia ista, cui jungeretur, proba sit & firma, Deoque grata & accepta. Itidem quoniam Circumcisio à Deo instituta & præcepta fuit, ideo non potuit salvâ obœdientiâ, quæ Deo divinisque mandatis, etiam positivis, debetur, ab iis, quibus iuncta erat, negligi vel omitti, donec patefieret Deo placere, ut abrumperetur & cessaret: quod denum republ. Israëlitiç penitus & sine spe restitutionis eversâ patefactum est. Per hanc enim *παρολφεΐας* ceremonialia omnia & sacrificia, quæ hæcenus in usu fuerant, abolita sunt. *Abolbit sacrificium & minham*, Dan. ix, 27.

LXIX. Circumcisio in domum & familiam Abrahami invec̃ta latè propagata fuit. Quamvis enim de Isaac peculiariter dixerit Dominus, *Fœdus meum constituam cum Isaac*, Gen. xvii 21; nempe fœdus, quod concernebat possessionem terræ Canaan posteris ejus conferendam, & inprimis Christum ex ejus semine oriturum: item eodem sensu, *In Isaac vocabitur tibi semen*, Gen. xxii, 12; semen videlicet illud, quod peculiariter obtinuit titulum populi ab Abrahamo oriundi, & hereditatem terræ Canaan; inprimis verò quia ex eodem semine proditurus Christus, itidem singulariter dicendus *filius Abrahami*, Matth. i, 1: nihilominus circumciscus etiam, & quidem unâ cum Abrahamo, fuit Ismaël, tredecim tunc annos natus, Gen. xvi 1, 25; atque ita derivata circumcisio ad posteros Ismaëlis, qui generavit duodecim principes
sive

five familiarum auctores & duces, Gen. xvii, 20; xxv, 13, 24, 25; i Chron. i, 29, 30, 31: atque adeo latè propaga-
 vit genus suum. Habitavit autem in deserto Pharan, & ac-
 cepit ei mater sua uxorem è terrâ AEgypti, Gen. xxi, 21. Io-
 sephus à fratribus venditus fuit Ismaëlitis in AEgyptum
 descendantibus, Gen. xxxvii, 17; xxxix, 1: qui etiam
 Midianitæ vocantur Gen. xxxvii, 28; ut amplius intelli-
 gi potest ex Iud. i ix, 24. Appellatur tamen unus quoque
 è filiis Ceturæ Abrahamo natis *Midian*, quem unâ cum
 quinque fratribus ex Ceturâ post Saræ obitum ductâ A-
 braham genuit, Gen. xxv, 1; i Chron. i, 32. Quin etiam
 Esavi ex Isaacogeniti satis luculenta posteritas, sicut vi-
 dere est Gen. xxxvi. Is dictus Edom sive rufus, ab edu-
 lio illo rufo, quo accepto suum primogeniti jus Iacobo
 fratri vendidit, Gen. xxv, 30. Hinc Edomitæ, Edomæi
 vel Idumæi, populus satis potens & numerosus. Quoni-
 am igitur ex Abrahamo prodiit non solus Isaac, sed etiam
 Ismael & sex filii è Ceturâ nati; & ex Isaac non solus Ia-
 cob, sed etiam Esau vel Edom; atq; isti omnes in familiâ
 paternâ circumcisi: inde omnino videtur factum, ut ad
 complures gentes circumcisio derivaretur. Labet ex an-
 tiquissimi Herodoti Euterpe seu historiae libro secundo
 adscribere, quæ de gentibus circumcidi solitis ille com-
 memorat. Soli, inquit, omnium hominum Colchi & AEgyptii
 & AEthiopes ab initio statim pudenda circumcidunt. Nam
 & Phanices & Syri qui sunt in Palestinâ (si fuerint Iudæi) didi-
 cisse id ab AEgyptiis & ipsis consueverunt. Fallitur Herodotus;
 & fefellerunt, qui id ei persuaferunt. Syri verò qui fluvii
 Thermodontem & Parthenium accolunt, & horum con-
 termini Macrones, à Colchis se nuper didicisse ajunt. Hi enim ex
 hominibus soli sunt, qui circumciduntur: & in hoc faciendo agno-
 scuntur AEgyptii esse. AEgyptii verò atque Archiopes non
 33 quo

quo dicere utri ab utris didicerint. Nam videtur esse perantiquum: Ita de circumcissione melioribus documentis destitutus Herodotus.

LXX. Epiphanius sub initum Panarii sui posteror Abrahami è sex Cetura filiis descendentes per Arabiam felicem dispersos fuisse existimat. Quod verum esse autumo; atque inde rationem patere, per quam ad Arabes pervenerit Circumcisio. Apud quos etiam hodie perseverat, ab impostore Muhammede, qui apud Arabiae populos prima suae impietatis & imperii fundamenta jecit, recepta & approbata; quamvis ab ejus adfectoris non saltem in octavum diem, sed in octavum usque annum hodie differatur. De suis temporibus Epiphanius hæresi xxx, num. xxx: *Et idolorum cultores & sacerdotes Aegyptii seipso circumcidunt. Quod & Saraceni, & Ismaelita, & Samaritani, Iudei, Idumaei & Homarita faciunt. Quorum id plerique non aliqua lege, sed consuetudine quædam citrarationem suscipiunt.* Ambrosius epistolâ lxxvii: *Aegyptii impium judicant sacerdotem, qui nequaquam habeat circumcisionis insigne. Nam neque magici carminis sapientiam, nec astronomiam judicant vim suam obtinere sine circumcisionis signaculo. Et ideo ut impetrandi vim operationi adhibeant, purificationem quamdam vatum suorum circumcisionis arcano celebrandam existimant.* Idem libro ii de Abrahamo, cap. xi: *Aegyptii quartodecimo anno circumcidunt mares.* Hieronymus in Ieremiæ ix, 25: *Multarum ex quadam parte gentium, & maxime quæ Iudæa Palestinaeque confines sunt, usque hodie populi circumciduntur, & precipue Aegyptii; & Idumaei, Ammonitæ & Moabitæ; & omnis regio Saracenorum, quæ habitat in solitudine.* Quod autem idem sub initium libri octavi in Iezechielem scribit, *Agareni nunc Saraceni appellantur, adsumentes sibi falso nomen Saræ, quod scilicet de ingenuâ & domina videantur*

tur esse generati; nescio an vero fit consonum. In eamdem
sententiam Sozomenus libro vi, cap. xxxix: *Veteres à
progenitore Ismaëlitas appellabant. Verum ut spurii generis ma-
culam & ignobilitatem Agar matris Ismaëlis, quæ serva fuit, pe-
nitius obliterarent, se Saracenos, velut à Sarâ conjugē Abrahami
progenitos nominarunt.* Nescio, inquam, an quod Hiero-
nymus & Sozomenus pronunciant, vero fit consonum.
Arabes nonnulli potius videntur dicti Saraceni, quod
raptores & prædones essent, à סַרַק *sarac*, quod Arabibus
rapuit, prædatus est. Plinius Nabathæis finitimos constituit
lib. vi cap. xxiix; Ptolemæus Scenitis lib. vi, cap. vii.
Translatum postea vocabulum ad plures ejusdem origi-
nis ex rapto vivere solitos. Ismaëlitas Hieronymi tem-
pore Saracenos dictos esse ipse aliquoties testatur, ut in
Jerem. ii, 10, & xxv, 23. Edomæis, Ismaëlitis & Moabi-
tis junguntur *Agareni* Psalmo xciii, 7: quos à Rube-
nitis tempore Saulis oppugnatos & caesos esse memora-
tur i Chron. v, 10. An ab Agar illi descenderint, certè
affirmari non potest. Si descenderunt, prodierunt alio
generis auctore, cui videlicet Agar post discessum ab A-
brahama nupserit: aliàs enim non distinguerentur ab
Ismaëlitis. Sed de altero Agaræ connubio, quod nec
legitimum esse potuisset, nihil planè constat. Libro
lxxix Dionis Cassii in excerptis à Xiphilino legimus de
Agarenis gente Arabicâ, *quorum civitas, inquit, nec magna
est nec dives, sine dubio Agara dicta; & finitima regio magna
ex parte est deserta, quod in eâ aqua raro inveniantur, atque illæ
parum salubres, quodque in eâ ligni pabuliq; magna sit penuria, ex
quo fit, ut ibi magna hominum multitudo diu esse non possit, tum
verò ardentissimis caloribus, quibus exposita est defenditur. Ita-
que eam neque Trajanus neque postea Severus cepit, quum tamen
partem aliquam muri diruerint.* Num ad Agaram Abraha-
mi A-

mi Agarena hæc gens & urbs referri possint, dispiciendum relinquo.

LXXI. Ut id etiam obiter annotemus, sicut circumcisio apud nonnullas versus austrum & orientem gentes in precio fuit, ita apud Romanos exosa fuisse & ludibrio: unde Iudæos eosque qui circumcisi essent, per contemtum *verpos* & *recutitos* appellarunt. Quin prohibitum aliquando alias gentes circumcidi, & solis tantum Iudæis id permissum. De Samaritanis locus est *Num. 2.* apud Origenem libro secundo contra Celsum: *Dicit aliquis, etiam Samaritanos persecutionem pati propter suam religionem. Ei respondebimus, Sicarios (sicariis itaque pares habebantur, qui circumciderent) propter circumcisionem occidi, quod se ipsos mutilent contra præscripta legum, quæ solis Iudæis id permittunt: nec unquam auditum, quod iudex sicario suæ religionis reo fecerit optionem, malitne mutatâ religione absolvi, (quomodo scilicet cum Christianis agi consuevit) an occidi perstans in eâ: sed satis est ad ejus supplicium ostensa circumcisio. Si Spartiano credimus, moverunt sub Hadriano Cæsare Iudæi bellum, quod vetabantur mutilare genitalia: quod bellum cum exitum habuit, ut unâ cum Barchocabo innumeri Iudæi occumberent, & Ierosolyma in AEliam commutaretur. Rigorem tamen moderatus est Hadriani successor Antoninus Pius, de quo Modestinus Iurisconsultus, productus lege xi Dig. ad legem Corneliam de sicariis & veneficis: Circumcidere Iudæis filios suos tantum rescripto Divi Pii permittitur: in non ejusdem religionis qui hoc fecerit, castrantis pœna irrogatur. Ad eamdem legem Corneliam Iulius Paulus Sententiarum receptarum libro v, tit. xxiii: Cives Romani, qui se Iudaico ritu vel servos suos circumcidi patiuntur, bonis ademptis in insulam perpetuò relegantur: medici capite puniuntur. Iudæi si aliene nationis comparantur ser-*

208 *ser vos circumciderint, aut deportantur aut capite puniuntur.*
Et hæc in occasione obiter de circumcisione annotasse
sufficiat.

LXXII. Tandem subsequutum est iuramentum,
quum non saltem Abrahamus *contra se credidisset*, Rom. 4. v.
13. 29. 21.
quod ex ipso proditurus numerosus & potens populus,
imò proditurus, in quo benedicendæ omnes gentes or-
bis terrarum; ac minimè infirmus fide non considerasset suum
ipsius corpus jam emortuum, nec emortuum uterum Sara, plene
per suum habens Deum quod promiserat posse etiam efficere: sed
præterea iussus à Deo sacrificare ipsum illum filium, de
quo promissum erat, *In Isacco vocabitur tibi semen*, demon-
strasset se promptum parere, *ratiocinatus Deum potentia præ-* Hebr. 11, 19.
ditum esse etiam suscitandi ex mortuis, atque adeo quocum-
que modo, quamquam hominibus ignoto, promissa sua
adimplendi: quum ita, sicut jam diximus, se gessisset A-
braham, *nec posset Deus per quemquam maiorem jurare*, Hebr. 6, 13.
vit per seipsum, ac dixit, *Per me ipsum juro*, quandoquidem fe-
cisti rem hanc, & non subtraxisti filium tuum, unicum tuum; me
prolixè benedicturum tibi, & cumulatissimè multiplicaturum se-
men tuum, sicut stellas cæli & sicut arenam quæ est in litore ma-
ris, possessurumq; semen tuum portas inimicorum suorum, & be-
nedictas fore in semine tuo omnes gentes terræ, Gen. xxi 1, 16,
17, 18. In Hebræo est *הברכו* Benedicent & beabunt se,
id est, benedictas & beatas se profitebuntur, siue in se-
mine tuo vel per semen tuum benedictionem & beatitu-
dinem sibi collatam, seque consequutas esse agnoscent
& prædicabunt omnes gentes terræ.

LXXIII. Atque ita se habet pactum Abrahami-
cum, promissionem de Messia siue semine benedicto sup-
ponens & involvens, atque adeo, quoad potissima, E-
vangelicum: confirmatum tamen per *τοῦ αἰῶνος*, per si-
gillum

K

gillum circumcisionis & tandem per divinum juramentum, sicut ostensum fuit. Abrahamico post cccxxx annos, ex quo peregrinari coeperat Abraham, accessit Moisaicum, promulgatum & sancitum postquam populus Israeliticus ex Aegypto & dura servitute gloriose & miraculose erat eductus: priore Abrahamico sive Evangelico nihilominus, uti fuerat, perseverante, suaeque virtutis & vigoris compote: nam, ut docet sanctus Paulus, *pautionem ante confirmatam à Deo, respicientem in Christum. Lex quae post annos quadringentos & triginta capit, non reddit irritam, ut aboleat promissionem, Gal. 111, 17.*

LXXIV. Quum esset populus Israeliticus mirum in modum duræ cervicis, & ad idololatriam vehementer pronus, nec non ad amplectendos profanos cultus & ritus proclivis; ut ad obœdientiam per præmia in sensus incurrentia, quibus utpote carnalis præcipue movebatur, invitaretur, ab idololatriâ & criminibus contra legem naturæ & moralem committendis per pœnas horribiles, itidem sensibiles, deterreretur, & constitueretur respublica, in quâ suo tempore nasceretur Messias; quin etiam ut haberet populus, quibus interea occuparetur, & occupatus ad profana sacra non delaberetur: propterea voluit Deus legem moralem, satis aliàs notam, è monte Sinai, magnâ & conspicuâ solennitate proponi, addiditque leges positivas tum politicas tum ceremoniales sive ad sacra facientes, promissum Messiam potissimum respicientes & præfigurantes. Ita parario & mediatore Mose prioribus pactis, quæ interim, ut diximus, præsupponuntur, & sine immutatione vel revocatione perseverant, accessit pactum de prosperitate & eminentiâ externâ & temporariâ conferenda sub conditione obsequii morali legi, ne per improbitatem & contumaci-

am vi-

cim violetur, præstandi, & observationis cæterarum quoque positivarum legum; & contra de poenâ multiplici & atroce secus facientibus irrogandâ, ut vel ita ad debitam oboedientiam refractarius populus adigeretur.

LXXV. Hactenus patriarcha Iacobus magnis adversitatibus, (*pauca & mala fuerunt dies annorum vitæ meæ*, ait ipse) ejusque posterum in Aegypto calamitatibus & duræ servituti obnoxii fuerant, nec mundanam prosperitatem jactitare poterant. Hinc Moyses Deut. v, 2: *Dominus Deus noster pepigit nobiscum fœdus in Horeb. Non cum patribus nostris pepigit Dominus fœdus istud, sed nobiscum, qui sumus hodie universi viri.* Inter alia verò plurima in primis notanda sunt, quæ habentur Deut. xxxii: *Erit si fideliter auscultaveris voci Domini Dei tui cum observantiâ faciendo omnia præcepta ejus, quæ ego, inquit Moyses, præcipio tibi hodie, ut disponat te Dominus Deus tuus sublimem supra omnes gentes terræ: & obvientes tibi omnes benedictiones istæ adsequantur te, quum auscultabis voci Domini Dei tui. Benedictus eris in civitate & benedictus eris ruri &c. Statuetq; te Dominus in caput, non autem in caudam, ut sis tantummodo superior & non inferior, quum auscultabis præceptis Domini Dei tui, quæ ego præcipio tibi hodie, ut observes & facias. Sed eris si non auscultaveris voci Domini Dei tui, cum observantiâ faciendo omnia præcepta ejus & statuta ejus, quæ ego præcipio tibi hodie; ut obvientes tibi omnes maledictiones istæ adsequantur te. Maledictus eris in civitate & maledictus eris ruri &c.* Subjiciuntur maledictiones & intentantur poenæ adeo horribiles, ut non possint non audienti & consideranti ingentem terrorem incutere. Sic videlicet ad obsequium induendus erat populus durus & contumax. David itaque quum dicit, *Puer fui, etiam senui, sed non vidi justum derelictum, & semen ejus: quærere panem; juxta suam experientiam*

Gen. 49, 7.

Psal. 37, 38.

tiam & rationem temporis, quo vigeant promissiones
pacti Mosaici (vide Deut. xv, 6) loquitur.

LXXVI. Huc quoque faciebat, quod in prava-
ricantes è vestigio severè admodum à Deo saepe fuit ani-
madversum. Sic quum filii *Aaronis Nadab & Abihu ob-*
tulissent coram Domino ignem alienum, nempe coelitus non
demissum, nec sumtum ab altari, in quo is nutriebatur,
quod non praeceperat eis; egressus ignis à facie Domini exanimavit
eos, mortuiq. sunt coram Domino, Levit. x, 1 & 2. Quum
populus aliquando querulus esset & murmuraret, exarde-
scebat in eos ignis Domini, & consumpsit extrema castrorum, sive
eos qui erant in extremis castris, Num. xi, 1. Quum im-
potenter carnes desiderarent, ventus profectus à Domino ab-
ripuit coturnices à mari, & dissevit ad castra, quasi itinere unius
diei hinc, & quasi itinere unius diei illinc circa castra; idq. ad duos
cubitos in superficie terrae. Earum caro erat adhuc inter dentes
illorum, nondum exesa erat, quum ira Domini accensa est in po-
pulum, & percussit Dominus populum plagà magnà valde, Num.
xi, 31 & seqq. Exploratores qui à Mose emissi ad explo-
randam terram promissam, quum reversi ad murmurandum
incitassent populum, inducendofamam malam de terrà illà, mor-
tui sunt plagà coram Domino, Num. xiv, 36, 37. Quum Co-
rah, Dathan & Abiram seditionem movissent contra
Mosen & Aharonem, aperiens terra os suum absorpsit eos, &
domos eorum. Ita descenderunt illi cum omnibus, quae ipsorum
erant, viri in infernum sive sepulcrum, antè sepulsi quam
mortui, ut loquitur Optatus Milevitanus: & operiente eos
terrà perierunt è medio congregationis. Præterea ignis egressus
à Domino absorpsit ducentos quinquaginta viros, qui seditionis
adstipulati sine mandato offerebant suffitum. Quum po-
stridie murmuraret totus cætus Israëlitarum contra Mosen &
Aharonem, dicendo, Vos morte affecistis populum Domini; exi-
vit

uir fervens ira à facie Domini, & incepit plaga in populo, quã
perierunt quaterdecies mille septingenti. Hæc omnia prolixè
Num. xvi. Quum iterum murmurarent, pertæsi Man-
næ, quam non verebantur panem vilissimum appellare,
immisit Dominus serpentes ignitos, qui morderent populum, &
ad morsis ignem & intentissimum calorem veneno suo
inferrent: ita moriebatur populus multus ex Israël, Num.
xxi, 6. Quum cœpisset populus scortari cum filiabus Moa-
bitarum, earumque illecebris induci ad cultum idoli
Pehoris, immisâ divinitus plagâ mortui sunt vicies quater
mille, Num. xxv, 9.

LXXVII. Eodem, nempe ad populum instabi-
lis & refractarii ingenii in officio continendum, facie-
bant severa supplicia delinquentibus citra omnem in-
dulgentiam irrogata. Expresit filius Israëlitis, qui erat fi-
lius viri Aegypti, nomen Domini, & maledixit alteri, cum
quo rixabatur, in hunc fortè sensum, DOMINVS te per-
dat. Is iussus est lapidari, Levit. xxiv, 14. Pariter qui ligna
collegerat die sabbati, lapidibus obruitur, Num. xv, 32.
Faciebant eodem severissima mandata, quale Deut. xiii, 6:
*Si clam incitet te frater tuus filius matris tue, aut filius tuus, aut filia
tua, aut uxor sinus tui sive tibi carissima, aut amicus tuus, qui est
sicut anima tua, quem amas ut temetipsum, dicendo, Eamus &
colamus deos alienos: ne acquiescito illi neq. auscultato illi; neq. par-
cito oculus tuus illi, neq. clementiâ utitor, neq. celato illum: sed
omnino occidito illum: manus tua primum esto contra illum, ut
morte afficias illum; postea verò manus totius populi.* Eodem
facit pœna capitis, quæ contumacibus & nolentibus sen-
tentia sive Pontificis sive Iudicis acquiescere, indicitur,
Deut. xvii, 8 & seqq. *Si difficilis & ambigua fuerit res apud te in
iudicio ferendo inter sanguinem & sanguinẽ, num quis cædis re-
us sit vel innocens, inter causam & causam, quum de pecu-*

niā vel simili negocio aut contractu litigatur, & inter pla-
gam & plagā, si venum aliquis lepræ sit obnoxius vel mun-
dus, controversiis intra portas tuas exortis; tunc adibis sacerdo-
tes Levitas & iudicem, qui fuerit in diebus illis, & quæres, & in-
dicabunt tibi verbum iudicii: & facies juxta verbum, quod indi-
caverint tibi è loco illo, quem elegerit Dominus, & observabis ut
facias secundum omnia, quæ docuerint te. Vir autem qui fecerit
per superbiam, arrogantiam, pervicaciam, ut non obædiat
Sacerdoti, qui steterit ut ministret illic coram Domino Deo tuo,
aut Iudici, morietur vir ille, & auferes malum, id est, exem-
plum contumacis inobædientiæ, ne id alii imitentur, fa-
ctiones oriantur & pax publica turbetur, ex Israël. Ac-
quiescendum igitur erat sententiæ, à quâ ad superiorem
non daretur provocatio, siue Pontificis siue Iudicis, quo-
ad obsequium in præstando & parendo. Liranus in hunc
locum: *Hic dicit Glossa Hebraica R. Bechai; Si dixerit tibi,*
quòd dextera sit sinistra, vel sinistra dextera, talis sententia est
tenenda. Quod patet, ait Liranus, manifestè falsum esse:
quia sententia nullius hominis, cujuscumq; sit auctoritatis, est te-
nenda, si contineat manifestè falsitatem vel errorem. Lirani
verba repetit Dionysius Carthusianus, & probat, si Glossa,
inquit, illa Hebraica dicere velit, quòd talis sententia sit tenen-
da ita, ut ei mente consentiatur tamquam vera & justæ. Si au-
tem vult dicere, quòd est tenenda ita, quòd pœna aut damnum
sententiæ siue per sententiam irrogatum debeat patienter
tolerari ab innocenta, qui non potest ad altiorem iudicem in hoc
mundo habere recursum, sic potest salvari Glossa illa, vel ut
veritati consona admitti. Pœnam itaque mortis, quæ
in tali casu obsequium detrectanti & refractario inferri
jubetur, ad severitatem disciplinæ istis temporibus con-
gruam referri oportet. Abulensis in hoc Deuteronomij
capitulum, quæst. iv; *Quædam Glossa Hebraica dicit, quòd si*
dixe-

dixerit iudex ille, quod manus dextera est sinistra, vel similia; quòd etiam credendum est sibi, & tenenda sententia. Sed valde deficiunt in hoc, quia nulli homini contra per se notam veritatem dicenti credendum est. Cæterum, ut diximus, ad obsequium non tam iudicio mentis, quàm facto & opere præstandum referri oportet.

LXXIIX. Exstant sanè rigida severitatis vel divino iussu adversus gentes bello subactas exercitæ, vel etiam ab ipso Deo, dum fœdus Mosaicum obtinuit, interrogata exempla. Quum arcam fœderis à Philistæis reducem Bethfemita, sublato fortè per curiositatem velo, quo cooperta erat, inspexissent, percussit Dominus è populo septuaginta viros & quinquaginta millia virorum: luxieq; populus, quod percussisset Dominus populum plaga magna, I Sam. vi. 19. Rursus quum auspiciis & ductu Davidis è domo Abinadabi eadem arca novo platistro imposita deducere-
tur, & boves lascivirent sive calcitrarent, veritus Vzza (vulgato Oza) filius Abinadabi ne eam exciterent, extendit manum suam & tenuit eam: propterea accensus ira Dominus in Vzзам, percussit ibi eum Deus propter temeritatem vel imprudentiam, mortuusq; est ibi juxta arcam Dei, II Sam. vi. 6; I Chron. xiii. 9. Elisæus prope Bethlehem pueris parvis ex urbe egressis, qui ei illuderent, maledixit in nomine Domini; & exeuntes duo ursi è silvâ discerperunt ex eis quadraginta duos pueros, II Reg. ii. 24. Rex Iudæ Vzizia, (vulgato Ozias) qui posteriore Regum Azarias appellatur, quum ingressus in templum Domini sibi arrogaret adolere super altare suffitus, prohiberet autem Azarias sacerdos primarius unâ cum reliquis sacerdotibus, & ille pertenderet, exorta est lepra in fronte ejus coram sacerdotibus in domo Domini apud altare suffitus. Itaque compulsus est egredi, quia plaga afficiebat eum Dominus. Sic fuit Vzizia Rex leprosus usque

usque ad diem mortis suae, habitavitque in domo libera sive separata & à commercio hominum remota (leprosus solus habitato, extra castra habitatio ejus esto, Levit. xiii, 46) leprosus, quia abscissus sive exclusus erat à domo Domini, 11 Chron. xxvi, 16 & seqq. 11 Reg. xv, 5. Quum Achazias rex Samariae ad Eliam mitteret tribunum, quinquaginta militibus praefectum, & is Eliae diceret, Vir Dei, Rex praecipit ut descendas; respondit Elias, Si vir Dei ego sum, descendat ignis à caelo, & consumat te atque quinquaginta tuos. Tum descendit ignis à caelo, & consumpsit eum & quinquaginta ejus. Alter cum totidem ab eodem rege submissus, & id ipsum repetens, similiter cum suis periit, 11 Reg. i, 9 & seqq. Quum Christum Dominum Samaritani vico quodam suo prohiberent, quod facies ejus esset proficiens Ierosolymam; Apostoli Iacobus & Iohannes imitari voluerunt factum Eliae, dixeruntque, Domine, vis dicamus ut ignis descendat à caelo, & consumat eos, ut etiam Elias fecit. Sed conversus Iesus obiurgavit eos, dicens, Nescitis cujus spiritus vos sitis. Filius enim hominis non venit, ut perderet animas hominum, sed ut servaret, Lucæ ix, 53 & seqq. Nempe ratio & procedendi modus pacti Evangelici novi, quod coepit, ex quo praesentem se sitit Messias, prorsus diversus est ab eo, qui quamdiu Mosaicum vigeret, obtinuit.

LXXIX. Quoniam autem pactum Mosaicum, quod Evangelico de semine venturo & ex stirpe Abrahami prodituro accessit, peculiariter cum Israëlitis initum fuit, & quamvis priora pacta supponat & nihil eorum deterat, secundum se tamen non concernit aliud, quam eminentiam & prosperitatem illius populi, sive terram promissam gloriosè occupandam & feliciter possidendam; ideo qui non desiderarunt populo illi inferi & paris fortunae consortes ac participes esse, ad Mosaicum amplecten-

plectendum ad acti vel obligati non fuerunt: imò nequidem ad Abrahamicum, quatenus id non communem hominum salutem concernebat, sed peculiarem sortem & dignitatem Abrahamo promittebat, & circumcissionem injungebat. Hinc illis temporibus erant pii & fideles, qui tamen circumcisi non essent; quod nemo temerè negaverit de amicis Abrahami Aner, Eschol & Mamre; de Abimeleco rege Geraræ, fœderato Abrahami, Gen. xxi, 32; de filiis Cheti & Hephronæ, à quo emit Abraham agrum cum speluncâ in usum sepulcri, Gen. xxiii; de Rehuele Midianitâ sive Ismaelitâ Mosis socero, in cujus tamen domo non usitata fuit circumcisio, quem admodum intelligi potest ex facto & verbis filiæ ejus Sêphoræ, uxoris Mosis, Ex. xv, 25: quam ad focerum à Mose, metuentes sine dubio difficultates in itinere & Aegypto oborituras, & fortè quòd Sêphora gravida esset, paritura Eliezerum (non enim nisi unius filii Gersomi mentio fit Exod. ii, 22; iv, 25) remissam idem focer ad Mosen ex Aegypto egressum & Rephidimis, statione undecimâ, commorantem unâ cum duobus filiis Gersomo & Eliezere reduxit, Exodi xix. Appellatur ibi Iethro, ut binominis fuerit; & suppeditato prudente de judiciis constituendis consilio domum suam revertitur. Sêphora dicitur Aethiopissa Num. xii, 1: sine dubio quòd Midianitarum regio Aethiopiæ orientali contermina. Invehuntur autem in Mosen Aharon & Miriam eo potissimum nomine, quòd alienigenam sive peregrinam duxisset, & propterea appellationem, quæ maximam peregrinitatem redoleat, adhibent. Bileam Midianita, quamvis subdolus esset minimeque sincerus aut seriò probus, propheta tamen erat, Dominiq; alloquio fruebatur, & inspiratione vaticinabatur, ut notum est ex libro Numerorum.

L

rorum.

rorum. Num. x, 29 memoratur *Chobab filius Rebaelis Midianita, socius Moysi* (sic enim vertendum esse existimo) qui proinde fuerit affinis Moysi; quem virum rerum & regionum gnarum Moses apud se libenter retinisset, & ad manendum invitabat, sed is respondit, *Non vadam tecum, sed ad terram meam & ad cognationem meam revertar.* Unde patet, quod inferi populo Israëlítico non existimaverit necessarium esse ad salutem. Hujus tamen posterius, vel certe ex eis aliqui ad illum se adjunxerunt. Vide Iud. iv. 11.

Iobi 1, 1. XXC. Quod de superioribus, idem affirmari oportet de Iobo, qui habitavit in regione Huz, *vir integer & rectus, timensq; Deum & recedens a malo;* & præterea laudatur Iezech. xiv, 14, & Iacobi v, 11: de Hiram rege Tyri, amico & foederato Salomonis, I Reg. ix, 11, 27: de Regina Saba, ejusque familiâ & ministris, I Reg. x. Quin ipse Salomoh, quum absolvisset structuram templi, precibus suis peregrinos extraneos Deo in hunc modum commendat: *Quin etiam extraneo vel alienigena, qui non fuerit de populo tuo Israël, sed venerit de terra longinqua propter nomen tuum, quum adveniens orabit versus domum hanc; tu auscultato de caelis, statione habitationis tue, ut facias omnino, prout clamaverit ad te extraneus; ut sciant omnes populi terrae nomen tuum, ut timeant te, sicut populus tuus Israël, & cognoscant nomen tuum invocatum esse super domum hanc quam edificavi, id est, domum hanc tuam esse domum & tuum templum, I Reg. ix, 41 & seqq.* Cui fini adjunctum fuit cæteris templi ædificiis atrium, quod gentilibus & alienigenis intrare liceret: in hoc Servator adulteram, cui interiora adire haut permissum, absolvit, Ioh. i ix; ex hoc videntes & eementes ejecit, Marci xi, 15. Adde superioribus Ninevitas, qui *pœnitentiam egerunt ad prædicationem Iona*, Matth. xii, 41; Lucæ xi, 32: Nahamanem Syrum, qui mundatus à leprâ

*à leprâ promittit se non facturum amplius holocaustum aut sacrificium diis alienis, sed DOMINO, 11 Reg. v, 17: Nebucad-
 nezarem, qui à Deo castigatus, Nunc inquit, ego Nebucad-
 nezar laudo extolloq, & glorifico Regem cæli, cujus omnia opera
 veritas, & via ejus judicium, Dan. 1v, 37: Darium Medum,
 qui Daniele è foveâ leonum incolumi educto, proponit de-
 cretum, ut in toto, inquit, dominatu regni mei tremant & ti-
 meant omnes à conspectu Dei Danielis: quia is est Deus vivens &
 permanens in secula, & regnum ejus non dissipabitur, & imperi-
 um ejus ad finem usque, sive in æternum, Dan. vi, 27;
 Cyrum, qui sub finem Chronicorum & initium li-
 bri Ezræ in hunc edicit: Omnia regna terra tradidit mihi
 Deus cæli; & ipse commisit mihi, ut ædificem sibi domum Ieroso-
 lymis, quæ sunt in Iudâ. In eundem censum referendi vi-
 dentur Græci, qui adscenderunt ut adorarent in die festo, Iohan.
 xii, 20: Cornelius, centurio Romanus, pius ac timens Deum
 cum totâ domo suâ, Act. x, 2: inprimis verò Aethiops eunu-
 chus, dyastes Candaces regina Aethiopum, qui venerat Ieroso-
 lymam adoraturus, & revertebatur sedens in curru suo, lege-
 batq, Esaiam prophetam, Act. 11x, 27.*

XXCI. Antiquissima itaque fuerit distinctio
 proselytorum sive advenarum in proselytos justitiæ,
 & proselytos portæ. גרי צדק & גרי השער. Proselyti justiti-
 æ, id est, justii & veri, circumcisi & totam Mosaicam
 legem amplexi, atque adeo Israëlítico populo inserti,
 qualis Vrias Hitthæus, quem propter uxorem interfici
 fecit David; Araûna vel Ornan Iebusæus, 11 Sam.
 xxiv, 16; 1 Chron. xxi, 18; qualis etiam describitur A-
 chior Ammonita Iudithæ xiv, 6, juxta Vulgatam his
 verbis: *Tunc Achior videns virtutem, quam fecit Deus Israël-
 lis, relicto gentilitatis ritu credidit Deo, & circumcidit carnem
 præputii sui, & appositus est ad populum Israël, & omnis suc-
 cessor generis ejus usque in hodiernum diem.* Talis etiam On-

kelos, sive paraphraſtes ſit Chaldaeus, qui in Pentateu-
 chum exſtat, ſive alius; talis Nicolaus, ab Apoſtoliſ dia-
 conus electus, Act. vi, 6. Profelyti portæ deducuntur ex
 Deut. xiv, 21, ubi præcipit Dominus Iſraëlitis, *Non come-*
detis ullum morticinum, ſive per ſe & ſine vulnere ſangu-
 niſque emiſſione mortuum, peregrino (Onkelos, *incir-*
cumciſi) *qui eſt intraportas tuas dubis illud & comedet illud.*
 Appellantur quoque גרי הושב advenæ cohabitationis
 vel inquilini. Hiſce, ajunt Iudæi, ſeptem præcepta fu-
 iſſe impoſita, quæ vocant præcepta filiorum Noæ; &
 communiter ſic enumerant, quod primum ſit de obſer-
 vandâ juſtitiâ; ſecundum de Deo benedicendo & lau-
 dando; tertium de fugiendâ idololatriâ; quartum de in-
 ceſtu; quintum de homicidio; ſextum de rapinâ vitandis;
 & tandem ſeptimum de membro vivi animalis, ſive po-
 tiùs de carne cum ſanguine ejus, qui eſt anima vel vita ejus, non
 comedendâ, quum qui carnem cum ſanguine manducat,
 videatur carnem unâ cum vitâ ſuâ devorare. Recenſen-
 tur in Gemarâ Codiciſ Sanhedrin, cap. vii; quamquam
 variantibus, ut ſolet, Rabbiorum verbis & ſententiis.
 Recenſet quoque Moſes Maimonides halachâ ſive ſectio-
 ne ultimâ totius ſui operis Miſchne torah, quæ agit de
 Regibus & bellis gerendis, ſub initium capitiſ noni, ubi
 dicit ipſi Adamo fuiſſe impoſita, & ad ea ſervanda rectam
 rationem inclinare. Sub finem capitiſ præcedentiſ dixe-
 rat, quòd qui ſuſceperit & ſervaverit hæc ſeptem præce-
 pta, quòd intelligat Deum ſervari velle, זה מחסורי אומות
 ויש לו חלק לעולם הבא, *is ſit ex piis gentibus, &*
habeatq; partem in ſeculo futuro. Aeternam itaque ſalutem
 ab obſervatione ceremoniarum Moſaicarum ne Maimo-
 nides quidem ſimpliciter ſuſpēdit, ſed quidquid ejus
 fuerit, ad populum, cui peculiariter injuncta, reſtringit.
 Quòd

Gen. 9. 4.

Quòd autem nulla fit mentio de expectando semine benedicto, arguit numerum hunc præceptorum illis Noachi, id est, omnibus qui Israëlita non essent, injunctorum à Rabbinis sequioris seculi profectum & excogitatum esse.

XXCII. Profelytis portæ sive inquilinis admodum affines fuerint, qui aliunde & ex populis exteris ac remotis Ierosolymam ad adorandum verum Deum adscenderunt; de quibus paullò antè. Hellenistæ, qui in Actis memorantur, fuerunt origine Iudæi. Quorum enim mentio fit Act. VI, 1; illos partem fuisse ecclesiæ Apostolicæ, in quam nondum admissi erant Græci gentiles, certum est. Rectè itaque reddidit interpretes Syrus Act. IX, 29, *Iudeos qui noverant græcè*, inter Græcos videlicet nati & conversati, & proinde græco quidem sermone usi, sed eum phrasi Hebrææ, cui in sacris suis adsueverant, conformantes. Multitudo rituum & præceptorum Moisaicorum ingens erat, uti notum est. Iudæi numerant præcepta affirmantia CCXLIX, quot volunt esse membra corporis humani; negantia CCCLXV, juxta numerum dierum anni. Fuerint universa DCXIII. Ita R. Samlai capite tertio Codicis Maccoth. Vbi tamen annotatur ad undecim redacta esse; à Davide à Iesaja ad sex; à Micha ad tria; & tandem ab Habacuco ad unum, *Iustus in fide sua vivet*, Hab. II, 4.

XXCIII. Operosa & preciosa structura arcæ fœderis præscribitur Moysi Exodi XXV. Erat autem è lignis cedrorum lectissimarum, longitudine duorum cubitorum cum dimidio, & sesquicubiti tum latitudinè tum altitudine; obducta auro puro intrinsecus & extrinsecus, additis quatuor annulis aureis, quibus infererentur cedrini vestes auro obducti; habens præterea limbum

L 3

aure-

aureum circumquaque, & operculum, quod *in ashen* vel propitiatorium dicebatur, ex auro puro, operculoque altrinfectis incumbentes duos Cherubinos aureos. In eâ ponebatur *testimonium*, quod dabit Dominus Moysi, Ex. xxv, 16 & 21; xl, 20. Ipse Salomon, *Disposui*, inquit, *locum pro arcâ, in quâ est fœdus Domini, quod pepigit cum patribus nostris, quum educeret eos de terrâ Aegypti*, 1 Reg. ii, 21. Vna verò, in quâ servabatur tantum Mannæ, quantum capi poterat mensurâ Homer, jubetur poni *coram Domino, & coram testimonio*, arcâ testimonii sive fœderis, Exodi xvi, 33 & 34: item virga Aharonis, quæ floruerat & amygdala protrulerat, Num. xvii 10. Nihilominus junguntur istæ *tabulis fœderis*, & dicuntur unâ in arcâ fuisse, Hebr. ix, 4: quum tamen scriptum sit, *Nihil erat in arcâ præter duas tabulas fœderis, quas collocaverat ibi Moyses in Horeb, quando patet est Dominus cum filiis Israël egredientibus de terrâ Aegypti*, 1 Reg. ix, 9; 11 Chron. v, 10. Loquitur autem Epistola de tabernaculo, quale erat primis temporibus, quando dissolvi & portari potuit: libri verò historici de templo jam exstructo. Dico itaque temporibus, quibus locum subinde tabernaculum variabat, additas tabulis fœderis fuisse urnam & virgam, & arcâ simul inclusas; quod mutaverit, quum fixam sedem exstructo à Salomone templo arca nacta esset: tum enim urnam & virgam ponere arcam sive coram arcâ, quod verbis Domini in primis conforme, positas fuisse. Paullò antè dixerat Epistola, sancta sanctorum sive summum sanctuarium habuisse *juramentum*. Si vertatur *turibulum*, nulla vel apud Moysen vel alibi turibuli summo sanctuario proprii mentio; si verò *arasuffitus*, constat eam in sanctuario, sacerdotibus assignato, & non in summo sitam fuisse. Quoniam tamen ei propè adstabat & proximum erat, propterea accensetur,

tur, quasi ad id pertineret. Verba sunt Domini ad Mo-
sen : *Pones altare aureum ad suffitum coram arcâ testimonii.*
Qui obsequutus posuit altare aureum in tabernaculo conven-
tus coram velo, quod sancta sanctorum à proximo sanctua-
rio distinguebat, Exodi xl, 5 & 26. Notandum tria taber-
naculi fuisse vela, Vnum, cuius modò & in adductis versi-
culis facta fuit mentio, (adde Exod. xxvi, 31 & 33; xxx, 6)
ubique פרכת appellatum; alterum inter sanctuarium
& atrium populi, dictum velum vel tegumentum *janne*
five ostii versi. 5 & 28; tertium fuit velum *porta atrii*, quod
populus intrabat, hac appellatione memoratum versi. 8
& 33. Quoniam igitur ata suffitus collocata erat לפני ארון
& לפני הפרכת in facie arcæ & primarii veli, five coram
arcâ & illo velo, atque adeo suffitus fieri dicitur לפני
הערת *coram testimonio*, Exod. xxx, 36; ideo arcâ illa cum
arcâ testimonii conjungitur. Sic mihi concilianda vi-
detur, quæ aliàs pugnant & multos torquent: nec agrè
feram, si quis alia vel magis apposita attulerit.

XXCIV. Erat autem arcâ symbolum peculiaris
præsentia divinæ, five præsentissimæ, ut ita loquar, præ-
sentia. Quamvis enim Deus per infinitam suam essen-
tiam & potentiam non possit non adesse ubique, liberè
tamen, quidquid vult, operatur, in primis verò gratiosè
ibi adest & operatur, ubi ita vult adesse & operari. Quan-
do ingrediebatur Moyses tentorium conventus, ut loqueretur cum
Deo, five Deum consuleret, audiebat vocem sermonantem
secum è propitiatorio, quod erat super arcam testimonii inter duos
Cherubinos: sic alloquebatur eum, Num. vii, 89. Erat autem
sensibile quoque symbolum præsentia divinæ nubes illa,
quæ tentorium conventus, mox ut absolutum & erectum e-
rat, operuit, adeo ut non posset Moyses ingredi in tentorium conven-
tus, quum incubisset ei nubes: nam gloria Domini implebat i-
psam

psura tabernaculum. Quando autem attollebatur nubes illa è tabernaculo proficiscebantur filij Israël; si non attollebatur, non proficiscebantur, usque dum tolleretur. Nubes enim Domini erat super tabernaculum interdiu, & ignis in eà nube noctu conspiciebatur, Ex. ultimo, vers. ultimis. Vnde ad populum Moses Deut. 1. 33: Deus praeit vobis in hac via ad explorandum vobis locum pro castrametatione vestrà; igne noctu, ut lucem vobis praebeat in via, per quam ituri estis, & nube interdiu. Quà de re plura Num. ix, 15 & seqq. Nubes erat interdiu, sed specie ignis noctu. Antequam conficeretur juxta divinum praescriptum tabernaculum conventus publicum, Moses tentorium suum tetendit extra castra, procul recedendo à castris, vocavitq. illud Tentorium conventus: erat enim ut quisquis consulturus erat Dominum, exiret versus tentorium conventus, quod erat extra castra. Fuit verò quum ingrederetur Moses in tentorium illud, ut descendens columna nubis consisteret ad ostium tentorii, & loqueretur cum Mose, Exodi xxxiii, Quoniam autem ad eum modum arca signum erat praesentiae divinae, & quidem gratiosae cum protectione & auxilio conjunctae, propterea, quando profectura erat arca, dicebat Moses, Surge Domine, & dispergantur inimici tui, fugiantq. oses tui à facie tuà: quum verò consisteret illa, dicebat, Da quietem Domine myriadibus, millibus Israël, Num. x, 35 & 36.

XXCV. Non tamen ita ad arcam se obligaverat Dominus, ut non potius spectaret conditionem, quam populo isti constituerat & stipulatus erat, nempe obsequium & integritatem morum. Etiam si igitur belligerrantes contra Philistaeos accersi fecissent arcam, haec in Siloh (quod è Gilgal transtulerat Iosua) commorantem, & excepissent cum jubilo & vociferatione, nihilominus succuberunt caesis triginta millibus: quin passus est Dominus ipsam arcam capi, & in manus Philistaeo-

Ios. 18. 1.

staorum venire, 1 Sam. iv: apud quos septem menses
 commorata fuit, 1 Sam. vi, 1. Ad reddendam quidem &
 reducendam adacti fuerunt Philistæi, à quibus veniens
 in urbem Ieharimorum (quæ nomen quoque Bahalæ
 obtinuit, Ios. xv, 9) deducta fuit, & illata in domum A-
 bidanabi in colle sitam, 1 Sam. vii, 1: ubi mansit toto
 tempore, quo Saul regnavit; nisi quòd prisco more ad
 populum in castra aliquando translata fuit, 1 Sam. xiv,
 18. Nobis igitur, ubi degebat Achimelech sacerdos, qui
 Davidi panes è sacrâ mensâ, in quâ propositi fuerant, a-
 motos suppeditavit, & gladium Goliathi, qui ibi post a-
 miculum sive locum, in quo servabantur vestes sacerdo-
 tales, involutus panno depositus erat, porrexit; hic, in-
 quam Nobis tentorium fuit sine arcâ (vide 1 Sam. xxi)
 translatum eò ut videtur, quum post ingentem illam à
 Philistæis illatam cladem caperetur aut vastaretur Silo.
 Nobis autem Saul occisis viris & fæminis, pueris & la-
 centibus, asinis & bobus & ovibus penitus evertit, in-
 terfecto Achimeleco propter officia Davidi præstita: imò
 XXXV viris gestantibus amiculum lineum, 1 Samuel. xxvi,
 18 & 19.

XXCVI. Eversâ itaque Nobis tentorium, quod
 Moses per Bezaleelem construxerat, translatum fuit in
 excelsum Gibeon, ubi erat tempore Davidis, sicut clarè
 indicatur 1 Chron. xxi, 29; & clariùs adhuc sub initium
 posterioris Chronicorum, ubi legimus, ut sequitur: *Abi-*
erunt Salomo & totus Israël cum eo in excelsum quod erat Gibeo-
ne, quia ibi erat tentorium conventus Dei, quod fecerat Moyses
servus Domini in deserto. Altare quoque æreum, quod fecerat
Bezaleel, ibi erat coram tabernaculo Domini. Gibeone itaque
 fuit tabernaculum conventus & altare holocausti: arca
 verò in urbe Ieharimorum. At creptâ lebusæis arce Si-

Cap. i. v.
 3 & 1.

M

onis

onis, & in civitatem Davidis commutata, congregavit
David delectos ex Israël triginta mille, ut *Bahala Iehuda*
sive urbe Ieharimorum deducerent arcam Dei, & deporta-
rent e domo Abinadabi, qua erat in colle, II Sam. vi. 1, 2, 3. De-
ducta tum fuisset in civitatem Davidis, nisi terruisset tri-
stis casus Vzzæ; per quem factum, ut diverteret in do-
mum Obed-Edom Githæi: unde post tres menses trans-
lata fuit in civitatem Davidis, & *introducenda in tentorium,*
quod tetenderat ei David; ibi commorata, donec à Salomo-
ne exstrueretur templum, in quo collocaretur. *Arcam*
Dei deduxerat David ex urbe Ieharimorum in locum, quem para-
verat ei David, quum tetendisset ei tentorium Ierosolymis, II
Chron. 1, 4. Hæc de arcâ, quæ nobilitata fuit appellati-
onibus *arca testamenti & fœderis Dei*, hic annotanda duxi-
mus. De mensâ panum faciei, lychnucho, arâ thymia-
tis, altari holocausti, vestibus sacerdotalibus cæterisque
Mosaicis ritibus & statutis non prosequemur nunc o-
mnia.

XXCVII. De sacrificiis tamen monemus, inter
ea præcipua fuisse holocausta, ita Græcis dicta, quod to-
ta cremarentur ad testandum honorem Deo debitum.
Hebræis *עֹלָה* *adscensio*; per ignem enim sursum mitteban-
tur. Liebant ex bobus, ovibus, capris; quæ secabantur in
partes, crura & intestinala lavabantur, & sic omnia in alta-
ri posita exurebantur, ut videre est Levitici primo; ubi e-
tiam, quomodo turtures & columbæ in holocaustum of-
ferrentur, exponitur. Pellis detracta, & nihil præter eam,
sacerdoti sacrificanti tribuebatur, Levit. vii, 8. Erat au-
tem holocaustum aliud iuge sive quotidianum; aliud
proprium sabbatis, noviluniis & festis. Quotidianum
erant agni anniculi bini. *Horum jubet Dominus unum*
offerri mane, & alterum inter duas vespertas. Addebatur si-
mila

simila mista cum oleo tuso: simila, confecta è purissima fa-
 rinâ, ad mensuram decimæ partis Ephæ; oleum verò,
 quarta pars Hinis. Et hæc erat Minha. Accedebat Liba-
 men sive vinum, quantum caperet quarta pars Hinis. E-
 rant enim Minha & Libamen appendices sive addita-
 menta sacrificiorum, præsertim holocaustorum, sicut
 intelligi potest ex his ipsis locis, quibus imperantur ho-
 locausta quotidiana, nempe Ex. xxix, 39, 40; & Num.
 xxiix, 3 & seqq. imò è Num. xxix, ubi crebrò memo-
 rantur holocausta unâ cum minhis & libaminibus suis.
 Inde per elegantem allegoriam sanctus Paulus Phil. ii, 17,
 Ἀλλ' εὐχαριστοῦμαι ἐπὶ τῇ θυσίᾳ καὶ λειτουργίᾳ τῆς πίστεως ἡμῶν,
*Quinetiam si pro libamento offerar super hostiâ sacrificiorū, fidei
 vestrae, gaudeo & gratulor omnibus vobis.* Nempe fidem Phi-
 lippenſium vult esse tamquam hostiam vel holocau-
 stum, cui nobili sacrificio sua mors tamquam libamen
 accedat.

XXCIIX. Sicut autem singulis matutinis & vesp-
 ris offerebantur holocausta, ita quoque in arâ suffitus a-
 dolebatur thymiana, & simul curabantur lucernæ lych-
 nuchi. Verba sunt Exodi xxx, 7: *Adolebit super illud al-
 tare suffitus Abaron suffimentum aromatatum singulis matutinis:
 quando aptabit lucernas, repurgabit videlicet & immundi-
 tiem noctu contractam amovebit, tum adolebit illud. Si-
 militer quando incendet lucernas inter duas vesp̄as, adolebit il-
 lud suffimentum jugiter coram Domino per generationes vestras.*
 Philo dicit id factum esse ἀνίσχοντες ἡλίου καὶ δυσμῶν
 πρὸς τὴν τῆς εὐθιῆς θυσίας καὶ μετὰ τὴν εὐσπείων, *orientis sole & oc-
 cidente, ante matutinum & post vespertinum sacrificium.* Panes
 verò propositionis sive faciei, qui juxta numerum men-
 ſium anni duodecim erant, mensæ, (cujus structura de-
 scribitur Ex. xxv, 23 & seqq.) ab utraque parte seni im-

L. de victi-
 mis post
 init.

M 2

pone-

ponebantur, & remotis alii substituebantur singulis fab-
batis. Vide Lev. xxiv, 5 & seqq. Sed ad holocausta rede-
amus, quæ qualia quotidie fuerint diximus: sed sabba-
tis duplicabantur: amplificabantur etiam haut modicis
accessionibus in neomeniis sive noviluniis, & in festis
Paschæ, primitiarum, *שבעות*, die buccinarum & die so-
lennis jejunii, quod in decimum mensis septimi compe-
tebat. De quibus videnda Num. xxix & xxx: in pri-
mis verò de solenni jejunio & anniversaria expiatione
facta Num. xvi.

XXCIX. Holocaustis enim sæpe jungebantur sa-
crificia Propitiatoria sive Expiatoria, quæ etiam pro de-
licto & pro peccato appellantur. Quæ fuerit differentia
inter hoc & illud, vix fortè sciri hodie poterit. Fuit ta-
men aliqua, quod evincunt verba, quæ sunt Levit. vii, 7:
כחטאת כזבח Sicut peccatum sic delictum, sive sicut ho-
stia pro peccato, sic hostia pro delicto, *lex eadem utrique*.
Id agnoscit Augustinus Quæstione super Leviticum xx:
quamquam expedire nequit. *Potest, inquit, videri illud*
esse delictum, quod imprudenter, id est, ignoranter & illud pecca-
rum, quod absente committitur. — *sed sive illa, sive ista, sive*
alia aliqua differentia sit peccati & delicti, nisi aliqua esset, non
Scriptura ita loqueretur. In differenter autem plerumque dicun-
tur, ut & peccatum nomine delicti, & delictum nomine peccati
appelletur. Ceterùm in primis notandum, quòd in Scri-
pturâ vetere passim peccatum hostiam pro peccato, & de-
lictum hostiam pro delicto significat. Inde Iesaias de
Cap. 53, 10. Messia vaticinatus, *Quum posuerit se כחטאת delictum, id est,*
hostiam pro delicto anima ejus videbit semen, quod prolon-
gabit dies, & beneplacitum DOMINI per eum prosperabitur.
Dominus Deus videlicet, ut loquitur istam sermonis
2 Cor. 5, 21 formulam sequutus sanctus Paulus, *eum, qui non noverat*
pecca-

peccatum, pro nobis peccatum fecit, ut nos efficeremur iustitie Dei in eo, id est, iusti coram Deo per eum, sive interventu & merito sacrificii, quod is obtulit. Nos enim ista ratione justificari, voluntas & beneplacitum est DOMINI. Recte Augustinus libro de peccato originali contra Pelagium & Celestium, cap. xxxii: *Deus, cui reconciliamur, fecit eum pro nobis peccatum, id est, sacrificium per quod dimitterentur peccata nostra: quoniam peccata vocantur sacrificia pro peccatis.*

XC. Erant autem alia pro peccatis per ignorantiam & errorem commissis, à sacerdote, à toto populo, à principe, à privatis vel ditioribus vel tenuioribus: (vide Levitici cap. iv & v.) alia pro peccatis voluntariis sive quæ deliberatò perpetrarentur, Levit. vi. Multus in his sacrificiis hircorum usus, ut constat ex Num. xxiix & xxi. Ad hæc expiatoria sacrificia referuntur etiam illa, quibus mundabantur puerperæ, Levit. xii; leprosi, Lev. xiii & xiv; viri gonorrhœam & fæminæ fluxum sanguinis passæ, Lev. xv. Refert Iosephus Manethonem Aegyptium, Chæremone & Lysimachum gentiles historicos fingere, quod populus Israëliticus fuerit colluvies leproforum morbidorumque hominum, & propterea Aegypto eiectus; quin quod ipse Moses leprâ laboraverit. Recte verò Iosephus: *Quod ejusmodi calamitatis corpus expers habuit, ipsius dicta indicant. Leprosi enim & oppida & vicos interdixit, ut seorsim in lacero vestitu agant; & eum qui illos attigisset, aut sub eodem tectum successisset, pro immundo habet.* Sed hæc obiter. Eodem pertinebat jüvenca rufa, cujus extra castra combustæ cineribus affundebatur aqua viva, & parabatur aqua separationis dicta, quâ qui propter ossis humani aut sepulcri aut eadaveris contactum, imò sub eodem tecto viciniam à commercio aliorum separati e-

1 cont. A.
pion. in fi-
ne.

M 3 rant,

rant, mundabantur, Num. xix. Præcepit enim Dominus ejicere castris omnem leprosum, & omnem gonorrhœa laborantem, & omnem immundum propter cadaver, Num. v, 2. Faciebant verò ista non nisi ad carnis puritatem, vel immunditiam externam, propter quam, qui obnoxii essent, coetibus arcebantur, tollendam: interim illi, qui præceptum adhibendæ purificationis negligerent, propter inobedientiam pœnæ subjiuntur. *Quisquis immundus fuerit, & non purgaverit se, omnino excindetur anima illa de medio hujus cætus*, Num. xix, 20.

XCI. Hic omnino videtur operæ precium nonnulla Apostolica verba epistolæ ad Hebræos considerare. *Lex, ut est initio capitis decimi, umbram habet futurorum bonorum, non expressam formam rerum.* Umbram habet, tum respectu propositionis & declarationis istorum bonorum hominibus illo tempore factæ; tum respectu Messiae, per quem & cujus mortem acquirenda erant; tum etiam respectu fidei, quæ à parte hominum, tamquam medium acquirendi intercedebat. Hæc enim ævo illo, quo vigeat pactum Mosaicum, si comparatur cum eâ, qualis hodie est sub Novo explicita, clara & distincta, adhuc erat implicita, obscura & confusa; ferebatur tamen in Messiam venturum: Messias verò venturus, *pontifex futurorum bonorum* (Hebr. ix, 11) cujus videlicet interventu & merito futura bona obtinentur, ejusque mors, precium redemptionis nostræ, typis & sacrificiis adumbrabatur: quin etiam ipsa coelestis hereditas & æternavita sub typo terræ promissæ & terrenæ prosperitatis proponebatur. Hinc quum docuisset Apostolus rituum sive ceremoniarum legalium *chirographum, quod hominibus erat contrarium*, (quippe quando abluebantur, se immun- dos; quando victimas offerebant, se mortis reos fateban-

bantur, & suo pte facto, tamquam chirographo testaban-
turi) cruci esse affixum & à medio sublatum, consumma-
tis videlicet omnibus & in claram lucem productis, quæ
ad redimendos homines à Messia præstanda fuerant, eo
tamen usque præstita non erant, sed saltem adumbrata;
subjungit, *Nemo itaque vos damnet ob cibum vel potum, aut
respectu festi, aut novilunii, aut sabbatorum: quæ sunt umbra
rerum futurarum*, nempe mundities externa interioris
munditiei, celebratio festorum & sabbatorum gaudii &
tranquillitatis animorum & conscientiarum; *ut corpus sive
res ipsa est Christi*, & à Christo tota derivatur, Col. 11, 16
& 17. Umbra quidem sive per delineationes aliquas fiat,
sive per interceptos solis radios, repræsentat corpus, vel
est quædam corporis imago & figura; ingens tamen di-
scrimen inter umbram & corpus ipsum: sic etiam inter
legem futuram bona obscurè proponentem (in Psalmis &
per Prophetas expressius proponuntur, quàm in Lege
Mosaicâ) & Novum pactum præsentia clarè exhibens.
Nemo tamen ista ita accipiat, quasi durante pacto Mosa-
ico homines servari non potuerint. Non quidem per
pactum Mosaicum servabantur, sed per Evangelicum,
quod supponebatur, jungebatur & involvebatur: atque
adè, etiam si fides in Messiam venturum quò ad omnia,
quæ passus est & præstitit, non esset ita plena & distin-
cta, sicut est hodie, in exhibitum; non tamen erat nul-
la, sed quò ad latitudinem cogniti objecti tanta, quan-
ta isto rerum statu sufficeret: quò ad *πνευματικῆς* verò,
æqualis aut etiam apud nonnullos major. Quamvis au-
tem sacrificium, per quod redimimur, actu & reapse à
Christo oblatum fuit sub Novo pacto, unde etiam ipse
Novi pacti mediator dicitur, Hebr. ix, 15; *sponsor melioris pa-*
cti, Hebr. vii, 22; *mediator præstantioris pacti, quod præstanti-*
oribus

oribus promissis, non terrenis scilicet, sed spiritualibus & cœlestibus sancitum est, Hebr. 11x, 6: porrigit illud tamen virtutem & efficaciam suam in omnia antecedentia tempora, ut morte ad redemptionem earum, quæ fuerant sub priore pacto, transgressionum intercedente, qui vocati erant promissam æternam hereditatem acciperent, Hebr. 1x, 15.

Verf. 1.

Hebr. 8, 5.

XCII. Sed ad caput decimum revertamur. Lex umbram habens futurorum sive cœlestium bonorum (unde sacerdotes Levitici exemplari & umbra rerum cœlestium deservire dicuntur) non ipsam expressam formam rerum, is hostiis, quas singulis annis continenter offerunt, numquam potest accedentes consummare, vel ad debitam & optatam perfectionem deducere. ALIOQUIN DESIISSENT OFFERRI (imperfecti sacrificii indubitatum argumentum statuit repetitionem) PROPTEREA QUOD CULTORES SEMEL PURIFICATI NULLORVM PECCATORVM, quæ sufficiente sacrificio expiata non sint, aut iterato expiari oporteat, AMPLIUS SIBI ESSENT CONSCII. Non quidem ab omni peccato immunes sunt fideles. nam si dixerimus nos peccatum non habere, nos ipsos fallimus, & veritas in nobis non est. Quanta quidem potest opera est danda, ut non peccetis, sicut scribit sanctus Iohannes. Quod si quis autem peccaverit, advocatum apud Patrem habemus Jesum Christum justum. Et ipse est ἱλασμός propitiatio pro peccatis nostris: nec pro nostris solum, sed etiam pro totius mundi. Interim ut repetatur víctima propitiatoria, & denuò offeratur, prorsus nec opus est, nec fieri potest. At IN ISTIS propitiatoriis Leviticis sacrificiis fit REPETITA MENTIO PECCATORVM QUOTANNIS. Respicit potissimum ad solenne illud sacrum, quod peragebatur die decimo mensis septimi: de quo Lev. XVI. Dices fortè, Num repetere confessionem peccati id importat, quod novâ pro expiandis peccatis opus sit

pus fit victimâ? Respondeo id concedendum esse de tali confessione, qualis apud sacrificia Levitica peragebatur. Neque enim ipsa, neque sacrificia, quibus adhibebatur, directè & per se aliò tendebant, quàm ad munditiem carnis sive externam, & admissionem ad conventus ecclesiasticos & civiles. NON ENIM POTEST SANGVIS TAURORVM ET HIRCORVM AVFERRE PECCATA, vel quoad reatum, ut aboleatur obligatio adluendam in divino iudicio poenam; vel quoad *conscientiam emundandam à mortuis operibus, ad colendum Deum vivum*, sicut emundat sanguis Christi, Heb. ix, 14. Nempe virtute sanguinis Christi, vel per Christi meritum & mortem fit, ut fidelibus Deus gratiam impertiat, per quam possint vincere peccatum, ne amplius serviant peccato, peccatūve in iis regnet, atque adeo ne contra conscientiam peccent, siue ut conscientiam servant illasam. Id præstat sanguis Christi, non autem taurorum & hircorum. Ob hanc itaque causam peculiari lege & mandato divino fiebat *repetita mentio peccatorum quotannis*, ut scilicet esset commonefactio, quòd per expiationes istas Leviticas nec aboleretur poena divinæ justitiæ exsolvenda, nec præberetur gratia ad vincendum peccatum necessaria; sed quòd utrumque ab alio longè perfectiore sacrificio per venturum Messiam exhibendo penderet. Hoc enim posito, etiamsi repetatur confessio peccatorum, non tamen per eam indicatur, quòd repetito aliquo expiatorio sacrificio indigeant: aut gratia, per quam vincatur peccatum & conscientia munda præstetur, desit; aut, si vel maximè fuerit commissum peccatum, non possit ejus haberi remissio per unicum illud semel oblatum sacrificium.

XCIII. Epistola ex xl psalmo Davidis, qui insi-
N gais

gnis fuit typus Christi, subjungit, quòd Deus holocau-
 tomata & expiatoria sacrificia Levitica nec velit nec ap-
 probet, tamquam per se grata, aut quæ coram ipso pec-
 cata expiare & auferre idonea: nam aliàs voluisse & ius-
 sisse offerri manifestum est: sed Christum ingressum esse
 mundum & adfuisse, ut faceret voluntatem Dei, nem-
 pe passione & morte suâ pro peccatis generis humani sa-
 tisfaceret. Hinc enim Christus ipse: *Pater mi, si non po-
 test hic calix abire à me, quin bibam eum, fiat voluntas tua.*
 Matth. xxvi, 42. Si tibi placet, & stat sententia, ut
 mors mea iustitiæ tuæ pro peccatis hominum satisfaciat,
 Heb. 10, 10. at, & ἀντὶ τούτου sit, fiat voluntas tua. Quâ voluntate san-
 ctificati sumus per oblationem corporis Jesu Christi semel fa-
 ctam. Oblatio itaque corporis Christi non est facta pri-
 mum in ultimâ cœnâ, deinde in cruce, sed semel facta
 v. 12. est in cruce; numquam deinceps repetenda. Omnis qui-
 dem sacerdos Leviticus adstat quotidie sacro ministerio defun-
 gens, & easdem sæpius offerens hostias, quæ numquam possint au-
 v. 13. ferre peccata: Christus verò, unâ pro peccatis oblata in perpetu-
 v. 14. um victima, confedit ad dexteram Dei: unicâ enim oblatione
 consummavit in perpetuum eos, qui sanctificantur. Ita Episto-
 la ad Hebræos Christi oblationem unicam & semel fa-
 ctam repetitis sacrificiis Leviticis opponit, & inculcat,
 ut ab eâ repetitionem, quippe certissimum imperfectio-
 nis argumentum, removeat. Sic etiam sub finem supe-
 rioris capituli: *Sicut illud statutum est hominibus, ut semel*
 Heb. 9, 27. *moriantur; ita & Christus semel oblatus est.* Fieri itaque non
 potest, ut ullum detur sacrificium, ulla oblatio vel im-
 molatio, quæ sit eadem specie cum immolatione vel ob-
 latione sacrificii, quam Christus peregit in cruce. Is
 Deo Patri corpus suum, quum id in mortem traderet,
 & sanguinem suum, quum eum effunderet, in ἀντίλυτρον
 pro

pro redimendis hominibus obtulit. Qui sanctam Eucharistiam administram, non possunt denuo corpus Christi in mortem tradere vel sanguinem effundere, nec aliter Deo offerre, quam precando ut in ea semel oblata velit respicere, & propter ea nobis propitius esse & nostrum misereri. Possunt quidem & debent, quæ semel in cruce peracta fuerunt, modo, quem Christus instituit, adumbrare & commemorare; sed iterare non possunt. Actiones itaque, quas in administranda Eucharistia obtinent, ab eâ, quam Christus in cruce peregit, dum semetipsum Patri in mortem obtulit, specie, imò toto genere differunt. Et hac considerationi Leviticorum pro peccatis sacrificiorum, quæ erant inter præcipuas umbras & figuras sacrificii in cruce à Christo oblatis, in occasione adjicienda duximus.

XCIV. Terti generis sacrificia erant Pacifica, ut appellat Vetus interpres, & alii post eum, de quibus Levit. i. 11; & vii. 11 & seqq. Erant autem vel Eucharistica pro beneficiis acceptis; vel Spontanea & Votiva pro impetrandis. Victimæ erant boves, oves & capræ. Adeps omnis, renes & caudæ ovium adolebantur. Pectus & dexter armus cedebant sacerdoti: cætera offerentibus, quibus inde epulum instruere fas erat. זבח הודיה Sacrificium laudis vel gratiarum actionis adjunctas habebat placentas infermentatas, oleo mixtas & unctas, quin etiam panem fermentatum. Absumendum erat eo ipse, quo offerebatur, die: quod ipsum repetitur Levit. xxi. 1, 30. Spontaneorum & votivorum (de iis agitur etiam Lev. xxi. 1, 18; & Deut. xxi. 1, 21) reliquias altero quoque die comedere licebat, sed non tertio. Notabile est, quod scribitur Salomoh, quum dedicaret domum Domini, sacrificasse in sacrificium pacificorum boves vires

bis mille, & pecudes sive oves centies vicies mille, 1 Reg:
iix, 63.

XCV. Pacificis accenferi possunt sacrificia consecrationum, quibus ministerio suo initiabantur sacerdotes Levitici. Dicuntur *impletiones manusum* in Scriptura Hebræa; cui videlicet implere manus idem est quod initiare sacerdotio. In ipso enim initiationis actu manibus novitiorum imponebantur, qualia in futuro suo ministerio erant oblaturi. Quomodo consecrandi fuerint Aharon ejusque filii præcipit & præscribit Dominus Exodi xxix; quod exsequitur Moses Levit. iix. Offerebantur quidem primò sacrificium pro peccato & holocaustum: sed adjungebatur sacrificium, cujus adeps & omentum & renes & catida adolerentur, pectus & armus dexter cederent consecranti, reliqua verò in cibum consecratis, absumentum eopse die, nec differendum usque in alterum, uti quoque de sacrificiis למזבח laudis sive confessionis vel gratiarum actionis lex erat. Hæc conveniunt cum sacrificiis pacificis, ut proinde ad eorum classem referri possint Impletionum vel Consecrationum sacrificia. Hinc etiam Philo Iudæus libro De victimis, qui græcè inscribitur Περὶ ζώων τῶν εἰς θυσίας, ipsum Moysen ait sacrificia distinxisse trifariam, εἰς τρεῖς εἶδη τὰ ἀνωτάτω, τὸ ὁλόκαυτον, τὸ σωτήριον, τὸ περὶ ἁμαρτίας. Nec discrepat Iosephus Antiquitatum tertio, cap. x. Quæ autem Latini Pacifica, Philo σωτήρια vocat, ipse Χαριστήρια appellat, à gratiarum actione, quòd Eucharistica in hac classe, ad quam tamen etiam Votiva & Spontanea pertinent, eminent. De sacrificiis hæc aliquanto prolixius commentari voluimus, quòd faciant ad adsequendum sensum & vim epistolæ ad Hebræos, & ad intelligendum discrimen inter sacrificia Levitica, quæ non nisi ex-

si externam mundiciem operabantur, ac iterabantur; & inter sacrificium Christi semel in cruce oblatum, initerabile, expians per plenariam satisfactionem peccata coram Deo & mundans conscientias.

XCVI. Cetera, quæ tempus & statum veteris testamenti concernunt, levi tantum brachio attingemus. Post exstructum à Salomone templum & post ipsum, qui supremo vitæ suæ temporæ in gratiam muliercularum perperam se gessit, ut de salute ejus res sit admodum incerta, extinctum, decem tribus à Rehabeamo Salomonis filio defecerunt, & Ieroboamo Nebati filio se subdiderunt. Quod prædixerat, & novo pallio in duodecim partes lacerato, decemque partibus Ieroboamo traditis præfiguraverat Ahias Silonites propheta. Non solum enim verbis prædicere, sed sæpe signis etiam res futuras adumbrare & oculis ingerere soliti prophetæ. Dixit Ieroboamo: *Accipe tibi decem fragmenta: nam sic ait Dominus Deus Israël, Ecce ego laceraturus sum regnum hoc è manu Salomonis, & daturus tibi decem tribus: tribus autem una erit ejus propter servum meum Davidem. Non tamen auferam quidquam istius regni de manu hujus: — sed auferens de manu filii ejus dabo tibi ex illo decem tribus; filio autem ejus dabo tribum unam*, 1 Reg. x1, 3, & 35. Ablatis decem tribubus, remanent duæ, sicut etiam reapse duæ generi Davidico & posteris Salomonis remanserunt, nempe Iuda & Benjamin, quemadmodum constat, quin etiam disertè enunciat Scriptura 11 Chron. x1, 1 & 12. Nihilominus dicitur 1 Reg. x11, 20: *Nemo sequutus est domum Davidis, præter tribum Iudæ & Benjamin.* Mox autem subjicitur, *venit Rehabeam Ierosolymas, & congregavit omnem domum Iudæ & tribum Benjamin.* Nempe tribus Iudæ potentiâ & multitudine eminebat, ut solarem conficere videretur; & alteram

ram cladibus, quæ sub finem libri Iudicum memoratur, valde imminutam suo ambitu quasi continebat vel includebat.

XCVII. Ieroboam autem veritus, ne occasione sacrorum & sacrificiorum Ierosolymis celebrandorum animus populi familiæ Davidis reconciliaretur, fecit duos vitulos aureos, & edixit, Ecce dii tui o Israël, qui eduxerunt te à terrâ Aegypti. Horum unum posuit Berhele, alterum vero Dane. Et struxit domum excelsorum, & fecit sacerdotes de extremis populi, qui non erant de filiis Levi. Et constituit festum festo in Iudâ celebrari solito simile, mense octavo, die decimo quinto ejus mensis, quem commentus fuerat animo suo, 1 Reg. xii, 26 & seqq. Quum igitur illo die Berhele festum celebraret Ieroboam, & ad adolendum altari adstaret, ecce vir Dei veniens è Iudâ clamavit contra altare illud, & quale ei exitium per Iosiam Regem Iudæ immineret prædixit: addito miraculo, quo findebatur altare, & effundebatur cinis ejus: restitutâ quoque Ieroboamo manu suâ, quæ ex quo eam extenderat & virum Dei prehendi jusserat, exaruerat. Quum autem viro illi à Deo esset injunctum, ne Berhelem commorando vel cibum potumque sumendo honoraret, sed ubi quod mandatum fuerat, peregisset, è vestigio abiret: nihilominus passus est se ab aliò propheta, qui Berhele habitabat, decipi; ea propter à leone occisus, & Berhele sepultus, quemadmodum ista 1 Reg. xiii commemorantur, additurque, etiamsi hæc ita gesta essent, Ieroboamum tamen à viâ suâ mala reversum non esse. Annotat posterior Chro-
nicorum, hinc factum esse, ut sacerdotes & Levitæ ex universo Israël ad Rehabahamum se contulerint, & relinquentes suburbana & possessiones suas transferint ad Iudam & Ierusalem, quum rejiceret eos Ieroboam & filii ejus, ne sacerdotio fun-

Chro. ii,
13 & seqq.

rio fungerentur Domino; statuerentq; sibi sacerdotes pro excelsis
& pro demonibus & pro vitulis, quos fecerat. Et sequuti illos ex
omnibus tribubus Israël, qui debebant cor suum adquirendum
Dominum Deum Israël, venerunt Ierusalem ad sacrificandum
Domino Deo patrum suorum. Hinc itaque regno Iudæ non
modicum robur & augmentum accessit.

XCII. Exstineta verò est & funditus excisa stirps
Ieroboami: cui tamen successerunt reges nihilo melio-
res, inter quos primas facile obtinuit Achab, filius
Homri conditoris Samariæ, qui uxorem duxit Iezabe-
lem filiam regis Sidoniorum, ejusque impulsu coluit
Bahalem sive idolum, quod tamquam deum tutelarem
habebant Sidonii. Nam non suffecit ei, ut ambularet in
peccatis Ieroboami, & in cultu aureorum vitulorum sub-
sisteret, sed abiit & servivit Bahali & adoravit eum: & po-
suit altare Bahali in templo Bahalis, quod exstruxerat Samaria, &
plantavit lucum, irritans Dominum Deum Israël amplius, quam
omnes alii reges, qui fuerant ante eum. Hæc leguntur 1 Reg.
xvi, 40 & seqq. Successores habuit filios duos, alium post
alium, nempe Achaziam, qui solo biennio regnavit, am-
bulans in viâ parentum suorum & colens Bahalem, (1
Reg. xxii, 53) successit frater Iehoram; qui abstulit quidem
statuam Bahalis à patre factam, peccatis tamen Ieroboami, qui-
bus ad peccandum induxerat Israël, adhæsit, 11 Reg. i, 2.

XCIX. Hunc itaque Iehoramum sive Ioramum,
(nec non Achaziam regem Iudæ, Iosaphati regis pii ne-
potem, Achabi familiæ affinitate conjunctum, & per
eam seductum) interfecit Iehu, & in regno Israël suc-
cessit, quo etiam post eum juxta Domini verbum &
promissum potiti sunt filius, nepos, pronepos & abne-
pos. Fuit enim à Domino delectus & unctus, ut ex-
scinderet domum Achabi, & ulcisceretur necem pro-
pheta-

phetarum & fervorum Domini, 11 Reg. ix, 6 & seqq. Bahalis quoque cultum penitus sustulit, cultores interfecit, statuas & adem destruxit, imò in latrinas redegit. *Verumtamen à peccatis Ieroboami, quibus peccare fecit Israël, non recessit, nec deseruit vitulos aureos, qui erant in Bethel & in Dan, 11 Reg. x, 29. Et mox iterum: Non observavit ut ambularet in lege Domini Dei Israël ex toto corde suo: non enim recessit à peccatis Ieroboami, quibus peccare fecerat Israël.* Pari modo se gesserunt quatuor ex eo descendentes reges successores. Adeo eorum animis videtur infixum fuisse, redituras ad familiam Davidis separatas pridem tribus, nisi sacris alibi, quàm in Ierusalem, celebrandis distraherentur. Ultimum ex stirpe Iehu Zachariam occidit Schallum; qui, quum mensem regnasset, interfectus est à Menahemo, solo inter hos postremos reges sicca morte defuncto. Filius enim ejus Pekachiah, qui Vulgato dicitur Phaceja, à successore Pekacho interemptus est, & hic vicissim ab Hoschea: ut ita aliquamdiu præcedentis regicidii quasi præmium fuerit devolutum ad regicidam regnum. Hoschea verò à Salmanassare rege Assyria sub tributum redactus, & interim cum rege Aegypti conspirare deprehensus, post captam triennali obsidione Samariam in vincula conjectus & unà cum populo decem tribuum in Assyriam deportatus est. Ita deletum est regnum Israëliticum sive decem tribuum, quum durasset annos ducentos, quinquaginta & quatuor, regnatumque esset à regibus viginti, inter quos facile pessimus Achab, optimus verò, quamquam non sine magnâ labe, Iehu. Historia & causæ exitii narrantur 11 Regum xvi; & inter cæteras, quod *ver. 15. sprevisent sive abjecissent fœdus Domini, quod pepigerat cum majoribus ipsorum.*

C. Mi-

C. Mirum verò est tot tantorumque prophetarum adeo serias admonitiones & diras prædictiones fere omnes frustra fuisse, nec Ieroboamum vel per Achiam Silonitem, vel per prophetam, qui Bethelē vaticinabatur & miracula operabatur, ad sanio rem mentem & veram pœnitentiam traduci potuisse. Achabus tum ab aliis prophetis tum ab omnium maximo Elia saepe fuit monitus, reprehensus & castigatus; ad seriam tamen pietatem & probitatem adduci non potuit, ne quidem miraculo incensæ cœlitus victimæ, 1 Reg. xix. Ab hoc Elia in cœlos jam adsumto ad Ioramum Iosaphati filium, regem Iudæ, affinitate familiæ Achabicæ corruptum venerunt literæ, 11 Chron. xxi, 12. De cœlo venisse addit Seder olam Rabba cap. xvii. At Iosephus cum Scripturâ dixisse contentus, κομίζεται παρ' Ηλίας ὁ προφήτης ἐπιστολῇ, *affertur ab Elia propheta epistola*; argumento ejus juxta Scripturam recitato subjicit, Ταῦτα μὲν ἐδήλω διὰ τῆς ἐπιστολῆς ὁ Ηλίας, *Hæc per epistolam indicavit Elias*: Antiquit. ix, cap. 11. Theodoretus dicit: ὅτι αὐτὸς ὁ προφήτης ἀφίκετο, *Quæst. in Paralip.* διὰ γραμμάτων δὲ μεμλῶνκε τὴν θεῖαν πρόφασιν. *Non accessit ipse propheta, sed per literas divinam sententiam significavit.* Probabile est Eliam futurorum gnarum, priusquam in cœlum tolleretur, epistolam prophetæ cuidam, suo tempore reddendam, commisisse; eamque tunc, quum res exposceret, redditam esse. Sed hoc obiter.

CL. Elisæus verò successor Eliæ divinitus destinatus, 1 Reg. xix, 16; qui *insuderat aquam manibus Eliæ*, sive ei ministraverat, 11 Reg. 11, 11; & tamquam primogenitus vel inter discipulos primus duplam spiritus Eliæ portionem præ aliis condiscipulis acceperat, 11 Reg. 11, 1; satis notus fuit Iehoram Achabi filio; in primis Iehu regi, ejusque filio Iehoachazo, & nepoti Iosapho, à quo
O morti

morti vicinus idem audivit elogium, quo ipse pridem Eliam in coelos euntem prosequutus fuerat, *Pater mi, Pater mi, currus Israël & equites ejus*, 11 Reg. xiii, 14: id est, in re sita hactenus fuit munitio & defensio Israël, ut ad eam contuleris, quantum conferre possint ulli vel currus vel equites. Et sanè inter prophetas istorum temporum eminuerunt Elias & Elifaus. Quanta aliàs fuerit frequentia & quantus numerus prophetarum, testatur historia Regum. Quum necandis illis indefessam operam daret impia Iezabel, Hobadiah vel Abdias, qui Achabo erat à præfecturâ domus, Deum timens, in dubus speluncis centum viros occultavit & sustentavit, 1 Reg. xix, 4. Filii prophetarum, qui subinde memorantur, videntur fuisse juvenes, meditationum & precum exercitiis ad recipiendum spiritum propheticum se preparantes. Videntur etiam uniti societates iniisse, & quasi collegia instituisse. Agebant Bethel; agebant etiam Ierichunte, & quum sublatus esset Elias, quinquaginta viros miserunt, qui eum quærerent, 11 Reg. 11, 3 & 16. Gilgale filii prophetarum in populum centum virorum excreverant, 11 Reg. 17, 43. Quum locus, quo confidebant, angustior esset, quàm ut eos caperet, eunt in silvam ripæ Iordanis contiguam ad cædenda ligna, è quibus exstruerent sibi capaciùs tugurium, 11 Reg. vi, 1 & seqq.

CII. Mirum autem est Achabum congregare potuisse circiter quadringentos viros, qui quum pseudo-prophetae essent, prophetas tamen Domini se simularent, & fallacia vaticinia, tamquam à Domino profecta, ederent, 1 Reg. xxii, 6, 11, 12, 24. Adde 11 Chron. 18. Vt ita ab improbo spiritu seducerentur, & falsis eorum promissis Achab, quemadmodum meritis erat, in exi-

in exitium præcipitaretur, permisit Dominus: quod ut permitteret, & non impediret, peccata Achabi Dei-que justitia exigebant. Iudicium autem Domini, non reapse quidem ita peractum, sed visione quadam prophetica adumbratum proponit Michæas propheta, filius Imlai, ut pro captu humano, quid enormia peccata mereantur, ostendat. Deus, inquam, Michææ revelaverat fore, ut à pseudoprophetis mendace spiritu inflatis deciperetur Achab; nec spiritus iste mendax decipere prohiberetur, sed permitteretur, justo Dei iudicio. Hanc sibi factam revelationem iudicii-que quamdam ὑποτύπωσιν hominibus, ut eò facilius capiant & animis suis imprimant, juxta morem inter homines usitatum poponit Michæas. Aliàs reapse nulli folio Deus, utpote incorporeus, insidet; nec consultat vel deliberat, multò minus quemquam, nedum mendacem spiritum, interrogat, quid in animo habeat, vel audit quid consilii suggerat. Ταῦτα δὲ ἀποστοποποιή-
σις ἐστὶν, διδασκῶσα τὴν θεῶν συγχώρησιν. *Hac est quadam si-*
etio personarum, qua docet divinam permissionem, ut loquitur
Theodoretus. Quomodo enim Deus auctor fuerit de-
ceptionis, qui per Michæam disertè pronunciari fecit:
Vidi universos Israëlitas dispersos per montes sicut oves, quibus
non est pastor. Et dixit Dominus, Non est istis dominus vel dux;
revertatur unusquisque domum suam in pace. Quum autem
indignaretur & hanc veracem à Domino profectam præ-
dictionem iniquo animo exciperet Achab, orditur pro-
pheta alteram concionem, quā per typum, quem homi-
nes capiant, exponit, quomodo justo Dei iudicio, qui
veritatem divinitus revelatam repudiet, à spiritibus
mendacibus ad decipiendum promptis decipi permitta-
tur. *Propterea, inquit, quia videlicet quod Dominus*

Quest. 69.
in 3 Reg.
2 Reg. 22.
17.

pradi facit, & omnino cum animi subiectione ample-
 ctendum esset, non admittis, *audi verbum Domini: Vidi*
Dominum in solio sedentem, spiritus mendaces ad te fallen-
 dum se offerentes, alium hoc alium illud proponentes,
 & tandem, qui efficacissimum tui decipiendi medium,
 nempe se futurum spiritum mendacii in ore omnium propheta-
 rum tuorum, proponeret, veniam ita agendi sive permissi-
 onem à Deo impetrasse. Mendacii & imposturae aucto-
 rem esse, summæ Dei perfectioni & bonitati simpliciter
 repugnat, sed quia præstò sunt qui mentiendi & fallen-
 di operam lubentes obeant, permittit fieri, quod im-
 pedire posset, atque adeo etiam impediret, nisi impro-
 bitas Achabi obstar. Dicitur igitur indere vel immit-
 tere spiritum mendacii, quòd ingredi promptum non
 impedit aut prohibet. Et hoc ipsum, quòd Deus ob gra-
 vissimas causas non prohibet, quum prohibere adeo fa-
 cile posset, in oculis hominum apparet, quasi Deus ju-
 beret. Nec minus effectum sortitur, quàm si Deus præ-
 cepisset. Nec patitur contextus aut rerum & verbo-
 rum coherencia, ut aliter quàm de permissione, sed
 quæ ob causas gravissimas & iussitimo iudicio fiat,
 accipiantur illa, quæ subjiuntur: *Et nunc rebus tuis ita*
se habentibus, & improbitate ac pertinaciâ tuâ ita pro-
merentibus, ecce dedit Dominus spiritum mendacii in ore o-
mnium vatum tuorum istorum: & quamvis omnes isti lata
 promittant, Dominus tamen loquutus est contra te malum.
 Dominum contra Achabum loqui malum, & indere o-
 ri prophetarum Achabi spiritum, qui bona promittat;
 hæc duo, inquam, ita invicem pugnant, ut posterius de
 permissione, justè videlicet factâ, necessariò sit accipi-
 endum. Redde itaque Theodoretus: *Τὸ το γίνεταί ὃ θεὸς*
συγχωρεῖσάντων. καλῶσαι γὰρ δυνάμεν ὃ ἐκ ἐκάλυπεν, ἐπεὶ

περ

περὶ ὁ Ἀχάβς ὁ θεός τῆς κηδεμονίας ἀνέστη. Hoc fit Deo per-
 mittente. nam quum prohibere posset, non prohibuit, quoni-
 am Achab indignus erat, cuius curam Deus gereret. Repe-
 tit Procopius Gazæus commentario in hunc locum,
 & addit: Visiones sunt explicationes consilii Dei: non quod
 ipse id, quod est, sive quemadmodum iudicium divinum
 reapse suaque naturâ se habet, ostendat, sed corporeis figu-
 ris & humano more effectis sermonibus exprimit & describit Dei
 dispensationem. — Visione enim & verba in visionibus sunt pars
 quædam condescensionis Dei, quâ se ad captum nostrum demit-
 tit. Subjungemus, quomodo accipiat & exponat Au-
 gustinus libro ad Simplicianum secundo, quæstione
 ultimâ. De spiritu, inquit, mendacii, per quem deceptus est
 Achab, hoc intelligamus, Deum omnipotentem & justum distri-
 butorem pœnarum premiorumq; pro meritis, non solum bonis &
 sanctis ministris uti ad opera congrua, sed etiam malis ad ope-
 ra digna; quum illi pro suâ perversitate nocere appetant, sinan-
 tur autem tantum, quantum ille iudicat, qui omnia in mensu-
 râ & pondere & numero disponit. Dixit autem hoc Micheas
 propheta, quomodo sibi fuerit demonstratum. Occulta enim
 res & nimis secreta ita demonstratur prophetis, sicut potest ca-
 pere sensus humanus, quum etiam rerum imaginibus in revela-
 tionibus tanquam verbis instruitur. Hactenus Augustinus.

CIII. Verba apud Iezechielem xiv, 9, Quam sedu-
 ctus fuerit propheta, & loquutus fuerit verbum, ego Dominus
 seduxi prophetam illum; quæ non minus durè sonant, quàm
 priora, ad eundem modum accipit & interpretatur i-
 dem, qui suprâ, Theodoretus. Iuxta quem non dicit Do-
 minus, se secundum efficientiam prophetam seducere, sed secun-
 dum permissionem. ὃ κατ' ἐνέργειαν λέγει τὸν προφήτην πλῆ-
 ναν ἀλλὰ κατὰ συγχώρησιν. Nempe quando peccata hominū
 cō usque excrescunt, ut iusto Dei iudicio pœnâ affici o-

porteat, five peccatores improbitate & perverciâ suâ
 semetipſos præcipitent, five præſtò ſint, qui numquam
 defunt, vel mali homines ad tribulationes inferendas pa-
 rati, vel dæmones prompti ut decipiant & in laqueos con-
 jiciant; tum quidquid vel ipſi peccatores suâ temeritate
 ſibi accerſunt, vel homines tribulando vel dæmones fal-
 lendo inferunt, actioni & efficientiæ divinæ imputatur,
 etiamſi ſecundum ſe non ſit niſi permiſſio. Quoniam e-
 nim ejuſmodi permiſſio ſit exigentibus peccatis & præ-
 vio juſto judicio, ideo quod vi judicii & permiſſionis ju-
 dicio facta peragitur, quaſi Deus ipſe ageret, habetur.
 Sic dicitur indurare cor Pharaonis, Ex. 14, 2; VII, 3; IX,
 12: Sichonis regis in Hesbon, Dent. 11, 30: immittere
 ſpiritum malum inter Abimelechum & Sichemitas, Iud.
 19, 23: accipere uxores Davidis ante oculos ejus, & tra-
 dere proximo, & facere rem iſtam in conſpectu totius I-
 ſraëlis, & in conſpectu ſolis, II Sam. XII, 11 & 12: præ-
 cepiſſe Semei, ut malediceret Davidi, II Sam. XVI, 11: mi-
 ſcere in medio Aegypti ſpiritum perversitatum, Iſa. XIX,
 14: decipiendo decepiſſe populum iſtum & Ieruſalem,
 dicendo, Pax erit vobis, Iſa. 14, 10: tradere gentiles cu-
 piditatibus cordium ipſorum, & in mentem omnis ju-
 dicii expertem, Rom. 1, 24 & 28: mittere non recipi-
 entibus amorem veritatis, efficaciam erroris, ut credant
 mendacio, II Theſſ. II, 11. Hæc, ut rectè intelligantur
 verba Michææ prophetæ, quæ difficultate carere non vi-
 dentur, & alia eorum ſimilia, hic inferenda duximus.

Reg. 17.
 24.

CIV. Deportatis à Rege Aſſyriæ Iſraëlitis ſubſti-
 tuti ſunt, ne terra ab incolis vacua relinqueretur, colo-
 ni alienigenæ è variis gentibus idolorum cultui unice
 addictis: quosquum Deus immiſſis leonibus caſtigave-
 rit, coeperunt idololatriæ suæ cultum veri Dei adungere.
 Nihil

Nihilominus post solutam captivitatem Babylonicam,
 quum à Cyro permissum esset templum restaurari, ac-
 cesserunt ad Zerubabelem & Iosuaam sacerdotem, ausi
 dicere, *Aedificemus vobiscum: nam sicut vos requisituri sumus*
Deum vestrum: non enim alteri sacrificamus inde à diebus Esar-
haddonis (ita appellatur filius Salmanassar II Reg. XIX, 37)
qui deduxit nos huc, Hezrae IV, 12. Repulsam verò passi mul-
 ta turbaverunt & structuram impediverunt. Iosephus An-
 tiquitatum XI, cap. IV rem in hunc modum commemo-
 rat: Samaritae quum cognovissent, quòd Iudei è captivitate Ba-
 bylonicà postliminio reversi templum instaurarent, adveniunt Zoro-
 bablem ac Iesum Principesq; cognationum, postulantes ut eos ad-
 mitterent ad templum communi sumtu aedificandum. Nam se-
 quosq; aiebant eundem Deum colere, & ejus gloriari nomine, re-
 ligionisq; ejus studiosos fuisse, jam inde ab illo tempore quo Salma-
 nassar Assyriorum rex è Chuthià & Medià gentem eam in loca
 illa transfulerat. Ad quae postulata illi de communi sententià
 responderunt, ad simul aedificandum eos admitti non posse, quum &
 prius Cyrus & nunc Darius ipsos aedificare jusserint: licere tamen
 eis ibi adorare. idq; facere vetari eorum neminem, ac ne cate-
 rarum quidem gentium quumquàm, quum omnibus hominibus è
 venientibus templum ad adorandum pateat. His auditis Chu-
 thaei, sic enim nos Samaritae appellamus, indignè iulerunt.
 Appellabantur autem Chuthaei, quòd à Persidis regio-
 ne Chutho & flumine ejusdem nominis essent traducti,
 ut tradit idem Iosephus Ant. IX, cap. ult. Dubium au-
 tem non est, quin tandem gentilem idololatriam dedi-
 dicerint, & cum Iudaeis eundem Deum coluerint. Pro-
 pter alias tamen causas & praesertim de loco, ubi oportet
 adorare, sive externum cultum Deo praestare, contro-
 versae erant & inimicitiae. Neque destituebantur noti-
 tià & spe venturi Messiae, sicut datur intelligi ex Ioh. IV,

25, 29, 42. Ptolemæus Lagi multos tum ex Iudæâ, tum ex Samaria & Garizin monte in Aegyptum traduxit, eisq; apud Alexandriam jus civitatis paricum Macedonibus jure dedit. — Seditiones tamen continue fuerunt inter Iudæorum posteros & Samaritanos instituta patria pervicaciter retinentes: pugnantq; inter se jugiter, dum Hierosolymitani suum templum sacrosanctum esse affirmant, & victimas à Judæis non alio mittendas: Samaritæ contra in montem Garizin eas mitti debere contendunt. Hæc Iosephus Antiq. xii, cap. i. Samaritarum horum reliquæ etiamnum hodie superesse perhibentur. Nescio quantum fidei mereatur Geographus Nubiensis, qui ante annos quingentos vixit, & Parte quintâ climatis secundâ scripsit inter insulas maris Erythræi esse insulam Sámeri, quam colant populi Iudæi Samaritani, quorum tessera sit, ut dicat quis ex ipsis, quum aliquem offenderit, Lámesas, id est, Ne attingas. Certè quæ subjungit, inepta sunt & vana, nempe, Hæc dictione deprehenduntur esse ex Iudæis, qui descendunt ex Sámeri autore vituli tempore Moysis, cui salus. Ita ex Arabico verterunt Gabriel Sionita & Ioannes Hezronita, Maronita. Iosephus autem Scaliger aliquanto rectius, nisi fallor: Insulam Samaritanorum incolunt quidam Iudæi Samaritæ. Argumento est, quòd unusquisque eorum dicat, quoties aliquis applicat se ad eos, Ne attingas. Et hoc quidem sermone cognoscitur, quòd ipsi sint ex iis Iudæis, qui cognominantur Samaritæ complices vituli in seculo Moysis, super quem sit pax. Hæc multò saniora vel verosimiliora sunt, quæ de iis in suo Itinerario scribit Benjamin Tudelensis, auctor priori propemodum coætaneus. Et hæc nunc in occasione de Samaritis sufficiant.

CV. Regnum Iudæ diuturnius fuit Samaritano; regnatum à nonnullis regibus ab insigni pietate commendatis, ut Asâ, qui pronepos erat Salomonis, & pater lo-

7 de emendat. temp.

ter Iosaphati, regis itidem pii. Verumtamen *excelsa non
 sunt amota: adhuc populus sacrificabat & adolebat in excelsis*,
 regnante tum Asâ, tum Iosaphato, ut de illo affirmatur
 1 Reg. xv, 14; de isto, xxii, 44. Antequam à Salomone
 exstrueretur templum, *sacrificabat populus in excelsis. Ama-
 bat quidem Salomo Dominum, ambulando in statutis Davidis
 patris sui: tantum in excelsis ipse sacrificabat & adolebat*, 11
 Reg. ii 1, 2 & 3. Quod tamen tempora ante structuram
 templi concernit. Sed etiam post exstructum templum,
 inveteratum in excelsis Domino sacrificandi morem sub
 piis regibus Dominus toleravit. Quod enim de Asa &
 Iosaphato, idem de Ioaso, ejusque filio Amazia, nepote
 Azaria, qui & Huzzia, & pronepote Iothane memora-
 tur 11 Reg. xi 1, 3; xiv, 4; xv, 4 & 35. Tale sine dubio
 erat in monte Carmelo *altare Domini dirutum* regnante
 impio Achabo, quod refici curavit Elias, 1 Reg. xi 1 x, 30;
 & in eo sacrificium Deo obtulit, demisso cœlitus igne
 absumtum & approbatum. Mireris fortè de Asâ ejusque
 filio Iosaphato dici, sicut ex priore Regum jam produxi-
 mus, idemque confirmari de Asâ 11 Chron. xv, 17, *Ex-
 celsa quidem non amota sunt ex Israele, sed animus Asæ fuit in-
 teger omnibus diebus ejus; & de Iosaphato xx, 32. Ambula-
 vit in viâ patris sui Asæ, neque recessit ab eâ, faciendo quod
 rectum est in oculis Domini, verumtamen excelsa non sunt a-
 mota: & nihilominus de Asâ scribi, xiv, 5, Amovit ab
 omnibus civitatibus Judee excelsa & simulacra; de Iosaphato
 xvii, 6. Amovit excelsa & lucos ex Iuda. Sed facilis est so-
 lutio: nempe amota fuisse excelsa idolis consecrata; reli-
 cta verò illa, in quibus Domino Deo sacrificium offerre-
 rur. Sic de temporibus ad rectam mentem conversi Ma-
 nassæ xxxiii, 17, *Adhuc populus sacrificabat in excelsis,
 verumtamen Domino Deo suo. Quin de Asa cum limitati-**

P

one

one five restrictione pronuntiatur, XIV, 3, *Amoviz aliarum*
peregrina vel peregrini cultus, & excelsa, & confregit statuas
& succidia lucos. Num reges maximè pii Hiskija five E-
zechias & Iosias simpliciter omnia excelsa aboleverint,
an sola idololatrica, in dubio relinquitur. Ad postero-
ra videntur restringi posse Scripturæ, quæ hac de re lo-
quuntur, II Reg. XIX, 4; XXII, 13; II Chron. XXXI, 1;
XXXIV, 3 & 4.

CVI. Caterum anno sexto optimi regis Ezechia
capta est metropolis regni Israëlitiçi Samaria, & decem
tribus deportata: è quibus tamen haut pauci unà cum
Levitarum familiis se regno Iudæ pridem adjunxerant.
In quo Ezechia parenti successit filius Manasse, patri dif-
similimus & maximè impius & improbus, II Reg. XXI:
& quamvis Dominus alloqueretur Manassen & populum ejus,
non tamen attenderunt. Idcirco superinduxit eis principes ex-
ercitus regis Assyriorum: ceperuntq; Manassen in latibulis la-
titantem, & vinctum catenis deduxerunt Babylonem. In car-
cere ad saniozem mentem redactus egit poenitentiam &
deprecatus est. Dominus igitur ejus misertus indidit a-
nimo regis Assyriorum, ut dimitteret & regno restitue-
ret. Ex quo mores mutavit & emendavit, & amovit
ac abolevit, quibus Dominum ad iram provocaverat.
Vide II Chron. XXXIII, 10 & seqq. Numerantur anni re-
gni ejus quinquaginta quinque: ad quantam summam
nullius vel Ierosolymitani vel Israëlitiçi regis anni ad-
scendunt. Nepos ejus Iosias singulari pietate studioque
& fervore Deum colendi eminuit: quum tamen bello
contra Neconem, quem Necum vocat Herodotus, re-
gem Aegypti temerè se immisceret, sagittâ ictus & à ser-
vis Ierusalemum relatus obiit. Quod contractius & per
compendium narratur II Reg. XXIII, 29: *prolixius au-*
tem &

Lib. 2 sub
Aneon.

rem & distinctius 11 Chron. xxxv, 20 & seqq. Quod itaque dicit Deus, *Faciam ut aggregeris ad sepulcra tua in pace*, 11 Reg. xxii, 20; 11 Chron. xxxiv, 28: id de statu regni quieti & nullis hucusque bellis laceffiti accipiendum erit. Neconi enim cum Iosia nihil erat controversiæ: quin per legatos hortabatur & precabatur, ne se immisceret. Iosias tamen ivit contra Neconem in prælium, *mutavit & dissimulavit*, 11 Chron. xxxv, 2 & 22. Defuncto itaque Iosia regnum ejus pace aliquantisper frui permisit Neco, inimicitias & bellum jam antè quoque averfatus. Quamquam tranquillitas illa non fuit diuturna.

CVII. Filii enim & successores Iosia à pietate paternâ prorsus degenerarunt, poenâque & captivitatem, quam pridem sub majoribus eorum pro meritis erat populus, flagitiis suis accelerarunt. Iehoachaz Iosia filius, à populo constitutus rex, post tres menses à Necone captivus in Aegyptum, ubi mortuus est, abducitur. Eum Ieremias Schallum appellat, quum scribit xxii, 11: *Sic ait Dominus de Schallumo, filio Josia regis Iudæ, qui regnabat loco Josia patris sui, qui egressus est e loco hoc: non est reversurus eo amplius: sed in loco, quo deportaverunt eum, ibi moriturus est, & terram hanc non videbit amplius*. Successorem habuit fratrem suum Eliakimum, quem Neco Iehoiakimum appellavit, 11 Reg. xxii, 30 & seqq. 11 Chron. xxxvi, 1, 2, 3, 4. Qualem principio regni Iehoiakimi concionem ad sacerdotes & populum in atrio templi habuerit Ieremias propheta, & propterea periculum vitæ incurrerit; quin Vrias propheta juxta verba Ieremiæ prophetans, ex Aegypto, quò profugerat, retractus & à Iehoiakimo occisus fuerit, commemorat Ieremias cap. xxvi. Iehoiakim itaque quum impleveret Ierusalem sanguine innoxio, noluit Dominus parcere, 1 Reg. xxiv, 4. Quin volumen à Iere-

mia dictatum & à Barucho scriptum, quo ad resipiscen-
tiam exstimulabatur, in ignem coniecit anno regni sui
quinto: Ieremiam quoque & Baruchum capi iussit, sed
abscondit eos Dominus. Hæc omnia Ier. xxxvi.

Clix. Quum autem bellum esset inter reges Ae-
gypti & Babylonie, Pharaonem Neconem & Nebucad-
nezarem (copie Neconis, *quæ fuerunt juxta flumen Euphra-
tis ad Carcemischum*, à Nebucadnezare casæ sunt anno
quarto Iehoiakimi, Ierem. xlvj, 2) Iehoiakim ab Aegy-
ptio ad Babylonium, sine dubio coactus, transivit; cui
*quum fuisset servus tribus annis, postea aversus rebellavit contra
eum*: immisæ itaque sunt in Iudæam turmæ Chaldaeorum,
Syrorum, Moabitaram & Ammonitarum, 11 Reg. xxiv, 1 &
2. 11 Chron. xxxvi, 6 in hunc modum narratur: *Contra
eum ascendit Nebucadnezar rex Babel, & vinxit eum arcis
compedibus, ut abduceret Babylonem*. Non videtur tamen ab-
duxisse, quum in Ierusalem undecim annis regnasse di-
catur. Et de sepulturâ ejus Ieremias xxii, 18: *Non plan-
gent eum, Heu frater mi, aut heu soror. Sepulturâ asini sepelie-
tur, tractus & projectus extra portas Ierusalem*. Ierusalemi i-
taque mortuus est: & quidem, ut tradit Iosephus, à Ne-
bucadnezare, qui suspectum haberet, interfectus. Cada-
ver ejus (ait iterum Ieremias xxxvi, 30) *projicietur aestui di-
urno, & gelu nocturno*. Cæterum Daniel, unâ cum tri-
bus suis sociis Babylonem tunc fuit abductus: quâ de re
sub initium Danielis agitur hisce verbis: *Anno tertio re-
gni Iehoiakim regis Jude venit Nebucadnezar rex Babel Ierusa-
lemum, & obsedit eam: & dedit Dominus in manum ejus Ieho-
jakim regem Jude, & partem vasorum domus Dei, &c.* Tri-
bus hisce Scripturæ locis servitus & captivitas, quæ à
Nebucadnezare Iudæis sub eorum rege Iehoiakimo illa-
ta fuit, commemoratur. Tandem occumbente Iehoiakimo
cum

cum patribus suis non perrexit ultra rex Aegypti procedere de regione sua, quia ceperat rex Babylonia à flumine Aegypti usque ad fluvium Euphratem quidquid fuerat regis Aegypti, II Reg. xxiv. 6 & 7. Quartus autem annus Ichoiakimi fuit primus Nebucadnezaris, Ier. xxv. 1.

CIX. Ichoiakimo successit filius Ichoiacin, cuius nomen à nomine parentis ultimis tantum literis differt. Nempe patris nomen definit in יכין, filii in יכין, qui apud Matthaeum Iechonias appellatur. Hic etiam fecit, Matth. 1. 12, quod malum videtur in oculis Domini, omnino proar fecerat pater ejus. Regnavit autem non nisi menses tres, II Reg. xxiv. 8 & 9: quibus decem dies addit posterior Chronicorum, paucis rem complexus, xxxvi. 9 & 10. Per hanc regni brevitatem fit, ut patri ejus divinitus fuerit praedictum, Non erit tibi sedens in solio Davidis, Ierem. xxxvi. 30. Qui enim nec diutius nec firmitus sedet, non sedere merito censetur. Iosephus proponit hoc modo: Babylonia regem Iechonia regnum dedisse statim parituit. Meruebat enim ne memor injuriarum & patris occisi regionem ad deficiendum impelleret. Misso igitur exercitu Ierosolymis eum obsedit. Sed ad textum posterioris Regum, qui luculentius exponit, revertamur. Eo tempore adscenderunt servi Nebucadnezaris Ierusalem, ut veniret civitas in obsidionem. Quumq; venisset Nebucadnezar ad civitatem, servis ejus obsidentibus eam; prodit Ichoiacin rex Iuda ad regem Babylonia, ipse cum matre sua, servi quoq; ejus & praefecti ejus cum aulicis ejus. Et depromtis inde omnibus thesauris domus Domini & thesauris domus regie decerpit omnia instrumenta aurea, quae fecerat Salomo pro templo Domini. Et deportavit è roto Ierusalem omnes praefectos, tum omnes valentes robore, decem mille captivos, omnesq; fabros lignarios & ferrarios: nihil relictum praeter tenuem populum terrae. Deportavit enim Iechonia

Ant. 10. c. 4.

niam in Babylonem; & matrem regis & faminas regis, & au-
 licos ejus, & potentiores regionis captivos abduxit e Jerusalem
 in Babyloniam. Omnes quoque viros strenuos septies mille, ali-
 quanto inferioris, ut videtur, conditionis quam supe-
 riores decies mille, & fabros lignarios ac ferrarios mille, o-
 mnes robustos bellatores deduxit rex Babylonia captivos in Ba-
 byloniam. Octodecim millia captivorum hinc memoran-
 tur numero rotundo, ut appellari solet; neglectis resi-
 duis. Et hoc initium solennis illius captivitatis LXX
 annorum. Quum enim per Ieremiam prophetam edi-
 xisset Deus, a se imperium in vicinas omnes gentes Ne-
 bucadnezari destinatum esse, Ier. xxvii, 6; & commodi-
 us habituras quae se dederent, quam eas quae vim oppo-
 nerent: dedit se Iechonias, procereque & populus Ie-
 rosolymitanus, & deportati sunt (certè potior & insi-
 gnior pars deportata fuit) in Babyloniam: inter quos
 etiam erat Iezechiel propheta. Postquam id ita esset fa-
 ctum, scripsit ad eos Ieremias epistolam, in qua haec ver-
 ba: Sic ait Dominus exercituum, Deus Israël, omnibus deportatis,
 quos curavi deportari, e Jerusalem in Babyloniam: Aedificate
 domos & inhabitate, conserite hortos & vescimini fructu eo-
 rum. Ducite uxores & gignite filios ac filias; accipite etiam
 filios vestris uxores, & filias vestras tradite viris, ut pariant fi-
 lios filiasque, & augecite istuc ac ne minnamini. Denique quæ-
 re prosperitatem istius civitatis, quod deportavi vos, & orate pro
 ea Dominum, nam in prosperitate ejus futura est vobis prosperi-
 tas. — Sic ait Dominus, Postquam impleri fuerint in Babel
 septuaginta anni, visitabo vos, & suscitabo super vos, sive prae-
 stabo vobis verbum meum bonum, ut reducam vos in locum
 hunc, Ierem. xxix, 4, 5, 6, 7; 10. Dubium igitur esse
 non potest, quin a deportatione Iechoniae incant se-
 ptuaginta anni decantata captivitatis Babylonica. Por-

ro

ro postquam deportaverat Nebucadnezar Iechoniam, prece-
resset, Iuda & fabros lignarios & ferrarios e Jerusalem in Babel
ostendit Dominus in visione Ieremiæ duos calathos, u-
num ficum valde bonarum, alterum valde malarum; & dixit,
Sicut ficus bonas istas, sic agnoscam deportatos Iudeos, quos misi
ex hoc loco in terram Chaldaeorum, in bonum: & adjiciens oculos
meos ad illos in bonum, reducam illos in terram hanc; ubi adifi-
cabo illos ac non demoliar, & plantabo illos, ac non evellam. Nam
inditurus sum illis cor ad cognoscendum me, me esse Dominum, e-
runtq; mihi populus, & ego ero illis Deus. Quemadmodum verò
ficus istas malas, quæ non possunt comedi pravitate, ita expo-
nam Sedechiam regem Iude, & principes ejus & residuos urbis
Jerusalem; etiam eos, qui habitant in terrâ Aegypti: exponam,
inquam, eos commotioni in malum apud omnia regna terra: &
mittam in eos gladium, famem ac pestem, donec consumti fuerint
de terrâ, quam dederam ipsis & majoribus ipsorum. Hæc om-
nia Ier. xxiv. Certum igitur est, deportatos cum Iechon-
ia, qui extrema non exspectaverant sed volentes se de-
diderant, humaniter in Babyloniâ tractatos fuisse. Quin
Iechonias, qui aliàs pessimus fuerat, diuturnâ calamita-
te fractus & emendatus faniorem mentem sine dubio in-
duit: unde factum, ut tandem trigesimo septimo anno
deportationis suæ latiore fortunam experiretur. E-
vilmerodach enim, filius & successor Nebucadnezaris,
anno quo regnare cepit, caput Iechonia extulit, educens eum de
carcere: cum quo loquutus est bonis verbis, & posuit solium e-
jus supra sedium regum, qui erant secum in Babylone. Et mura-
tis vestimentis carceris sui comedeat cibum coram illo jugiter,
omnibus diebus vitæ suæ. Ita sub finem Ieremiæ & poste-
rioris Regum, iisdem fere verbis. Casum Iechoazi in
Aegyptum, & Iechonia in Babyloniâ deportati me-
morat & speciosè depingit Iezechiel cap. xix.

CX.

C X. Iechoniæ abducto substituit Nebucadnezar patrum ejus Matthaniam, mutato nomine Zidkiam vel Sedechiam appellatum; cujus regno tribuuntur undecim anni. Vide 11 Reg. xxiv, 19 & 20. Quum autem per Ieremiam serid hortaretur Dominus, ut Nebucadnezari subjicerentur, sic enim commodius habituros; mirum est quam se in contrarium obstinatos & refractarios præbuerint Sedechias rex & reliquæ ludæorum. Aures autem commodabant mendacibus prophetis, qui *Domino non mittente currebant, & ipso non alloquente prophetabant*; à quibus prodibat contaminatio in totam terram. De nequitia eorum multis Dominus apud Ieremiam xxii, 9 & seqq. Item xxv, 1, 16: *Sic ait Dominus, Ne ausculteris verbis prophetarum istorum, qui prophetant vobis dicendo, Ecce vasa domus Domini reducentur ex Babylonia jam mox: nam falsum isti prophetant vobis. Ne ausculteris eis; servite regi Babylonia, ita vivite.* Quin Chania pseudopropheta in ipso templo ante oculos sacerdotum & totius populi ausus fuit pronunciare, *Sic ait Dominus exercituum, Deus Israelis: Intra biennium ego reducam in locum hunc omnia vasa domus Domini: etiam Iechoniam & omnes deportatos Judæ ego reducam in locum hunc.* Vētem quoque, quem collo gerebat Ieremias in signum jugi, quod impositurus esset Nebucadnezar, publicè confregit. Sed juxta verbum Domini à Ieremia prolaturum in poenam mendacii post duos menses mortem obiit. Hæc Ieremias cap. xxiix. Quum autem adversaretur Sedechias Nebucadnezari, & tandem planè rebellaret, factum est anno nono regni ejus, mense decimo, die decimo, ut adventens Nebucadnezar cum omnibus copiis suis contra Ierusalem, castra poneret juxta eam, & exstrueret contra eam propugnacula undequaque. Sic venit civitas in obsidionem usque ad Sedechia annum undeci-

decimum: cuius mense quarto die decimo perrupta est civitas.
Ita 11 Reg. xxv, & Jer. LII; utrobique sub initium capitulum. Duravit igitur obsidio annum & sex menses.

CXI. Mirum, quantas interea populus calamitates, & Ieremias iussu Domini monens, terrens, prædicens, adversitates pertulerit. Misit ad eum Sedechias nuncios exploratum, quænam de ipso & populo sententia esset Domini; & responsum accepit, Sedechiam omnino tradendum esse in manum Nebucadnezar: de populo verò, *Ecce ego, ait Dominus, propono vobis viam vitæ & viam mortis. Qui desidebit in civitate hac, morietur gladio, aut fame, aut peste: qui autem egressus defecerit ad Chaldaeos, qui obsident vos, utique vivet, eritq; ipsi anima sua loco spoliis.* Hæc Jer. **xxi.** Egressæ verò sunt copiae Pharaonis ex Aegypto, ut suppetias ferrent Ierusalem & Iudæis: & audientes Chaldei, qui obsidebant Ierusalem, famam de illis, abierunt eis in occursum. Ieremias, qui hætenus liberè versabatur in medio populi, nec custodiæ traditus erat, per nuncios à rege Sedechia consultus respondet, *Ecce copiae Pharaonis egressæ vobis in auxilium, revertentur in terram suam in Aegyptum: & reversi Chaldei oppugnabunt civitatem hanc, & captam comburent igne.* Jer. xxxvii, & seqq. Sedechias quidē & populus in angustiis positi inierant fœdus, ut anno septimo sive sabbatico dimitteret quisque servum suum & ancillam suam Hebræum Hebræamq; liberos, quemadmodum in lege suâ Deus per Moysen præceperat. Idque hætenus præstare cœperant, sed abeunte exercitu Chaldaeorum revocarunt dimissos in pristinam servitutem. Audiunt igitur à Domino per Ieremiam: *Quia vos non auscultastis mihi, ut promulgaret unusquisque libertatem fratri suo & socio suo; ecce ego contra vos promulgo libertatem gladio, pesti & fumi.* Tra-

Exod. 21,2.
Deut. 15,12.

dam enim homines istos, qui transgressi sunt fœdus meum, & non præstiterunt verba fœderis, quod pepigerunt coram me, quando transverunt inter dimidiatas partes vituli, quem in duo dissectuerant; tradam, inquam, eos in manum inimicorum suorum: etiam Sedechiam regem & principes ejus tradam in manum querentium animam eorum; in manum, inquam, copiarum regis Babylonie, quæ discesserunt à vobis. Ecce ego mandaturus sum, dicit Dominus, & revocaturus eas contra civitatem hanc, ut oppugnent eam, & captam comburant igne. Lege Ier. xxxiv, & deinceps.

CXII. Circa idem tempus, digresso exercitu Chaldaeorum, conatus est Ieremias se subducere, & in terram Beniaminis conferre: sed in portâ deprehensus & accusatus transfugii ad Chaldaeos, à proceribus multatur verberibus, & in tetrum carcerem, qui in domo Ionathanis scribæ aptatus erat, detruditur. Ibi mansit diebus multis, donec tandem evocatum in domum regiam Sedechias de sententiâ Domini secretò interrogaret: quam quum prioribus conformem proferret, impetravit nihilominus ab illo, ut non cogeretur reverti in domum Ionathanis scribæ, sed poneretur in atrio custodiæ sive in vestibulo carceris: Ierem. xxxvii. Quum autem pergeret minari & prædicere, quæ solitus erat, proceres regem adierunt, & postularunt ut supplicio afficeretur. Respondit rex, *Ecce est in manu vestra: nam non is est rex, qui possit contrarios quidquam.* Accipientes itaque Ieremiam conjecerunt in foveam, in quâ nulla erat aqua, sed lutum, in quo miserè pereundum fuisset, nisi subvenisset Hebedmelec Aethiops, aulicus, qui adsentiente rege è foveâ adhibitis funibus & veteramentis ad axillas suppositis extraxit, & in vestibulo carceris iterum collocavit. Inde accessit Sedechias rex prope ingressum
tem

templi denuò de sententiâ Domini secretò interrogavit,
& accepit responsum, *Sic dicit Dominus Deus exercituum,
Deus Israël, Si egressus fueris ad principes regis Babylonie, uti-
que viues anima tua, & civitas hac non comburetur igne: ita
viues tu & familia tua. Sin autem non egrediaris, utique tra-
detur civitas hac in manum Chaldeorum, qui comburent eam i-
gne; tu verò non eripies te è manu eorum.* Quod colloquium
clam proceribus haberi rex Sedechias voluit. Ier. xxxiix.

CXIII. Etiam si verò hæc ita se haberent, quum
tamen post consummatos lxx à deportato Iechonia an-
nos certus esset reditus; in hujus rei confirmationem
iussit Dominus Ieremiam in atrio custodiæ positum à
patruele suo agrum Hanathotæ in terrâ Benjaminis si-
tum, cujus redimendi jus Ieremiæ competebat, emere.
Factum id est anno decimo Sedechiæ, & decimo octavo
Nebucadnezaris, atque adeo paucis ante *παροδὲς ἐλαρ* men-
sibus. Vide Ier. xxxii.

CXIV. Operæ autem precium est observari, mul-
tos cum Iechonia deportatos voluntati divinæ & con-
silio per Ieremiam patefacto non acquievissè, præsertim
quamdiu adhuc urbs & templum superessent. Quum
Ieremias ad deportatos epistolam, de quâ suprâ, scripsis-
set, ausus est Schemaja sacerdotibus Ierusalem commo-
rantibus non tantum ejus rei indicium facere, sed etiam
ab illis petere, ut isthoc nomine Ieremiam castigent.
Vide Ier. xxiix, 24 & seqq. Sicut autem Deus per Iere-
miam Iudæorum reliquiis & earum regi Sedechiæ in pa-
triâ adhuc degentibus calamitates & exitium tum verbis
tum typis prædici & ob oculos poni fecit; ita quoque
per Iezechielem deportatis in Babyloniam exulibus ea-
dem inculcari voluit, ut ipsi quoque seriò rescipisce-
rent, & exilium patienter ferrent. Iussus igitur est in la-

tere five planâ tabulâ Ierusalemum deformare, propu-
gnacula & moles contra eam disponere, & tamquam
obsideret eam lateri suo sinistro incubare dies trecentos
Ier. 4. 5. nonaginta, quibus feres, ait Dominus *iniquitatem domus I-*
fraëla, diebus annos figurantibus. Sunt enim ab initio
Ieroboami five regni Israëliti usque ad everfam urbem
anni trecenti nonaginta. Deinde *incumbes lateri tuo dex-*
tro, ut feras iniquitatem domus Iude, quadraginta dies, singulos
dies do tibi pro singulis annis. Respondent, ut existimo, hi
quadraginta dies annis, quibus regnarunt Iehojakim &
Sedechias, iisque quibus ante resipiscentiam suam im-
piè agebat Manasse. Conjuncti enim quadraginta fa-
cile conficiunt. Ita cubans famis quoque, quâ confi-
ciendi essent obsessi Iudæi, typum edere iussus est. Fuit
autem illa dira, ex quo repulsis auxiliis Aegyptiis itera-
ta est obsidio. *Patres comedent filios in medio tui,* ait Do-
minus per Iezechielem, & filii comedent patres suos. Pri-
usquam caperetur urbs, Dei nomine prædicit & mina-
tur Ieremias XIX, Faciam ut comedant carnes filiorum suo-
rum & carnes filiarum suarum. Quum autem capta jam
Thren. 4. 9 esset, lamentatur, *Melius habuerunt interfecti gladio,*
& 10. quam interfecti fame. Manus mulierum misericordius
coxerunt natos suos: fuerunt eis in cibum, quum conte-
reretur filia populi mei. De his videri debent Iezechie-
lis cap. IV, V, VI, VII. Fuit autem Iezechiel in spiritu
sublatus, & ductus Ierusalemum, & in ipsum templum,
ubi non minùs, ac si reapse suoque corpore præfens fu-
isset, vidit & cognovit ingentem impietatem & idolo-
maniam Iudæorum post deportatum Iechoniam in ur-
berelictorum. Lege cap. IIX, IX, X, XI, cujus hæc ulti-
ma sunt verba, *Spiritus attollens me reduxit me in Chaldeam*
ad deportatos, in visione in spiritu Dei five per spiritum Dei
oblata.

oblata. *Et eloquutus sum deportatis omnia verba Domini, quæ ostenderat mihi.* Sicut enim apud Iudæos in patriâ commorantes ministerio Ieremiæ usus fuit Dominus: sic apud deportatos in Chaldaam ministerio Iezechielis, ut hos in officio & obsequio contineret, ad quod post captam & exustam urbem, reapse convicti paullatim, quum incolumitas urbis & templi animis eorum obversari defuisset, adducti sunt. Qui in patriâ, audiebant imminere sibi gladium, pestem & famem: nec impetrari tamen ab iis poterat, ut Nebucadnezari se subderent. Qui verò in Chaldaâ erant monebantur, ut exemplo popularium suorum miserè perentium territi divinæ voluntati acquiescerent, exilium æquo animo tolerarent & reditum divinitus promissum certò expectarent. Quin amplitudo & gloria Ecclesiæ per orbem terrarum diffundendæ typis & figuris insinuabatur.

CXV. Vbi itaque repulsis auxiliariis Aegyptiorum cohortibus rediit exercitus Babylonius, & obsidionem restauravit, invaluerunt calamitates & fames, cujus paullo antè facta mentio. Nullis autem periculis, nullis vel promissis vel minis induci poterant Sedechias ejusve aulici, ut voluntati divinæ & consilio Ieremiæ obtemperarent, seque Nebucadnezari permitterent. Perrupta igitur est civitas. Quod in Iudæâ Ierusalem obveniebat, id deportatis in Chaldaâ ob oculos ponere jussus est Iezechiel perfodiendo murum, coecâ nocte egrediendo, super humerum bajulando: ita enim acturus erat rex Sedechias, & qui cum ipso. *Sed expandam, ait Dominus, rete meum contra ipsum, & capietur sagena mea: deducamq; eum in terram Chaldaeorum, quam non videbit, quippe excæcatus, & ibi morietur.* Hæc Iezechielis. *Et Ieremias ad ipsum, xxxiv, 3: Omnino prehenderis, &*

in manum Nebucadnezaris traderis, & in Babyloniam perveni-
es. Verumtamen audi verbum Domini Sedechia rex Judæ: sic
ait Dominus de te, Non morieris gladio: in pace morieris, mor-
te naturali, non violentâ, & juxta combustiones majorum
tuorum, regum priorum qui fuerunt ante te, similiter combu-
rent tibi, & dicentes, Eheu domine, plangent te: populares
videlicet tui, deportationis focii, quando te sepelient,
more patriâ (vide II Chron. xvi, 14; xxi, 19) sepulturæ
fuffitum & ustiones odoramentorum, nec non usitatum
planctum adhibebunt, permittentibus idipsum Chal-
dæis & deportatos comiter habentibus.

CXVI. Quomodo in manus Nebucadnezaris in-
ciderit Sedechias, narratur II Reg. xxv, & Ieremiæ ulti-
mo. Invalescens fame conati sunt bellatores & rex oc-
cultis modis & viis, perrupto in eum finem muro, quem
admodum adumbraverat Iezechiël, effugere. Sed per-
sequutus regem exercitus Chaldæorum,prehendit eum in campe-
stribus Iericho, quum omnes copię ejus disperse essent ab eo. Ap-
prehensum itaque deduxerunt ad regem Babylonis in Riblam,
quam Reblatham dicit Vulgatus: & loquuti sunt cum eo
judicium, sive consideratis & trutinatis ejus perfidiâ &
periuriis tulerunt de eo sententiam. Iezechiël cap. xvii
rem in hunc modum proponit: Ecce venit rex Babylonia
Jerusalemum, cujus accipiens regem, Iechoniam videlicet, &
principes ejus adduxit eos ad se in Babyloniam. Et tulit de sem-
ine regio, nempe patruum amoti regis Sedechiam, & per-
cussit cum eo fœdus, & adegit eum ad iurandum: & potentes
terræ susceperunt, ut esset regnum humile, nec se effere-
ret, ut custodiret pactum ejus & staret in illo. Sed rebellavit contra
mittendo nuncios suos in Aegyptum, ut darentur sibi equi, &
populus multus: num prosperabitur? num evadet qui facit hæc?
& qui irritum reddidit pactum, effugiet? Vivo ego, dicit Domi-
nus

Yerl. 12.

mus Deus, nisi in loco sive regno regis, qui regnare fecit ipsum, cuius sprevit iuramentum & cuius pactum violavit, apud eum in medio Babylonia morietur. Sed legatur textus ipsius prophetae. Dubium autem esse non potest, quum de rege Sedechia haberetur iudicium & ferretur sententia, in eum tamquam rebellem, foedifragum & periurum latam esse. Coram oculis itaque suis filios suos jugulari vidit, & quum id integris atque sanis vidisset, mox iis coecitatem intulerunt, & vinctum arcis compedibus in Babyloniam deduxerunt.

CXVII. Demum decimo nono anno regis Nebucadnezaris, Nebuzar -- Adan praefectus satellitum urbem Ierusalem ingressus combussit templum, quod iam steterat annos ccccxxvii; anno, antequam nasceretur Christus, 15 xxcix. Combussit quoque domum regiam, & omnes domus civitatis, & moenia destruxit. Columnas areas & quidquid erat vasorum & instrumentorum templi deportavit in Babyloniam, una cum potiore populo: *tantum de pauperibus terra reliquit, qui essent viniteres & fessores.* Certum est, aliquot deportationes: *Reg. 29, 10.* sive emigrationes subiisse Iudaeos regnante Nebucadnezare: primam quidem anno tertio Iehojakimi, Dan. 1: 1: alteram, quae fuit omnium maxima & initium dedit famosissimae captivitatis Babylonicae, quum abduceretur Iechonias: tertiam, quum capta esset urbs. Tres etiam recenset Ieremias sub finem sui libri, quae quomodo cum superioribus conjungi aut ab iis disjungi debeant, videtur esse ambiguum. *Anno, inquit, septimo Nebucad-* *Ier. 52, 28.* *nezaris deportati sunt Iudaei ter mille, viginti tres.* Tempus incidit in ultima Iehoiakimi, quando contra datam fidem defecit, à Nebucadnezare propterea castigatus, quin occisus: & tum deportationem hic memoratam
conti-

contigisse existimo. Sequitur: *Anno decimo octavo deportati sunt Ierosolymis animae octingenta triginta duae. Capiatur pro anno decimo octavo Nebucadnezaris finiente, & pro deportatione, quae ultimam expeditionem, & urbem captam contigit. Tandem: Anno vigesimo tertio Nebucadnezaris deportavit Nebuzaradan praefectus satellitum Iudeos, animas septingentas quadraginta quinque. Fuit quaedam racematio, quandoquidem urbs jam ante quadriennium capta & eversa. Si quis commodius & rectius possit extricare, lubentes auscultabimus. Nos ista hactenus evolvimus, ut appareat operam, quam Deus Iudaeis in patriam per Ieremiam, & in Chaldaeam per Iezechielem praestari voluit, eundem finem spectasse, sibi quae invicem respondisse; & ut nonnullae, quae occurrunt, ambiguitates & difficultates expediantur.*

XXIIX. Nebucadnezarem victoriis & successibus elatum amentiam vitaeque ad morem bestiarum & ferarum per septennium actam Deus castigavit, donec agnosceret, diceret & scriberet, *Nunc ego Nebucadnezar laudo, extollo, & glorifico Regem caeli, quia omnia opera eius veritas, & via eius iudicium; eosque, qui ambulant in superbia, potest deicere*, Dan. iv, 37. Successit filius Evilmerodach, qui sub initium regni sui Iechoniae, captivitate xxxvii annorum castigato, & ut verosimilimum est, emendato libertatem & honestissimum in aula locum contulit. Ad historiam sacram illustrandam multum facit fragmentum Berosi, qui genere Chaldaeus sub Alexandro Magno & post eum vixit ac scripsit, productum & conservatum à Iosepho Antiq. libro x, cap. xi; quin aliquanto plenius & correctius priore libro contra Apionem, unde nonnulla depromemus. *Nabuchodonosor, inquit, è vita migravit, quum regnasset annos tres & quadraginta. Euemerochus autem*

autem ejus filius factus est regni dominus, qui quum res inique
 & flagitiose administraret, insidias passus a marito sororis sue
 Neriglissore interemptus est, quum regnasset annos duos. Hoc
 itaque perempto capiens regnum, qui ei insidias struxerat, Neri-
 glissoror quatuor annos regnavit. Cujus filius Laborosoardocho
 regnavit quidem puer existens mensibus novem, & quod moribus
 nimis pravis esse apparet, τοῦ τῶν φίλων ἀπετυμνωθέν,
 ab amicis obruncatus est, fustibus obvisq; lignis oppressus. Hic
 igitur ille est, quem Belsazarem vocat Daniel, & nocte
 luxuriosum & profanum ab eo institutum convivium
 proximè subsequutâ occisum esse scribit cap. v. Quum
 autem regnum filii sui nomine gubernaret Neriglissoro-
 or, annus Belsazaris primus & tertius, qui Dan. vii &
 ix sub initia capitum memorantur, de regno, quod
 Belsazaris filii nomine Neriglissoror pater administra-
 verit, capiendi erunt. Quum dixisset Daniel, Eadem Cap. v. 30,
 nocte interfectus est Belsazar rex Chaldaeorum; mox subjun-
 git, Darius autem Medus accepit regnum natus annos ferme Cap. 6, 1
 sexaginta duos. Patrem ejus dicit fuisse Achasveroschum,
 Assuerum sive Xerxen è semine Medorum, ix, i. Nunc
 superioribus Berosea, quæ sequuntur, adjiciemus. La-
 borosoardocho, qui Danieli Belsazar dicitur (nomina
 enim apud Chaldaeos diversa imponebantur) perempto,
 congressi qui ei struxerant insidias, communi suffragio regnum
 tradidere Nabonido, cuidam Babyloniorum, qui conspirationis
 erat particeps. Hic itaque Nabonidus idem, qui Dani-
 eli Darius Medus, vel è semine Medorum. Sub hoc muri
 Babylonie civitatis circa fluvium ex latere cocto & bitumine
 sunt constructi. Quum autem ad decimum septimum usque an-
 num regnasset, Cyrus è Perside cum magno exercitu egressus, uni-
 versâ Asia subactâ, imperum fecit in Babylonem. Sentiens au-
 tem Nabonidus invasionem ejus, & occurrens cum exercitu suo,
 R acque

atque congressus pugna, victus & cum paucis fugatus inclusus est
in Borsippensium civitate. Cyrus autem Babyloniā obsidens,
& deliberans exteriores muros deponere civitatis, eo quod nimis
videretur munita, & esset ad capiendum valde difficilis, rever-
sus est ad Borsippum, Nabonidum expugnaturus. Nabonido ve-
ro oppugnationem non expectante, sed prius supplicante, usus cle-
mentia Cyrus, & dans ei habitaculum in Caramania expulit eum
à Babylone. Nabonidus itaque reliquum vite tempus in illā
provincia exegit. Hæc Berofus sacrae historiæ congrua.

CXIX. Cyrus mirā usus est fortunā, & varias in-
signes obtinuit victorias. Primū quidem avum ma-
ternum Astyagen, à quo neci pridem ipse destinabatur,
subegit, & regnum, quod hætenus penes Medos fuerat,
ad Persas transtulit. Inde cum Croeso Lydorum rege o-
pulento & potente bellum gessit, & superior factus di-
tionem suam latè extendit. Congressus etiam cum ul-
timo Babyloniæ rege Nabonido, quem à Daniele Da-
rium Medum appellari diximus, acie cum profligavit,
in Borsippensium civitate conclusit, & quum se submit-
teret, Caramaniæ præsidem constituit. Vbique enim
victoriā clementer usus est. Tandem ipsam Babylonem
NiA. I. 1. obsedit & cepit, atque adeo subactā Asiā & universo Oriente
in potestatem redactō (quibus verbis utitur Iustinus) Iudæ-
is potestatem fecit in patriam redeundi & templum re-
staurandi, ut narratur sub finem posterioris Chronico-
rum & initium libri Esdræ.

CXX. Nomen ejus exprimi & de eo hoc ipsum
prædici voluit Deus per Iesaiam prophetam annis, pri-
usquam evenirent, circiter ducentis. Dicam Cyro pastorem
meo, ut omnem meam voluntatem impleat, & dicat Ierusalem,
Reedificator; & templo, Fundator: Ies. XLIV, 23. Sequitur
mox capite proximo: Sic dicit Dominus unctio suo Cyro, cuius
appre-

apprehendi dexteram, & prosternam coram eo gentes, & lumbos regum Astyagis, Cræsi, Nabonidi dissolvam, ut aperiatur coram eo valva & porta non occludantur. Ego tibi praibō, & inaequalia aequabo, valvas chalybeas conteram, & vectes ferreos confringam: & dabo tibi thesauros absconditos & opes absconditas, ut cognoscas quod ego sum Dominus, qui voco te nomine tuo, Deus Israël. Propter servum meum Iacobum & Israël electum meum: & vocavi te in nomine tuo, cognominavi te, & non novisti me. Differtur sanè solutio captivitatis usque ad regnum Persiae, II Chron. xxxvi, 20: intelligitur autem regnum non incoatum, quale erat devicto Astyage, sed additis reliquis regnis planè consummatum. Quum regno incoato alia subinde regna adjicerentur, diversae poterunt constitui epochae, quibus regnare coeperit Cyrus: quarum tamen rationem non videtur habere Scriptura, sed primum ejus annum dicere, quum omnium & ipsius urbis Babylonis compos factus deportatis ludæis libertatem & licentiam redeundi promulgavit. Antequam enim Babylonem in potestatem redegisset, non potuit restituere vasa templi dominante Nebucadnezare avecta, & domibus idolorum addicta. Ceperat itaque Babylonem, quando de eo verba facit Scriptura in hunc modum: *Anno primo Cyri regis Persiae, ut impleretur verbum Domini prolatum ore Ieremiae, excitavit Dominus spiritum Cyri regis Persiae, ut promulgaret per totum regnum suum, idq; etiam scripto, dicens: Sic ait Cyrus rex Persiae, Omnia regna terrae tradidit mihi Dominus Deus caeli, & ipse praecepit mihi, ut aedificem sibi domum in Ierusalem, quae est in Iudaea. Quis est inter vos de populo ejus? Sit Deus ejus cum eo, & ascendant Ierusalem, quae est in Iudaea, & aedificet domum Domini Dei Israël. Ipse est Deus, qui est vel habitat in Ierusalem,* lubet etiam vicinos quosque profecturis

favere & opem ferre: restituit vasa templi aurea & argentea quinquies mille & quadringenta, quæ Nebucadnezar abstulerat. Principes & duces redeuntium, quorum numerus quadragies bis mille, trecenti & sexaginta præter servos eorum & ancillas, erant Zerubbabel & Iosua summus sacerdos. Hæc Esdræ I & II. Catalogus reverforum repetitur Nehemiæ VII. Reduces extruxerunt altare, in quo juxta legem unoquoque manè & vespere holocausta obtulerunt; celebrarunt præterea festum tabernaculorum, & jecerunt fundamenta templi.

CXXI. At vicini, infensi & infesti turbabant eos in
Esdræ 3, 4 *edificando, & mercede conducebant consiliarios contra eos ad*
seqq. *dissolvendum consilium eorum omnibus diebus Cyri regis Persiæ,*
usque ad regnum Darii regis Persiæ, qui Hytaspis erat filius,
post occisos magos, qui regnum invaserant, solertiâ e-
quisonis rex factus, uti legere est apud Herodotum li-
bro tertio. In regno autem Ahafschveroschi sive Assueri,
principio regni ejus scripserunt accusationem contra habitato-
res Judææ & Ierusalem: & diebus Artaxerxis itidem. Da-
rio Hytaspis filio successit filius Xerxes; & huic filius
Artaxerxes *μακρόχρον* *vel Longimanus. Rex Persarum*
inter Darium & Artaxerxen medius non potest esse ali-
us, quàm Xerxes. Ahafschverus itaque Xerxes est. Sic
impeditum est opus domus Dei, & mansit impeditum usque ad
annum secundum regni Darii regis Persiæ, Esdræ III, ult.
Cap. 7, 1. *Darium hunc insequitur alius Artaxerxes, qui proinde*
μνηστων *fuerit; & Darius inter duos hosce Artachastas*
medius nullus alius quàm cognomento Nothus. An-
no itaque secundo Darij Nothi propheta *Haggæus*
Zach. 1, 1. *propheta & Zacharias filius (alibi nepos) Hiddonis propheta*
Judeis, qui erant in Judæa & Ierusalem, in nomine Dei Israël
mandantes eis. Tunc surgentes Zerubbabel & Iosua redorsi sunt
edificare

adificare domum Dei, quæ est in Ierusalem: & cum ipsis propheta Dei iuvantes eos. Ita Esdræ v, 1 & 2. Quum à Cyro solveretur captivitas, jam tum duces redeuntium se præbebant Zerubbabel & Iosua, quem tamen nusquam sacerdotem summum vel maximum pontificem vocat Esdras, sine dubio quòd Paterejus Iosedec, quamvis senio gravis & viribus ad difficiles labores subeundos minùs instructus, adhuc superesset, & honore illo fungeretur. Inter solutam à Cyro captivitatem & annum Darii Nothi secundum plures intersunt anni quàm centum. Vtrumque igitur & Zerubbabelem & Iosuam ad grandem ætatem Mosaicaque decennio & ampliùs maiorem pervenisse oportuit.

CXXII. Haggæus itaque Domini iussu Iudæis exprobrat, quòd neglectâ curâ prosequendi structuram sacræ domus non nisi de suis privatis domibus ædificandis solliciti sint. *Antequam est vobis, inquit, ut desideratis in domibus vestris contabulatis, & domus ista sit deserta?* Propterea benedictionem divinam subtrahi, sterilitate agrorum defectuque proventuum & successum rei familiaris eos plecti. Post mensem unum & alterum jungitur Haggæo Zacharias, per quem Dominus promulgat, *Reversus sum ad Ierusalem in misericordiâ: domus mea ædificabitur in ea, dicit Dominus exercituum, & regula extendetur super Ierusalem.* Hic est exitus vel egressio verbi de iterum ædificandâ sive restaurandâ Ierusalem, Dan. ix, 25. Compellantur quidem Zerubbabel & Iosua & qui cum eis mandato divino parere cœperant, & interrogantur à ministris regiis isthuc profectis, quo jure vel auctoritate talia moliantur; respondent autem, *Nos sumus servi Dei celi & terre* — Anno primo Cyri regis Babylonia Cyrus rex contulit ius domum Dei istam ædificandi. Id quum regi

Cap. i, v. 4.

Cap. i, v. 16.

Esdræ s. ii.

Dario regij significassent, & inventum esset *Achmeta* in regia, quae est in provincia Media, rescriptum Cyri, non modò ut pergerent permisit rex Darius, sed etiam egregium subsidium tulit & nequis impediret, sub gravissimâ poenâ interdixit. Sic igitur absoluta domo istâ ad diem tertium mensis Adar, quum esset annus sextus Darii regis, celebrarunt Israëlita, Sacerdotes ac Levitae & reliqui reduces ex deportatione dedicationem hujus domus Dei cum gaudio; immolarunt victimas & celebrarunt pascha. Lege Esdrae cap. vi.

CXXXIII. Post Cyrum, Darium, Ahasverosum sive Xerxen, Artaxerxen, Darium, quem alium non posse esse quàm Nothum diximus, sequitur in libro Esdrae Artaxerxes, quem juxta hanc seriem *Mnpuova* vel Memoriosum esse oportet: cujus anno septimo, mense quinto venit Ierusalem Hezra vel Esdras legis peritus & sacerdos, è familiâ Pinchasi oriundus, cum amplissimis privilegiis & donariis à rege Artaxerxe dimissus. Edixerat enim rex, *Ame constituitur lex, ut quicumque sponte se obtulerit in regno meo è populo Israëlitis, sacerdotibusq; ejus ac Levitis ad proficiscendum Ierosolymam tecum o Esdra, proficiatur.* Quandoquidem à rege & septem consiliariis ejus mitteris ad questionem habendam in Iudæâ & Ierusalem de lege Dei tui, quae est tibi ad manum: & ad deferendum argentum & aurum, & quod rex & consilarii ejus sponte offerunt Deo Israëlitis, cujus habitaculum est in Ierusalem: cum toto argento & auro, quod inveneris in totâ provinciâ Babylonicâ, ex voluntariâ oblatione populi & sacerdotum sponte offerentium pro domo Dei sui, quae est in Ierusalem. Hæc & cætera ingentia in domum Dei ejusque ministerium & cultum ab hoc rege collata dona & beneficia innotescunt ex cap. vii Esdrae. Remanserat, ut hinc patet, in Babyloniâ pars populi, Levitarum & sacerdotum; nec concessâ abeundi licentiâ

licentiâ omnes usi fuerant: sicut nec posthac umquam.
Abduxit igitur Esdras secum in iteratâ hac remigratio-
ne, quâ à primâ sub Cyro factâ distat annis centum tri-
ginta & tribus, mares mille, septingentos, quinquagin-
ta & quatuor, sicut ex Esdrâ octavo numerum licet ini-
re. Consumsit in itinere menses fere quinque, &
quum venisset Ierosolymam, in manus sacerdotum,
quidquid à rege ejusque consiliariis & proceribus & ab
Israëlitis in Babyloniâ acceperat, consignavit. Quum
autem animadvertisset, non solum plebem, sed etiam
primores & sacerdotes nonnullos peccasse in legem,
quæ prohibet ducere uxorem ex gentibus profanis & Deut. 7. 1.
expulsis oriundam; ut prævaricationis suæ eos poenite-
ret, & uxores ejusmodi repudiarent, etiam si ex eis libe-
ros suscepissent, effecit.

CXXIV. Apud eundem Artaxerxen in regiâ Su-
sane pincernæ munere fungebatur Nehemias, qui quum
ex popularibus è Iudæâ venientibus didicisset, quàm
durâ conditione ibi vita ageretur, & quòd tum mœ-
nia tum portæ Ierusalem dirutæ jacerent, vehementer
indoluit; & quum vinum regi porrecturus tristis appa-
ruisset, causâque rogatus exposuisset, impetravit non
modò veniam Ierusalem proficiscendi, ibi, quæ de-
essent, curandi; sed etiam præfectos copiarum & equites
qui deducerent, & literas ad vicinarum provinciarum præ-
fides deferendo subsidio. Contigit id anno decimo &
tertio, postquam eodem se contulisset Esdras. Nehemias
autem *ab anno vigesimo usque ad annum trigessimum secundum* Neh. 5. 14.
Artaxerxis regis, atque adeo duodecim annis in Iudæâ
& Ierusalem commoratus muros & portas urbis frustra-
ringentibus & adversantibus, qui in viciniâ erant, ini-
micis restauravit, inopiam multorum, quocumque po-
tuit

tuit modo, sublevavit. fraudes pseudoprophetarum &
 falsorum fratrum retudit, populum recensuit, urbi in-
 colas attribuit, rem sacram & civilem ordinavit, lege in-
 terim Mosis per Esdram sacerdotem & Levitas prælectâ
 Nehem. 10. & expositâ. Quin suâ industriâ rem eò deduxit, ut opti-
 mates & populus fœdus inierint de præstandis, quæ lex
 Mosaica requireret, & sacris ac cultui divino impendi
 oporteret: ut *imposuerint sibi trientem sicii quotannis ad cul-*
 vers. 32 & *tum domus Dei;* item annuas oblationes lignorum, quæ Iose-
 34. *pho ξυλοφορία* dicuntur, & in festivitatem verterunt. A-
 λώσεως libro 11, cap. xvii: τῇ δὲ ἐξῆς τῶν ξυλοφορίων ἑορτῆς
 ἑστῆς, ἐν ἣ ἡ πᾶσιν ἐστὶ ὕλην τῶ βόμῳ προσφέρειν, ὅπως μὴ ποτε
 τσοφὴ τῶ πυλὶ λείποιτο. διαμῆναι γὰρ ἄσβεστον αἰεὶ. Deinde
 quum esset festivitas xylophorias, in quâ mos est omnibus mate-
 riam lignorum ad altare sive in usum altaris conveyere, ne
 unquam deficiat igni esca: semper enim inextinctus perseve-
 rat. Portæ & muri, postquam ultima manus eis imposi-
 ta fuerat, consecrati sunt sive dedicati insignibus cere-
 moniis, gratiarum actionibus, & musicâ, cymbalis, nabliis &
 eitharis. Quæ solennitas plenè describitur Nehemiæ xii.
 Aderant unâ cum Sacerdotibus, Levitis, proceribus &
 populo Esdras legis peritus sacerdosque, & Nehemia
 qui vocatur princeps aut dux. Præceperat enim ei rex
 Artaxerxes, ut esset princeps in terrâ Judæâ. Idem dicitur
 Thirsatha, Vulgato Athersatha, Nehem. iix, 10; x, 1:
 quomodo etiam appellatur qui ante ipsum ex manda-
 to regio ludæis reducibus præfuerat, Esdræ 11, 63; Ne-
 hem. vii, 65. Tremellius & Iunius non malè reddere
 videntur *legatum regium*. Fuit sanè nomen alicujus ma-
 gistratus apud Chaldæos. Nehemias autem post res
 istas confectas & exactos duodecim annos ad regem Ar-
 taxerxem Mnemonem rediit, anno ejus trigésimo secun-
 do, &

do, & in fine dierum anni exoravit à rege veniam denuò Nehem. 13
eundi Ierusalemum. Quò reversus nonnulla, quæ in-
terea irreperant, & perperam vel admissa vel neglecta
erant, correxit; conjugia inprimis cum faminis alieni-
genis inita dissolvit. Quid deinceps egerit, & quòd
usque ad vitæ finem in Iudæa permanserit, verosimile
quidem est, attamen non planè certum. Hæc hic visum
fuit attexere, quòd faciant ad intelligendam historiam
sacram.

CXXV. Artaxerxi Mnemoni subijcit Nehemias
Darium, eique jungit Iadduam Pontificem, Nehem. xi,
22. Darius iste nequit alius esse, quàm Darius Codo-
mannus, ab Alexandro Magno devictus, translata à Per-
sis ad Græcos summâ maximi imperii; nec Iaddua alius
quàm Iaddus, quem Alexander magno honore profe-
quutus & veneratus fuit, ut memorat Iosephus sub finem
undecimi Antiquitatum. Nam ad ea usque tempora
Nehemiam pervenisse liquet ex ipsius libro inter sacros
recepto, in cuius fine Sanballetis Choronitæ meminit.
Quæ memorat Iosephus ita se habent: Iaddus pontifex A-
lexandro Tyrum oppugnanti renunciari fecerat, Dario
se sacramento obstrictum esse. Quum igitur Alexan-
der Tyro captâ Ierusalemum tenderet, in maximum me-
tum conjicitur Iaddus, sed à Deo in somnis animatus
jubetur unâ cum collegio sacerdotum sacris, & populo
albis vestibus induto obviam Alexandro procedere. *ut vidit è longinquo candidatum populum, & Sacerdotes ante
agmen in amictu bysino, Pontificemq; in stola hyacinthina au-
ro distincta, tiaram in capite gestantem cum præfixâ aureâ lami-
nâ insculptâ Dei nomine: solus ad eum accedens nomen illud a-
doravit, & salutavit Pontificem. Quævis autem omnibus uno ore
Alexandrum consalutantibus, & in orbem cingentibus, Syria*

S

Reges

*Reges & reliqui obstupuerunt, vix credentes Regem mentis com-
potem: solus Parmenio propius accedens rogavit familiariter,
quid ita quum ipse adoraretur ab omnibus, nunc adoraret Iudeo-
rum Pontificem? At ille non hunc se adorasse respondit, sed Deo,
cujus Pontifex esset, honorem eum exhibuisse. hunc enim, in-
quit, vidi & antea hoc ipso habitu quum adhuc essem in Dio Ma-
cedonia, qui me deliberantem quomodo Asiam possem subigere,
hortatus est forti esse animo, & sine mora exercitum trajicere,
nam suo ductu positurum me Persarum imperio. Hæc sicut a-
pud Iosephum habentur: cætera apud ipsum legi pote-
runt.*

CXXVI. Darius rex ultimus Persarum, Iaddua
pontifex maximus & Sanballetes Choronita, cujus o-
perâ & Alexandri permissu exstructum fuit templum
in monte Garizin prope Samariam, ex iis sunt, qui in
sacrâ canonicâ historiâ postremi memorantur. Ad tem-
pora igitur Alexandri ea pertingit, quamquam res ab
illo gestas non attingit nisi anticipando per vaticinia a-
pud Danielelem. Apud quem cap. octavo per arietem
bicornem Darius victus, & per hircum unicornem Ale-
xander victor figuratur. De successoribus ejus & re-
bus subsequutis agitur eodem capite; & adhuc plenius

Cap. 8. 21. cap. xi. *Hircus ille villosus est rex Græcia: & cornu grande
interjectum oculis ejus, est rex primus. Quod autem fracto
illo surrexerunt quatuor pro eo, significat quod quatuor regna
de gente ejus consurgunt, sed non cum robore illius. Rursus:*

Cap. 11. 4. *Frangetur regnum ejus, & dividetur in quatuor ventos cæli, &
non in posteritatem ejus, neque secundum dominatum ejus, quo
dominatus fuerat: nam evellatur regnum ejus, & aliis præter
illos, posteros videlicet ejus, tribuetur. Macedoniam
quidem paucis annis tenere permissus fuit Aridaeus, fra-
ter Alexandri, post ejus obitum Philippus cognomina-
tus, te-*

ris, tenui valetudine præditus, unâ cum Euridice uxore jussu Olympiadis, matris Alexandri, interfectus. Olympiadem autem, nec non Barsinen & Roxanen, uxores Alexandri earumque filios Herculem & Alexandrum sustulit Cassander, Macedoniamque sibi vindicavit, laciniâ ejus Thraciæ finitimâ parte ad Lyfimachum derivatâ. Regnum Asiæ occupavit Antigonus; Aegypti Ptolomæus Lagi filius; Syriæ Seleucus Nicanor, à cujus initio, ex quo Syriam subegit & imperare cœpit, incipiunt anni regni Græcorum, qui in libris Maccabæorum memorantur.

CXXVII. Successores autem inter se variis infidiis, bellis, foederibus sancitis & abruptis per malè fidas affinitates non sine tragœdiis & parricidiis sunt collisi, inprimis reges Aegypti & reges Syriæ, cæteris potentiores, quorum illi per reges austri, hi per reges aquilonis Danielis xi designantur. Media inter eos Iudæa suis viribus se tueri non poterat, sed alterutri plerumque erat obnoxia, gratificari, inservire, aut etiam tributum pendere coacta. Quamquam, quum momentum aliquod, cui accessisset, adderet, benevolentia & beneficiis in suas partes trahere nonnulli sategerunt, & immunitates, quas concederent, sibi quàm adversariis deberi maluerunt. Ptolomæorum primus, quem, ut est apud Pausaniam in Atticis, Macedones reapse Philippi, verbo Lagi filium fuisse existimant: ejus enim matrem uterum ferentem Lago uxorem à Philippo datam ferunt: hic, inquam, Ptolomæus Ierusalymam occupavit. Ingressus enim urbem sabbato velut sacrorum gratiâ, Iudæis non arcentibus, quod nihil hostile suspicarentur, & alioquin eum diem in otio & quiete agentibus, sine difficultate potius dominio, acerbè eam & inclementer tractavit. Ita Iosephus Antiquitatum xii, cap.

Art. 12. l. 2.

primo. Subjungit multos captivos ab eo in Aegyptum traductos, comiter tamen ibi habitos, quibus apud Alexandriam jus civitatis pari cum Macedonibus conditione dedit. Non pauci, inquit, praeterea reliquorum Iudeorum in Aegyptum migraverunt, partim ubertate terra affecti, partim Ptolemai erga suam gentem liberalitate. Hujus Ptolemai filius fuit Ptolemaeus Philadelphus, qui interpretibus ex Iudaea ab Eleazaro pontifice, Iadduæ sive Iaddi nepote, petitis & accersitis Sacram scripturum graecè transferri fecit, & multa beneficia in Iudaeos & in templum donaria contulit, ut legere est apud Iosephum.

Sub init.

CXXIIX. Ptolemaeos Aegypti reges hoc ordine & numero recenset Strabo Geographia sua libro XVII. Ptolemaeus Lagi filius Alexandro Magno successit; isti Philadelphus; huic Evergetes; ei Philopator Agathoclia (Agathoclia meretricis, cujus etiam in Erotico meminit Plutarchus, illecebris captus, ut scribit Iustinus libro XXX:) inde Epiphanes, & huic Philometor, semper filio patri in regnum succedente. Philometori verò successit frater, dictus Evergetes secundus, quem & Physconem, aqualiculum vel ventricosum appellant; cui successit Ptolemaeus cognomento Lathyrus; Lathyro autem aetate nostra Auletes Cleopatra pater. Sed omnes post tertium Ptolemaeum Evergetem videlicet, male regnum administrarunt, luxu perdit: pessimè verò quartus, nempe Philopator, & septimus sive Physcon & ultimus Auletes. Ita quidem Strabo. Aliquanto aliter Epiphanius libro de ponderibus & mensuris: & iterum aliter Eusebius in Chronicis. Interim Strabonem aetate vicinum fuisse & accuratum scriptorem esse constat.

CXXIX. Ptolemaeus Philopator regno per patricidium parvo, ad necem utriusque parentis cadem etiam fratris adiunxit, ut scribit Iustinus. Per ironiam itaque Philopator di-

tor dictus fuerit; quemadmodum etiam nepos ejus ap-
 pellatus est Philometor, quem quòd tanto odio prose-
 quuta sit mater, quanti exemplum aliud inter reges nul-
 lum esset, memorat in Atticis Pausanias. Eripere Phi-
 lopatori Cœlen Syriam moliebatur Antiochus Magnus,
 Syriæ rex, qui fratri Seleuco Cerauno successerat, na-
 tus Seleuco Callinico, Seleuci Nicanoris, à quo stirpis
 origo, pronepote. Gestum est bellum, & prælium
 commissum prope Raphiam, accuratè descriptum à Po-
 lybio libro quinto. Succubuit Antiochus, insignem
 cladem passus: *Ptolemæus verò victoriâ inopinatâ contentus,*
& omnino Cœle Syria imperium præter spem recuperasse satis
habens, adeo non erat alienus à quiete, ut plus etiam, quàm par
esset, ejus desiderio tangeretur, impellente ignaviâ & cæteris a-
nimi morbis, qui per universam vitam fuerunt illi familiares,
 sicut scribit Polybius. Regressus in Aegyptum & perla-
 tus *Jerusalem sacrificat Deo maximo & gratias egit,* ut est
 libro, qui tertius Maccabæorum vocatur, quum tamen
 proponat historiam tempore priorem, quàm reliquis
 duobus libris continetur. Permississe Iudæos regibus
 gentilibus, etiamsi idolis suis non renunciarent, ut ni-
 hilominus pro se & suis in templo sacrificia & dona ju-
 xta legis præscriptum offerri facerent, notum est ex ijs,
 quæ de Artaxerxe Mnemone, Alexandro Magno, Ptole-
 mæo Philadelpho, aliis referuntur. Philopator autem
 quum in ipsum intimum sacrarium ingredi pararet, &
 prohiberetur, ingente adversus Iudæos omnes odio ex-
 arsit, diris suppliciis necaturus, quotquot in suo regno
 essent. Quomodo miraculosè divinitusque præsen-
 tissimo periculo erepti fuerint, tertius iste Maccabæo-
 rum liber exponit, *conditus,* ut censet in Animadversio-
 nibus Eusebianis Scaliger, *stilo & charactere Alexandrino,*

Cap. 1, v. 9.

ampuloso, & qui proximè abest à corburno. Iosephus in libris Antiquitatum huius rei non meminit: in posteriore tamen contra Apionem simile quid Ptolemæo Physiconi tribuit, quod exstat in versione Ruffini, è græco autem textu deperiit.

CXXX. Philopatoris ex Ptolemæo Epiphane nepos fuit Ptolemæus Philometor, natus ex Cleopatrá filiâ Antiochi Epiphanis. Hic autem Epiphanes à patre Romam obses missus post fratris necem regnavit, suæque sororis filium Philometorem sub specie tutela regno Aegypti exuere molitus fuit. Romani, ne potentia Antiochi Epiphanis nimis excresceret, rationem pupilli habendam censuerunt, & misso C. Popilio legato illum Aegypto excedere iusserunt. *Hoc pacto regnum Ptolemæi, quod tantum non labefactatum jam erat, conservarunt,* ait Polybius: à quo, quàm seriò & strenuè rem egerit Popilius legatus, in Excerptis legationum commemoratur.

Excerpt. 93.

Omnes Antiochi conatus unica Romanorum denunciatione repressi sunt, ait Iosephus xii Antiq. cap. vi. Proximo capite narrat, quomodo reversus ex Aegypto, quam metu Romanorum reliquerat, Ierosolymas nullo negotio ceperit, templum spoliaverit, legitimum omnem cultum aboleverit, idololatricum invexerit & summâ crudelitate stabiliverit. *In templo arâ posita (verba sunt Iosephi) porcos mactavit, & cogebat omnes, abrogato veri Dei cultu, ipsius venerari numina: & oppidatim exstructis templis atque altaribus, porcinas in eis quotidie jugulare victimas. Comminatus est etiam gravem pœnam, si quis liberos circumcideret, constitutis qui mandata exigèrent, atque etiam vi ad ea servanda detrectantes cogerent. Et maxima quidem Iudeorum pars, vel sponte vel metu supplicii parebat edictis regis. qui vero probatiores erant & generose indolis, majorem*

zorem rationem habuerunt moris patris, quam pœna intentata
sibi per adversarios. Quamobrem quotidie necabantur excru-
cti tormentis crudelissimis. Flagris enim cæsi & lacerati cor-
pora, viri adhuc & spirantes suffigebantur crucibus, uxores au-
tem eorum & circumcisi liberos strangulabant, juxta manda-
tum regum, & suspendebant à crucifixorum parentum cervici-
bus, abolebatur etiam ubicunque repertum esset sacrum volumen
aliquod, & ipsi apud quos inventum esset, male peribant. Ea-
dem narrat primus Maccabæorum cap. primo: unde sua
depromsisse videtur Iosephus. Hoc autem ipsum est,
quod prænuñciaverat Angelus apud Danielem xi, 30:
Revertetur & irascetur contra fœdus sanctum, & faciet sive
efficiet, quod desiderat: & intelliget super desertiores fœde-
ris sancti, sive cum eis, quales Iason, Menelaus, Alcimus
bene ei conveniet, & quod cupiunt, in rem conferet.
Et brachia (robur militare) ab eo stabunt, & polluent sanctu-
arium fortitudinis, sive satis aliàs munitum, & auferent ju-
ge sacrificium, ponentq; abominationem obstupescientem, id est,
idolum, quod Iudæos stupidos reddet & attonitos (Ex- Cap. 1, 16.
structa fuit abominatio desolationis super altare, quod erat Jero- 6, 7.
solymis, habet primus Maccabæorum) Et impiæ agentes in
pactum ad peccandum inducet blanditiis: & populum cognoscen-
tium Deum suum prehendent & facient, quod adversus eum
allubescit. Nihilominus intelligentes populi docebunt multos:
& ex illis corrueunt gladio, flammâ, captivitate & rapinâ die-
bus multis.

CXXXI. Tandem surrexit Mattathias, filius Iohan-
nis, filii Simeonis, sacerdos ex filiis Ioarib, non quidem stir-
pis familiæ Pontificiæ, sed primæ classis sacerdotalis, cu-
jus, quum Rex David seriem sacerdotum disponderet,
prima fors prodijt: oriundus de Ierusalem, & consedit in Mo-
din. Ita primus Maccabæorum initio capitis secundi:
ubi

ubi quomodo unâ cum filiis, cognatis & Hasidæis
 חסידים sive hominibus pietati addictis, dominanti id-
 doliatriæ se opposuerit, & ad montana receptum habu-
 rit, plenè narratur. Iosephus Matthiam dicit, Ἰωάννης
 Ant. c. 8 δὲ συμεὼν, δὲ ἀσάουελ. Inde cognomentum Assamo-
 naorum, derivatum à proavo Matthiæ, sive fortè aliun-
 de familiæ factum sit proprium. Mattathias diem suum
 1 Maccab. senex obiit, anno centesimo quadragesimo sexto, ex quo
 2, 70. *primum ad Seleuci familiam Syriæ regum devenerat.* Ita enim
 11 Ant. c. 7. rectè exprimit Iosephus: nec alij in libris Maccabæorum
 & 14. anni designantur. Parenti successit Iudas Maccabæus vel
 Macabai, cognomēto confecto ex primis literis verborū,
 11. 15. 11. quæ in cantico Moſis: כִּמְךָ בְּאֵלִים יְהוָה ut nonnulli
 volunt. Quod licet uni Iudæ proprium, ad omnes ta-
 men causâ conjunctos transferri cœpit. Magna au-
 tem præstitit, insolescentem idololatriam compescuit,
 templum repurgavit, legitimum cultum restauravit a-
 deo, ut finito tertio anno, ex quo abominatio introdu-
 cta fuerat, encania celebrarentur: de quibus primus
 Maccabæorum cap. 15; & Iosephus Antiq. xii, cap. xi.
 Repetita sunt quotannis, atque adeo etiam quum in ter-
 ris ageret Christus, Ioh. x, 22. Iudas autem post multos
 victorias & egregia facta tandem in prælio contra Bac-
 chidem ducem Demetrii Soteris regis Syriæ, qui natus
 erat patre Seleuco Philopatore, numero superatus ge-
 nerosè occubuit, post obitum parentis anno sexto, τὸ
 ἀρχιεπισκοπικὸν ἔτος τρίτον ἀσπασάων, *per triennium pontificatu*
functus, ut est apud Iosephum Antiq. lib. xii, cap. xix:
 quum jam Antiochus ipse ante triennium Babylone ef-
 set mortuus.

CXXXII. De Pontificibus horum temporum ex
 Iosepho, quo certior auctor dari nequit, aliquid anno-
 tare

rare videtur opera fore precium. Regum Persarum im-
 perio subditos & dicto audientes, salvâ suâ religione &
αὐτονομίᾳ, Ecclesiam & temp. supremo loco administrasse
 ex superioribus potest intelligi. Quomodo Iaddum
 veneratus sit Alexander Magnus, itidem antea exposi-
 tum fuit. Iaddo successit filius Onias, ut scribit in fine
 undecimi Antiquitatum Iosephus. *Onia defuncto filius*
Simon successit, Iustus cognominatus, quod & Deum pie coleret,
& cives summâ prosequeretur benevolentia. Mortuus fili-
 um unicum impuberem reliquit, haut idoneum geren-
 do Pontificatui, quem propterea suscepit frater mortui
 Eleazarus, à quo Ptolemæus Philadelphus Scripturæ
 interpretes impetravit, Antiq. xii, cap. ii. Post
 obitum Eleazari Manasses ejus patruus Pontificatum
 adsumpsit; cui defuncto Onias successit, Simeonis Iusti
 filius, paullò antè ut minorennis memoratus. Hic
Βεαχὺς τὸ τὸν δαύνοιν, καὶ χρημάτων ἡττων, exigui erat
 iudicii & avarus; unde factum, ut tributum, quod pro populo
 maiores eius de suo solebant regi pendere, talenta argenti vigin-
 ti non solvendo, ad iram commoverit Ptolemaum Evergetem
 patrem Philopatris. Qui misso Hierosolymam legato incusabat
 Oniam, quod tributum non redderet: minabaturq; ni faceret,
 regionem eius militibus suis se divisuram, & novas colonias eò
 deducturum, quod audientes Iudæi perterriti sunt, licet Onias
 perfricta fronte hac contemneret, nihil curans præter pecuniam.
 Ant. xii, cap. iii. Sequitur quomodo Iosephus, ex Oniæ
 sorore Tobia patre natus, Regem placaverit & Iudæis be-
 nevolum reddiderit denatus eodem fere tempore, quo
 ejus avunculus Onias pontifex, qui successorem reliquit
 Simonem filium, cui vitâ functo successit filius Onias,
 ejus nominis jam tertius, Antiq. xii, cap. iv. Qui im-
 matu-

T

matu-

maturâ ætate decessit, relicto filio parvulo ὁμωνύῳ. Fratres ejus Iesus, qui Iason dici voluit, & Onias, qui maluit Menelaus appellari, ut pontificatu alter præ altero potiretur, Antiocho Epiphani & gentilismo se totos manciparunt. Iosephus disertè Antiq. xii, cap. vi: *Antiochus post Onia obitum fratri ejus Jesu pontificatum contulit: quo tamen per regis indignationem privatus est, transferebat eum in Oniam fratrem natum minimum. Simoni enim hi tres fuerunt filii, καὶ εἰς τὰς τρεῖς ἡλικίαι ἀρχιερωσύνην, & ad omnes tres pervenit pontificatus.* Quamquam de his hominibus pessimis, & Alcimo sive Iacimo (qui etiam ipse ἡγανίζετο πρὸς ἀρχιερωσύνην, & tandem θανάτῳ morbo perculsus cum

Cap. 7, 21. magno cruciatu obiit, ut est in primo Maccabæorum) quoad rationem temporum nonnulla intricata sunt apud Iosephum. Mortuus, ait, Alcimo populus Iudæ Maccabæo pontificatum tradidit, Antiq. xii, cap. xvii. Quem quum per triennium gessisset, occubuit, quemadmodum prius fuit dictum.

CXXXIII. Quum occubisset, momento illo accepit Jonathan principatum, surrexitq; in locum Iudæ fratris sui, i Maccab. ix, 27. Eum hinc Demetrius pridem memoratus, isthinc Alexander, cognomento Veles, Antiochi Illustris filius, casu fratri Antiocho Eupatori superstes regnumque paternum capeffens, ad se suasque partes uterque pellicere conati sunt. Maluit tamen adherere Alexandro, quàm Demetrio, cui deinde in prælio etiam fortuna adversa fuit, ut succumberet & occideretur. Alexander autem Jonathani Pontificatum contulit. Sic induit Jonathan sanctam vestem septimo mense annicentessimis sexagesimis festo tabernaculorum, i Maccab. x, 21; quum per octennium Pontificatus vacasset. Adde Iosephum Antiq. xiii, cap. v. Alexandro in Arabiâ occiso fuit filius

lius Antiochus, qui dicitur Antiochus junior 1 Maccab.
xi, 57: cujus tutelam & patrocinium contra Demetri-
um Nicanorem juniorem filium Demetrii Soteris susce-
pit Diodotus Tryphon homo improbus, qui Ionatha-
nem fraudibus circumventum nequiter & perfide inter-
fecit, 1 Maccab. xiii: Antiq. xiii, cap. x.

CXXXIV. Ionathani ex consensu populi (Rex ta-
men Demetrius ei quoque Pontificatum stabilivit, 1
Macc. xiv, 38) successit frater Simon, ut ita tres habea-
mus Mattathiae filios, sibi in principatu & pontificatu
successores, Iudam, Ionathanem & Simonem. Præter
hos fuerunt alii duo, quorum Eleazarus sub elephante
interiit, 1 Maccab. vi, 46; Iohanan verò sive Iohannes
præter spem à filiis Ambri occisus est, ix, 36 & 42. Sub
hoc Simone res Iudæorum melius habere cœperunt,
quàm pridem, magnisque accessionibus auctæ sunt.
Verba sunt primi Maccab. xiii, 41: *Anno centesimo septu-
agesimo sublatum est iugum gentium ab Israël; cœpit q̃q̃ populus
Israheliticus scribere in syngraphis & contractibus: Anno primo
Simonis pontificis maximi, ducis & principis Iudæorum.* Ad-
de Antiq. xiii, cap. xi. Arcem templo vicinam, quam
muniverat Antiochus Epiphanes, & hætenus, ut ut sæ-
pe tentassent, in potestatem redigere non potuerant
priores duces, expugnavit solòq̃, aquarum, ne posthac esse
posset hostibus receptaculum (verba sunt Iosephi) neve inde
urbi aliquod inferretur incommodum. Quo factò visum est ei
operæ precium, simons quoq̃, in quo situ fuerat, complanaretur, ut
solum templum emineret. Quod etiam populi indefesso &
continuato per triennium labore effecit. Post multa
præclare facta & de gente suâ bene merita in convivio
scelere generi sui Ptolomæi, qui filius Abubi dux erat
constitutus in agro Ierichuntino, occisus est, quum per

octo annos Judæis præfuisse, ut est Antiq. xiii. cap. xiv. Adde ultimum primi Maccabæorum, cujus postrema sunt verba; Iohannes cognomento Hyrcanus ἐγέννηται ἀπὸ υἱοῦ τοῦ πατρὸς αὐτοῦ, factus est summus pontifex post patrem suum.

CXXXV. Sub initium principatus sui ab Antiocho Pio pacem quingentis talentis redemit: qui quum in pralio contra Arsacem Parthum occubisset, fimbrias extendere cœpit Iohannes iste Hyrcanus, subjugatisq; omnibus Idumæis edixit, ut circumciderentur, nisi mallet e suis pelli sedibus, at illi amore patriæ admiserunt & circumcisionem & reliquam juxta Judaicos ritus vivendi formulam: atque ex eo in posterum Judæis accensetur, Antiq. xiii. cap. xvii. Et cap. proximo: Samariam urbem munitissimam obsedit, quæ frustra in subsidium advocavit Antiochum Cyzicenum. nam Hyrcanus, integro anno in oppugnatione exacto, non contentus urbem capere, solo eam aquavit, inductis eò torrentibus; quorum eluvie ita cuncta fœdata sunt, ut ne quidem vestigium urbis superesset. — Hyrcano autem apud Judæos felicitas invidiam peperit: præcipue verò Phariseorum secta ei male valebat, quorum tanta est auctoritas apud populum, ut etiam si regi obloquantur aut pontifici, fidem tamen eis vulgus habeat. Cæterum Hyrcanus post vitam satis feliciter exactam, elapsis uno & triginta annis imperii, moritur.

CXXXVI. Enatæ autem erant, ne id prætereamus, inter Iudæos, postquam repressa est sævities Antiochi Epiphanis (id enim videtur verò similitum, quandoquidem sub eâ vel ante eam non memorantur) tres sectæ, Phariseorum, Sadducæorum & Essenorum, de quibus agitur xi ii Antiq. cap. ix; &, inprimis de Essenis, ii Belli cap. vii. Oniæ verò pontificis, quem tertium suprà numeravimus & relicto cognomine filio impu-

impubere decessisse diximus, is ipse filius Onias à Ptole-
 mæo Philometore ejusque conjuge Cleopatrá impetra-
 verat, ut liceret sibi in Aegypti regione Heliopolitanâ
 templum Ierosolymitano conforme adificare, abusus
 dicto Iesaiæ prophetæ, *In illa die erit altare Domino in me- Cap. 19, 19.*
dia terra Aegypti: quâ de re xii i Antiq. cap. xv; & xiii
 Antiq. cap. vi; & vii Belli, cap. xxx, cui postremo loco
 cum prioribus malè convenit, dum Oniæ Simonis filio,
 qui jam pontifex fuisset, quidquid ejus est, tribuit.

CXXXVII. Cæterum ut, quæ de pontificibus ho-
 rum temporum dicere cœpimus, in compendium con-
 trahamus, utemur eo ipso, quod proposuit Iosephus xx
 Antiq. cap. i. x. Iohannes, inquit, Hyrcanus pontifi-
 catum, quem per annos triginta & unum gesserat, quum
 decrepitis obiret, iudæ filio, qui alio nomine Aristobu-
 lus dictus est, reliquit. Is quum primus sibi diade-
 ma imposuisset, ituræ partem subegisset, & pontifica-
 tum atque regnum iunctim per annum administrasset,
 propter parricidium matris & innoxij fratris morbo
 θηλάτῃ (de quo xii i Antiq. cap. xix) sublati heredem
 & successorem in utroque habuit fratrem suum Alexan-
 drum, Iannaum quoque dictum, qui quum regnum
 pontificatus coniungens viginti septem annis iudæ præ-
 fuisset, moriens Alexandræ uxori permisit delegendi
 pontificis arbitrium. De ejus autem rebus gestis, atro-
 citate & crudelitate, & quàm exosus fuerit iudæis vide
 xii i Antiq. capp. xx, xxi, xxi i & xxi i i: quo postremo
 narratur consilium observatum dignum, quod moriens
 dedit uxori, nempe ut ex odio publico eluctari & secu-
 rè regnare possit, Phariseis ἐξοστὰς πῶς permittendam esse:
posse enim plurimum apud iudæos, siue exosum aliquem capiant
ledere siue amicum juvare. nam vulgus his magnam fidem ha-

berē, etiamsi per invidiam de aliquo male loquantur. Quod
quomodo successerit, proximo xxiv capite exponitur;
ita videlicet ut nomen regni fuerit quidem penes regi-
nam, ~~duxus~~ verò & administratio penes Phariseos.

CXXXIIX. Sed ad octavum caput vigesimi Anti-
quitatum revertamur. Alexander Alexandræ uxori re-
liquit regnum, duosque filios, Hyrcanum & Aristobu-
lum, & arbitrium utri vellet Pontificatum tribuere. Tri-
buit autem natu majori Hyrcano, quod is amans esset
otii & quietis, exactoq; in regia potestate novennio è vivis
excessit, quo toto tempore Hyrcanus pontificatum tenuit. nam
post matris obitum Aristobulus frater, qui etiam ante eum
matri adversatus factiones inire & tumultuari coeperat,
motu bello victam Hyrcanum ad privatam vitam redegit, & si-
bi regnum simul ac sacerdotium vindicavit, exactisq; in utraq;
dignitate tribus annis & totidem mensibus, quum superveniens
Pompejus ab utroque fratre attractus ut cepisset urbem &
templum, cuius tamen thesauros intactos reliquit, à victo-
re victus Romam missus est cum duabus filiabus & totidem
filiis; & Hyrcanus in pontificatum restitutus principatum quoq;
sue gentis accepit, sed absque diademate: præterq; priores illos
novem per alios xxiv annos summum sacerdotium obtinuit.
Hyrcanus quidem suâ sorte vitaque privatâ molestiarum
vacuâ contentus quievisset, sed ab Antipatro origine
Idumæo, viro pecunioso & naturâ factioso, Herodis ad
regnum tandem evecti parente, inductus ad Aretam A-
rabum regem primum profugit; deinde Pompejum, sic-
ut diximus, attraxit, magno totius gentis malo, nam
tum primum, ait alibi Iosephus, libertatem amisimus, si be-
cti Romanorum imperio; & regionem de Syris bello captam red-
dere ipsis coacti sumus; & insuper plus quam decem millia talen-
torum brevi tempore a nobis Romani exegerunt; & regnum, quo
præ

prius pontificale genus honestabatur, ad plebeios translatum est homines, nempe ad Antipatri Idumæi familiam. Aristobulus autem respectu cognominis avi sui, quem primum sibi diadema imposuisse diximus, discriminis ergo secundus appellari potest: cui ex uxore Romanarum partium studiosâ (xiv Ant. cap. x) præter liberos secum Romam abductos fuerunt filij Alexander & Antigonus, qui adversus Hyrcanum multa moverunt, ut patri suo & sibi supremam dignitatem assererent. Alexandro autem nupta fuit Alexandra, Hyrcani patruï filia: ex quo conjugio nati sunt Aristobulus, quem tertium nuncupare possumus; & Mariamme. Hanc uxorem duxit Herodes & tandem interemit; illum Pontificem creavit, & elapso anno natantem in piscinâ suffocari fecit. Aristobulus secundus Romæ è vinculis elapsus & in Iudæam reversus à Gabinio iterum captus & Romam remissus est: à victore autem Iulio Cæsare in gratiam receptus & cum duabus legionibus in Syriam destinatus à Pompejanis veneno tollitur: filius ejus Alexander jussu Pompeji apud Antiochiam securi percutitur, xiv Antiq. cap. xiii: alter filius Antigonus à Parthis auxilia impetrat, à quibus in Iudæam reducit, & in Parthiam captivus abducitur Hyrcanus, amputatis auriculis, ne posthac pontificatui esset idoneus.

CXXXIX. Per hosce motus & Parthicos ab Antigono attractos exercitus in angustias conjectus Herodes Romam se confert, ubi pridem sibi patrocinium conciliaverat Antonij, cujus commendatione à Senatu rex Iudææ præter suam spem creatur, & quum è Senatu egrederetur, mediis inter Cæsarem Augustum & Antonium deducitur. Reverso in Iudæam cum Antigono regnum sibi vindicante bellum fuit, qui intra Ierusalem

num conclusus tandem ab Herode & Sosio, quem in
auxilium miserat Antonius, unà cum urbe & templo
capitur, & ad Antonium Antiochiam perductus insti-
gante Herode securi percutitur. Hyrcanus senex & au-
ribus mutilatus à Parthis comiter habetur, & Babylo-
nem transire permittitur, ubi maximum honorem ex-
hibent Iudæi tum indigenæ tum vicini. Ab Herode
autem jam rege blanditiis sibi persuaderi passus est, ut
ad eum reverteretur, à quo etiam in magno honore ha-
bitus est. Interea evertitur fortuna Antonij cui hæc-
tenus insigni fide addictus fuerat Herodes. Veritus ita-
que ne apud Cæsarem Augustum ea res fraudi sibi esset
& causa amittendi regni, eum adire & experiri num
placare posset, decrevit. Quum autem sciret, quàm i-
pse exosus esset populo; non fore ratus consultum in e-
jus oculis absente Hyrcanum, unicum ex stirpe regiâ
superstitem, versari; de tollendo improba consilia iniuit,
& tandem perfecit. Existimavit enim quamdiu ex Af-
samonâ familiâ aliquis superesset, se regnare securè &
sine periculo non posse. Quæ ad eum modum, nefariè
sublato grandævo Hyrcano, penitus fuit extincta. He-
rodes autem Rhodum Augusto in occursum delatus ita
excusatione & sermonibus eum demulsit, ut non modò
ignosceret, sed etiam diadema restitueret, honorem ha-
beret, quin hortaretur, ut non minùs posthac suam,
quàm quondam Antonij amicitiam coleret. Lege xv
Antiq. cap. ix & x.

CXL. Nunc pergamus ex penultimo capite ulti-
mi Antiquitatum de Pontificibus nonnulla adducere,
quæ ex superioribus promptius intelligentur. Herodes,
quum à Romanis regnum accepisset, & ad jutore Sosio
Ierusalem expugnasset, Antigonomque per Anto-
nium

nium interimi curasset, non amplius ex *Assamoneo* genere
 creavit Pontifices, sed eum honorem quibusvis ex sacerdotum or-
 dine concessit, etiam obscuris, uno *Aristobulo* excepto, hunc enim
Hircani à *Parthis* capti nepotem, & *Mariammes* sue uxoris fra-
 trem ob favorem populi & *Hircani* avi memoriam summo sacer-
 dotio dignatus est. Quod impulsus à socru suâ *Alexan-*
drâ, *Hircani* filiâ, matre *Mariammes* & *Aristobuli*,
 quem tertium haut incommode appellari diximus, id
 fecerit, memoratur xv *Antiq.* cap. ii. *Cavens*, ait ibi *Io-*
sephus, ne quis illustrium crearetur pontifex, accito *Babylone*
 non obscuri generis sacerdote *Ananelo*, huic summum sacerdo-
 tium dedit. *Alexandra* non tulit hanc contumeliam, sed rem
 eò deduxit, ut suum filium *Aristobulum* pontificem
 crearet. Itaque Rex confestim pontificatum abrogat *Anane-*
lo, viro peregrini generis, utpote nato ex *Iudeis* olim ultra *Eu-*
phratem per *Assyrios* traductis. Eum quidem regnum adeptus
 auctoritate sua pontificem constituerat, sed postea deposuit, ut
 turbatam suam familiam componeret sive placaret. Quum
 autem animadverteret populum favore & studio singu-
 lari in *Aristobulum* inclinare, metuens ne qui inde
 contra se motus exorirentur, natantem in piscinâ per
 dolum suffocari fecit: interim modis omnibus nitebatur si-
 dem facere, se in scio casum contigisse, non luctum tantum fingens,
 sed & lacrymas & marorem verosimilimum. Hic fuit exitus
Aristobuli, anno decimo octavo etatis, primo pontificatus, qui
 mox ad *Ananellum* rediit. Sic *Herodes* pro lubitu Ponti-
 fices ex alio quàm pontificio genere adsumptos instituit
 & destituit. Idem fecit *Archelaus* ejus filius, cui post obi-
 tum parentis ethnarchiam *Iudææ* concessit *Augustus*;
 idem *Romani*, qui post illum *Viennam Galliæ* ab *Augusto*
 propter tyrannidem, quam exerceret, relegatum, cum
 potestate præfuerunt provinciæ, ut loco pluries laudato scri-
 bit *Io-*

Cap. 3.

bit Iosephus: apud quem exempla sunt obvia. Ipse Herodes Iesu Phabetis filio, quem Ananelo surrogaverat, pontificatum adimit, & successorem ei dat Simonem, cuius filiam formâ captus uxorem ducebat, xv Antiq. cap. xii. Deinde quum ea in suspicionem parati veneni incidisset, & ipsam abiecit, & Simoni patri ejus sacerdotium, quod tamen aliquamdiu tenuerat, abrogavit, Matthiæque Theophili filio contulit, xvi Antiq. cap. vi. Sed ei quoque, quod permisisset aquilam auream portæ templi impositam ab adolescentibus deijci, ademit, & Ioazaro, uxoris abdicatæ sive patruo sive fratri, attribuit, cap. iix. Caterum Archelaus Româ in Iudæam, tunc etnarcha, reversus Ioazaro pontificatum abrogat, & ejus fratri Eleazaro confert: quoniam nec Eleazarus diu potitus est, surrogato in viventis locum Iesu Siæ filio, cap. xv. Aliter narrat xix Antiq. cap. iii. *Quirinus*, inquit, ab Augusto in Iudæam missus, ut Archelai Viennam relegati facultates in fiscum redigeret & censu ageret, *quum mora esset plebis adversus Ioazarum pontificem seditio, privavit eum dignitate, & Ananum Sethi filium substituit.* Fortè dum ventilatur causa Archelai, & de eo relegando agitur, Ioazarus dignitati acquisitæ inhærens Eleazarum & Iesum Siæ filium vitio creatos adseruit, & loco cedere noluit. Caterum quum paullò post Augustus diem suum obiisset, successit Tiberius: à quo in Iudæam præses missus Valerius Gratus. Is sacerdotium Anano ademit, & Ismaëlem Phabi filium pontificem constituit: & hoc ipso etiam post modicum tempus dejecto in Eleazarum Anani pontificis filium dignitatem transtulit. Sed elapsò anno hunc quoque in ordinem redegit, & Simoni Camisbi filio pontificatum dedit. Qui itidem quum in dignitate annum exegisset, iussus est eam cedere Iosepho, qui Caiaphas cognominabatur. Vide

Videmus Pontifices annuos, & alios aliis viventibus subrogatos. Sub finem vitæ suæ Tiberius in Iudæam mittit præsidem Vitellium. Is in locum Iosephi Caiaphæ subrogat Ionathanem Anani pontificis filium; & post non multum temporis à Ionathane in fratrem ejus Theophilum pontificatum transfert, xix Antiq. vi & vii. Ananus is est, qui in Evangelicâ historiâ Annas dicitur, & quia ipse aliquamdiu pontificatu functus fuerat, & filios pontifices viderat, quin etiam Caiapham pontificem, qui diutiùs aliquanto dignitatem tenuisse videtur, generum habebat, in magnâ apud Iudæos fuit auctoritate. Conjunguntur igitur Annas & Caiaphas Lucæ iii, 2: ad Annam, sine dubio ut honorem in transitu haberent, Iesum Servatorem proditiōe Iudæ captum deduxerunt: is verò misit victum ad Caiapham generum suum, *qui erat pontifex maximus anni illius*, vel illo tempore, Ioh. xix, 13. Desultorii enim pontifices, quamquam ille diuturnior fuit, haberi pridem cœperant. Nec fortè desierant esse Pontifex & Vicarius sive *ὑποπρωτοπρεσβυτέρου* pontificis, qui Iudæis *שני הכהן* secundus sacerdos magnus, quomodo Paschurem constitutum in domo Domini ducem vel antecessorem, qui Ierem. xx, 1 memoratur, Elias in Tisbi accipit & interpretatur. Licuntur *כהן הראשון* sacerdos primarius, & *כהן השני* sacerdos secundanus II Reg. xxv, 18; Ierem. Lii, 24.

CXLI. Quum Servator Lazarum suscitasset, *multi ex Iudæis crediderunt in eum* sicut legitur Ioh. xi, 45. Cœgerunt igitur primarii sacerdotes (*ἀρχιερεῖς* tum hic alibi videntur appellari, qui pontificatu aliquando functi fuerant, vel secundani pontifices, vel *ὑποπρωτοπρεσβυτέρους*, quorumque erant ex genere pontificio, ut est Act. iv, 6: ex quo videlicet juxta morem tum receptum creari pontifices

tifices possent) & Pharisei concilium, & dicebant, Quid age-
mus? nam hic homo multa signa facit. Si permittimus eum ita
pergere, omnes in eum credent, Messiamque & Regem, cui
excusso Romanorum iugo regnum debeat, agnoscent.
Talem enim Messiam illi imaginabantur. Quod quum
ferre neque velint neque possint Romani, venient & in-
structi viribus, quibus nos neutiquam pares erimus,
tollent & delebunt tum locum nostrum, urbem videlicet &
templum, tum gentem. Dixit autem eis Caiaphas, eo tem-
pore Pontifex maximus: Vos nihil scitis, nec cogitatis expe-
dire nobis, ut unus homo, quantuscumque fuerit, quo jure
quave injuriâ, moriatur pro populo, & tota gens non pereat:
quod videlicet omnino fiet, si hunc unum hominem
non tollimus, & ab eo Romanos porro irritari permitti-
mus. Hoc uno sublato, periculum cessabit. Est quasi
dixisset, si scelus commiserimus, & fuderimus innocen-
tem sanguinem, Deus nobis propitius erit & tutos præ-
stabit. Quo nihil improbius vel absurdius dici potuit.
Hoc autem ex semetipso non dixit: sanè juxta hunc impro-
bum & absurdum sensum ex semetipso dixit, sed quum
esset Pontifex maximus illius anni, prophetavit, idest, Deus vo-
luit & fecit, ut verbis uteretur, quæ non tantum impium
& nefarium illum sensum, quem intendebat ipse, con-
tinerent, sed prorsus propheticum & evangelicum,
quem proferens nec intenderet, & ne intelligeret qui-
dem, nempe fore, ut Iesus pro gente moreretur, nec tantum pro
eâ Iudæorum gente, sed ut etiam filios Dei per orbem terra-
rum dispersos ex omnibus gentibus congregaret sub se ca-
pite in unum spirituale corpus & societatem. Et hoc vo-
luit Deus ab improbo pontifice (ut tamen inter Iudæos
aliquis Pontifex esset, ipse constituerat) proferri, ut
qui posthac ex Iudæorum gente converterentur, ani-
mad-

inadverterent sanctissimam hanc veritatem à Pontifice impietatis & cædis magistro, quamvis ipse eam ignoraret & totus in contrarium iret, liquidò adsertam fuisse.

CXLII. Talis fuit status & conditio Pontificum in Iudæâ, quum in eâ nasceretur & deinceps versaretur suumque sanctissimum ministerium obiret Christus Dominus, Servator mundi. Natus est autem imperante Cæsare Augusto, ad finem vergente ætate & regno Herodis. Qui tum parentis sui Antipatri tum propriis meritis Romanos devinxerat, imprimis Antonium, cuius favore Rex creatus Hierosolymam obnitentem à Sosio adjutus cepit, & extincto Antonio Augusti gratiam conservavit; vir in acquirendo & administrando regno gnavus, industrius & felix, *duobus potissimum modis subditos in officio continens, timore suppliciorum, quæ nemini remittebat; & liberalitate, quâ providebat publicis necessitatibus,* XII Antiq. c. XII. Interim quòd esset supra facultates sumptuosus, cogebatur molestus esse subditis. nam quum in alios erogaret plurimum pecunie, necesse erat eam aliquando malè querere, XVI Antiq. cap. IX. *Quemadmodum autem foris supra spem fortunæ utebatur propitia, sic domi præter opinionem omnia male cedebant, ut merito ambigendum sit, possitne pensari tantâ externâ felicitate calamitas ejus domestica, an satius esset cedere ex æquo utraq; & intra privatam fortunam consistere,* XVI Ant. cap. VI. Vxores decem habuit, è quibus omnium carissimam Mariammen Assamonaam interimis; filios autem, quos ex eâ genuerat, quum mater periret, tennellos, deinde verò eximios juvenes, & tum ob matris memoriam, tum proprias virtutes carissimos, Alexandrum & Aristobulum falsò & per calumniam delatos strangulari; tandem Antipatrum, primogenitum suum, cuius technis duo illi fratres perierant, sub finem

Vita jugulari fecit: & alia multa animi enormiter crudelis exempla edidit.

CXLIII. Apud Cæsarem Augustum, cujus erat observantissimus, accusaverat noxium filium, & acceperat responsum, eum *relinqui arbitrio & regis & patris, sive in exilium vellet eum pellere, sive capite plectere*, Antiq. xvii, cap. ix. Refert Macrobius, Saturnaliorum secundo, cap. quarto, ubi jocos Augusti commemorat, *Quum audisset inter pueros, quos in Syria Herodes rex Iudeorum intra bimatam jussit interfici, filium quoque ejus occisum, quòd dixerit, Melius est Herodis porcum esse quàm filium.* Si hic est ille Macrobius, quem laudant Honorius & Theodosius Imperatores titulo octavo Codicis Theodosiani, integris quatuor seculis ferius post rem perpetratam ita scripserit. Et fortè non multò ætate major est, quum producat Plotinum, Symmachum, Servium grammaticum. Sed apud Imperatores adeo pios Præpositum cubiculo fuisse, qui ubique merum paganismum spirat, & nulla præ se fert argumenta Christianismi, haut est verosimile. Dicit inter pueros, quos Herodes jussit interfici, filium quoque ejus occisum. Si dixisset, paullò post pueros interemtus filium occisum fuisse, accuratè scripisset. Sed esto tempus intermedium non fuisse tantum, ut loquutio excusari non possit. Filius autem, qui post pueros occidebatur, non puer erat, sed planè adultus. Quamvis verò potestatem fecerat Augustus Herodi, ut pro suo arbitrio sive ut rex sive ut pater improbum filium coërceret; nihilo tamen minùs ipse ad humanitatem à naturà factus admirari potuit sævum Herodis rigorem, & jocando affirmare, quòd satius sit Herodis porcum esse, quem juxta legem gentis non esset mactaturus, quàm

quàm filium, quandoquidem post duos sublato nunc etiam tertium interemerit.

CXLIV. Quod ejus religionem & cultum, quem numini impenderet, attinet, etiam si à puero Iudaicis ritibus & statutis, per quæ omnem idololatriam vitari oporteret, innutritus esset, ambitione tamen & hinc enato studio demerendi Cæsarem Augustum & Romanos abreptus & dementatus manifestâ idololatriâ se contaminavit. Quâdè Iosephus Antiq. xv, cap. xii: *Ambitio studiumq; demerendi Cæsarem & potentiores Romanos causa fuit, ut multum à patrijs institutis decederet, & leges divinas violaret, dum in honorem eorum urbes condit & templa exstruit, licet non in solo Iudaico: hoc enim illi nequaquam laturum erant, quod nefas sit nostris statuas ac effigies more Græcorum colere. quapropter extra eorum regionem tales urbes collocabat, excusans se Iudeis, quod non sponte, sed potentiorum iussu hæc faceret: & interim Cæsarem Romanosq; tanto magis sibi devinciens, quod in eorum honorem à patriis consuetudinibus sustineret discedere.* Capite proximè antegresso narrat Iosephus, quomodo Samariam Herodes reparaverit, & abrogato vetere novum nomen Sebastes urbi imposuerit. In ejus, ait, mediotulio fanum sesquistadii amplitudine esse voluit, modis omnibus ornatissimum, in quo templum exstruxit cum quovis alio pulcritudine & magnitudine conferendum. Cap. xiii commemorat, quomodo insigni magnificentiâ Turrim Stratonis in Cæsaream commutaverit, & in eâ edificaverit templum Cæsaris, elonginquo adnavigantibus conspicuum, habens statuas, unam Romæ, alteram Cæsaris: quomodo itidem locum apud Panium & fontes Iordanis aliquin celebrem ornaverit templo exstructo in honorem Cæsaris, quamvis Iudæorum animi offenderentur talibus operibus, quæ videbantur planè ad religionis & bonorum morum perniciem tendere.

em tendere, ut omnium jaëtatur sermonibus. Libri xvi cap. ix additur, quòd ludos Olympios, in honorem Iovis ab Hercule institutos, non satis respondentes sua celebritati propter inopiam, adjuverit attributis annuis redditibus, quòd splendidius & sacrificia fierent, & alia, quæ ad decorandum tam frequentem conventum pertinent. Iisdem de rebus videri potest Belli liber primus, cap. xvi; ubi ista junctim narratur, & hæc inter cætera habentur verba: Prorsus non est idoneus regni locus, quem honore Caesaris nudum reliquerit. Postquam verò fines suos templis replevit, in provinciam quoque honores eius effudit, & in multis civitatibus templa, quæ Caesaria vocantur, constituit. Cultui itaque Dei, quem unà cum ejus temporis ludæis tamquam unicum, verum & æternum colebat, sive se colere simulabat, idololatriam satis crassam & manifestam adjunxit.

CXLV. Orat quidem Salomon, quum exstruxisset templum, *Extraneo etiam, qui non fuerit ex populo tuo Israel, veneritq; è terrâ longinquâ propter nomen tuum, quando adveniens orabit versus domum hanc, tu auscultato è cælis, statione habitationis tuæ: sed non est ullo modo verisimile, quòd intelligat alium, quàm unius veri Dei cultorem, qui exspectet semen, in quo benedicendæ omnes gentes terræ, proditum ex Abrahami, Isaaci & Iacobi posteris; quorum famâ per orbem celebri excitatus ad hoc ab ipsis exstructum templum adoraturus venerit. Nihilominus postea invaluit, ut qui idololatriam missam non facerent, & propitium habere satagerent Deum, quem magnum esse & castis ceremoniis à ludæis coli agnoscerent, ei pro suâ & suorum salute victimas offerri facerent. Sic Alexander Magnus ascendens in templum Ierosolymitanum immolavit Deo ex sacerdotis præscripto, ut est apud Iosephum in fine undecimi Antiquitatum; & nihilo*

hilo minus consuetae idololatriæ inhæsit. Sic Ptolemaeus Philadelphus *mandavit pecunie pro sacrificiis & reliquis templi usibus centum talenta erogari.* Eleazarus Pontifex scriptis literis tribuit ei pietatem, *quâ colat Deum maximum.* Hæc Iosephus Antiq. xii, cap. ii: ubi etiam recenset & describit donaria, *quæ Rex Deo misit, ut omnibus, inquit, nota fiat ejus Regis erga Deum pietas & liberalitas.* Si tamen idola sua colere non desit, uti non est verosimile, idololatra permanfit. Sotius postquam unâ cum Herode Ierosolymam cepisset, *consecratâ Deo coronâ aureâ discessit, ut legitur in finē xiv Antiquitatum.* Marcus Agrippa ab eodem Herode Ierosolymam invitatus & deductus τῷ θεῷ ἑκατόμβην κατέψυκε, *hecatomben Deo immolavit,* Antiq. libro xvi, cap. ii. Belli libro secundo, cap. xvii memoratur, quod moris semper fuerit, *eorum, qui foris essent, populorum munera suscipere, & hostias non prohibere;* οἱ πάντες οἱ πρεσβυτοὶ τὰς ἀπὸ τῶν ἀλλογενῶν θυσίας ἀπεδέχοντο, *quod omnes majores sacrificia exterorum admiserint.* Fuisse Romani belli occasionem, quod *hostiæ Caesaris pro Romanis offerri solita rejicerentur.* Ipse Caesar Augustus ordinavit è suis reditibus rite offerri quotidie altissimo Deo in holocaustum victimas, taurum & duos agnos; *quæ hodieq. offeruntur,* ait Philo ante finem libri de legatione ad Cajum. Cæsares igitur & hi Romani Deo Iudæorum, hoc est, æterno & vero, cælorumque & terræ creatori eum honorem habuerunt: quia tamen Iovem, Martem, Quirinum & cæteros suos fictitios deos coluerunt, idololatræ esse non desierunt. Desit autem esse Nahaman Syrus, ex quo apud animum suum firmiter constituit, *se non facturum holocaustum aut sacrificium diis alienis, sed DOMINO,* i. i Reg. v, 17.

CXLVI. Herodes quidem, ut idololatriæ suspicionem,
X nem,

nem, quàm exstructis contra legē templis incurrebat, vel
obrueret vel minueret, & se Iudaicæ religioni addictum
demonstrans Iudæorum animos vel placaret vel sibi de-
vinceret *decimo octavo regni sui anno* templum, quod redu-
ces ex captivitate Babylonicâ ad pristinam majestatem
evehere non potuerant, prorsus antiquo par, aut etiam
augustius moliri constituit. Quum autem metuerent
Iudæi, *ne fortè postquam destruxisset vetus ædificium, novum
non posset absolvere, manere voluit vetus templum integrum, do-
nec omnis ad futuram fabricam necessaria materia comparare-
tur.* Mille enim plaustra paravit, quæ lapides conveherent:
& ex omni artificum copiâ peritissimos selegit ad decem millia,
& insuper mille sacerdotes stolis sacerdotalibus suo summa vesti-
tos, partim cementariam, partim lignariam fabricam edoctos;
hosq; omnes adhibuit operi, materia jam ante convectâ. Sub-
latis deinde veteribus fundamentis, & novis repositis desuper
templum exstruebat. Hæc omnia & plura alia eodem fa-
cientia Antiq. xv, cap. xiv: è quibus adjungere lubet,
quæ modò subijcimus. Herodes interiora, à quibus profa-
ni lege arcebantur, non ausus ingredi, per sacerdotes curabat fa-
bricam intimarum porticum: absolutisq; octo annis reliquo ædi-
ficio, tandem etiam templum ipsum eorundem sacerdotum ope-
ra sesquianno perfecit. Celebrata est igitur instauratio
sive innovatio magnâ solennitate. Rex trecentos boves
Deo mactavit, & alii pro suis quisque facultatibus tantum vi-
ctimarum, quantum vix comprehendi posset numero, fallente ve-
ram æstimationem earum multitudine. Ita quidem absolu-
ta est structura templi, & quæ cum eo proximius sive
arctius cohærebant. Non tamen propterea desitum
est ædificari, sed structura per annos complures conti-
nuata, infusos in opera contigua vel annexa, ut de-
mum finierit non multis ante *παροδεύων* annis. Quâ
de re

dere Antiquitatum ultimo, cap. penultimo: *Iam absolutum erat templi edificium. Populus itaque quum videret esse in ocio circa octodecim opificum millia, solitorum haecenus in templo ex operarum mercedibus victum querere, nolensq. sacram pecuniam repositam habere, ne quando Romanis praeda fieret, simulq. opificibus inde provisum cupiens, quod vel una hora operato statim merces representaretur; suaseri regi Agrippae, Herodis Agrippae (de quo Act. xii) filio, cuius cura fabricam templi Claudius Caesar commiserat, ut orientalem instauraret porticum, quae templi extrema claudebat, profunde valli & angusta imminens, ac proinde subnixamuro quadringentos alto cubitos. Rex autem non annuit populi precibus, sed urbem candido saxo consternere non vetuit. Quum igitur hoc ipso in templo, quod, sicut diximus, operibus ad id pertinentibus & appendicibus amplificari & ornari nondum desisset, versaretur Servator; de hoc ipso, & non de aliis, quae tunc non exstabant, & quibus etiam non quadrat, accipiendum erit, quod ei dicunt Iudaei, *Quadragenta & sex annis edificatum est templum hoc, & in tribus diebus excitabis illud?* Ioh. ii, 20.*

CXLVII. Mirari possit non nemo, unde Iudaeis suppeterent tanti structuris impendendi sumtus. Non adducam, quod imposuerint sibi trientem sicii quotannis ad cultum domus Dei, Nehem. x, 33: nam is si non colligatur aliunde, quam ab inquilinis Iudaeae, facile in victimas, & quae eo spectant, absumetur. Caterum dispersi jam erant Iudaei illis temporibus per totum orbem terrarum. Ex Strabone producit Iosephus, *τοπον ὅκε ἐστὶν παρὰ διὰς εὐπεὶ τῆς οἰκισμένης, ὅς ἐστι παρὰ δὲ τῆς τοῦ ἱεροῦ τοῦ φύλου, non est facile invenire in orbe habitato locum, qui non receperit id genus hominum*, Antiq. xiv, cap. xii; ubi agit de immenso thesauro, quo templum Crassus spoliavit. Nec est miran-

dum, inquit, tantas divitias in nostro templo fuisse, cujus Deum
quum omnes ubique terrarum Iudaei venerentur ac colant, tam
ex Europâ quàm ex Asiâ longo tempore huc eas contulerant.
Nempe undique à Iudæis per orbem dispersis mitteban-
tur ad templum non modò consueta, sed etiam magna
extra ordinem donaria. *Fulvia mulier nobilis Romana am-
plexa legem Iudaicam purpuram & aurum in templum misit:*
sed Iudæi, quibus transferenda crediderat, in proprios
usus verterunt. Id ubi Tiberius rescivit, iussit universos
Iudeos ex urbe pelli: ex quibus Consules delectu habito quatuor
millia militum miserunt in Sardiniam, Antiq. xlix, cap. v.
Quum coram Cæsare Augusto controversia inter Ar-
chelaum & populum Iudaicum tractaretur, legatis ex
Iudæâ missis adstiterunt plus quàm octo millia Iudeorum
Romæ degentium, Belli ii, cap. iv. Concesserat enim eis
bonam urbis trans Tyberim partem, ut paullò post ex
Philone dicitur. Tantus Iudæorum numerus fuit in
ipsâ urbe Româ: è quâ tamen faceffere iussu sunt semel à
Tiberio, ut modò fuit dictum; & iterum à Claudio, ut
est Act. xlix, 2; & apud Suetonium in Claudio, cap.
xxv.

CXLIIX. Aurum Iudaicum Hierosolymam de-
portari solitum tangit Cicero oratione pro L. Flacco.
Quum aurum, inquit, *Iudeorum nomine quotannis ex Italiâ
& ex omnibus provinciis Hierosolymam exportari soleret, Flac-
cus sanxit edicto, ne ex Asiâ exportari liceret.* De Iudæis
Mesopotamiam & Babyloniam incolentibus testatur Io-
sephus, quòd urbibus Naardâ & Nisibi ad Euphratem
fitis usi fuerint ὡς περ ταμίαι. Iudaei, inquit, *freri locorum
naturâ sacrum didragma, quod Deo ex more solent offerre, ca-
teramq; votivam pecuniam in his urbibus deponebant, tamquam
in communi arario, inde suo tempore transmittendam Hieroso-
lyma,* Antiq. xlix, cap. xii.

CXLIX.

CXLIX. Quòd verò Iudæi per orbem terrarum dispersi fuerint, atque adeo veritati consonet, quod ex Strabone produxisse Iosephum paullo ante meminimus, nempe haut facile inveniri locum τῆς διασπορῆς, cui non infederint; id manifestò constat ex Actorum secundo, ubi memorantur Iudæi ex omni natione eorum, qui sub cælo sunt, Parthi & Medi & Elamitæ sive Persæ, & incolentes Mesopotamiam & Iudeam strictè ita dictam, usamque dialecto, quæ à Galilæorum loquendi & pronunciandi modo differret, Cappadociam, Pontum & Asiam minorem, Phrygiam & Pamphyliam, & partes Libyæ quæ est secundum Cyrenen, & advenæ Romani, Cretes & Arabes. Sanctus Petrus priorem suam epistolam inscribit advenis dispersis per Pontum, Galatiam, Cappadociam, Asiam & Bithyniam; (sine dubio διασπορῆς τῶν ἑλλήνων Iudæis dicitur, Ioh. vii, 35) sanctus Iacobus suam duodecim tribubus dispersis: de quibus sanctus Paulus, Ad promissionem patribus nostris à Deo factam duodecim tribus nostræ, Deum nocte & die assidue colentes, sperant se deventuras, Act. xxvi, 7. Per varias igitur, imò plerasque orbis habitati, præsertim Romani, gentes sparsi erant Iudæi, ut hæ ipsæ promptam & præsentem haberent opportunitatem dediscendi fœdam suam idololatriam cultumque fictitiorum numinum, & amplectendi cultum unici veri Dei, quem adorabant Iudæi, veramque religionem. Ptolemæus Lagi, primus Aegypti post Alexandrum rex, Iudæis apud Alexandriam jus civitatis pari cum Macedonibus conditione dedit, Antiq. xii, cap. 1. De successoris Philadelphi in eos adfectu multa cap. ii. Seleucus etiam Nicanor, conditis à se per Asiam & inferiorem Syriam urbibus, in ipsa denique metropoli Antiochiâ jus civitatis eis dedit, voluitque paricum Macedonibus ac Græcis jure ibi degere, cap. 111. Quin Philometor

metor rex Aegypti indulgit. Oniæ potestatem in regio-
ne Heliopolitanâ templum Hierosolymitano simile in
Iudæorum usus condendi, Antiq. xiii, cap. vi. Quam-
vis Asiatici & Cyrenenses Iudæi à priscis regibus accepissent jus
civitatis ex aquo cum cæteris, tamen multas injurias à Græcis
patiebantur, quasi exportarent pecunias, & essent noxii reliquis
civibus, Ant. xvi, cap. x. Cæsar Augustus concessit trans
Tyberim bonam urbis partem teneri à Iudæis, quorum plerique
erant libertini: quippe qui belli jure in potestatem redacti ab he-
ris suis manumissi fuerant, permitti majorum ritu vivere. Hos
sciebat habere suas prosuchas, in quibus cætus ficerent, præser-
tim sabbatis, juxta religionem patriam. Sciebat eos collectas
primitiarum nomine mittere Hierosolymam, & certos homines,
qui pro ipsis offerrent victimas. Verba ista sunt Philonis,

Post init.

de re alia ex libro contra Flaccum hîc audiri operæ iti-
dem fuerit precium. Ἰσθαίς τις χώρα μία ἀλλ' πολυανθρωπί-
αν ἔχει. ἡς αἰτίας ἐνεχθ' αἱ πλείστας καὶ εὐδαιμονεστάτας τῶν
ἐν Ἑυρώπῃ καὶ Ἀσίᾳ κατὰ τὰ ἴσους καὶ ἡπιέστερος ἐκνέμονται, μήτε-
πολλὴ μὲν πλὴν ἱερῶν πόλιν ἡγεμόνοι, καὶ ἰὺ ἰδρυταὶ ὁ τῷ ὑψίστῳ
θεῷ νέως ἀγίου. αἱ δ' ἔλαχον ἐκ πατέρων καὶ παππῶν καὶ παρπα-
πῶν καὶ τῶν ἐπ' αὐτῶν παρρηγόνων οἰκεῖν ἔχουσι, πατερίδας νομίζοντες,
ἐν αἷς ἐξανθήθησιν καὶ ἐπ' ἀφῃσιν. οἱς ἐνίας δὲ καὶ κηρύττειν εὐχὴς
ἡλθον ὑποταχίαν στείλαμένοι, τοῖς κτίσταις χειρίζομενοι. Iudeos
una regio non capit propter hominum multitudinem: quare
plurimas ac fortunatissimas urbes in Europe Asiaq; provinciis
ac insulis incolunt, pro metropoli habentes sanctam civitatem, in
quâ templum altissimo Deo sacratum est: avitas autem proavi-
tasq; sedes colentes tanquam patriam, ubi nati educatiq; sint. in
quibusdam etiam mox ut condita sunt immigrarunt, in condito-
ris cujusque gratiam.

CL. Tales itaque Iudæi loca, in quibus nati & e-
ducati

ducati fuerant, vel cum familiâ suâ habitabant suisque rebus vacabant, tamquam patriam habebant. Sic se Paulus vocat Tarsensem, urbis in Ciliciâ non obscuræ civem, Act. xxi, 39; & natum Romanum civem, Act. xxii, 28. Aliquando tamen vel festi ergo, vel religionis accuratiùs cognoscendæ & studiorum gratiâ Hierosolymam adibant, & ibi aliquamdiu commorabantur: de qualibus loquitur Actorum caput secundum. Erant autem in urbibus, quas incolerent Iudæi, synagogæ, quæ etiam profeuchæ (Act. xvi, 13 & 16) appellantur, ab advenis adiri solitæ. Quibus ne quidem græcos & gentiles excludebant aut prohibebant, ut intelligere est ex Act. xi, 11, 44; & xiv, 1; xvii, 4; xi, 18, 4. Satagebant enim suam religionem quibuscumque dissentientibus persuadere. *Circumitis mare & aridam*, id est, assiduam & indefessam operam adhibetis, *ut faciatis unum proselytum*, ait Servator Matth. xxiii, 15. Ejusmodi Hierosolymis erat *synagoga, quæ dicitur Libertinorum*, fortè à libertinis, quales Philonem memorasse paullo antè diximus, instituta; ad quam accesserunt *quidam Cyrenæorum, & Alexandrinorum, & eorum qui ex Ciliciâ & Asiâ*, Act. vi, 9.

CLI. Hæc erat facies rerum Iudaicarum tum ecclesiasticarum tum civilium, quum nasceretur Servator mundi, Iesus Christus: quam bene cognitam ad complura rectiùs intelligenda profuturam existimamus. E tribus autem sectis, quæ post reditum è captivitate Babylonica exortæ erant, Phariseorum & Sadducæorum in scriptis Novi testamenti satis frequens mentio: nulla verò Essenorum, sine dubio quòd sibi privatim viverent, & publico abstinerent. Accreverat, quando post relegatum Archelaum à Quirinio census exigebatur, quarta; cujus auctores Iosephus facit Iudam Galilaum
& Sad-

& Saddocum Phariseum. *Cetera, inquit, cum phariseis consentiunt, nisi quod constantissimo libertatis amore flagrant, credentes solum Deum dominum habendum & principem, & facilius exquisitissima pœnarum genera laturi cum cognatis suis ac carissimis, quàm mortalem aliquem appellaturi dominum, Antiq. xix, cap. ii. Adde Belli ii, cap. vii: Indigenas increpabant, quod paterentur pendere Romanis tributum, & post Deum ferri mortales dominos. Eadem sententiâ imbuti fuisse videntur, qui quum Servator diceret, Veritas vos in libertatem vindicabit; responderunt, Semen Abrahami sumus, nec ulli servivimus umquam: quomodo tu dicis, Vos in libertatem vindicabimini? Ioh. iix, 33.*

CLII. Natus est autem Servator mundi Iesus Christus è benedictâ virgine matre, superveniente in eam Spiritu sancto, sub finem vitæ & sævitæ Herodis, imperante Romano orbi Cæsare Augusto, decimo sexto ante ejus obitum anno, ἡγεμονεύοντι & τῷ Σεβαστῷ Κυβερνήτῃ, ut est Lucæ ii, 2. Quintilius quidem Varus præfès tunc erat Syriæ, Saturnino datus successor, Antiq. xvii, cap. vii. Quum autem ab Augusto Archelaus Vienne Gallie relegaretur, & ethnarchia Iudææ strictè dictæ, hæcenus Archelao concessa, in provinciam regimini Procuratorum Cæsaris subditam redigeretur; tum demum, ditione videlicet Archelai attributâ Syriæ, missus est illò à Cæsare Quirinius, vir consularis, qui censum ageret per Syriam, & Archelai domum & bona venderet. Ita in fine xvii Antiquitatum Iosephus. Decimum octavum ab his verbis orditur: Quirinius senator Romanus, per omnes honorum gradus ad consulatum usq; provectus, & in primis clarus, à Cæsare mittitur in Syriam, ut jura populis redderet, facultatesq; censeret omnium: & cum eo venit Coponius, præfectus turme equitum, penes quem esset totius Iudææ administratio. Quin & ipse Quiri-

Quirinius in Judeam venit jam attributam provinciam Syria, ut
 percenseret facultates ejus regionis civium, & Archelai pecu-
 nias in potestatem suam redigeret. Quando itaque Quirinius
 Praeses Syriae sit factus, ex his manifestum, nempe post
 Archelaum Viennam relegatum, quum Coponius con-
 stitueretur Procurator Caesaris in Iudaea. Ex quo qui
 Coponio successerunt, itidem omnes Procuratores fue-
 runt; & Agrippae Major atque Minor quamvis Reges
 creati & appellati fuerint, Iudaea tamen propriè dicta,
 quae pridem provincia Caesaris facta erat, ab eorum re-
 gno disjuncta Procuratoribus parebat. Qui strictiore
 vocabulo ἐπίτροποι dicuntur, uti Praesides ἡγεμόνες. Cate-
 rum in sacris Novi foederis libris discrimen non obser-
 vatur; & Pilatus atque Felix, qui non nisi Procuratores
 erant, ἡγεμόνες ubique appellantur. Iustinus autem A-
 pologiâ, quae posteriore loco in codicibus ponitur, ad
 Caesares verba faciens, quod Berklehem, ait, vicus quidam
 sit in regione Iudeorum. intelligere potestis ἐκ τῶν ἀπογραφῶν τῶν
 γενομένων ἐπὶ Κυρηνίῳ ὃ ὑμετέρῳ ἐν Ἰουδαίᾳ παρὰ τὸν γενομένον ἐπι-
 τρώτην, ex descriptionibus, quae sub Cyrenio primo vestro in Iu-
 dea procuratore sunt confectae. Ab Augusto igitur, ante-
 quam ab eo Syriae praeses constitueretur, in Syriam &
 vicinam Iudaeam missus fuit ἀπογραφῆς faciendae ergo;
 quae nulli tumultui causam praebuit, quum esset sine
 exactione, hoc saltem fine suscepta, ut cognoscerentur
 vires & opes imperii. Altera verò post relegatum Ar-
 chelaum instituta, quae reapse censum exigebat, motus
 excitavit & quartam sectam, ut paullo ante fuit dictum,
 toti Iudaeae perniciosam. Priore itaque vice ad curan-
 dum unum illud peculiare ἀπογραφῆς negotium missio
 suffecisset titulus ἐπιτρώτης, quo utitur Iustinus: sed si-
 cut dicit Lucas, ἡγεμονεύει ὁ Ποιῆς Πιλάτος τῆς Ἰουδαίας,

Y

lic

fic etiam dicit *ἡγεμονεύοντος τῆς Συρίας Κυπρίως*. Quin Iosephus etiam Pilatum & alios Iudææ procuratores *ἡγεμόνας* appellat Antiq. xix, cap. iv.

CLIII. Natus autem octo dies Iesus Messias, circumciscus est juxta pactum & præceptum, quod Abrahamo datum, & per Moysen Levit. xii, 3 repetitum, & hætenus à Iudæis religiosè observatum erat. Absque circumcissione enim si fuisset, à Iudæis profanus & legis divinæ contemtor habitus esset. *Postquam venit plenum tempus*, sive postquam expletum est tempus, quod divinitus præfinitum & constitutum erat, *emisit Deus Filium suum, factum* sive natum *ex muliere* virum non expertâ, *factum legi* ex patris voluntate & decreto *subjectum*, unde octavo die circumciscus est, quadragesimo in templo oblatus, solennia festa frequentavit & legis ceremonias observavit, *ut eos qui sub Lege erant*, qui hætenus hujusmodi servituti per legem impositæ obnoxii fuerant, & tamquam sub tutoribus & curatoribus vixerant, *redimeret*, sive à tali servitute tutelaque eximeret, & in libertatem adfereret, *ut adoptionem acciperemus*, plenam scilicet & perfectam, per quam haberemur tamquam filii adulti, curatore non ampliùs egentes, Gal. iv, 4 & 5.

Luce, 2,
45 & seqq.

CLIV. Duodecimum agens annum specimen edidit, è quo intelligi poterat, eum præ aliis mortalibus eminere, & alium quàm vulgò putaretur Patrem, cuius res spirituales ei curandæ essent, habere: inventus videlicet post triduum *sedens in medio magistrorum*, & *audire eos & eos interrogare*. *Percollebantur autem omnes qui eum audiebant, super intelligentiâ & responsis ejus*. Compellatus à matre respondit, *Se oportere in his esse, quæ Patris sui sint*. Quod tamen illa tunc non intellexit. *Descendit autem venitque cum matre & Iosepho*, cuius existimabatur

batur esse filius, *Nazaretham*, & erat eis *subjectus*: nempe
etiamsi se parentibus superiorem ostenderat, & obse-
quium, quod Patri coelesti debetur, omnibus aliis ante-
ferendum declaraverat, exemplo tamen suo docere et-
iam voluit, quid carnalibus parentibus debeatur.

CLV. Decimoquinto anno Tiberii Caesaris,
quum jam ipse *incipiebat esse quasi annorum triginta*, exor-
sus est publicum suum ministerium, prodromo tamen
& paratio Iohanne, qui Baptistes vocatur. Is erat *vox*
clamantis in deserto, Parate viam Domini, complanate semitas
ejus, Ies. xl, 3: Matth. iii, 3; Marci i, 3; Lucæ iii, 4; Ioh.
i, 23. Is erat angelus sive nuncius, de quo Malachiæ iii,
1: *Ecce ego mitto nuncium meum ante faciem tuam, qui para-*
bit viam tuam ante te, Marci i, 2; Matth. xi, 10; Lucæ vii,
27. Imò is Elias erat. *Ipsa est Elias, qui venturus*, affir-
mat disertè Servator Matth. xi, 14. nempe Elias, de quo
in fine libri, qui sub vetere testamento postremus à pro-
pheta prodiit: *Ecce ego missurus sum vobis Eliam prophetam,*
antequam veniat dies Domini magnus & reverendus; ut con-
vertat cor patrum ad filios, & cor filiorum ad patres ipsorum, Mal.
iv, 5. Iunge verba & interpretationem Servatoris Matth.
xvii, 12; Marci ix, 13. Quin etiam Angeli ad parentem
Zachariam Lucæ i, 16: *Multos filiorum Israël converteret ad*
Dominum Deum ipsorum; & ipse procedet ante eum in spiritu
& virtute Elie, ut convertat corda patrum in filios, & contuma-
ces ad prudentiam iustorum. Hinc etiam ipse parens Za-
charias in suo cantico: *Tu puerule propheta Altissimi vo-*
caberis: praebis enim ante faciem Domini, ut paret vias ejus:
& des cognitionum salutis populo ejus, per remissionem peccato-
rum ipsorum. Nisi enim remittantur peccata, salus ob-
tingere nequit. *Beati quorum remisse sunt iniquitates &*

quorum obiecta sunt peccata. Beatus vir, cui non imputaverit Dominus peccatum, Psal. xxxii, 1; Rom. iv, 7.

CLVI. Quod nunciat Angelus, Vinum & siceram non bibet, id est, austeram vitam aget, oblectamentorum omnium & illecebrarum expertem; id etiam reapse ita se habuit. Fuit enim in desertis ad eum usque d' em, quo se ostenderet Israël, sive in publicum alloquendi populi ergo prodiret, Lucæ i, 80. Habebat indumentum suum de pilis camelinis, & zonam coriaceam circum lumbos suos. alimentum autem ejus erant locustæ, quæ edi permissæ Lev. xi, 22; & mel agreste, Matth. iii, 4; Marci i, 6. Hinc Servator Lucæ vii, 33; Matth. xi, 18: Venit Iohannes baptista neque edens panem, ut vulgò & in conspectu aliorum ad saturitatem usque edi consuevit, neque bibens vinum; & dicitis, Demonium habet. Venit Filius hominis edens ac bibens, & invitatus ab aliis ad eorum prandia dignatur accedere; & dicitis, Ecce homo edax & vini potor, amicus publicanorum ac peccatorum.

CLVII. Quum autem peccatis suis populus passim indormiret, Iohannes in deserto Iudææ prædicans sermonibus publicè habitis ad pœnitentiam eum excitavit, dicens, Agite pœnitentiam: appropinquavit enim regnum cœlorum, Matth. iii, 2. nempe Messias, in quem conjecta fide pœnitentia demum salutaris est, jam adest. Si igitur umquam agenda fuit pœnitentia, nunc agenda erit; & præsentia Messiae agnoscenda & per fidem ei habitam honoranda. Iohannes enim ita prædicabat pœnitentiam, ut eum, per quem pœnitentia salutaris efficitur, venisse & præsentem esse doceret & monstaret: quod ante eum nullus propheta fecerat, nec facere potuerat. Hinc affirmat Servator, eum plus esse quàm prophetam, Matth. xi, 9; Lucæ vii, 26: nec esse quemquam suscitatum
inter

inter genitos communi modo è mulieribus, majorem Iohanne baptista. Itaque prædicabat dicens, Venit ponè me, qui validior me est, cuius non sum dignus, qui incurvatus solvam corrigiam solearum. Ego quidem baptizavi vos aqua: ipse verò baptizabit vos Spiritu sancto, Marci 1, 7. Nempe quum mea actio non sit nisi ministerium, ipse spiritualem effectum suppeditat: quin faciet, ut cum baptismo dona sensibilia Spiritus sancti conjungantur, sive in fideles copiosè effundantur. Quamobrem pronunciat Servator ipse: Iohannes quidem baptizavit aqua, vos autem baptizabimini Spiritu sancto non multis post diebus, Act. 1, 5. Quando Cornelius centurio cum suis audierat prædicantem Petrum, illapsus est Spiritus sanctus in omnes sermonem audientes: & coeperunt loqui linguis ac magnificare Deum, Act. x, 44 & 46. Tunc, ait Petrus, recordatus sum illius dicti Domini, quum diceret, Iohannes quidem baptizavit aqua, vos verò baptizabimini Spiritu sancto, Act. xi, 16. Effert quoque Baptista ipse in hunc modum: Ego quidem baptizo vos aqua, sed ille vos baptizabit Spiritu sancto & igne, Matth. 111, 11; Lucæ 111, 16: designans effusa in Apostolos sensibilia Spiritus sancti dona die Pentecostes, quum visa sunt eis dispersa lingue instar ignis, qui etiam sedet super unumquemque eorum, Act. 11, 3.

CLIX. Præcipuum autem axioma Iohannis Baptista fuit, quòd inter prophetas sive doctores primus Messiam, quem jam inde à recepto in gratiam Adamo per quater mille annos Patres exspectaverant, adesse docuit, imò monstravit. Quin si Propheta capiatursensu stricto, pro eo qui ventura prædicat, fuerint quidem ante eum prophetae, (nam omnes prophetae & ipsa lex usque ad Iohannem prophetarunt, sive venturum Messiam prænunciarunt & præfigurarunt, Matth. xi, 13) sed ipse,

Y 3

quod

quod adventum Messiae attinet, non propheta, sed maior propheta. Messias autem expectabatur, qui destruetur esset opera diaboli, miseroque humano generi remissionem peccatorum & benedictionem sive salutem promeriturus. Id totum sibi deo pollebantur prisci patres, & hac in venturum fide salvabantur. Nam *per gratiam Domini Iesu Christi credimus nos servatum iri, quemadmodum & illi servabantur* Act. xv, 11. Bene Augustinus epistolâ xcix, quaest. 11: *Ab exordio generis humani quicumque in eum crediderunt, eumque, utcumque intellexerunt, quandolibet & ubilibet fuerint, per eum procul dubio salvifaci sunt.* Quando itaque praesens sistebatur, eum necesse erat credi illum, per quem haberetur remissio peccatorum, & in quem eo fine fiducia collocanda. Sed neque remissio peccatorum haberi poterat, nisi ageretur poenitentia, à delictis perpetrandis abstinere, & opera daretur servandis praeceptis divinis, tum fugiendo malum, tum faciendo bonum. Iohannes igitur, quando Iesum populo indicabat, & quasi digito monstrabat, dixit, *Ecce agnus Dei, qui tollit peccatum mundi*, Ioh. 1, 29 & 36: testatus est, *eum esse Filium illum Dei*, v. 34: & propterea ita omnino credendum esse, & in eo fiduciam obtinendae remissionis peccatorum & spem consequendae aeternae salutis figendam esse. *Quum videret multos ex Phariseis & Sadduceis, quorum nequitiam cognitam haberet, ad baptismum suum venire, duriter eos increpavit, & progeniem viperarum appellavit.* *Quis vobis, inquit, praemonstravit, ut fugeritis à futura ira & imminente vobis aeternâ damnatione?* Quasi dicat, De vobis id sperari non poterat; tanta fuit vestra haecenus improbitas & pravitas. Vt igitur poenitentia vestra seria sit & fine suo non excidat, *facite fructus dignos poenitentiae.* *Et ne putate vobis dicendum apud vos ipsos,*
Patrem

*Patrem habemus Abrahamum; quasi nisi vobis status filio-
rum Abrahami tamquam proprius & perennis attribua-
tur, Abraham nullos habiturus sit filios: dico enim vobis,
Deum etiam posse ex lapidibus istis excitare filios Abrahamo, id est,
creare & producere homines, qui credant sicut credidit
Abraham, pater omnium credentium, undecumque tandem Rom. 4, 10
illi venerint aut orti fuerint. Tam verò etiam securis ad radi-
cem arborum posita est. Omnis igitur arbor non ferens fructum
bonum excinditur, & in ignem conjicitur. Is qui ponè me ve-
nit, perpurgabit aream suam, & congregabit triticum suum in
horreum, paleam autem exuret igni inextincto, Matth. 111, 7
& seqq. Sic ob oculos posita aeternà damnatione à pec-
cando deterret. Excitat autem ad exercendam carita-
tem, Qui habet, inquit, duas tunicas, impertiat non habentis
& qui habet escas, similiter faciat. Præscribit publicanis
& militibus, quomodo munia sua obire innoxie de-
beant, & multa etiam alia exhortans evangelizabat populo,
Lucæ 111, 8 & seqq.*

CLIX. Breviter omnem rem complectitur Lucas,
quum dicit, *Prædicavit baptismum pœnitentiæ in remissionem
peccatorum.* Remissio peccatorum & cum eâ conjuncta
hæreditas aeternæ salutis est supremus finis à parte ho-
minis. Is obtinebatur fide in Christum, qui venisse
prædicabatur & adesse monstrabatur. Fides autem sibi
constare non poterat, nisi ageretur pœnitentia. Sic de-
mum fiebat remissio peccatorum, sive mundatio & ab-
lutio. Quòd verò certa esset & firma, confirmabatur
baptismo sive ablutione per aquam factâ, hoc sine divi-
nitus institutâ. nam *baptismus Johannis erat è cælo*, Lucæ
xx, 4. Fuerant quidem sub antiquo pacto *diverse abluti-
ones*, sed non facientes nisi *ad carnis puritatem*, Hebr. ix,
10 & 13; sive ut ad terrenos cœtus & congregationes ab-
luti

luti admitterentur, & immundi non haberent: at baptis-
mus Iohannis confirmabat & obsignabat remissio-
nem peccatorum, quæ in iudicio divino fieret, & adi-
tum ad cœlestes cœtus aperiret. Hunc suscipere, & su-
scipiendo consecrare & sanctificare voluit ipse Messias;
quamvis eum Iohannes *prohibebat* & agere admittebat,
quod existimaret non convenire, ut qui innumeris mo-
dis superior esset, ab inferiore baptizaretur; & præterea
nullo baptismo indigeret, qui nulli peccato esset obno-
xius. Non noverat quidem eum de facie, sive ex aliquâ
conversazione vel familiaritate: hætenus enim diver-
sissimis locis vixerant, Iohannes in desertis Iudææ, Iesus
Nazarethæ in Galilæâ. Hinc igitur Iohannes: *Ego non
noveram eum*, sive quisnam inter tot homines esset discer-
nere non poteram; neque enim umquam convictu vel
congressu aliquo usi eramus: *sed qui misit me ut baptiza-
rem aquâ, ille mihi*, quum juberet, ut baptizandi ministeri-
um aggrederer, infallibile signum indicaverat & dixerat,
Inter eos, quos baptizabis, *super quem videris Spiritum
descendentem & manentem, hic est Messias, qui baptizat Spi-
ritu sancto*, Ioh. 1. 33. In eo statu res permansit, donec
venit Iesus à Galilea ad Iordanem ad Iohannem, ut baptizaretur
ab eo. Tunc quidem illum divino instinctu agno-
vit Iohannes, dicens, *Mihi opus est ut à te baptizetur, & tu ve-
nis ad me?* Matth. 11, 14. Mox autem subsequutum est
divinum illud signum pridem indicatum, per quod co-
gnitionis certitudo aucta est, & modo planè eximio
confirmata. Dicit itaque Iohannes: *Ego non noveram
eum*, quum inciperem baptizare; *sed ut manifestetur Israël,
propterea veni ego baptizans aquâ*, Ioh. 1, 31. Quasi dicat,
Meum ministerium, quod in primis actu baptizandi no-
bilitatur, unde etiam ego Baptista nominor, ideo divi-
nitus

nitus est institutum, ut per id fiat initium Messiae popu-
lo palam & publice manifestandi; & proinde etiam ini-
tium aliquod promulgandi Novi testamenti. Sic enim
divinae providentiae placuit. Interim nondum fuit Ve-
tus abolitum vel abrogatum, quia nondum erant con-
summata, quae Messiam agere & pati oportebat. Per-
manebant igitur & peragebantur adhuc omnia juxta
priscum morem, & conjungebantur sive simul decurre-
bant extrema Veteris & primordia Novi. Hinc Nazi-
anzenus oratione in sancta lumina Baptisten vocat *πα-
λαῖας & νέας μεσότης, medium & interjectum inter Vetus & Orat. 39.
Novum testamentum.*

CLX. Iohanni verò recusanti admittere respondit
Iesus, *Sine modo: sic enim decet nos implere omnem iustitiam;*
& non modò omne quod iustum est ex necessitate, sed e-
tiam quod ex decentiâ. Recipiens circumcisionem ap-
probavi illud Veteris testamenti sacramentum: nunc
etiam recipiens Baptismum consecrabo & sanctificabo
sacramentum Novi, quod in locum Circumcisionis suc-
cedet. Et sanè, quum ipse baptizari voluerit, neminem
admisit discipulum, nisi qui baptizatus esset, ut mem-
bra capiti congruerent, & societas sibi invicem respon-
deret. Quum autem ipsi baptismus à Iohanne collatus suf-
fecerit, quidni etiam aliis? Eodem verò tempore, quo
baptizabat Iohannes, baptizare quoque coepit Iesus.
Et quidem plures discipulos faciebat, & baptizabat, quàm
Iohannes: quamquam ipse non baptizabat, sed discipuli ejus,
Ioh. iv. 1. Aequipollebat igitur alter baptismus alteri:
aut maxima fuisset orta confusio & perturbatio; nec di-
scipuli Iohannis, qui ad magistrum suum deferrebant
baptismum Christi, anabaptismum tacuissent. *Au-
dito Iohanne, totus populus & publicani iustificarunt Deum, ba-*

Z

pizati

*prælati baptismo Iohannis, Lucæ vii, 29: nec quisquam eorum
alio baptismo imbui umquam legitur vel deprehendi-
tur. Apollos Iudeus, genere Alexandrinus, vir eloquens, erat
initiatum viâ Domini, sciens tantum baptisma Iohannis, sive quæ
Iohannes, quum baptismum conferret, de Iesu docebat,
nempe eum esse Christum. Hunc Aquila & Priscilla
adsumserunt, & penitus exposuerunt viam Dei, Act. xix,
23, 25, 26; non autem novo baptismo imbuerunt. Io-
hannes baptizavit baptismopœnitentiæ, dicens populo, ut in eum,
qui venturus erat post ipsum, & jam aderat, crederent, hoc est
in Christum Iesum. Qui verò audierunt, baptizati sunt in no-
men Domini Iesu, Act. xix, 4. Loquutio convenit cum
eâ, quæ est Lucæ vii, 29.*

CLXI. Iesus quum jam baptizatus, & descensu
Spiritus sancti in columbæ specie super ipsum venien-
tis, peculiariter Iohanni, iuxta oraculum pridem factum,
demonstratus; quin cœlesti voce Patris cœlestis *Filius
dilectus, in quo*, tum quod ipsum, tum quod ipsi unitos
& addictos attinet, *acquiescat*, gloriôsè declaratus esset;
*statim subductus fuit in desertum à Spiritu, ut tentaretur à dia-
bolo*, Matth. iv, 1; Marci i, 12; Lucæ iv, 1: atque ita no-
bis præiret, & tentationes sustinere doceret. Nempe
*debuisset per omnia fratribus similis fieri, ut misericors esset &
fidelis pontifex. nam ex eo quod perpressus fuit quum tentatus est,
potest & iis qui tentantur succurrere. Igitur non habemus
pontificem, qui non possit affici sensu infirmitatum nostrarum,
sed tentatum in omnibus similiter, absque tamen peccato; Hebr.
ii, 17, 18; iv, 15; atque adeo verè dicere possit, Venit
princeps huius mundi, & in me non habet quicquam*, Ioh. xiv,
30. Interea Iudæi quum agrè ferrent Iohannem novum
baptizandi ritum ordiri, mittunt ad eum ex Phariseis
sacerdotes & Levitas sciscitatum, quâ auctoritate id fa-
ceret,

ceret, & num. Messias esset. Ille verò respondet, Se non esse, sed *ponè se venire, qui sit sibi antepositus*, qui sit Messias, *cujus corrigiam solearum non sit dignus solvere*, loh. 1, 19 & seqq.

CLXII. Altero post hanc legationem die rediit à superatâ tentatione Iesus; quem quum ad se venientem Iohannes videret, ait, *Eccè agnus Dei, qui tollit peccatum mundi*: atque ita palàm ipsum individuum cuius indicat & ostendit, & testatur, eum esse Filium illum Dei, sive promissum Messiam & Servatorem mundi. Agnorum frequens usus in priscis sacrificiis, etiam propitiatoriis. Quod igitur Agnum dixit, hoc ipso indicare voluit summam ejus mansuetudinem & patientiam. *Sicut ovis ad mactationem ductus est, & sicut agnus coram tonsore suorum ita non aperuit os suum*, Act. ix, 32 ex Ies. l. l. i. 7. Quod autem Iesaias dicit, *Dominus coniecit in eum iniquitatem omnium nostrum*, hoc ipso docuit eum esse agnum Dei, hoc est, à Deo deputatam & designatam victimam, quæ peccata nostra tolleret, tum quoad reatum, ne propter ea condemnemur, tum quoad continuationem, ne in iis perseveremus, & rursus salute excidamus. Vnde sanctus Petrus i ep. 1, 18: *Sciatis vos non corruptilibus argento vel auro redemptos esse ex vanâ illa vestra conversatione, à patribus haut verâ fide imbutis traditâ & ad vos derivatâ: sed precioso sanguine, utpote agni immaculati & incontaminati Christi*. Per hunc itaque sanguinem Deus præstat utrumque, sive peccatum mundi utroque modo tollit, & redimit suos tum à damnatione, quæ peccato debetur, tum à pravâ conversatione & studio peccandi, cui si inhærent, damnationem evadere non possent. Iohannis baptistæ phrasin sequi videtur Apocalypsis Iohannis evangelistæ, quâ nomine Agni

Servator frequenter indicatur. *Agnus stans* tanquam
maētatus, Apoc. v, 6: coram quo procidentes viginti
 quatuor seniores cecinerunt canticum novum, dicentes,
Dignus es, qui accipias librum, & aperias ejus sigilla, quoniam
maētatus es, & redemisti nos Deo per sanguinem tuum, ex omni
tribu, & lingua, & populo, & natione: & fecisti nos Deo nostro
reges & sacerdotes. Quin mox ab omni creaturâ, quæ in
 cælo, & quæ in terrâ & sub terrâ & in mari, ei qui insidet thro-
 no, & Agno par & eadem tribuitur benedictio, & honor, &
 gloria, & robur in secula seculorum. Ne enim, quia Agnus
 dicitur, ei robur deesse videatur, appellatur etiam *Leo de*
tribu Juda, Apoc. v, 5. Sicut autem antea fuit dictum,
 quod maētatus redemerit nos Deo per sanguinem suum;
 ita quoque postea dicitur, quod qui venerunt ex afflictio-
 ne magnâ, laverint & dealbarint stolas suas in sanguine Agni,
 Apoc. vii, 14: quod fideles vicerint draconem illum magnum
 & serpentem antiquum per sanguinem Agni, Apoc. xii, 11. Me-
 moratur *Agnus stans super montem Sion*, Apoc. xiv, 1; &
 deinceps alibi sæpe hic Agnus adducitur.

CLXIII. Die proximè subsequuto iterum stabat Jo-
 hannes, & ex discipulis ejus duo, & intuitus Iesum ambulan-
 tem repetiit, *Ecce Agnus Dei.* Duo illi, quorum unus e-
 rat Andreas, frater Simonis Petri, sequuti sunt Iesum,
 & apud eum dic isto manserunt. Andreas autem, quum
 incidisset in fratrem suum Simonem, dixit *Invenimus*
Messiam; & eum adduxit ad Iesum, ex quo audiit, sibi no-
 men Cephæ vel Petræ inditum iri. Ita Andreas & Si-
 mon Petrus cœperunt in Iesum credere, & in ejus poti-
 tiam ac aliquam familiaritatem venire, & sermonibus
 adflescere. Ad suos tamen & consuetum vitæ genus
 redierunt, ex capturâ piscium victum quærentes. Po-
 stero die Iesus, quum in Galilæam hauri procul à loco,
 ubi

ubi Iohannes baptizabat, dissitum abiturus esset, prius à Philippo & Nathanaële agnitus fuit. Hæc Ioh. 1, à v. 35 usque ad finem. Quum igitur deinde post aliquantum tempus in Galilæa versaretur, & apud lacum Genezaret Simonem unà cum aliis retia sua abluentem invenisset, tamquam notum & addictum compellat, & *in ejus navigium ingressus rogat, ut à terra provehat paullulum; quumq; confedisset, docebat turbam ex navigio.* Inde jubet in altum provehi, & retia ad capturam demitti: capiturque ingens multitudo piscium. Simon autem territus, ne sibi ex consortio, quo indignus esset, aliquid adversi obtingeret (sicut etiam vidua Sareptana, 1 Reg. xvii, 18) *procubuit ad genua Iesu dicens, Discede à me: nam homo peccator sum Domine.* Audit autem, *Ne metue: ab hoc tempore vivos homines capies.* Concernebant verò hæc etiam ipsa socios Simonis, Iacobum & Iohannem filios Zebedæi. *Illi itaque quum in terram subduxissent navigia, relictis omnibus sequuti sunt eum,* facti jam demum ex fidelibus individui comites, & sub eo, qui non modò magister sed etiam quasi paterfamilias esset, assidui tum discipuli tum domestici. Hæc omnia Lucæ v, ab initio capituli usque ad v. 12. Contractiùs quidem illa narrantur Matth. iv, 18 & seqq. quibus consonant Mar. 1, 16 & seqq. sed res utrobique eodem recidit. Andreas & Simon *statim omisissis retibus sequuti sunt eum,* Matth. iv, 20. Iacobus filius Zebedæi & Iohannes frater ejus *statim omisso navigio & patre suo sequuti sunt eum,* Matth. iv, 22. Omnes autem isti quatuor in numerum duodecim, qui peculiariter Apostoli audiebant, deinceps allekti sunt, Matth. x, 2; Mar. iii, 15; Lucæ vi, 13. Sed ista cuncta post aliquod temporis intervallum contigerunt.

CLXIV. Die tertio postquam à Iohanne Baptista

Z 3

disces-

discefferat vel in Galilæam venerat, in nuptiis in Cana Galilææ factis, quibus ipse cum matre & discipulis (discipulos igitur jam tum aliquos habebat) intererat, aquam in vinum commutavit. *Hoc initium signorum fecit, & manifestavit gloriam suam, & crediderunt in eum discipuli ejus, loh. 11, 11.* Prope autem tunc erat Pascha Iudæorum, ad quod Hierosolymam adscendit, è templo venditores boum & ovium & columbarum & nummularios ejecit: ubi multi crediderunt in nomen ejus, *specièntes signa, quæ edebat.* Tunc etiam habitum fuit nocturnum cum Nicodemo colloquium. Ex Hierosolymâ venit ipse & discipuli ejus in Iudææ territorium, & illis morabatur cum eis & baptizabat. Baptizabat autem etiam Iohannes in Aenon prope Salim: nondum enim erat coniectus in carcerem. Cujus discipuli quum ad eum rem detulissent, respondet, se pridem dixisse, *Non sum ego Christus, sed missus sum ante illum. Qui habet sponsam, sponsum est: amicus autem sponsi qui stat & audit eum, gaudio gaudet propter vocem sponsi, hoc ergo gaudium meum impletum est. illum oportet crescere, me vero minui.* Vide loh. 111. Iesus autem reliquit Iudæam, & abiit rursus in Galilæam: quo tempore & occasione videtur contigisse solennis illa Simonis & Andrea, filiorumque Zebedæi vocatio paullò antè memorata. *Oportebat autem eum transire per Samariam: habuitque juxta Sichar colloquium cum muliere Samaritanâ, & à multis* *Ioh. 4, 42.* *ejus urbis civibus agnitus est esse Servator mundi Christus. Quum in Galilæam venisset, ab iis, qui præterito Paschæ festo signa ejus Hierosolymis viderant, exceptus est. Restituit autem sanitatem regii cujusdam filio decumbenti Capernaumi absens, quum ipse esset in Canâ. Hoc fuit secundum signum, quod in Galilæâ edidit. Vide loh. iv. Quando Iohannes in carcerem con-*
jectus

confectus fuerit, disertè non indicatur. Lucæ III, 19
& 20 anticipando commemoratur: decollatio ejus in
occasione, post rem jam antè peractam, Matth. XIV;
Marci VI, 17 & seqq. Dum in carcere detinetur, duos
ex discipulis suis ad Servatorem mittit sciscitatum, *Tu-
ises, qui venturus erat, an alium expectabimus?* non quòd
ipse dubitaret, sed ut ansam præberet dubitationem aliis
eximendi. Matth. XI; Lucæ VII, 19 & seqq. Iohannes qui-
dem Evangelista exponit sermones habitos & miracula
facta à Christo ante Baptisten in custodiam datum: cæ-
teri autem tres Evangelistæ narrationem eorum ab illâ
custodiâ vel post illam ordiuntur.

CLXV. Quæ verò docere cœperat prodromus
Baptista, eadem à Christo porro repetuntur, uberius
inculcantur & plurimis maximisque signis & miraculis,
qualia nulla Baptistes ediderat, confirmantur, animis-
que hominum quasi ingeruntur & imprimuntur. Præ-
dicaverat Baptista, *Agite pœnitentiam, appropinquavit e-
nim regnum cœlorum*, Matth. III, 2: eodem modo præ-
dicat Christus, Matth. IV, 17. Marcus in hunc modum
proponit: *Iesus venit in Galileam, prædicans evangelium re-
gni Dei & dicens, Expletum est tempus, & appropinquavit re-
gnum Dei: agite pœnitentiam & credite evangelio.* Quod i-
psum, sicut modò audivimus, appellatur *evangelium re-
gni Dei*, & simpliciter *evangelium regni*, Matth. IV, 23; IX,
35; XXIV, 14: regni videlicet non terreni, sed spiritualis.
Quale regnum Dei intra homines est; & non venit, ut ab aliis,
ad quos non attinet, observari possit, Lucæ XV 11, 21 & 20.
Nempe *regnum Dei est justitia, & pax, & gaudium per Spiri-
tum sanctum*, Rom. XIV, 17: quod ut ad nos adveniat, o-
ratione Dominicâ precamur. Dicitur igitur *Evangelii-
um regni*, quòd per id prædicatum & ab auditoribus ad-
missum

Cap. I, 14

missum ac creditum, regnum Dei, quale diximus, ad
eos perveniat; de quo Matth. vi, 33: *Quarite primò re-*
gnum Dei. Per idem quoque evangelium colligitur
Christo in hisce terris Ecclesia, quæ appellatur regnum
cælorum, præsertim in parabolis, quando regnum cæ-
lorum dicitur simile esse homini serenti, grano sinapis,
fermento, regi conferenti rationes cum servis suis, faci-
enti nuptias filio suo, Matth. xiii, xlix, xxi. Hoc
est, in Ecclesiâ, quæ Christo in hisce terris per Evange-
lium colligitur, ad eum modum, qui in istis parabolis
adumbratur, res se habet & agitur. Colligitur quidem
in terris, & interim tamen non est regnum terrenum,
sed cælorum sive cœleste, quod videlicet nec acquiri-
tur, nec administratur vel potestate vel mediis, quibus
regna huius mundi innituntur, sed prorsus aliis, cœle-
stibus aut spiritualibus. *Regnum meum non est ex hoc mun-*
do, ait Christus ipse Pilato: *sed hoc mundo esset regnum me-*
um, ministri mei certassent, ne traderer Iudæis; nunc autem regnū
meum non est hinc. Ego ad hoc genitus sum, & ad hoc veni in
mundum, ut dem testimonium veritati hominibus ad con-
sequendam salutem cognitu & creditu necessariæ. Ab
hac plenè manifestandâ, propagandâ & conservandâ pen-
det amplitudo & robur regni mei, quod non est ex hoc
mundo, & proinde aliis, quàm mundanis fundamentis
inædificatur. Nihilominus regnum terrenum, quod
feliciter & fortiter gesserat ex progenitoribus ejus Da-
vid, typus erat huius cœlestis & spiritualis regni. Hinc
ad sanctissimam virginem matrem archangelus Gabriel:
Dabit ei Dominus sedem Davidis, patris ipsius, regnabitque in
domo Iacobi in æternum, & regni ejus non erit finis, Lucæ 1, 32.
Nempe novum hoc suum regnum ipse Christus in terrâ
præsens incoavit, & deinceps è terrâ sublatus adversus
portas

portas inferorum tueretur, apud suos hujus ipsius regni fir- Matth. 16, 18.
mandi & conservandi ergo suâ gratiâ, potentiâ & pro-
videntiâ permanens omnibus diebus usque ad consummatici-
nem seculi, Matth. ult. v. ultimo.

CLXVI. Quum primùm adveniret, sive in primo
suo humili adventu *despectus & abjectus* fuit, Ies. 1111, 2;
ipse se submisit, factus obediens usque ad mortem, mortem autem
crucis: quapropter etiam Deus ipsum in summam extulit subli-
mitatem, Phil. 11, 8 & 9: gloriâ & honore coronavit, Hebr.
11, 9. Quod gloriæ regnum à resurrectione ejus init; po-
tissimùm verò adscensione in coelos consummatur. Nam
oportet eum sedere ad dexteram Dei Patris, id est, regnare;
usquequo ille omnes inimicos subjecerit pedibus ejus, sive usque-
quo divina potentia, quam ipse cum Patre communem
habet, omnes hostes Ecclesiam impugnantes & infestan-
tes subegerit & aboleverit. Postquam verò subiecta ei erunt
omnia, ut nunc nullus porro hostis negotium facessat,
cunctis per secundum gloriosum adventum & supre-
rum judicium domitis & oppressis, tunc & ipse Filius,
quatenus cum Ecclesiâ suâ unum corpus facit, subicietur
ei qui subjecit ipsi omnia, ut Deus sit omnia in omnibus, 1 Cor.
xv, 25, 28. Gloriosi hujus regni participes & confor-
tes erunt, quotquot vera & viva fuerint membra ejus
corporis, cujus ipse est caput. Postquam Christus, vita illa
nostra, altero suo glorioso adventu manifestus factus fuerit,
tum & vos cum eo patefietis gloriosi, Coloss. 111, 4. Scimus
fore, ut quum ipse factus fuerit manifestus, similes ei simus, 1
loh. 111, 2. Quum manifestus factus fuerit Princeps pastorum,
presbyteri, qui bene paverint gregem, reportabunt immar-
cescibilem gloriæ coronam, 1 Pet. v, 4. Evangelium regni i-
taque dici censebitur, non tantùm attendendo ad re-
gnum, quod est hodie intra quemvis fidelem; vel ad re-
gnum,

gnum, quod est Ecclesia, quæ in hisce terris usque ad finem seculi colligitur; vel ad regnum gloriæ Christi, per resurrectionem incoatæ & per adscensionem consummata: sed etiam ad regnum istius gloriæ, quatenus ejus post alterum Christi adventum & peractum supremum judicium, qui Evangelio crediderunt & obtemperarunt, participes erunt. Nempe ad hujus regni consortium viam ostendit & aperit Evangelium, eoque per fidem illi habitam pervenitur. Hinc etiam dicitur *Evangelium salutis* Eph. 1, 13. *Sobrii simus, induti thorace fidei & caritatis, & pro galea, spe salutis.* Nam non constituit nos Deus ad iram, ἀλλ' εἰς περιστοιχισμὸν σωτηρίας, sed ad acquirendam vel obtinendam salutem per Dominum nostrum Jesum Christum, 1 Thessal. v, 8. Vocavit nos per Evangelium ad obtinendam gloriam Domini nostri Jesu Christi, 11 Thess. 11, 14. Et hisce ita enucleandis ansam præbuit *Evangelium regni.*

CLXVII. Sicut autem prodromus Iohannes Baptistes individuum, quod Messias sive Christus esset, primus indicavit & digito quasi monstravit: ita quoque Christus ipse, quum præeuntem sequeretur, seq; præsentem exhiberet, quis esset, non dissimulavit, sed se Christum esse tum verbis tum factis demonstravit. Hinc Andreas Simoni, *Invenimus Messiam*; & Philippus Nathanaëli, *Invenimus eum, de quo scripsit Moses in Lege & Propheta*, Ioh. 1, 42 & 46. Vocat se *unigenitum Dei filium*, Ioh. 111, 16 & 18: ne tamen propterea humanam suam naturam videatur negare, vel se hominem non agnoscere, subinde vocat *Filium hominis*. Mulieri Samaritanæ venturum Messiam memoranti dicit, *Ego is sum, qui loquor tibi*, Ioh. iv, 26. Passim adseverat, aeternam vitam habere, qui in ipsum credant. Et sane multi credebant, quamquā constituerant Iudei, ut si quis eum profiteretur esse Christum, synagoga moveretur, Ioh. ix, 22.

Quum

Quum autem dudum nulli fuissent prophetae, & nulla
essent edita prae ter & supra naturam miracula, ne à Iohan-
ne quidem: summam ei fidem & auctoritatem concilia-
bat, quod ipse prae ter expectationem plurima & stu-
penda ederet. Hinc ait ipse: *Credite mihi, me in Patre, &
Patrem in me esse: sin minus* fortè propter humilitatem me-
am in animum inducere potestis, ut id credatis, *propter
ipsa opera credite mihi*, Ioh. xiv, 11. Item: *Si non facio opera
Patris mei*, qualia videlicet non nisi per divinam poten-
tiam fieri possunt, *nolite credere mihi. Sin verò illa facio,
etiamsi mihi non credatis, operibus tamen credite, ut cognoscatis
& credatis Patrem in me esse, & me in eo*, Ioh. x, 37. Item:
*Ego testimonium habeo majus testimonio Iohannis: opera enim
quae dedit mihi Pater ut ea perficiam, ipsa inquam opera quae
ego facio, testantur de me, quod Pater miserit me*, Ioh. v, 36.
Rursus: *Opera feci inter Iudeos, quae nemo alius fecit*, Ioh. xv,
24. Quum Iohannes duos ad ipsum discipulos mitteret,
ut interrogarent, num esset Messias, respondit, *Ite & re-
nunciate Iohanni, quae auditis & cernitis. Cæci visum recipiunt
& claudi ambulant, leprosi purificantur, & surdi audiunt, mor-
tui suscitantur, & pauperibus (pauperibus spiritu, qui ob pec-
cata sua anguntur, & ab iis liberari desiderant) evangelium
predicatur*, Matth. xi, 4; Lucæ vii, 22. Quum, sicut
monui, miracula pridem in desuetudinem venissent, tot
& tanta ab uno homine & ab iis, quibus ipse potestatem
fecerat, derepente patrata, excitare homines meritò de-
buissent, ut evigilarent & adventum Messiae observarent:
quemadmodum sanè evigilavit Nicodemus, quum no-
cte ad Iesum veniens dixit, *Rabbi, scimus te a Deo venisse ma-
gistrum: nemo enim potest haec signa edere quae tu edis, nisi Deus
sit cum eo*, Ioh. i, 11, 2. Loquitur autem de signis, quae
primo Paschae festo, quod Iohannes memorat, Ioh. 1, 13.

Aa 2

edita

edita cognorat: de quibus itidem verba fiunt Ioh. 11, 23:
Quum esset Iesus Hierosolymis in Pascha, in fesso, multi credi-
derunt in nomen eius, spectantes signa quae edebat. Hinc vo-
cat sanctus Petrus virum à Deo approbatum apud vos (Iudae-
os alloquitur) praestantibus factis & prodigiis & signis, quae
edidit per eum Deus in medio vestri, Act. 11, 22.

CLXIX. Omnium autem signorum maximum
est, quod Iudaeis signum flagitantibus proposuit ipse
Dominus, quum dixit, *Destruite templum hoc, & intra tri-*
duum excitabo illud: loquetur autem de templo corporis sui,
Ioh. 11, 19. Item Scribis ac Phariseis dicentibus, *Magi-*
ster, velimus ex te signum videre, & quidem è caelo; respon-
dit, Gens improba & adulterina signum requirit, sed signum
praeter ea, quae quotidie fiunt, coelestius & sublimius non
dabitur ei, nisi signum Iona propheta, Sicut enim fuit Iona
in ventre ceti tres dies & tres noctes, ita erit Filius hominis in
corde terrae tres dies & tres noctes, Matth. 12, 39; xv 1, 1;
Marci 12, 11. Atque ita qui factus fuit ex semine Davidis
secundum carnem, declaratus est Filius Dei potenter secundum
Spiritus sanctificationis sive naturam & virtutem divinam
sanctificantem (nam Deus est Spiritus) per resurrectionem ex
mortuis, Rom. 1, 4. Crescit, ut manifestum est, & ad ma-
jora gradatim adscendit oratio Rom. 12, 34; Chri-
stus is est, qui mortuus est, imò verò qui etiam suscita-
tus est: qui etiam est ad dexteram Dei, regno plenè poti-
tus & propterea ad nos tuendos validus: qui etiam inter-
pellat pro nobis, sicut quoque dicitur Hebr. vii, 25, & ix,
24. Tanto itaque patrono apud faciem Dei pro nobis
comparente & interpellante, quis nos, dum ei tamquam
capiti per veram & vivam fidem inhaeremus, condemnet?
Quamdiu autem resurrectio nondum erat facta, & non-
dum poterant dicere discipuli & Apostoli, Deus eum su-
scitavit.

scitavit tertio die, fecitq; ut conspicuus fieret non toti populo,
sed testibus, quos ipse prius designaverat, nimirum nobis, qui co-
medimus ac bibimus una cum eo, postquam resurrexit à mortuis,
Act. x, 40: aut sicut dicit sanctus Paulus Act. xiii, 32:
Nos vobis evangelizamus promissionem, quæ patribus facta est,
Deum videlicet eam implevisse filiis illorum, id est nobis, susci-
rato Jesu: quamdiu, inquam, gloriosa resurrectio & ad-
scensio in cælos nondum erat illis cognita, nondum ac-
ceperant promissum Patris, nempe Spiritum sanctum,
suggesturum quæ oporteat dicere, nondum induti erant
virtute ex alto: tamdiu maluit Dominus rem ipsam loqui
& testari, quàm discipulos prædicare, Iesum esse Messi-
am. Quum professus esset Petrus, Tu es Christus, Filius ille
Dei viventis, tunc interdixit discipulis suis, ut nemini dicerent,
se esse Iesum illum Christum, Matth. xv i, 16 & 20; Marci
ix, 29; Lucæ ix, 20. Nempe erant adhuc parum idonei
ad rem dextrè proponendam & cum imminente passio-
ne & morte conciliandam. Voluit igitur ab iis taceri,
donec & ipse per resurrectionem Christus Filiusque Dei
declararetur, & illi virtute ad eam prædicationem evan-
geliæ faciendam instruerentur. Sic quum apparenti-
bis Mose & Elia transformatus esset in monte coram
Petro, Iacobo & Iohanne, descendens ex monte interdixit
illis, ut nemini narrarent quæ viderant, nisi postquam Filius ho-
minis ex mortuis resurrexisset. Illi igitur hanc rem continue-
runt apud se, mutuo quærentes quid istud esset, Ex mortuis re-
surgere, Marci ix, 9 & 10. Hæc itaque videtur fuisse inter-
dicti ratio. Si quæ verò fuerit alia, ipsi Christo constabit.

CLXIX. Quando autem docebat Iesus, percelle-
batur turba super doctrinam ejus: docebat enim *ὡς ἐξουίας ἔχων*, ut
habens potestatem & auctoritatem, quam humana majore
rem esse ex verbis & doctrinâ elucebat, non autem ut scriba,

A 3 3

quo-

quorum sermones nihil divini spirabant, nec ad veram pietatem & obtinendam æternam salutem faciebant, Matth. vii, 28; Marci i, 22; Lucæ iv, 32. lungebatur doctrinæ miraculorum perquam diu desitorum ingens & hætenus inaudita frequentia & copia: accedebat tandem resurrectio ex mortuis, (*sic palam factâ omnibus, illo ex mortuis suscitato*) per quam declarabatur esse Filius Dei & Messias. Quem etiam eum esse agnoscebant & credebant, qui manifestæ veritati & Spiritui sancto per contumaciam non obniterentur. Testabantur enim non soli Apostoli, sed etiam *Spiritus sanctus, quem dat iis Deus, qui obædiunt ipsi*, Act. v, 32. Obædiunt autem, qui evangelium audiunt, & virtute Spiritus sancti, quæ ab evangelio non sejungitur, admittunt. Impertit quidem ea facultatem admittendi, sed necessitatem non imponit. Quod igitur tamquam indubitatum admittitur, virtute Spiritus sancti imputandum est, per quam *Deus adaperit corda*, Act. xvi, 14: quod autem à multis non admittitur, inde est, quod Spiritus sanctus absolutâ suâ potentiâ, cui nemo resistere possit, non operatur, sed patitur *sibi resisti* Act. vii, 51: patitur evangelium *repelli*, Act. xiii, 46: connata videlicet pravitate, cui contra Spiritus sancti impulsu indulgere potest homo, dum hanc mortalem vitam vivit; & per quam fit, ut *quum velit Dominus homines aggregare, quemadmodum gallina congregat pullos suos sub alas, ipsi nolint*, Matth. xxi, 37.

CLXX. Ad istum autem modum Iesus declaratus & manifestatus esse Christus sive Messias palam fecit, quomodo multa veteris Scripturæ dicta, typi & figuræ, aliàs obscuræ & cuius non satis penetrabiles, accipiendæ & Christo accommodandæ essent. Quod
partim

partim patuit ex re cum typis collatâ, partim ex factâ
explicatione, cui nemo, ex quo non modò tantis atque
adeo inusitatis miraculis, sed etiam resurrectione Messi-
as declaratus erat, fidem derogare debuit, etiamsi ha-
ctenus minùs fuisset explorata, nec argumentum evin-
cens inde confieri potuisset. Exempli gratiâ, Ionas
fuit in ventre ceti tres dies & tres noctes, & inde vivus
emerfit: hinc non potuit evinci, vel nescio aut refragan-
ti demonstrari, futurum ut Messias post triduanam mor-
tem in vitam rediret: interim quòd typus rei conveni-
at, & quòd ei, quem Messiam esse constaret, ita expli-
canti & accommodanti fidem haberi oporteat, non po-
terat negari. Sic exorsus à Mose & omnibus prophetis inter-
pretabatur duobus discipulis euntibus Emmauntem in
omnibus Scripturis quæ de se suaque passione & morte scri-
pta erant; non tantùm videlicet perspicua & diserta,
qualia Ies. 41. 11: sed etiam ea, quæ typis & figuris invo-
luta, qualia quæ in libro Numerorum de serpente exal-
tato in deserto, & qualia in Exodo, quâ Agnus Pascha-
lis describitur, ejusque sanguine superliminare & pos-
testingi jubentur, quo conspecto transferit percussor
sive occisor; imò omnia sacrificia Veteris testamenti:
Nonne, inquit, hæc oportuit pati Christum, posito videlicet
tali decreto divino, & talibus Scripturarum prædictio-
nibus & præfigurationibus; & introire in gloriam suam?
Lucæ xxiv, 27 & 26. Apostolis congregatis iisque,
qui cum ipsis erant, inculeat oportuisse impleri omnia, quæ
scripta sunt, inquit, in Lege Moysi, & Prophetis & Psalmis de
me. Tunc aperuit eorum mentem, ut intelligerent Scripturas.
Et dixit eis, Ita scriptum est, & ita oportuit Christum pati, &
resurgere ex mortuis tertio die: & prædicari ejus nomine pœni-
tentiam ac remissionem peccatorum apud omnes gentes, incipi-
endo

Num. 21, 8.

Exo. 12, 22.

endo ab Hierusalem, Lucæ xxiv, 44 & seqq. Sanctus Petrus
populo Israëlítico: Deus quæ prænuñciaverat per os omnium
Prophetarum suorum Christum suum perpassurum, ita implevit.
— Et omnes Prophetæ à Samuele & deinceps, quotquot loquuti
sunt, etiam prænuñciaverunt dies istos, nempe prædicationis
Apostolicæ, per quam passim & omnibus innotescat, quòd Messias venerit, passus sit & mortuus, & re-
surrexerit; quòd agenda sit poenitentia & per fidem in
ipsum impetranda remissio peccatorum. Vos estis, inquit,
filii Prophetarum, & pacti, quod pepigit Deus cum patribus no-
stris, dicens Abrahamo, Et in semine tuo benedicentur omnes
familia terræ. Vobis Iudæis primùm Deus excitatum & ad
gloriam evectum Filium suum Iesum misit & patefecit, qui
juxta promissionem Abrahamo factam benedicat vobis,
unoquoque se averteute à pravitatibus suis, Act. iii, 18, 24
& seqq. Fit itaque virtute benedictionis, quæ per se-
men Abrahami Christum omnibus terræ familiis &
gentibus præstatur, ut possint se avertere à pravitatibus
suis, & consequi remissionem peccatorum. Nec est in
alio quoquam salus: nec enim aliud nomen sub cælo datum est
hominibus, per quod oporteat nos servari, Act. iv, 12. Huic o-
mnes Prophetæ testimonium perhibent, remissionem peccatorum
accipere per nomen ejus omnes qui credunt in eum, Act. x, 43.
Sanctus Paulus ad Iudæos: Notum sit vobis, viri fratres,
per hunc annunciari vobis remissionem peccatorum, & ab omni-
bus, à quibus per Legem Moysi non potuistis justificari, vel à re-
atu absolvi, (per Legem Moysi videlicet non stetit, quin
rei & peccatores perpetuò haberemini) per hunc, quem
Deus suscitavit, omnem qui credit justificari, Act. xiii, 18.
Idem alibi protestatur, se nihil dicere vel docere præter ea,
quæ Prophetæ futura prædixerint & Moyses: nempe quòd Chri-
stus fuerit passurus, & primus ex resurrectione resurrexerit non
terre-

terrenum regnum, quale imaginabantur Iudæi, erecturus, sed lucem, in quâ ad cœleste & æternum ambuletur (*populus ambulans in tenebris vidit lucem magnam*) annunciaturus populo Israëlito & Gentibus, Act. xxvi, 22. Ex illis Mosaicis & Propheticis multa, rebus quæ responderent jam præsentibus & exhibitis, aut ab ipso Christo tantis miraculis & tandem resurrectione nobilitato exposita claruerunt, & quò facerent quidve significarent innotuit.

CLXXI. Traditurus in cruce spiritum dixit, *Consummatum est*, nempe quidquid patiendo & cruciatus sustinendo propter redimendum genus humanum fieri oportuit. Excepit tertio die gloriosa resurrectio, & inde quadagesimo die adscensio in cœlos; proximè autem subsequuto die Pentecostes effusio donorum Spiritus sancti conjuncta visibili signo linguarum dispersitarum instar ignis. Sic facta est solennis promulgatio Novi testamenti, & cœperunt Apostoli Iudæis palàm predicare, quòd Iesus, quem ipsi crucifigendum Pilato obtruserant, sit Christus, quòd ex mortuis suscitatus & adscendens cœlos sedeat ad dexteram Dei Patris, & quòd per fidem in ipsum, nec aliter, remissio peccatorum & æterna salus obtineatur. *Agite penitentiam*, ait Petrus, & baptizetur unusquisque vestrum in nomine Iesu Christi in remissionem peccatorum, Act. 11, 38. Ipse adscensurus in cœlum jubet Apostolos & discipulos suos ire in mundum universum, & predicare evangelium (quale videlicet Novo testamento proprium erat, & omnia ad remissionem peccatorum & salutem facientia per Christum consummata proponebat) omni creaturæ. *Qui crediderit*, inquit, & baptizatus fuerit, salvus erit; qui verò non crediderit, condemnabitur, Marci xvi, 15.

Bb

CLXXII

CLXXII. Non tamen ausus est sanctus Petrus e-
 vangeliū hominibus gentilibus annunciare, nisi in
 eam rem peculiari divinitus oblatā visione animatus
 & excitatus. Postquam demum dixit Cornelio cen-
 turioni Romano, ex legione, quæ vocatur Italica: Vos
 Act. 10. 28. scitis Iudeo nefas esse propius adungere se aut accedere ad ali-
 enigenam: sed mihi ostendit Deus, ne quem pollutum vel impu-
 rum hominem dicerem. Item: Verè deprehendo Deum non
 respicere ad personam: sed in quavis gente acceptum ei esse o-
 mnem, qui eum timeat, & operam det iustitia. Oportuit
 cum quoque rationem recedere fidelibus, qui ex circum-
 cissione erant: apud quos enarratā visionis & totius rei
 gesta serie effecit, ut acquiescerent, & glorificarent Deum di-
 centes, Nempe etiam gentibus Deus pœnitentiam dedit ad vitam,
 Act. x 1, 18. Atque ita factum fuit initium Evangelij
 gentilibus sub Novo testamento prædicandi & imper-
 tiendi. Illi quidem, qui dispersi fuerant ex afflictione oriā
 ob Stephanum protomartyrem, transferunt usque in Phœnici-
 am & Cyprum & Antiochiam, nemini loquentes verbum e-
 vangeliū, nisi solis Iudeis Act. xi, 19. Post factum verò,
 quod memoravimus, initium dixerunt Iudeis Paulus
 & Barnabas, Vobis necesse fuit primū exponi verbum Dei si-
 ve evangelium, sicut hodie sub Novo testamento expo-
 nitur: postquam autem illud repellitis, & vos ipsos indēgnos de-
 cernitis eternā vitā, ecce convertimur ad Gentes, Act. xi 11,
 46. Quamvis Prophetæ & præsertim Iesaias multoties
 prædixerat vocationem & accessum gentium ad eccle-
 siam; nihilominus, etiam post effusa dona Spiritus san-
 cti, Petro & cæteris necessaria fuit peculiaris ad hanc
 rem revelatio & instructio. Vnde Paulus Eph. 111,
 3 & seqq. Deus per revelationem notum mihi fecit mysterium,
 quod aliis ætatibus non innotuit filiis hominum, sicut nunc reve-
 latum

latum est sanctis ejus Apostolis & Prophetis per Spiritum: nempe Gentes esse cohæredes & concorporales consortesq; promissionis ejus sive quam Deus ipse fecit in Christo, ut promissio innitatur Christo & promulgetur per Evangelium. Coloss. 1, 26 laudat mysterium absconditum à seculis & ætæribus, nunc autem factum manifestum sanctis ejus. Similiter Rom. xvi, 25. Tantum videlicet differunt sublime involutumque dicendi genus, quo utuntur Prophetæ; & Evangelium, quo res olim prædictæ & figuris ac typis adumbratæ nunc tamquam præsentis vel factæ sub Novo testamento simpliciter & perspicuè proponuntur. Cæterum de hac inter Vetus & Novum pactum differentiâ diximus supra num. LIX, LX, LX; nec hîc opus est repetere. Augustinus eâ de re in hunc modum loquitur xvi de Civitate Dei, cap. xxvi: *Quid est quod dicitur testamentum vetus, nisi occultatio novi? & quid est aliud quod dicitur novum, nisi veteris revelatio?* Rursus 1 contra adversarium Legis & Prophetarum. cap. xvii: *Novum in Vetere est figuratum, & vetus in novo revelatum.*

CLXXII^o. Quomodo Evangelico pacto primitus promulgato accesserint deinceps alia: sic tamen ut primum illud semper supponeretur, involveretur, & per ipsum subinde explicatiùs propositum fideque in venturum Messiam collocatâ salus obtineretur, pridem est declaratum. Abrahamo promissum est, quod ex ipso proditurus esset Messias; nec non etiam Davidi, de quo Ps. cxxxii, ii; Act. ii, 30. Ut igitur constaret eventum respondisse, servata est eò usque distinctio tribuum & familiarum; quâ hodie, postquam ante tot secula exhibitus fuit Messias, opus non est. Confusa itaque sunt omnia, nec quisquam ex Iudæis affirmare potest, se vel hac, vel illâ, vel tribu Iudæ, aut familiâ Davidis

Num. 62, 63

oriundum. Mosaicum pactum magnā & tremendā so-
lennitate promulgatum est, quod tamen ipsum, si ad æ-
ternam salutem respicitur, primævum Evangelicum
supponit; & ab illo abstractum sive seorsim considera-
tum non nisi felicem & tranquillam promissæ terræ Ca-
naan possessionem concernit. *Vmbram habet futurorum
bonorum, non expressam formam rerum*, Hebr. x, 1. Quam
rem tractavimus num. xci & seqq. Mira autem erat
circa tempora Christi perversitas plerorumque Iudæo-
rum, existimantium ab observatione legis Mosaicæ
pendere æternam vitam; ab adventu verò & operâ Mes-
siæ restitutionem regni Israëliti & terrenæ felicitatis.
Quin ipsi etiam Apostoli & discipuli post resurrectio-
nem imminente adscensione *interrogarunt Christum dicen-
tes, Domine, num hoc tempore restitues regnum Israël?* Act.
1, 6. Eodē respiciunt duo illi, qui Emmauntem ibant,
quum dicunt; *Nos sperabamus illum esse, qui redemurus esset
Israëlem*, Lucæ xxiv, 21. Adco altē infederat animis ple-
rorumque ista opinio; à quibus etiam ad subsequuti tem-
poris Iudæos videtur derivata.

CLXXIV. Suspendebant igitur ætate Apostolo-
rum nonnulli, qui ex Iudæis Christum agnoverant, sa-
lutem ab observatione legis Mosaicæ. Docebant enim,
Nisi circumcidamini ritu Moysi, non potestis salvari, Act. xv, 1:
& turbabant alios fideles. Similiter etiam nonnulli
turbabant Galatas, & volebant invertere Evangelium Christi,
Gal. 1, 27. Qui admittebant quidem Christum sive
Messiam venisse, nec alium esse expectandum, sed æter-
nam salutem per opera legis sive observationem legis
Mosaicæ acquiri. Videntur itaque docuisse, Christum
venisse, ut exemplo suo ad implendam legem præiret
(non enim venerat ut solveret legem, sed ut impleret, Matth.

v, 17)

v, 17) potiùs, quàm ut fieret propitiatio pro peccatis nostris, & nos à maledictione legis redimeret. At sanctus Paulus, *Ecce ego dico vobis, si circumcidamini, Christum Gal. v. 2 nihil vobis profuturum: si circumcidamini videlicet imbuti opinione, quòd per circumcisionem & observationem legis Mosàicæ acquirenda sit æterna vita. Testor enim rursus omni homini qui cum hac opinione circumcideretur, eum esse debitorem universæ legis, quantam Deus unquam sanxit, accuratè & sine omni hallucinatione servanda.* Paulus quidem ipse *Timotheum circumcidit propter Iudeos qui in illis locis, quæ adire oportebat, erant: sciebant enim omnes, quamvis mater ejus Iudæa esset, patrem tamen ejus Græcum sive gentilem esse, Act. xvi, 3.* Ne igitur videretur legem divinitus promulgatam & hætenus nullo manifesto indicio abolitam adspernari, propterea Timotheum matre Iudæâ natum circumcidit; alienissimus ab eâ, quam commemoravimus, opinione. Titus autem, quem aliquando adduxerat secum Hierosolymam, *quamvis esset Græcus, non coactus fuit circumcidi, Gal. ii, 3.* Neque enim in templo tamquam Iudæus versari, vel in urbe eodem cum Iudæis loco haberi cupiebat. Nempe id sibi, ut Christianus esset & salute potiretur, minimè necessarium noverat. Quamdiu autem incolume supererat templum; poterant ritus in eo juxta legem frequentari soliti, innoxie usurpari, non quidem quasi per eos acquireretur æterna salus, quod numquam fuerat; neque quasi per eos tamquam typos futura præfigurerentur, quæ jam erant consummata, verbi gratiâ, per sacrificia sacrificium Christi; sed tamquam ritus boni & à Deo instituti, qui hætenus culpari non possent.

CLXXV. Fideles itaque, qui Hierosolymis erant, sanctum

B b 3

sanctum Paulum, quum eò post conversionem suam
quartâ vice accessisset, in hunc modum alloquuntur:
Act. xxi. 20 *Vides frater quot sint millia Iudæorum, qui crediderunt; suntq;
omnes accensi Zelolegis, nec possunt ferre, eam nihili fieri.*
v. 21. *Audierunt autem de te ex aliorum sermone, te defectionem à
Mose docere omnes qui inter Gentes sunt Iudæos, & dicere eos
non debere circumcidere filios, neq; secundum ritus ambulare:*
v. 23. *id prorsus illicitum esse. Hoc itaque fac, quod tibi dicimus:
Sunt nobis viri quatuor, qui sese voto Nazaræatus sive separa-
tionis ad aliquot dies divini cultus ergo obstrinxerunt,
quemadmodum tute etiam te obstrinxisti, quando Cen-
chreis navali Corinthiaco (vide Pausaniam sub initi-
um Corinthiacorum) caput torondisti; Act. xix, 18.*
v. 24. *His adsumtis sanctificator cum eis, & adde ad eorum sumtus
sive cum eorum sumtibus junge tuos, ut radant capita,
quemadmodum præcipitur lege Mosaicâ, & norint omnes,
quod nihil sit eorum, quæ de te audierunt, sed te quoq; ita incede-
re, ut legem observes, nec nefas existimies eam à Iudæis ob-
servari. Nam eorum, qui crediderunt ex gentibus alia est
ratio pridem declarata. Tum Paulus adsumtis viris illis
v. 25. *sequente die cum eis purificatus ingressus est in templum, denun-
cians, ut solenni huic actui non saltem interfuisse, sed
v. 26. *quodammodo præfuisse primasque tenuisse videatur,
expletionem dierum purificationis, quot dies purificationi
impendere animus esset, usquequo explerentur, & offerre-
tur pro unoquoque eorum oblatio, qualis lege Mosaicâ præ-
scribitur, nempe holocaustum, propitiatorium & eu-
charisticum sacrificium cum suis appendicibus. Hæc
est lex Nazaræi, sive separati, die quo completi fuerint dies
Nazaræatus ejus, conferet se ad ostium tentorii conventus, offe-
retq; oblationem suam Domino &c. Num. vi, 13 & seqq. San-
ctus itaque Paulus agnovit, licitas fuisse adhuc eo tem-
pore***

pore Iudæis ejusmodi oblationes, & referri potuisse ad fines decentes & utiles; sicut etiam agnoscit *σωματικὴν* corporalem exercitationem in abstinentiâ & austeritate externæ vitæ positam, qualem etiam Nazaræus includebat, suas habere utilitates, non tamen pares cum ipsâ pietate, 1 Tim. iv, 8.

CLXXVI. Hoc autem erat, quod contra eos, qui gentiles ad Christum conversos & Evangelium amplexos turbarent, adeo constanter & seriò adseverabat & inculcabat, nempe remissionem peccatorum & æternam salutem obtineri haut aliter, quàm per fidem in Christum, non autem per observationem legis, quæcumque tandem fuerit; sive, ut utamur loquendi modo, quem hic tractatus potissimùm considerat, per pactum Evangelicum, & non per pactum Legale. Scimus, inquit, non justificari hominem ex operibus Legis, sed per fidem Iesu Christi; etiam nos in Christum Jesum credidimus, ut justificaremur ex fide Christi, & non ex operibus Legis, propterea quòd non justificabitur ex operibus Legis ulla carò, Galat. ii, 16. Et mox: Si per Legem est justitia, si post lapsum protoplastorum tales sunt hominum qualitates & vires, ut exactè & perfectè Legem possint servare, sicut siquidem per eam salus obtineri debeat, servari oportet; igitur Christus frustra mortuus est. Potuissent enim homines salvari per legem ad eum modum accuratè adimpletam; nec opus fuisset vel Christo, vel evangelio, vel fide. At non suppetunt hominibus ejusmodi facultates aut vires. Igitur ut docet proximo capite, quorquor ex operibus Legis sunt, sive per ea & pactum Legale salutem obtinere satagunt, quia conditionem ab hoc pacto positam præstare nequeunt, sub maledictione sunt. Scriptum est enim, Maledictus est, quisquis non manserit in omnibus, quæ scripta sunt in li-

v. 11.

v. 10.

*in libro Legis, ut faciat ea, absque ullâ scilicet allucinatio-
 ne vel prævaricatione. Sic enim facere accipi oportet-
 bit, & maledictio de maledictione in æternum duratu-
 râ erit intelligenda, si negotio consequenda vel amit-
 tendæ salutis verba accommodentur. Nullum autem per
 Legem apud Deum justificari manifestum est, quoniam iustus ex
 fide vivet. Lex autem non est ex fide, Lex ab Evangelio
 separata Christum non revelat, & proinde fidem in eum
 non exigit; revelat autem & exigit Evangelium: sed vox
 & summa Legis hæc est, Quisquis ea fecerit (quomodo in-
 telligi oporteat facere, jam fuit dictum) vivet per ea. Chri-
 stus autem, in quem Deus coniecit iniquitatem omni-
 um nostrum, factus propitiatio pro peccatis nostris &
 totius mundi redemit nos à maledictione Legis, dum pro no-
 bis factus est maledictio: scriptum est enim, Maledictus quisquis
 pendet in ligno. Nempe maledictio illa temporaria & ex-
 terna, propter infinitam dignitatem personæ, quæ eam
 sustinuit, momento & pondere æquat aut potius supe-
 rat æternam maledictionem, cui propter peccata sua
 obnoxium universum genus humanum. Deinde: Si
 data fuisset Lex, quæ non esset viribus destituta in carne
 & posset vivificare sive spiritualem vitam conferre, verè
 ex Lege esset iustitia. Sed conclusit Scriptura tum Legis tum
 alia (vide Rom. iii, 10 & seqq.) omnia sub peccatum, ut pro-
 missio, promissa æterna salus & vita, ex fide Iesu Christi da-
 retur credentibus. Antequam autem venisset fides, ex Evan-
 gelio plenè & perspicuè prædicato longè distinctiùs &
 perfectiùs concepta, quàm olim, sub Lege custodiebamur,
 ne ad alia quàm à Deo mandata divagaremur, conclusit
 in eam fidem, quæ erat revelanda, hoc est, destinati ad fidem,
 qualem modò diximus, non quòd fides olim aut nulla
 fuerit, aut prorsus distincta ab hodiernâ, sed quòd ho-
 dierna*

dierna præ antiquâ incoatâ propter clariorem & uberi-
orem revelationem magis plena & completa. Itaq; Lex ver. 24.
pædagogus noster fuit in Christum respiciens, ad Christum
intentatâ damnatione, quæ non nisi per Christum
aboleri posset, tum typis & figuris manuducens, *ut ex-
fide in Christum justificaremur.* ver. 25.
At postquam venit fides,
qualem diximus, non amplius sub pædagogo sumus: novimus
enim quomodo Christus pro nobis damnationis reis
satisfecerit, & typos ac figuras impleverit. ver. 26.
Omnes enim,
inquit, filii Dei estis per fidem in Christo Jesu.

CLXXVII. Et quidem, sicut docet capite quod sequi-
tur quarto, filij non infantes aut minorennos, sub tuto-
ribus & curatoribus constituti, qui quoad libertatem
administrandi nihil differant à servis; sed filij adulti &
in libertatem adserti. Dicit autem post aliqua: *Dicite* ver. 21.
mihi, qui sub Lege vultis esse sive sub pacto legali, & per id
salutem consequi, *Legem non auditis?* ex quâ videlicet
intellectâ & acceptâ occultiore sensu, mihi qui sum *A-*
postolus non ab hominibus, neque per hominem, sed per Jesum
Christum ac Deum Patrem constitutus, per revelationem
patefacto, ingentis erroris vos convincam. ver. 22.
Scriptum est e-
nim in libris Moïsis, quibus Legistitulus peculiariter tri-
buitur, Abrahamum duos filios habuisse, unum ex ancillâ, &
unum ex liberâ. ver. 23.
Sed is, qui ex ancillâ natus est, secundum
carnem natus est, ex fâminâ videlicet juvenculâ & per
naturam ad pariendum idoneâ: qui verò ex liberâ, per pro-
missionem sive virtute promissionis divinitus factæ, ex
Sarâ vetulâ, cui desierat esse secundum consuetudinem mulie- ver. 24.
rum. *Αἱ ἑνὶ ἀνθρώπῳ γεννῶνται.* Quæ non tantum simpli-
citer & juxta literam intelligenda sunt, sed tamquam
prædita mystico & allegorico sensu. *Num hæc duæ di-*
versâ, imò oppositâ conditione matres, sunt duo ista pacta,

Cc

de qui-

de quibus hodie quæritur, per utrum eorum salus ob-
tineatur: *unum quidem, quod est Agar* vel figuratum per
Agar, legale scilicet *ex monte Sina* promulgatum, *in servi-*
tutem generans, nempe servitutem condemnationis, si
adhibeatur tamquam medium evitandæ condemnatio-
nis & consequendæ salutis, siquidem conditio, quam
fini obtinendo ponit, nullo modo potest præstari; &
præterea qui legali pacto nituntur, pactum evangelicum,
(per quod finis alias obtineri posset) utpote directè op-
positum & quod alteri conjungi & cum eo simul stare
nequit, remonent seque ab eo avellunt. Hinc enim
mox proximo capite Apostolus, *Evacuati estis*, disjuncti
& separati à Christo, *quicumque per Legem justificamini; a gra-*
tia excidistis, ut eâ frui & gaudere non possitis. Sin-
respiciatur servitus, quam ceremoniæ multiplices unâ
cum sumtu & impensâ secum trahunt, ita pactum, quod
ex monte Sina prodiit, onerosæ servituti subicit. Sina

ver. 27. autem *respondet ei Hierosolyma, quæ nunc est*, sive prout ho-
die sese habet, referta Phariseis eorumque discipulis,
legalium ceremoniarum tenacibus & in ijs spem salutis
collocantibus, *servitq;* adeo, quatenus ita se habet, *cum*
 filiis suis utramque servitutem superius memoratam.

ver. 28. Illa verò *quæ sursum est Hierusalem*, non illa terrena, sed spi-
ritualis & *cælestis*, sicut appellatur Hebr. xii, 22, adifi-
cata super petram Christum, vel Ecclesia Christiana,
libera est, quæ est mater omnium nostrum; illa, inquam, libe-
ra est tum à condemnatione, tum à servitute recipien-
dæ circumcisionis, offerendorum sacrificiorum & usur-
pandorum multiplicium rituum. *In libertate igitur, ut*

ver. 29. de 19. mox capite quinto sequitur, *quæ Christus nos liberavit,*
perstate, nec iterum implicamini servitutis iugo. — Vos enim ad
libertatem vocati estis fratres.

CLXXIIX,

CLXXIIX. Qui itaque comparantes Vetus pactum cum Novo sub nomine Veteris ad Mosaicum in Sina promulgatum præcipuè respiciunt, habent quem sequantur Apostolum, duo pacta eo, quo audivimus, modo explicantem. Primævum tamen Evangelicum à Mosaico non fuit penitus abjunctum, sed cum eo convolutum, ut supponeretur, & quid per ipsum suo tempore, quo Novum appellari inciperet, complendum foret præfigureretur: nempe toties effusus sanguis & oblata sacrificia non tollebant peccata, sed significabant sanguinem Novi testamenti, fundendum à Messia in sacrificio initerabili & semel offerendo; porrigentē autem in cuncta anteriora tempora suam in remissione peccatorum efficaciam ad omnes, qui crederent in venturum Messiam, ut aliàs fuit expositum.

CLXXIIX. Cum Evangelio etiam conjungitur & per Evangelium confertur Spiritus, per quem præstatur non tantum, ut fides Evangelio habeatur, sed etiam ut compescantur prævæ cum naturâ congenitæ inclinationes, & eatenus observetur lex divina moralis, ne petulans ejus & per datam operam facta violatio salutem auferat, & condemnationem inferat. Quoniam enim qui vixerunt sub pacto Mosaico, tum remissionis peccatorum coram Deo facti sunt participes, tum delicta perpetrare desierunt (aliter enim nemo eorum servari potuisset) manifestum est eos sine fide in Christum, sine Evangelio, & sine Spiritu non fuisse. Quia tamen Evangelica, in ipsa præsertim peculiariter dictâ Lege, modicè attinguntur, & tamquam futura prædicuntur & adumbrantur, Legalia verò utramque paginam faciunt; & contrà post adventum Christi quæcunque hunc ipsum & Evangelium concernunt, disertè, prolixè &

perspicuè proponuntur & declarantur: propterea Sanctus Apostolus ministerium Novi pacti appellat ministerium Spiritus & justitiæ; prius verò ministerium literæ, mortis & condemnationis, non quidem simpliciter & absolutè, sed quatenus in proponendâ & urgendâ Lege occupabatur, *1 Cor. 11. Deus, inquit, fecit, ut idonei essemus ministri novi pacti, non literæ*: quæ videlicet saltem indicet & præscribat quid requiratur, *sed Spiritus*, cujus beneficio & virtute hoc ipsum, quod requiritur, præstetur, *nam litera*, si absit Spiritus qualem diximus, ut quod injungitur & requiritur, impleri nequeat, *occidit, Spiritus autem*, qui facultatem implendi confert, *vivificat*. Nempe Evangelium habet adjunctam gratiam Spiritus sancti, per quam præstari potest, quod ad salutem necessarium ab Evangelio requiritur: at non ita Lex, sistens in literâ jubente, & non adjungens gratiam Spiritus, ad præstandum quod jubetur, necessariam: unde fit, ut quotquot ex operibus legis sunt vel salutem adsequi fatagunt, sub maledictione sint. Statuit itaque sanctus Paulus inter ministerium veteris testamenti five Mosai-
ver. 6. ci pacti, quatenus Lege occupatur, & ministerium Novi, quatenus Evangelium plenè, clarè & consummatè proponit, hæc discrimina, quod illud sit ministerium literæ occidentis, hoc Spiritus vivificantis; atque adeo illud mortis, hoc vitæ; illud condemnationis, hoc justitiæ à Christo manantis & derivatæ; illud temporarium, quod *ut inutile tollitur*, hoc permanens & perpetuum; illud aliquatenus & imperfectè, hoc perfectè & excellenter gloriosum; illius summa & doctrina inscripta tabulis lapideis, hujus autem cordibus per Spiritum. Hinc
Hebr. 7, 18. Epistola ad Hebræos ex Jeremiæ xxxi, 31: *Ecce dies venient, dicit Dominus, quum pangam cum demo Israël & cum demo*
demo

domo Iuda pactum novum. Non secundum pactum, quod feci cum Patribus eorum: quo die prehendi manum eorum ut educrem eos ex Aegypto: nam ipsi non persisterunt in illo meo pacto: & ego neglexi eos, dicit Dominus. Quamobrem hoc est pactum, quod paciscar domui Israelis post dies illos, dicit Dominus, fadam leges meas menti eorum, & cordi eorum inscribam illas.

CXXC. Diximus de literâ & Spiritu, è quibus hic cum Evangelio conjungitur, ut per eum quæcumque sub pacto evangelico ad habendam salutem præstari opus est, in rem conferri possint; in illâ verò Lex, quatenus Evangelio opponitur, sita est, iubens quidem, sed ad præstanda, quæ jubet, opem non conferens. Adde-
mus de Spiritu & carne, quæ cuivis per Evangelium renato inesse docet Apostolus. Caro quidem aliàs significat naturam humanam secundum se sumtam, ut quum Christus dicitur esse *ex semine Davidis, ex Patribus secundum carnem, & in carnem venisse*, Rom. 1, 3; 1x, 5; 1 Ioh. iv, 2. Quam notionem nunc non attendimus, sed solum eam, juxta quam in renatis sibi opponuntur Spiritus & Caro, & pugnare dicuntur. Nempe qui renati sunt, illi per Spiritum regenerati sunt, qui facit ut credant, & ad vitam piè & sanctè agendam incitentur. Non tamen placuit Deo naturam talem restituere, qualem creaverat ante lapsum, evectam videlicet supra sortem merè naturalem; & nullis obnoxiam motibus sive inclinationibus, rectæ rationi & proinde Deo adversantibus. Quatenus igitur aliter se habet, quàm eam se habere Deus, quum crearet, voluit; eatenus caro dicitur, & corrupta appellatur. Sunt videlicet in renatis impulsus à spiritu qui regenerat, & sunt impulsus à carne nunc aliter constitutâ, quàm quum primùm crearetur, sive à carne corruptâ quatenus est corrupta. Caro

itaque Spiritui opposita est caro corrupta, sive ipsa corruptio. Spiritus potest & debet superare carnem: interim quoniam non agit per potentiam absolutam, & congenitâ pravitate, si quis ei indulgere malit, quàm Spiritui obsequi, potest excuti, hinc fit ut Caro saepe vincat Spiritum. Qui patiuntur Spiritum à carne vinci vel expelli, illi dicuntur secundum carnem ambulare; qui verò carnem Spiritu coërcent & domant, secundum Spiritum, Rom. ix, 1 & 4. Qui secundum carnem sunt sive ambulant, quæ carnis corruptæ sunt sapiunt, intendunt, quærunt, amplectuntur; qui verò sunt secundum Spiritum, quæ Spiritus sunt. Nam τὸ φερόμενον τῆς σαρκὸς, quod sapit carnem, quod caro corrupta invitat & impellit, mors est sive mortem inducit: quod autem sapit Spiritus, vita & pax, vitam & tranquillitatem animi stabilit & conservat. Quoniam τὸ φερόμενον τῆς σαρκὸς quod sapit caro corrupta, quatenus est corrupta, inimicitia est adversus Deum, Deo adversatur & rebellat. Legi enim Dei non subicitur: nam ne potest quidem. Corruptio videlicet illa secundum se spectata & quatenus corruptio est, non potest legi divinæ subijci sive conformari, sed oportet eam reprimi & domari, donec visum fuerit Deo suos à mortali corpore & conditione liberare. Quamdiu mortalis vita vivitur, tamdiu se movet, & compescenda est ne in actus completos erumpat, donec per mortem penitus aboleatur. Apostolus non adferit carnem legi Dei non posse subijci, ἀλλὰ τὸ φερόμενον τῆς σαρκὸς, οἷον τὴν ὀρεξίν αὐτῆς, αὐτὴν τὴν ὀρεξίν τὸ ἀδύνατον ἐκκαυσίν. sed quod sapit caro, hoc est, ejus impetum & ipsam ardentem injuncti cupiditatem. Verba sunt Methodij martyris apud Epiphanium hæresi lxiv, num. lxi. Ergo qui in carne sunt, qui secundum carnem ambulant & vivunt, Deo placere non possunt. Vos autem non estis

estis in carne. Bene Leo magnus sermone primo de Resurrectione: *Quamvis corruptibilem adhuc carnem mortalemq; gestemus; rectè tamen dicimur in carne non esse, si carnales nobis non dominantur affectus.* Addamus adhuc aliqua sancti Pauli verba: *Si secundum carnem vixeritis, futurum est ut moriamini aeternam morte: sed si spiritu actiones corporis vel carnis mortificaveritis, vivetis.* Quotquot enim Spiritu Dei aguntur, ii sunt filij Dei. Et ipse Spiritus testatur una cum Spiritu nostro, nos esse filios Dei. Nos quidem credimus nos esse filios Dei, quod, si nobis relinqueremur, certò & verè credere non possemus. Spiritus itaque Dei in nobis habitans facit nos id credere, sive ejus virtute & gratiâ in nobis operante animus noster elevatur, ut intelligat & credat nos esse filios Dei. Nempe sicut nemo hominum (verba sunt ejusdem sancti Pauli 1 Cor. 11, 11) *novit ea quæ sunt hominis, quæ ille cogitat vel intendit, nisi spiritus vel animus hominis, qui est in eo; ita etiam ea, quæ sunt Dei & à solâ Dei dispositione pendent, nemo novit nisi Spiritus Dei, qui spiritui nostro conjunctus eum elevat, erudit & informat, ut cognoscat, quid de nobis Deus disposuerit: unde quod spiritui nostro accedit, & eum ejusmodi sublimi cognitione instruit, non est spiritus mundi, qui res mundanas doceat, vel ad earum amorem impellat; sed spiritus qui est ex Deo, sive totum à divino spiritu derivatur & confertur, ut sciamus quæ à Deo in Christo & per Christum denata sunt nobis.* Sequitur in epistola ad Romanos: *Quod si filij, etiam heredes: heredes quidem Dei, non tamquam patris terreni, quo non nisi mortuo hereditas aditur, sed tamquam Patris cœlestis, cui aeterno & semper viventi accedemus & sociabimur, futuri participes summorum bonorum, quæ reddet Dominus sui remmo illo die omnibus, qui diligunt & expetunt illustrem* ver. 13.
ver. 14.
ver. 16.
ver. 17.
1 Thm 4, 8.
ejus

ejus adventum: atque adeo futuri *coheredes* ipsius Domini Christi: scimus enim fore, quod quum apparuerit similes ei erimus, 1 Ioh. 111, 2.

CXXCI. De pugnâ Carnis & Spiritus, cui etiam renati & fideles sunt obnoxij, pauca præterea ex epistolâ ad Galatas producemus. Dico, inquit Apostolus, *Spiritu ambulate, & quod concupiscit caro, ne perficite. Nam* Cap. 5. 16. *caro* (intelligendam esse corruptam, sive ab eâ, qualis primitus creata fuit, degenerem & in deterius per lapsum præcipitatum pridem diximus) *concupiscit adversus spiritum*, Ver. 17. *adversus inclinationes & instinctus, quos Spiritus Dei spiritum nostrum excitans & gubernans efficit: spiritus autem, qui in renatis ita, uti diximus, est instructus, adversus carnem concupiscit: hæc vero inter se opposita sunt, ut non quæcumque volueritis, & ad quæ impetus aliquis vitiosæ carnis vos instigaverit, eadem faciatis. Quod si spiritu ducimini, si facitis non illa ad quæ caro sed ad quæ spiritus incitat, non estis sub Lege sive sub pacto legali, juxta* Ver. 18. *cujus rigorem vobis metuenda sit & subeunda damnatio. Porro manifesta sunt opera carnis, inquit, eorumque septemdecem recenset, quorum pleraque quidem in appetitu concupiscente & irascente deprehenduntur, quædam tamen intellectui inhærent, quædam voluntati, quamquam concupiscentiæ vocabulo, utpote radices magis conspicuæ & frequentis omnia comprehendendi solent; additque, & his similia, quæ prædico vobis, sicut etiam prædixi; eos videlicet qui talia agunt, regni Dei non fore heredes. Quod liquidissimam veritatem vocat Augustinus libro de fide & operibus cap. xlix. Operibus carnis, fructus spiritus opponit. At fructus, ait, spiritus est caritas, gaudium, pax, lenitas vel iræ cohibitio; benignitas, bonitas, fides, fidelitas & veracitas in dictis & factis,* Ver. 21. *oppo-*

opposita versutiis & mendacio, quomodo etiam capi-
tur fides i Tim. vi, 11, & ii Tim. ii, 22; *mansuetudo, con-*
scientia. Adversus ejusmodi, qui videlicet ductu Spiritus Christi & praviâ fide in Christum tales fructus e-
dunt, *non est Lex*, vel adversus eos condemnando juxta
legale pactum non proceditur. Omnino igitur adversus
alios, qui ejusmodi non sunt. *Qui enim sunt Christi*, qui
sunt veri & genuini Christiani, *carnem* ad improba & in-
iqua incitantem *crucifixerunt*, domuerunt & subegerunt
cum affectibus & cupiditatibus. Crucifigi dicitur, quoni-
am agrè fert & dolet ad eum modum se coërceri. Sed
si vivimus spiritu, si vita & salus nostra à spiritu pendet,
spiritu etiam vel juxta ductum & instinctum spiritus in-
cedamus. ver. 23.
ver. 24.
ver. 25.

CXXCII. De hac Carnis adversus Spiritum pu-
gnâ, quam in semetipso experiatur Apostolus, agit sub
finem septimi ad Romanos. Augustinus quidem ali-
quando existimavit, eum loqui non in propriâ, sed in
hominis non renati, atque adeo sub legali pacto con-
stituti personâ. Ceterum quum rem accuratiùs expen-
deret & contra Pelagianos disputaret, verba nimis evi-
dentia eum adegerunt, ut retractaret. Vide primi Re-
tractationum cap. xxii; & maximè primi contra duas
epistolas Pelagianorum cap. x; item tertii contra Iulia-
num cap. xxv. *Scimus*, ait Apostolus, *Legem esse spiritu-*
alem, magis sublimia & spiritualia præcipere & exigere,
quàm vel homo carnalis sibi que relictus possit intellige-
re & adsequi, vel qui in mortali adhuc carne vivit, præ-
stare & exsequi. Existimaverit aliquis quinto præce-
pto non nisi manifestum homicidium prohiberi; sexto
non nisi consummatum adulterium. At Servator do-
cet contra quintum peccare, quicumque temerè irasca-

Dd

tur fra-

tur fratri suo, vel eum *raca*, id est, vanum aut nequam,
vel fatuum appellet; *quicumque* verò *adspexerit mulierem,*
ut eam concupiscat, adulterasse eam in corde suo, Matth. v, 22
& 28. De reliquis præceptis idem statuendum erit, nem-
pe contra ea peccare non tantum qui opera prohibita
consumment, sed etiam qui cogitatione vel desiderio,
quamvis represso, in ea ferantur. Ad hunc sublimem &
spiritualem legis sensum pertinet id quoque, quod paul-
lo antè dixerat Apostolus, *Concupiscentiam non noveram*
ver. 7. *esse peccatum, nisi lex diceret, Non concupisces.* Concu-
piscientiam sanè quæ ab intellectu & voluntate appro-
betur, peccatum esse, aliunde poterat scire: sed eam
quoque, quæ displiceat & reprimatur, peccatum esse
ex hoc spirituali legis sensu constabat.

ver. 14. CXXCIII. *Scimus, ait Apostolus, legem spiritualem*
esse, ego verò carnalis sum, venditus sub peccato, ut non pos-
sim non esse peccato obnoxius & maculatus, etiamsi
non sim carnalis eo sensu, quod peccata, à quibus immu-
nis esse nequeo, sceler, approbem vel perficiam. Car-
nalitas autem sive vitiositas illa non tantum appetenti
& irascenti, quamvis se hinc frequentius & evidentius
prodat, sed etiam superioribus facultatibus infidet, &
ver. 17. in iis cogitationes & motus pravy excitat. *Quod enim*
perpetro, ait Apostolus, non agnosco, non approbo quan-
do confidero: non enim quod volo voluntate deliberatâ,
quæ tandem verè est voluntas hominis, hoc ago, volo vi-
delicet tales cogitationes & inclinationes penitus abesse,
sed huc rem deducere nequeo, & quod aliàs odi, hoc facio,
hoc à me fit & prodit. Negare enim non possum, quin
ego sim, qui ita illicitè & inordinatè cogitet ac deside-
ret. Methodius martyr, qui suprà adductus ex Epi-

Hæc. 64, num. 56, phanio, apud eundem eodem fere loco: *Hæc verba,*
Quod

*Quod perpetro, non agnosca, & quod odifacio; non sic accipien-
da sunt, quasi malum plenè perficere ac committere dicatur: sed
referenda ad solam cogitationem, quum plerumque aliene &
absurde cogitationes nobis advolent, & ad ea quæ nolumus, illu-
dendo nos provocent. Et paullo post: Volumus ea quæ non
decer, & quæ ne quidem cogitare licet. Quandoquidem bonum
demum perfectum est, abstinere non tantum à perpetrando, sed
etiam à cogitando malo.*

CXXCIV. Sequitur apud Apostolum: *Quod si id fa-* ver. 16.
cto cogitando vel desiderando, quod nolo, consentio Legi, quæ
ita cogitare vel desiderare prohibet, quod bona sit. Quæ
igitur ad istum modum cogitantur vel desiderantur,
contra legem sunt, & proinde peccata. Quoniam au-
tem mente consentio legi prohibenti, & vellem vitare
si possem, nunc itaque non amplius ego id perpetro, quia quod ver. 17.
à deliberatà voluntate proficiscitur, id demum ab incli-
natione homini propriâ prodit, sed peccatum quod ab A-
damo derivatum in me habitat, tum quoad privationem
justitiæ & rectitudinis concreatæ, tum quoad pravas co-
gitationes & motus inde pullulantes, mihi quæ vel invi-
to obrepentes; hoc inquam peccatum perpetrat, quod
nolo & quod odi. Novi enim non habitare in me, id est in ver. 18.
carne mea per lapsum Adami ob primævæ justitiæ amif-
sionem corruptâ, bonum in hoc positum, ut possim ab
eiusmodi pravis motibus immunis esse. nam velle radi-
citus eos evellere, id quidem adest mihi, sed ut hoc quod
bonum est efficiam, non adsequor. Mox repetit priora, quod ver. 19. & 20.
non faciat bonum quod velis, sed malum quod nolis, & proin-
de peccato, quod in se habitat, imputandum. Invenio ver. 21.
igitur, ait, volenti mihi facere bonum, volenti non concu-
piscere, & cupienti connatam vitiositatem penitus eli-
minare, hanc legem sive necessitatem impositam esse, quod

mibi malum concupiscentiæ pertinaciter adiaceat, nec pe-
nitus etiam si maximè velim & adnitar, excutere valeam.

ver. 22. Delector enim Lege Dei prohibente concupiscere & pravis
motibus agitari, quoad interiorem hominem sive spiritua-
lem, qui Spiritu Dei agitur & regitur: cui opponitur car-
nalis, qui desideriis carnis subicitur & obsequitur, quales
non sunt renati. Carnalis autem, qualem se paulò an-
tè agnovit ipse sanctus Paulus, qui videlicet in carne
adhuc mortali vivat, & ab Adamo derivatis congenitis-
que vitiositatibus non careat, cum quali idem erit exte-
rior homo, opponitur spirituali, de quali agitur 1 Cor-
xv, 43 & 44. Apostolus itaque Lege Dei omnes inordi-
natos motus prohibente se dicit delectari secundum
ver. 23. hominem, qui quidem sit spiritualis, sed incoatè, non
perfectè & consummatè: sed video, inquit aliam legem si-
ve inclinationem, quæ necessitatem imponat & aboleri
nequeat, in membris meis capite & corde, quatenus adhuc
carnalia sunt, repugnantem legi vel inclinationi mentis meæ,
quæ spiritualis esse cœpit, ut à concupiscentiâ immunis
esse vellet; legem, inquam, adeo validam, ut me quam-
vis invitum sibi subjiciat & captivum sistat legi peccati, quæ
est in membris meis, & concupiscere adigit peccandi que
necessitatem imponit, ut non possim non peccare.

CXXCV. Miser ego homo: quis me liberabit ex corpo-
re mortis huius, in quo tantam carnis & spiritus luctam
experior, necessitate peccandi constringor, & mortem
ver. 27. evitare nequeo? Gratias ago Deo per Iesum Christum Domi-
num nostrum, qui morte suâ ex morte me liberavit, pro
peccatis meis satisfecit, & gratiam largitur, per quam
etsi non fit, ut simpliciter omni peccato caream, fit ta-
men, ne regnet peccatum in mortali meo corpore, ut obdiam
peccato in concupiscentiis corporis, quemadmodum loqui-

tur

tur Rom. vi, 12 : & mox, *Peccatum vobis non dominabitur, non enim estis sub Lege* sive sub Legali pacto, quod ad vincendum peccatum nihil adfert praesidij vel auxilij, *sed sub Gratia* sive Evangelico pacto, sub quo confertur gratia, per quam peccatum & remittitur, ne damnet, & comprimitur, ne regnet. Particeps enim factus est Filius Dei carnis & sanguinis, id est, humanae naturae, ut liberaret eos, qui metu mortis per omnem vitam obnoxii erant servituti, Hebr. 11, 15 : nam non posuit nos Deus ad iram, sed ad acquirendam salutem per Dominum nostrum Iesum Christum, 1 Theff. v, 9.

CXXCVI. Subjicit tandem superioribus : *Nempe igitur ipse ego mente quidem per Spiritum regeneratâ ac elevatâ, & voluntate deliberatâ, quae debeat propriè haberi mea voluntas, servio Legi Dei, carne verò & carnalibus desideriis per peccatum Adami invecis, & nondum planè abolitis, servio legi peccati, & peccata perfectè evitare non possum.* Nulla igitur nunc est condemnatio iis, qui Cap. 8, v. 1
sunt in Christo Iesu, qui non secundum carnem ambulant aut desideria carnis perficiunt, sed secundum Spiritum, qui ductum Spiritus sequuntur, & per spiritualem gratiam desideria carnis reprimunt, id est, qui sub pacto Evangelico constituuntur, & ei sedulò & seriò se conformant. Etiam si in iis sit, quod condemnari posset, si ageretur secundum rigorem pacti legalis; nulla tamen iis est condemnatio, quia sub Evangelico sunt constituti. Sub hoc itaque constitutus Apostolus quamvis fuisset secundum justitiam, quae est in lege, sive quoad externa & in sensus incurrentia legis opera ἀνεμνῆσθαι vel irreprehensus, ea tamen habet tamquam stercora, ut Christum crucifaciat, & inveniat in eo, non habens suam justitiam quae sit ex lege, sed eam quae est per fidem Christi, eam videlicet justitiam, quae

De 3

est ex

est ex Deo per fidem, Phil. iii. 6, 8, 9. Quasi dicat, Non
quæro iustitiam & salutem ex pacto legali, sed ex Evan-
gelico, quod per fidem in Christum iustitiam donat,
tum imputando, dum vi promissionis divinæ per Evan-
gelium promulgatæ peccata hætenus commissa remit-
tuntur, & jus adeundi regni cœlestis confertur; tum in-
coando, dum participes facit gratiæ, per quam quæ ob
inhærentem carnis imbecillitatem à pacti consortibus
evitari non possunt, condonentur, crimina verò, quæ
exclusura essent aternâ vitâ, & cum divinâ amicitia &
ipso hoc pacto consistere nequeunt, evitentur.

CXXCVII. Hæc ob oculos hic ponere volumus,
ut quis sit sub pacto Evangelico, etiam Novo, renato-
rum sive fidelium status & conditio, dilucidius pateat.
Non perpetrant aut perficiunt desideria & opera carnis:
quod si facerent, statu illo suo & impetrato adeundæ
cœlestis hereditatis jure exciderent. Non quidem con-
summant peccatum: interim tamen ab omni peccato
non sunt immunes. Sanctus enim Paulus agnoscit &
fateretur se venditum esse ut subjiciatur peccato; se non
facere quod velit, sed quod odio prosequatur; se cerne-
re in membris suis legem cum lege mentis pugnantem,
per quam sub captivitatem peccati redigatur, ut carne
serviat legi peccati. Quis autem hodie sancto Paulo
se conferat, aut etiam præferat? Consortes itaque pacti
Evangelici non carent omni peccato. *Si dixerimus, ait*
sanctus Iohannes, nos peccatum non habere, nos ipsos fallimus,
nobis ipsis persuademus, quod alienum est à veritate;
unde etiam è vestigio subjicit, & veritas in nobis non est.
Aberrabimus non solum ab humilitate, quæ nos decet,
sed etiam à veritate, si dixerimus nos peccatum non ha-
bere. *Duo mala sunt, ait Augustinus, quorum unum habe-*
mus,

1 Ep. i. 3.

4 contra
Iul. c. 14.

mus, alterum facimus, si ei non resistimus quod habemus. Dif-
ferunt videlicet peccatum habere & peccatum facere sive
consummare. Fideles & consortes pacti Evangelici im-
probant quidem & reprimunt peccatum sive concupi-
scentiam & vitiositatem congenitam, interim tamen ab
Adamo & parentibus derivatam habent, sive in morta-
li suâ & miserijs obnoxia carne circumferunt: vitiosam
inquam, concupiscentiam, generaliter accepto voca-
bulo, tum quoad actum primum sive quoad modum
habitus, tum quoad actus secundos, sive desideria &
motus indeliberatos, quamvis involuntarios & igno-
rantibus obrepentes. Nam delicta, errores, ignorantia
as quis intelligat? ab occultis munda me, ps. 1x, 13: ad quem
locum agnoscit Bellarminus, peccata quæ ex ignorantia
committantur, verè peccata esse. Qui non novit & fecit di-
gna plagis, cadetur plagis paucis, ait Dominus Lucæ xii,
48: punietur quidem mitius, quàm qui novit volunta-
tem domini sui & non fecit; interim tamen punietur,
quia peccavit. Quin Augustinus infantiam peccatis
obnoxiam fatetur i Confessionum, cap. vii. Theophy-
lactus in Hebr. ix, 28, producit Liturgiam, in quâ ore-
tur, εἴτε ἄκοντες εἴτε ἐκόντες ἡμάρτομεν, συγχώρησον, Sive invi-
ti sive volentes peccavimus, condona. Clemens Romanus
epistolâ ad Corinthios genuinâ, quam edidit Patricius Sub init.
Iunius: Manus vestras ad Deum omnipotentem extendistis,
ἱκετεύοντες αὐτὸν ἰλεῶν γένεσθαι, εἴτι ἄκοντες ἡμάρτητε, supplici-
ter ejus misericordiam implorantes, si quid inviti peccastis. Simi-
liter ait Epiphanius πολλὰκις ἐν κόσμῳ ἡμᾶς ὄντας σφάλλε-
σθαι ἀκυσίως τε καὶ ἐκυσίως, nos dum in hoc mundo sumus saepe titu-
bare & offendere tum invitos tum spontè, har. lxxv, num. vii.
juxta Augustinum peccatum est, quum vel non est caritas
quæ esse debet, vel minor est quàm esse debet, sive, hoc volunta-
te vi-

re vitari possit, siue non possit. De perfectione iustitiæ contra Celestium, ratiocinatione xv. Quamquam Augustinus, ne quid videatur concedere Manichæis, qui peccatum ad aliud principium, quam voluntatem humanam referre conabantur; eò solet ire, ut omne peccatum quamvis ipsi committenti involuntarium, in aliquam tamen voluntatem humanam reducatur, si non aliam, certè primi parentis, à cuius libero in primum peccatum consensu dimanat omnis in posteros derivata labe.

CXXCII. Duodecimo de Trinitate cap. xii in hunc modum loquitur: *Quum solâ cogitatione mens oblectatur illicitis, non quidem decernens esse faciendâ, tenens tamen & volvens libenter, quæ statim, ut attigerunt animum, recessui debuerunt; non negandum est esse peccatum, sed censerî debet longè minus, quàm si & opere statuatur implendum. Et ideo de talibus quoque cogitationibus venia petenda est, peccusq; percutiendum atque dicendum, Dimitte nobis debita nostra. Nempe sicut idem Augustinus definit xxii contra Faustum cap. xxvii, Peccatum est factum vel dictum vel concupitum aliquid contra legem eternam siue divinam; non modò factum vel dictum, sed etiam concupitum. Et libro primo de sermone Domini in monte: Sicut tribus gradibus ad peccatum pervenitur, suggestionem, delectationem, consensione; ita ipsius peccati tres sunt differentiæ, in corde, in facto, in consuetudine, tamquam tres mortes. Paria docet Hieronymus in primum caput Prophetæ Amos: Primum peccatum est cogitasse quæ mala sunt. Secundum, cogitationibus acquiescere perversis. Tertium, quod mente decreveris, opere complere. Quartum, post peccatum non agere penitentiam, & in suo sibi complacere delicto.*

CXXCIX. Quamdiu autem Spiritus reluctatur carni,

carni, nec patitur se adigi, ut quod caro concupiscit,
opere perficiat, etiamsi magnâ cum difficultate & infir-
mitate obnitatur; tamdiu homo renatus & in pactum
evangelicum receptus non ambulat secundum carnem,
sed secundum spiritum, & proinde nulla est ei condem-
natio, quamvis esse posset, si cum eo juxta rigorem le-
galis pacti ageretur. Peccata venialia nuncupantur,
quæ Tertullianus *quotidiana incurfionis* vocat, libro de
Pudicitia, cap. xix: qualium penitus immunes esse non
possunt fideles, etiamsi maximè velint. Dicuntur au-
tem venialia, non quòd ex se suaque naturâ talia sint,
sed ex accidente, quòd occurrant in hominibus, quos
Deus suâ gratiâ dignatur, & per fidem in Christum pa-
cti evangelici consortes fecit. Nullum aliàs peccatum
ideo dignum est æternâ condemnatione vel pœnâ infi-
nitæ durationis, quòd includat quamdam infinitam
pravitatem vel malitiam, sed ideo, quia est contra le-
gem æternam, & quia offendit infinitam Dei majesta-
tem. Qui plebeium injuriâ afficit, verbi gratiâ, pugno
cædit, aliquot nummorum mulctâ luit; qui consulem,
carcere; qui Regem, capite. Qui legem transgreditur,
τὸν θεὸν ἀτιμάζει, *Deum inhonorat* vel contumeliâ afficit,
Rom. ii, 23. Peccatum, quod veniale dicitur, aut est con-
tra legem divinam, aut non est. Si non est, nullo mo-
do peccatum est; si verò est, tum propter causam modò
prolatam dignum est æternâ morte, sive vitari possit, si-
ve non possit. nam hominem ita ab initio Deus condi-
dit, ut vitari posset. Mutatus est homo per Adami cul-
pam in deterius: sed non ideo mutata est lex divina, vel
pactum legale prorsus abolitum. Promulgatum autem
est Evangelicum, ut qui in id per fidem in Christum re-
cipiuntur, à Legalis rigore absolvantur, dum secundum

E c

Spiri-

Spiritum ambulant, & opera carnis non perficiunt; ad quod præstandum illis per ipsum Evangelicum pactum gratia confertur: quamvis non visum fuerit Deo in pristinum amissum statum restituere, ut simpliciter omnia peccata, etiam involuntaria & vitiosi motus vitari possint, sed potius condonentur, dum modò reprimantur, agnoscantur, & venia juxta præscriptam à Domino precationem humiliter petatur. Eadem tamen illa, quamvis vel sola deprehendantur, in infidelibus & legali pacto subditis, æternam damnatione vindicantur. Nempe cum ijs, qui Evangelicum pactum aut numquam amplexi sunt, aut eo exciderunt, juxta vim & rigorem Legis agitur. Nemo enim est mortalium, qui non sub alterutro constituatur, & quem non juxta vel hoc vel illud sententiam expectare oporteat.

CXC. Iohannes Gerson, Cancellarius Universitatis Parisiensis, dictus olim doctor Christianissimus, & in magno precio semper habitus, qui obiit anno cccc xxix, De vitâ spirituali animæ lectione primâ hanc ponit conclusionem: *Omne peccatum, pro quanto est offensa Dei, & contra legem ejus æternam, est de suâ conditione & indignitate mortiferum secundum rigorem justitiæ, & à vitâ gloria separativum. Ratio est, Quoniam omnis offensa in Deum potest justè ab ipso judice Deo puniri pœnâ mortis tam temporalis quàm æternæ: imò annihilationis pœnâ. Est igitur de se mortifera. Assumptum deducitur ex hoc, Quod nulla pœnâ talis est ita mala, quantum mala est ipsa offensa: & ex alio, Quia potius toleranda esset omnis mors pœnalis & annihilationis, quàm committenda esset quantumlibet parva offensa in Deum. Da oppositum, tam offensa Dei licet fieri deberet in casu. — Quod autem offensa dimittitur vel remittitur, est ex purâ liberalitate Dei remittentis, & non amplius imputantis.* Istis sub-

subjungit ejusmodi corollarium: *Nulla offensa Dei est venialis de se, nisi tantummodo per respectum ad divinam misericordiam, quæ non vult de facto quamlibet offensam imputare ad mortem, quum illud posset justissime. Et ita concluditur, quod peccatum mortale & veniale in esse tali, non distinguuntur intrinsicè & essentialiter, sed solum per respectum ad divinam gratiam, quæ peccatum istud imputat ad pœnam mortis, & aliud non.*

CXCI. Quin ipsum originale peccatum, quod receptis in pactum evangelicum per baptismum remittitur, nisi remitteretur, condemnationi obnoxium redderet. Nam non placuit Deo, sicut dictum fuit, innocentia & integritatis statum, qualis ante lapsum Adami fuerat, reconciliatis restituere. Quod itaque peccatum congenitum attinet, si respicias habituales concupiscentiam, in quâ situm est, non differt specie vel ab eâ, quæ ante baptismum fuit, vel ab eâ quæ non renatos occupat; nisi quod impetusejus retundi & refrenari cœpit. Utrobique idem est materiale, nempe habitualis inclinatio; utrobique etiam idem formale, nempe aversio & privatio rectitudinis opposita legi divinæ. Quomodo igitur utrobique non sit idem peccatum & antè & post baptismum? Abolitus sanè est reatus sive obligatio ad subeundam pœnam: cæterum is non est formale constituens peccatum, sed potius, ut ita dicam, formale consequens. Qui peccavit, reus est & pœnæ obnoxius: atque hoc ipsum non est legi contrarium, sicut est peccatum, sed planè conforme & congruum. Separari itaque potest à peccato reatus; & nihilominus manet peccatum, quod pridem erat. Sicut è contrario multa peccata, ut homicidia, adulteria, furta transeunt actu, & manent reatu. Amotus itaque reatus non est

Et 2

suffi-

sufficiens ratio, propter quam negetur peccatum originis manere & esse peccatum. Interim quamdiu fideles id reprimunt, nec in opus, ad quod incitat, transire permittunt, sibi remitti petunt, atque adeo sub pacto evangelico perseverant, non magis eis nocet vel damnationem infert, quam si peccatum penitus non esset. Si autem peccato obsequuntur operamque dant, sive secundum carnem ambulant atque adeo pacto evangelico excidunt, juxta severitatem legalis tractantur.

CXCII. Lubet hic adscribere discursum quemdam Henrici Gandavenfis, qui habetur Quodlibeto ejus sexto, quaestione penultimâ; & quidem quemadmodum proponitur à Dionysio Carthusiano, scribente in distinctionem xxiv secundi, quaest. vi: is enim aliquibi concisius proponit, ut promptius intelligi queat. *Advertendum, inquit, quum in peccato originali in non regeneratis sint duo, quorum unum est incurvatio, qua consistit in voluntatis obliquatione; secundum est reatus, id est, obligatio ad pœnam pro carentiâ rectitudinis originalis justitiæ: secundum istorum in baptismo expiatur, primum vero manet. Quibus duobus duo correspondent in motibus primis carnalis concupiscentiæ, utpote ipsius motus deformitas, & pœnæ reatus debitus ei: quorum primum manet ad pœnam in regeneratis, sicut & obliquatio manet in voluntate, & fomes in carne; secundum expiatur est, ita quod sicut neutrum istorum habet rationem peccati in renatis ex parte reatus, sed solum ex parte obliquationis, sic motus primò primi, etsi rationem habeant culpæ ex parte deformitatis pudendæ, nullam tamen habent ex parte reatus. Et potest ex his dari ista distinctio. Motus primi considerari possunt dupliciter, sicut & quilibet actus virtutis ac vitij: uno modo secundum se & absolute, quoad dispositionem & firmitatem actus; alio modo in respectu in finem, quoad premium debitum actui.*

actui. Primo modo primi motus, etiam primò primi, sine dubio sunt peccata tam in renatis, quàm in non renatis: quoniam deformitatem habent in se contra regulas prudentie, rationisq, recte, quae deformitas rationem vitij habet, quemadmodum contraria informatio rationem habet virtutis. Hoc etiam modo obliquatio in ratione rationem vitij habet: & fomes in carne eo modo, quo virtutes & vitia conceduntur esse in viribus sensitivis, non per essentiam, sed participationem. Porro secundo modo primi motus, inquantum primò primi, peccata non sunt in renatis propter baptismatis expiationem; sed in non renatis, in quibus super reatu nulla expiatio facta est, omnino habent rationem peccati, etiam quoad illos, qui non sunt in voluntatis potestate determinatâ ad reprimendum, & quoad maculam seu deformitatem, & quoad reatum. Et debet hoc peccatum in non renatis vocari non originale, sed actuale: quia ab actu proprio suae carnis, quamvis non voluntatis suae, perpetratur. Haecenus Henricus ille Gandavensis: quem statuere, quòd in renatis motus etiam primò primi, id est, maximè involuntarij & indeliberati, quamvis remissus sit reatus, quoad dispositionem tamen & formam actus eiùque inhaerentem deformitatem peccata sint, operæ precium duxi ut non ignoretur.

CXCII. Scribit Augustinus de naturâ & gratiâ cap. xxxv: *Etiam si hic non vivatur sine peccato, licet tamen mori sine peccato, dum subinde veniâ deletur, quod subinde ignorantia vel infirmitate committitur.* Hac videlicet ratione sub pacto Evangelico vivitur & agitur. In multis enim offendimus omnes, ut disertè sanctus Iacobus 111, 2. *Nemo est, qui non peccet,* 1 Reg. IIX, 46; 11 Chron. VI, 36. Augustinus igitur loco jam producto, *Excepra,* inquit, *sancta virgine Maria, de qua propter honorem Domini nullam prorsus quum de peccatis agitur* (agitur autem de peccatis

quæ committuntur; siue quæ per actum aliquem ab homine prodeunt) habere volo quæstionem: (unde enim scimus, quòd ei plus gratiæ collatum fuerit ad vincendum omni ex parte peccatum, quæ concipere & parere meruit cum, quem constat nullum habuisse peccatum?) hac ergo virgine exceptâ si omnes illos sanctos & sanctas, quum hîc viverent, congregare possemus & interrogare, Verum essent sine peccato; quid fuisse responsuros putamus? utrum hoc, quod iste scriptor Pelagianus dicit, an quod Iohannes Apostolus? Rogo vos, quantalibet fuerint in hoc corpore excellentiâ sanctitatis, si hoc interrogari potuissent, annon unâ voce clamassent, Si dixerimus, quia peccatum non habemus, nos ipsos seducimus & veritas in nobis non est? An illud humiliter responderent fortasse quàm verius? Sed huic Pelagiano jam placet & rectè placet, laudem humilitatis in parte non ponere falsitatis. Itaque hoc si verum dicerent, haberent peccatum, quod humiliter faterentur, quia veritas in eis esset. Si autem hoc mentirentur, nihilominus haberent peccatum, quia veritas in eis non esset.

CXCIV. Pergamus autem considerare verba sancti Iohannis Apostoli. **Cap. 1. 8.** Si dixerimus, inquit, nos peccatum non habere, nos ipsos fallimus, & veritas in nobis non est. **ver. 9.** Si confiteamur peccata nostra, quemadmodum ipse iussit nos. Patrem cœlestem precari. Dimitte nobis debita nostra; fidelis est & iustus, præstat quod promissit (nam stare promissis non solum ad fidelitatem, sed etiam ad iustitiam refertur) ut remittat nobis peccata, & mundet nos ab omni iniquitate. **ver. 10.** Si dixerimus nos non peccasse, mendacem facimus eum, qui nos peccatores habet & æstimat, omnesque orare iussit, Dimitte nobis debita nostra, & verbum ejus, quo nos peccatores esse toties testatus est, non est in nobis, siue certa & ab ipso Deo confirmata veritas à nobis **Cap. 2. 1.** abnegatur. Filii mei, hæc scribo vobis, ut ne peccetis: quamvis

vis peccatum habetis, nec evitare potestis, quin se moveat & vobis negocium faceat, evitetis tamen, ne dominetur & regnet, vosque ei obœdiatis, & desideria eius perficiatis. *Sed & si quis peccaverit*, si quis à peccato & carne sua se vinci & seduci passus fuerit, nolim eum desperare, sed in viam redire & poenitentiam agere, quoniam *advocatum habemus apud Patrem Iesum Christum justum*, qui, modò in eum credamus, & peccatis inharere desinamus, confidens ad dexteram Dei & in summam evehctus sublimitatem justitiam suam pro compensandâ & delendâ nostrâ injustitiâ Patri sistit & offert, atque ita interpellat pro nobis, Rom. iix, 34; Heb. vii, 25; & comparat apud faciem Dei pro nobis, Hebr. ix, 24. *Et ver. 2. ipse est propitiatio*, quæ Deum placat & propitium reddit, *pro peccatis nostris*, quæ aliàs, absque hac propitiatio-
ne esset, utpote in eius infinitam majestatem injuriosa, æternâ morte luere nos oporteret. Sic autem Deus dilexit mundum, *ut miseret Filium suum, qui esset propitiatio* Cap. 3. 10;
pro peccatis nostris: nec pro nostris tantum, sed etiam pro totius mundi. Posuit eum Deus, ut esset propitiatio per fidem in sanguine ipsius, Rom. iiii, 25.

CXCV. Diximus antea, aliud esse peccatum habere; aliud, peccatum facere, sive scientem & volentem se peccato dedere & operam dare. Inter quod & alterum ingens est discrimen secundum sanctum Iohannem. *ὁ ὢν τὸ ἁμάρτιον, ὁ ποιῶν αὐτὸ, ὁ ποιῶν αὐτὸ, ὁ ποιῶν αὐτὸ*, *Qui facit*, inquit, peccatum ex diabolo est, Cap. 3. 8.
diaboli exemplum & impulsus sequitur: quoniam ab initio conditi mundi *diabolus peccat*, & homines ad peccata committenda instigat. Ad hoc autem apparuit vel manifestus factus est *Filius Dei*, ut dissolveret opera diaboli, ut conterat caput serpentis, & peccata aboleat, tum removendo damnationem eis debitam, tum suppeditando
grati-

gratiam reprimendis illis, ne dominantur. *Quisquis natus est ex Deo*, regeneritus per verbum Dei & baptismum, qui est lavacrum regenerationis & renovationis per Spiritum sanctum, *peccatum non facit* eo, quo antè dictum est sensu, *quoniam semen Dei*, per quod regeneritus est (regeneritus videlicet *non ex semine corruptibili, sed ex incorruptibili, per verbum Dei vivi & manentis in aeternum*, 1 Pet. 1, 23) in eo manet, & virtute Spiritus sancti operatur, facitque semper & seriò meminisse eorum, quæ ab ipsis Deus exigit, & fieri vel prohibet vel præcipit: & *non potest peccare, quoniam ex Deo natus est*: non potest peccare sive secundum carnem ambulare & peccato operam dare, in sensu, ut Logici loquuntur, composito, quamdiu nativitatem ex Deo conservat, & semen, per quod renatus est, fructum fert. Interim sicut potest regenerationem, per quam in hac mortali vitâ ad statum filij Dei & gratiæ translatus est, amittere (regeneratio verò, de quâ Matth. xix, 28; quæ est ad gloriam, non amittitur) sic quoque potest desinere natus esse ex Deo, & ad statum, in quo erat antequam regeneraretur, redire. Augustinus, 11 de peccatorum metitis & remissione, cap. 119, exponit ut subjicitur: *Proficimus in renovationem justamq; vitam per quod filij Dei sumus, & per hoc peccare omnino non possumus; donec totum in hoc transmutetur, etiam illud per quod filij seculi sumus: per hoc enim peccare adhuc possumus.* Item 11 contra epistolam Parmeniani, cap. vii: *Quamvis in quantum ex Deo nati sumus, non peccemus, in est tamen adhuc etiam quòd ex Adam nati sumus, quia nondum absorpta est mors in victoriam, quod in corporum resurrectione promittitur.*

CXCXI. Varia à varijs in umbrâ vel ocio cogitari & disputari possunt; quæ solent evanescere, quum res seriò agi cœperit. Agitur autem seriò, quando magnum

gnum & ultimum illud certamen cernitur, in quo anima à corpore discedit, reversura unde discessit supremo seculi die. Quantum suæ innocentia vel iustitia vel meritis unusquisque tribuere ausit, sine ambagibus & strophis tunc patefeit. Exstat in antiquis Agendis Exhortatio apud moriturum, & quidem religiosum vel monachum, instituenda, quæ Anselmo Cantuariensi tribuitur, pia sanè & recta, quæque modum, quo sub Evangelico pacto, præsertim Novo, damnatio evitetur, & remissio peccatorum atque æterna vita obtineatur, breviter & dextrè ostendit. Apponemus eam ex vetustis Agendis verbotenus. Cum frater aliquis laborare videtur in extremis, pium est & consultum, eum per prælatum sive alium sacerdotem subscriptis interrogationibus & exhortationibus exerceri. Et interrogetur primò, Frater, Lætaris, quòd in fide Christi morieris? & respondeat, Etiam. Item, fateris te non tam bene vixisse sicut debuisses? Respondeat, Fateor. Pœnitet te? Etiam. Habes voluntatem emendandi te, si spaciū vivendi haberes? Etiam. Credis quòd propter te mortuus est dominus Iesus Christus filius Dei? Etiam. Credis te non posse salvari, nisi per mortem ejus? Etiam. Agis ei de hoc ex corde gratias? Etiam. Age ergo, dum in te est anima tua, ei semper gratias; & in hac solâ morte totam fiduciam tuam constitue, huic morti te totum committe, hac morte te totum contege, eiq. te totum involue. Et si Dominus voluerit te judicare, dic, Domine mortem domini nostri Iesu Christi objicio inter me & judicium tuum: aliter tecum non contendo. Si

Ff

dixe-

dixerit, quòd merueris damnationem, dic, Mortem Domini nostri Iesu Christi objicio inter me & mala merita mea, ipsiusq; dignissimæ passionis meritum offero pro merito, quod ego habere debuissim, & heu non habeo. Dicat iterum: Mortem Domini nostri Iesu Christi pono inter me & iram tuam. Deinde dicat: In manus tuas Domine commendo spiritum meum. Et Conuentus siue adstantes respondeant: In manus tuas Domine commendamus spiritum ejus. Et securus morietur, nec videbit mortem in æternum. Hæc ibi.

CXC VII. Existimari poterat, Fratres vel monachos meritis, quæ vocant, abundare. Cæterum hic jubetur Frater fateri, se tam bene non vixisse, sicut debuisset; se propterea poenitere, & si spacium vivendi superfit, voluntatem emendandi habere; se credere, quòd propter se sit mortuus Dominus Iesus Christus Filius Dei, & se non posse salvari nisi per mortem ejus; se meritis carere, & eorum loco meritum passionis Christi Deo Patri offerre; se inter Dei Patris iram judiciumque & sua mala merita ponere mortem Christi, & in hac solâ totam suam fiduciam constituere, huic se totum committere & involvere. Hæc, inquam, sincera est fidelium sub Evangelico pacto Novi testamenti praxis, per quam datur æternam mortem evitare, & vitam consequi. Dico Novi testamenti. nam ubi testamentum est, mors intercedere necesse est testatoris. Testamentum enim in mortuis ratum est: quandoquidem nondum valet, quum vivit testator, Hebr. ix, 16, 17. Quoniam itaque sub Novo pacto intercessit mors testatoris Christi, hoc ipsum rectè & appositè dicitur Novum testamentum. Mors autem Christi sub Veteri

tere præfigurata & adumbrata fuit morte & sanguine vitulorum & hircorum: quali quum Moses populum ad-
fpergeret, dixit, *Ecce hic est sanguis fœderis, quod pepigit Dominus vobiscum*, Exodi xxiv, 8: sanguis videlicet vitulorum & hircorum est sanguis Veteris pæcti. Quum Christus supremâ cœnâ institueret sacramentum Eucharistiae, porrecto calice dixit, *Hic est sanguis meus Novi testamenti*, Matth. xxvi, 28; Marci xiv, 24: sanguis videlicet testamenti vel pæcti æterni, quomodo appellatur Hebr. xiii, 20; quod sit de conferendis bonis æternis, & quod perpetuò duraturum, nec ei aliquando abrogando aliud umquam successurum. Fuerit itaque verus & propriè dictus sanguis Christi. Nullus enim alius sanguis est sanguis Novi testamenti. Multò minùs typus aliquis sanguinis est sanguis Novi testamenti. Quin si existimetur vinum, quia typus sit sanguinis Christi, propterea dici sanguinem Novi testamenti, in remissionem peccatorum effusum; eatenus Novum testamentum inferius erit Vetere. Sanguis enim vitulorum & hircorum, qui sub Vetere fundebatur, longè expressior & convenientior typus fuerit sanguinis Christi, quàm esse possit vinum. Sed hæc obiter.

CXCIIIX. Caterùm Exhortationes illas Anselmicas antiquis Ritualibus & Agendis tum manu tum typo exscriptis, qualia in bibliothecâ Iuliâ adservantur, passim insertas animadverto, ut juxta earum præscriptum cum moribundis agatur. Imò translata etiam sunt in idioma Saxonicum, ut earum promptior apud idiotas esset usus. Hoc ipso excusus est liber Lubecæ anno dcccxcvi, Anselmicas exhortationes agro in mortis periculum coniecto proponens, & jubens, ut precationem, quæ sequitur, sæpe repetat. *Eyric! so vaken/inquit, dit*

Ff 2

Weth

Wethalus. Here Jesu Christe / ick sündige Wilsche bidde
dy umme des bitteren Lidendes willen / dat du ledest vor my
an dem Crúse / do dine Seele schede van dinem Lichnam /
vorbarne dy over mine sündige Seele in erem uthgange /
wan se van deme Lichnamme schedet / Amen. Vix credibi-
le est, quemquam repertum iri, qui in illo agone consti-
tutus Deum ad rationes & calculos vocet, examinaturus
num salus, quam expetit & desiderat, suis ipsius meritis
& justitiæ ex aliquâ parte, & non in solidum divinæ mi-
sericordiæ Christi que meritis accepto sit ferenda. Non
sanè fecit Aeneas Sylvius, qui jam Senensis episcopus,
postea Pontifex Pius secundus, quum morbis oppressus
Ep. 146. periclitaretur, ad intimum scribens amicum, *Ad superos,*
inquit, *me transiturum non despero. nam etsi magna peccatorum*
sarcina premor, majorem tamen esse divinam misericordiam,
quam meam iniquitatem non dubito. In hac confido, in hac
me totum resolvo. Non Stanislaus Hosius Cardinalis,
acerrimus Protestantium hostis, qui Testamento,
quod operibus ejus subjunctum est, confitetur, quod
gravia sint sua peccata, quibus iram divinam promeruerit.
Sed utinam, inquit, appendas ea Domine in statera, & quam
pro me calamitatem pertulit innocens Filius tuus: certè multò
gravior apparebit hæc & magis digna, propter quam effundas in
me misericordiam tuam, quam illa sint, ut propter ea contine-
as in irâ tuâ miserationes tuas. Indignus ego sum, quem o-
culis majestatis tuæ aspicias, verum interea dignissimus est ille,
propter cujus passionis & mortis meritum non modo respicias me,
verum & coronas. Quamobrem venio ad te Pater clementis-
sime, venio ad te nullis meis, sed multis Filij tui domini & re-
demtoris mei Jesu Christi meritis onustus: qui quum pretiosâ
morte suâ non modo pro meis, verum etiam pro totius mundi
peccatis abunde tibi satisfecerit, hujus mortis meritum, in
quo

quo solo meam spem & fiduciam omnem habeo defixam, adfe-
ro ad te: hæc est iustitia mea, satisfactio mea, redemptio & pro-
pitiatio mea.

CXCIX. Consideremus etiam alia nonnulla supe-
rioris seculi exempla. Sigismundus primus Rex Polo-
niæ mortuus est anno ætatis xxci, Christi clb lxiix,
Kalendis Aprilis. Moribundus se totum Deo religiosis ver-
bis & suspirijs commendabat, in ejus clementiâ & misericordiâ
fiduciam suam omnem collocabat, ut testatur Martinus Cro-
merus oratione, quâ ei parentat, Historiæ, quam scrip-
sit, sub finem adjunctâ. Stanislaus Orichovius Rhute-
nus idem officium præstitit: oratio exstat inter oratio-
nes clarorum hominum in academiâ Venetâ editas an-
no clb lxi. Fide, inquit Orichovius, in Deum erat sum-
mâ: hominem peccatorem se confitebatur esse palam: nusquam
spem veniæ, nisi in solo Christo, habebat. Item: Animam a-
gens ad singula verba passionis Christi Dei nostri suspiravit, in-
gemuit ac flebiliter precatus est, ut Deus peccatorum ipsius im-
memor, beneficiorum autem Christi in illum & in omnes memor,
clemens ac propitius illum ad illas beatorum sedes reciperet, ad
quas Jesus Christus Dominus & Deus noster ante illum præcesse-
rat. Carolus quintus Imperator, rerum humanarum
pertæsus, resignato imperio & in Hispaniâ in Hierony-
miano S. Iusti monasterio postremum vitæ suæ bienni-
um exegit, pietati & sacris meditationibus deditus, o-
biit quæxi Kal. Octobris, anno clb lxiix. Cætera ap-
ponam verbis Thuani, quibus rem descripsit Historia-
rum libro xxi. Toro pectore, ait, in Deum revolutus sic ra-
tiocinabatur, se qui lem indignum esse, qui proprijs meritis re-
gnum cælorum obtineret, sed dominum Deum suum, qui illud
duplici jure obtineat, & patris hereditate & passionis merito,
altero contentum esse, alterum sibi donare, ex cujus dono illud

sibi merito vindicet, hacq; fiducia fretus minimè confundatur: neque enim oleum misericordie nisi in vase fiducia poni: hanc hominis fiduciam esse à se deficientis & innitentis Domino suo: alioqui proprijs meritis fidere, non fidei sed perfidie esse: peccata remitti per Dei indulgentiam, ideoque credere nos debere, peccata deleri non posse, nisi ab eo, cui soli peccavimus, & in quem peccatum non cadit, per quem solum nobis peccata condonantur: ita cum sensim ad lentam tabem febris acuta accessisset, imaginem Christi cruci affixi identidem in oculis, ulnis, ore & tota mente complexus, in eo solo se omnem salutis suae spem collocare declaravit, sumptog; viatico, In me mane, inquit, dulcissime Servator, ut ego in te maneam; in quæ verba deficiens animam Deo reddidit. Hæc Thuanus. De Constantino Pontio, qui diu Carolo à sacris confessionibus, eiq; in solitudine suâ ac postremo animam agenti semper præstò fuerat, scribit idem Thuanus, quòd postea ad tribunal Inquisitionis raptus in teatro carcere expiraverit. Sed ne theatrum, inquit, in quo Hispali vix post transactum à Caroli obitu annum, annuente Philippo filio, sectarij Lutherani, quos vocabant, exurebantur, Constantino careret, ejus quasi concionantis effigies circumducta est, atque ita terribile per se spectaculum, vivicomburij videlicet innocentium hominum, quod primò plerisque adstantium lacrymas excusserat, larvis hæc in scenam productis risum multis ac postremò indignationem movit. Non videntur hæc citra ignominiam Caroli defuncti Cæsaris peragi potuisse. Propemodum itaque persuadeor, ut verum esse credam, quòd scribit Iacobus Gretserus, non minoris maledicentiæ quàm famæ Iesuïta, Examine Strenæ Lauserianæ, uti vocat: Si Carolus quintus Lutherana opinione de Meritis infectus fuisset, in eaq; vitam finiisset, Hispani à resosso ejus corpore pænas exegissent, Certè Index Hispanicus Expurgatorius, quæ huc faciunt, expun-

expunxit. Caterùm quæ est alia Lutheranorum de me-
ritis opinio vel sententia, quàm quæ proponitur Exhor-
tationibus Anselmicis, à solo Indice Hispanico rejecta.
& passim à majoribus nostris ante seculum & quod ex-
currit, sicut è tot Agendis & Ritualibus manifestum est,
recepta? Imò ne quidem ex omnibus, quæ hodie vel
manuscripta vel edita in usu sunt, exulat. Multum ita-
que negotii sibi facessent Hispani, si ab omnibus eorum,
qui in eâ sententiâ vitam finierunt, refoffis corporibus
pœnas incipiant exigere.

CC. Audiamus etiam sanctum Augustinum, cu-
jus hæc sunt verba IIII contra Cresconium, cap. xxc:
*Ad existimationem humanam magnâ restium, qui me noverunt,
suppetit copia; ad Dei verò conspectum sola conscientia. Quam
contra vestras criminationes quum intrepidam geram, non me
tamen sub oculis omnipotentis justificare audeo, magisq; ab eo
effluentem misericordiae largitatem, quàm judicij summum exa-
men expecto, cogitans quod scriptum est: Quum Rex justus se-
derit in throno, quis gloriabitur castum se habere cor? aut quis
gloriabitur mundum se esse à peccato? Et verba faciens de
matre suâ IX Confessionum cap. xiii: Væ etiam laudabili
vitæ hominum, si remota misericordiâ discutias eam. Gre-
gorius Magnus in primum psalmum pœnitentialem, si-
ve psalmum sextum ejusque versiculum v. Non de meis
meritis confidens, ut me salvum facias, supplico, sed de solâ mi-
sericordiâ tuâ præsumens impetrare, quod de meis meritis non
spero. Iungimus dictum Bernhardi, quod est sub finem
libri de Gratiâ & libero arbitrio: Si propriè appellentur
ea, quæ dicimus nostra merita, spei quædam sunt seminaria, car-
itatis incentiva, occulta prædestinationis indicia, futura feli-
citatæ præfagia, via regni, non causa regnandi. Ex recentio-
ribus adjungimus Thomam VValdensensem, qui tomo
tertio,*

tertio, tit. primo, cap. septimo contra merita acriter
disputat, & fere indignabundus concludit: *Meritum
nostrum in hoc articulo minimè Deus attendit, siue rationem con-
grui vel condigni, sed gratiam suam, aut voluntatem suam, aut
misericordiam suam.* Quomodo ergo non ad injuriam Salvato-
ris & gratuiti coronatoris accedit, quòd gratiâ ejus tacitâ tan-
tùm disputamus de meritis? Ejus *ὁ ὡς ἐγὼ* Petrus de Alli-
aco Cardinalis Cameracensis in psalmum pœnitentia-
lem sextum De profundis, *Per hujus tuæ, ô Christe, passi-
onis virtutem, per hujus sanguinis effusionem te deprecor, ut à
peccatis meis & à pœnis, quas pro his mereor, me redimas, re-
dentumq; ab eis eripias, & ereptum à malis meis tecum in bonis
tuis habitare concedas.* Cardinalis hujus intimus fuit Io-
hannes Gerson, vir ubique laudatus, qui opere tripar-
tito de arte moriendi, particulâ tertiâ moriturum ita
jubet precari: *Domine paradisum tuum postulo, non ob valo-
rem meorum meritorum, sed in virtute & efficaciâ tua bene-
dictissimæ passionis, per quam me miserum redimere voluisti, &
mibi paradisum precio tui sanguinis emere dignatus es.* Eti-
pse testamentum suum, quòd paucis ante obitum suum
mensibus condidit, sic obsignat.

Quæ mortalia sunt, mortalibus ultro relinquo:

Corpus humum redeat, spiritus ad Dominum.

Spiritus iste, Iesu, meus à te suscipiatur:

Spes mea tu Iesus es; gratia, non opera.

Hadrianus, qui postea Pontifex eo nomine sextus, com-
mentans in Quartum sententiarum, tractansque Sacra-
mentum Eucharistiæ de meritis nostris operumque no-
strorum circa tempora enati schismatis, vel paullo antè,
in hunc modum scripserat: *Sunt merita nostra velut bacu-
lus arundineus, cui dum quis innixus fuerit, confringitur, &
perforat manum innitentis.* Et quasi pannus menstruatus sunt
omnes

omnes iustitia nostra, ut habetur Iesaja LXIV. Iugiter enim super pannum bonae vitae, quem iustitia operibus teximus, stillamus sanicem diversorum criminum. Quae igitur ex eis poterit esse fiducia ad Deum, qui neminem diligit, nisi ex toto corde conversum? Recte igitur suasit Salvator; Quum feceritis omnia, quae praecepta sunt vobis, dicite, Servi inutiles sumus, Luca XVII.

CCl. Operae precium videtur subicere, quae annotavit Nicolaus Liranus ad Iohannis x, 13. Gloria, inquit, caelestis non dicitur proprie merces, sed tantummodo largè, in quantum omne, quod redditur in premium laboris, dicitur merces. Ratio autem huius est, quia hereditas distinguitur à mercede proprie dicta, sicut filius, cui debetur hereditas, distinguitur ab operario conductitio, cui debetur merces. Gloria autem caelestis redditur fidelibus, sicut hereditas filiis: propter quod non habet rationem mercedis. Repetiit illa jam diutius, quam ante seculum, eundem sancti Iohannis locum exponens Antonius Broikvvy Guardianus Novioma-genis; & addit illustrandi ergo ex Rom. iix, 16: Ipse Spiritus testimonium reddit spiritui nostro, quod sumus filii Dei. Si autem filii & heredes, heredes quidem Dei, coheredes autem Christi. Accedat Gal. i i i, 26: Omnes filij Dei estis per fidem in Christo Iesu. Per quod autem sumus filij Dei, per id etiam sumus heredes regni caelestis. Nam si qui ex lege sunt, qui legali pacto & operibus nituntur, heredes sunt, exinanita est fides & abolita promissio. Igitur ex fide est hereditas, Rom. iv, 14 16. Sanctus Petrus i epist. ii i, 9: Scitis vos ad hoc vocatos esse, ἵνα εὐλογᾶν καὶ μεγαλύνῃτε, ut benedictionem, (nempe quum dicetur, Venite bened. et Patris mei, καὶ μεγαλύνῃτε, tamquam heredes adite & posside regnum paratum vobis a iacto mundi fundamento, Matth. xxv, 34) hereditate possideatis, vel hereditario jure obtineatis. Certum autem est, filium à patre suo secundum

Gg

justi-

justitiam mereri nihil posse, quum aliàs se totum & quid-
quid potest, patri debeat, & ne quidem inter patrem &
filium justitia propriè dicta intercedat: minimè verò
omnium mereri posse regnum; & quidem aeternum &
cœleste.

CCII. Sumus autem filii & heredes Dei Patris
tamquam Regis: non quidem naturales filij, sed ado-
ptivi. *Prædestinavit nos eis vñs in adoptionem filiorum*, si-
ve quos in filios adoptaret, Eph. 1, 5. Ex quo autem per
adoptionem filij facti estis, *emissit Deus Spiritum Filij sui in*
corda vestra, clamantem Abba Pater, id est, qui vos faciat
Deum tamquam Patrem agnoscere, venerari, amare &
invocare. *Itaque non amplius es servus, sed filius: quod si filius,*
etiam heres Dei per Christum, Gal. iv, 6 & 7. Hoc igitur
adoptionis titulo, quæ per fidem & non per opera legis
obtingit, regnum cœleste consequi & adire datur, nul-
loque alio. Cæterum, inquires, annon potest filius a-
doptivus Regem patrem in prælio cum hostibus com-
misso periclitantem forti dexterâ tueri, & suometipsum
periculo è periculo eximere, atque ita regnum mereri?
atque adeo annon pari ratione à Deo in filium adoptatus
potest propter Deum multa cum magno labore agere, &
cum ingente molestiâ pati, quin morte suâ, quod de
sancto Petro dicitur, Deum glorificare, & hoc modo
cœleste regnum mereri? Respondeo, quòd quæ de Re-
ge terreno dicta sunt, præstari etiam possint & aliquan-
do præstentur à milite vel tribuno, qui tamen propte-
rea regni heres non constituitur, quia videlicet filius
non est, nec naturalis nec adoptivus: in quâ filiatione, ut
sic loquar, situm est, quòd heres aliquis sit. Ut igitur
homines cœlestis regni sint heredes, necesse est eos à Deo
cœlesti Rege in filios adoptari, quod per fidem fit, &
non

Jo. 1, 19.

non per opera, sicut ostensum fuit. Adoptati autem te-
 nentur & debent prestare, quidquid in obsequium &
 honorem Patriis possunt. Subsequitur hereditas,
 quæ dici potest præmium & merces, quod laborem ex-
 cipiat, quemadmodum excipit merces, non quod in la-
 bore sit dignitas aliqua cum tali mercede comparanda,
 aut quod ille labor ejusmodi mercedem secundum justiti-
 am promereatur. Neque perperam dixerit, (ut supe-
 riori exemplo inhæreamus) qui de filio propter paren-
 tem in prælio fortiter se gerente dixerit, Habebit suæ
 fortitudinis amplam mercedem, regnum videlicet, quod
 cum manet, etiamsi jus ad eundem ab illis fortitudinis acti-
 bus non pendeat, & jam antè per adoptionem sit ade-
 ptus. Neque quidquam prohibet, illum qui fortiter
 agit, ad hoc ipsum, quod promissum est & expectat, re-
 spicere, ejusque intuitu ad fortiter agendum vel pati-
 endum animari & incitari. Sic Moses majores duxit divi-
 tias probrum Christi, quam Aegyptiorum thesauros: intueba-
 tur enim eis τὸ μισθοδοσίαν, in præmii retributionem; Hebr.
 xi, 26. Nolite abjicere παρρησίαν vestram, sive liberam Chri-
 stianismi professionem, ἥτις ἔχει μισθοδοσίαν μεγάλην,
 quæ magnam habet remunerationem sive præmij retribu-
 tionem, Hebr. x, 35. Accedentem ad Deum oportet credere, ὅτι
 τοῖς ἐκζητοῦν αὐτὸν μισθοδοσίαν ἔσται, quod præmia largia-
 tur iis, qui ipsum requirunt, Hebr. xi, 6. Ad hanc sanè μισθο-
 δοσίαν respexit sanctus Paulus, quando scripsit, *Præcla-
 rum certamen certavi, cursum consummavi, fidem servavi.*
*Quod reliquum est, reposita est mihi justitiæ corona, quam red-
 det mihi Dominus illa die, justus iudex,* 11 Tim, iv, 7 & 8. Fi-
 delis & verax, qui præstabit quod promissit, & exseque-
 tur, quod se facturum toties fuit contestatus. *Fidelis est
 qui promissit,* Hebr. x, 23, xi, 11. Pendent enim omnia à

promissione, qualé à Deo emissam esse, quòd benignitati
divinæ coueniat, nemo poterit dubitare. Fideles itaque
secundum promissionem heredes sunt, Gal. 111, 29. Et ipsa
hereditas dicitur promissio, Hebr. x, 36; xi, 39. *Pro-*
missio ex fide Iesu Christi datur credentibus, Gal. 111, 22. *Pi-*
etas promissionem habet vitæ præsentis ac futuræ, 1 Tim. iv. 8.
Has promissiones quum habeamus, purificemus nos ab omni iniqui-
namento carnis ac spiritus, 11 Cor. vii, 1. Servator ipse di-
scipulis suis: *Vos estis, qui permanistis mecum in temptationibus*
meis, quas mihi intulerunt Iudæi: & ego dispono sive pa-
ciscor & promitto vobis regnum, sicut mihi disposuit Pater
meus, Lucæ xxii, 28 & 29: nempe oportet vos per multas
tribulationes ingredi in regnum Dei, Act. xiv, 22; quemad-
modum me oportet pati, & introire in gloriam meam, Lucæ
xxiv, 26. *Et quisquis reliquerit domos aut fratres, aut sorores,*
aut patrem, aut matrem, aut uxorem, aut liberos, aut agros,
propter nomen meum, centuplicia accipiet, quæ vel in tempore
hoc & in mediis etiam persecutionibus centuplo sint maiora
& meliora, quàm quæ amittuntur, & in seculo venturo
vitam æternam κληρονομήσει, hereditate adibit, Matth. xix,
29; Marci x, 30. Vi huiusmodi promissionum, quæ fi-
deles sunt & fallere nequeunt, obtinebunt evangelici
pacti consortes regnum cœleste & æternam vitam. Si-
cut autem hypothesis necessitatis (ut quum dico, Quæ
fiunt, hoc ipso quòd fiunt, non possunt non fieri, non
possunt non à Deo prævideri, aut etiam à Deo prævisa
vel prædicta itidem non poterunt non fieri) non tollit
naturam contingentia; ita quoque hypothesis promif-
sionis non tollit naturam gratuiti beneficii.

CIII. Meritum itaque strictè vel propriè dictum
est actus aut opus, cui seclusâ promissione secundum se
& ex se spectato merces itidem propriè dicta debetur ab
eo, qui

eo, qui illam reddere tenetur, nisi reddat, pro injusto habendus. Fundatur in eo, quod qui præstat, non præstat viribus aut opibus, quas ab eo, cui præstat, acceperit: quod ad præstandum alio nomine vel titulo non sit obligatus: quod cedat in emolumentum & commodum ejus, cui præstat: denique quod sit æqua proportio inter id quod præstat, & mercedem quæ confertur. Si ve consideremur ut filii, si ve ut servi, neutram consideratione intercedere potest inter nos & Deum ratio meriti propriè dicti, quocumque nomine vel titulo appelletur. Bene Thomas VValdensis loco superius allegato: *Apostolus suis meritis nihil applicabat, sed præmissis beneficiis (promissionibus) Domini deberi posse præmium confidebat. Hoc non erat in meritis confidere, sed in beneficiis Domini, secundum Psalmistam, Salvum me fecit, quoniam sic voluit me. Ps. 118, 10.* Quantum ergo mea sapit modicitas, hæc ipsa determinatio Scripturarum, quam ex Apostolo & Psalmista annotant sancti Patres, congruentius jungeretur loquutionibus de meritis hominum, quam absolute diceretur, Quod homo ex meritis est dignus regno cælorum, aut hæc gratia, vel illa gloria: quam vis quidam Scholastici invenerunt ad hoc dicendum terminos de condigno & congruo.

CCIV. Omnis si ve dignitas si ve congruentia, quanta quanta fuerit, nititur hypothese divinæ liberalis & benevolæ promissionis. Nulla enim est potentia, nullæ ad operandum vires, quas homo à Deo non acceperit. *Quid habes, quod non accepisti: si autem accepisti, quid gloriaris quasi non acceperis? 1 Cor. IV, 7.* Si opus aliquod jumento, quod meum sit, peragatur, id eatenus, quatenus meo jumento peragitur, mercede prosequi non te neor. Deinde si ve filius sis, si ve servus, utroque nomi-

Gg 3

ne

ne ad præstandum obligaris. Numquid dominus gratiam
habet servo, quia fecit quæ ei præcepta fuerant? non puto. Ita
& vos, quum feceritis omnia, quæ præcepta sunt vobis, dicite,
Servi inutiles sumus: nam quod debuimus facere, fecimus, Lu-
cæ xvi, 9 & 10. Servus, quidquid potest, debet ut me-
rum servitium; quale nullâ mercede compensatur. Ter-
tiò, nihil emolumenti vel commodi Deo per humana
opera accedit. Si iustus es, quid das illi? aut quid è manu
eius accipit? Iobi xxxv, 7. Bonorum nostrorum non eget, Psal.
xvi, 2. Quis prior dedit illi, & retribuetur ei? Rom. xi, 35.
Quartò nulla est proportio vel æqualitas inter aliquid,
quod hic in tempore ab homine præstatur, & æternam
vitam, in quâ paravit Deus iis, à quibus ipse diligitur, quæ o-
culus non vidit, nec auris audivit, nec in mentem hominis vene-
runt, I Cor. ii, 9. Imò Deus ipse erit merces nostra, ma-
gna valde, quemadmodum Abrahamo affirmat Gen. xv,
1: præsertim quando se nobis totum communicabit, &
facie ad faciem videndum ac fruendum præbebit. Quo-
niam igitur nulla hic æqualitas, non potest esse merces
secundum rigorem dicta, sed largè & largè, quomodo
omne, quod post operam confertur, merces appellatur,
etiam si non conferatur juxta dignitatem operæ, sed ex
merâ liberalitate & benevolentia promittentis. Ajunt
qui meritum propriè dictū stabilire conantur, bona quæ
à fidelibus bene peraguntur, ab in habitante gratia & vir-
tute Spiritus sancti proficisci, atque inde quamdam æqui-
pollentem infinitæ gloriæ dignitatem sortiri. Sed non
est, quod imaginemur inde ejusmodi dignitatem operi
inferi, ut ei insit & inhareat. Fuere etiam in ethnicis
virtutes morales, nec sine influxu & concursu infinitæ
virtutis Dei: in ipso enim vivimus, & movemur, & sumus,
Act. xvii, 28. Poterit igitur etiam hinc in opera digni-
tas

tas quædam infinita derivari, si possit ex priori.

CCV. Cornelius Iansenius Concordiæ suæ Evange-
licæ cap. xxxix, ex isto fundamento, quod operibus fide-
lium æterna vita debeatur, satagit adstruere. Ipsum audi-
amus. *In merito hominis apud Deum dignitas quædam est operis
correspondens premio & mercedi, quam quidem dignitatem huma-
num opus habet ex eo, quod ab ipso Spiritu sancto procedat, quodq;
ab ipso fiat, qui membrum est corporis Christi: hoc enim duplici
respectu divinam quamdam dignitatem habet humanum opus, ita
ut non solum jam debeatur ei præmium vite æternæ propter Dei
promissionem, sed etiam propter operis dignitatem. Cæterum
opus aliquod inde, quod sine divinâ influentiâ non fiat,
divinam dignitatem non sortiri jam diximus; nec mem-
bris corporis metaphorici vel mystici tribui potest, quid-
quid excellentiæ capiti competit, alioquin à v. p. p. m. t. o. c.
in fideles caderet, & subditi regiâ dignitate pollerent.
Quin pauldò post Iansenius sibi metipsi contrarius est.
Vita, inquit, æterna etsi sit debita bonis operibus, tamen
quatenus à Deo domino omnium datur (ab alio autem ne-
mine vel datur, vel dari potest; atque adeo quod ab ijs
hoc nomine removetur, simpliciter removetur) gra-
tia est, quia illum nobis debitorem constituere non potuimus;
tum quia omne quod possumus, illi ratione dominij debeamus; tum
quia ipsa bona opera nostra illius sunt dona, ut dum nostra coro-
nat merita, sua coronet dona, quod proculdubio magnæ est mise-
ricordiæ & gratiæ; tum etiam quod ex nostris operibus nihil illi
accedit utilitatis. Accedit his, quod multa etiam simul à ju-
stis committuntur, ob quæ se iudicium exactum cum eis inire
vellet, negare eis posset bonis operibus debitam mercedem. Quod
cæteris rationibus adjicit, non est levis momenti. Quam-
vis enim pia opera fidelium non sunt peccata, coherent
tamen cum ijs peccata, quemadmodum ex superioribus
datur*

datur intelligi. Et quamvis vigeret Legale pactum, per id
tamen ejusque opera servari nemo posset, nisi omni de-
licto & offensâ careret. At nos hodie in multis offendi-
mus omnes: & sunt in nobis, quæ nos ipsi non intelli-
gimus, Deus autem videt & imputare ac vindicare pos-
set, nisi secundum pactum Evangelicum condonaret.
*Verè scio, quòd non justificetur homo composuit vel compara-
tus Deo. Si voluerit contendere cum eo, non poterit ei respondere
ad unum ex mille, dicit Iobus 11, 1 & 3. Rectè igitur Radul-
fus Flaviacensis in Leviticum libro 1. cap. 1: Vix bonum
opus compleri potest sine alicujus peccati admixtione: metuendum
itaque, ne dum completa devotionis remuneratio exspectatur, à
nobis etiam reatus admixti pœna exigatur.*

CCVI. Ergo, inquires, renati & fideles Legem ser-
vare non possunt. Non possunt inquam ita, ut per eam
servatam juxta tenorem pacti Legalis æternâ beatitudi-
ne potiantur: possunt autem eatenus, ne per petulan-
tem prævaricationem, quod juxta pactum Evangelicum
per fidem consequuti sunt, id est, jus ad capessendum
regnum cœleste amittant, quò etiam juxta præscriptum
Servatoris accedere oporteat agnitionem infirmitatis
& quotidianam debitorum deprecationem. Non ma-
lè Bellarminus v de Iustificatione cap. xvii: *Bona opera
non requiruntur ad vitam æternam acquirendam, ut heredita-
tem, sed requiruntur ne filius excidat ab adoptione, & jure me-
reatur exheredari.* Perperam autem inde conatur elice-
re, quòd filius adoptivus mereatur non-amittere, si tò
mereri accipiat strictè & propriè. Quum enim sim-
pliciter inter Deum & hominem tale nullum meritum
intercedat, nec id hîc locum invenire potest. Dices for-
tè, Interim negandum non est, hominem peccatis suis
damnationem verè mereri. Respondeo, Vnde sit, quòd
homo,

homo, quum peccat, æternam damnationem incurrat, jam antè est offensum. Si quemadmodum peccans le- Num 19.
gem divinam violat, ita faciens bonum Deo emolumentum & utilitatis aliquid afferret, dici sine dubio posset, quòd quemadmodum peccans pœnam, ita bene faciens præmium mereatur. Sed Deo per humana facta nihil accedere manifestum est. Imò qui facit, sive consideretur ut servus vel mancipium, sive ut filius; tum herotum patri suo facere, quidquid potest, tenetur & debet hoc ipso, quòd vel servus est vel filius. Imò etiam si in gratiam & usum vel heri vel parentis fecerit sive servus sive filius, quòd nec herus nec parens peculiari præcepto fieri mandaverit; in eundem tamen censum officiorum sive heri sive parenti à servo vel à filio debitorum id refertur.

CCVII. Potest quidem Christianus aliquid facere, quòd ut ad eum modum præstaret, Deus singulari mandato ei non injunxit. Sic sanctus Paulus annuntiavit Evangelium Ephesijs, Act. xx, 34; Corinthijs, 1 Cor. iv, 12; ix, 6, 15; 11 Cor. xi, 7; Thessalonicensibus, 1 Thess. ii, 9; 11 Thess. iii, 8; ita ut nulli eorum oneri esset, sed manibus suis nocte & die laborando usibus suis ac suorum necessaria acquireret. Tale quid, inquam, peculiariter non mandatum & permissum intermittere, Christianus præstare potest; quale hodie *opus supererogationis* apud Pontificios audit. Et commenti sunt opera nec à Deo mandata, nec ad ullum proximi vel usum vel commodum vel profectum facientia. Quæ enim eò faciunt, etiam si quoad actum individuum quantitatem vel qualitatem aut circumstantias expressa non sint, generali tamen illo præcepto, *Diliges proximum tuum sicut te ipsum*, comprehenduntur. Ordines autem mona-

H h rum

rum, præsertim recentiores, tamquam supererogata atque adeo sibi superflua alijs, utpote benefactoribus suis & largas manus ad redemptionem animarum suarum protendentibus, communicant. Concedunt videlicet, ut formulam, quâ usos vidimus, hic exscribamus, omnium miserationum, orationum, vigiliarum, contemplationum, meditationum, lacrymarum, suspiriorum, poenitentiarum, disciplinarum, studiorum, predicationum, peregrinationum, obædientiarum, jejuniorum, abstinentiarum, laborum, ceterorumq; bonorum, quæ per fratres & sorores ordinis per mundum fiunt universum, plenam participationem, in vita pariter & in morte. Ita opera supererogationis, quæ comminiscuntur, in aucupium pecuniæ & bonorum suorum, fundorum & agrorum incrementum verterunt. Quod si autem sunt opera ad Dei honorem & proximi usum facientia, generalibus præceptis comprehenduntur, quoad actuum substantiam, ut ita dicam, etiam si singulariter non determinentur, sicut paullò antè monui. Si nec ad Dei honorem **Ios. 29, 13.** nec ad proximi aliquem usum referri poterunt, illis accensebuntur, de quibus secundum Iesaiam prophetam dixit Servator, *Frustra me colunt docentes doctrinas, quæ sunt præcepta hominum*, Matth. xv, 9; Marci vii, 7. Esto itaque posse aliquid ab homine renato fieri, quod ad eum modum peculiariter & determinatè non sit mandatum, ut si vir opulentus mille aureos vel magnam partem suorum bonorum pauperibus in eleemosynam eroget; absurdum tamen fuerit opinari, quod omnibus, quæ lege divinâ à nobis requiruntur, integrè & perfectè præstitis, aliquid queat superaddi, quod præstanti supersit, & alijs merito fortè destitutis & egentibus loco proprii meriti habendum & utendum concedatur. Quanto rectius docet Exhortatio Anselmica moribundum dicere,

Mor-

Mortem Domini Iesu Christi obijcio inter me & mala merita mea, ipsiusq; dignissima passionis meritum offero pro merito, quod ego habere debuissim, & heu non habeo. Hoc mortis Christi meritum verè superabundat, & quibuscumque indigentibus (indigemus autem omnes, quicumque simus) imputari, applicari & communicari potest: nulla verò alia hominum vel monachorum merita.

CCIIIX. Antiquitus milites stipendia merere dicebantur: atque adeo *merere* vel *mereri* erat præstare aliquid, pro quo ex se considerato stipendium vel retributio jure posset exigì. Succedentibus temporibus deficiente paulatim latini sermonis puritate cœpit *merere* vel *mereri* accipi pro eo, quod est consequi vel adipisci, sive ex jure tamquam debitum consequaris, sive ex liberalitate tamquam donum, sive quocumque alio modo; tum apud scriptores ecclesiasticos, tum apud exoticos. Sic in vetere cantico ecclesiastico canitur: *O felix culpa, qua talem ac tantum meruit habere redemptorem.* Dig. De nundinis, lege primâ: *Nundinis à principe imperatoris non utendo, qui meruit, amittit.* Iustinianus Codice suo De præfecto pratorio Africa, lege 1, parag. v: *Africani post tantorum temporum, annorum videlicet xlv, ut præmittitur, à Vandalis illatam captivitatē meruerunt, Deo juvante, per nos lumen libertatis adspicere.* Iesaias propheta cap. lv ab his verbis orditur: *Omnes sitientes venite ad aquas; etiam vos, qui non habetis argentum, venite, eruite & comedite: venite inquam, eruite absq; argento & absque precio vinum & lac.* Quale est hoc enī erē sine precio, tale est illud mereri sine merito. Sicut autem *mereri* potest capilatē pro eo quod est consequi; sic etiam meritum pro quovis medio, cujus interventu aliquid consequimur, etiamsi non consequamur per justitiam tri-

Hb 2

buen-

1 Tim 3, 2.
Tit. 1, 9.

buentis, sed per ejus benignitatem, gratuitam promissionem & hinc pendentem donationem. Præter essentialia donum æternæ beatitudinis, positum in Dei visione & fruitione, quod non obtinetur nisi per veram & vivam fidem; sunt etiam quædam accidentalialia dona, posita sine dubio in externâ quadam gloriâ & fulgore corporis, non jam animalis, sed facti spiritualis. Servatoris facies, quando in monte transformatus est, *fulsit ut sol*, Matth. xvii, 2. *Qui docti fuerint*, qui quæ divinitus revelata sunt intellexerint, ut possint alios docere & exhortari doctrinâ sanâ, *fulgebunt tamquam splendor firmamenti*; & *qui ad justitiam erudiunt multos, tamquam stella in perpetuas æternitates*, Dan. xii, 3. *Alius quidem cælestium decor, alius verò terrestrium: alia claritas solis, alia claritas lune, & alia claritas stellarum: stella enim à stellâ differt claritate*. Ita erit & resurrectio mortuorum, 1 Cor. xv, 40 & 41. Fortè in alijs quoque, ut in propinquiore ad Christum Dominum accessu vel loco, discrimen erit. Quæ nolumus curiosè inquirere, sed potius, quousque reapse exhibebuntur, in fide & spe expectare. Hujusmodi accidentalialia dona, ut ita appellare liceat, quæ essentiali æternæ beatitudinis dono adijciuntur, secundum proportionem eorum, quæ in honorem Dei vel emolumentum proximi præstita fuerint, erogatum iri promittitur. *Unusquisque suam mercedem accipiet secundum suum laborem*, 1 Cor. iii, 8. Quoniam itaque ratio proportionis hîc habebitur, videtur distributio propiùs accedere ad quâdam rationem justitiæ, quàm collatio doni essentialis: etiam si non minùs hîc, quàm alibi, res ipsa fundamentum habeat benignitatem & promissionem, meritumque propriè dictum excludat. Bene Marsilius ab Ingen in Primi distinct. xvii, qu. I, art. ii, concl. ii: *Nedum vite æternæ,*

eterna, sed nec alicujus alterius præmij æterni vel temporalis, aliquis actus hominis ex quantacumque caritate elicitus est de condigno meritorius apud Deum.

CCIX. Isti verò largè vel impropriè dicto merito tantum tribuit Apologia Augustanæ confessionis, quantum umquam possit aut debeat. Apponemus nonnulla ex ijs, quæ articulis i v, v, vi & xx adjiciuntur. Docemus operibus fidelium proposita & promissa esse præmia. Docemus bona opera meritoria esse, non remissionis peccatorum, gratia, aut justificationis: hac enim tantum fide consequimur: sed aliorum præmiorum, corporalium & spiritualium, in hac vitâ, & post hanc vitam, quia Paulus inquit: *Vnusquisque recipiet mercedem juxta suum laborem.* Erant igitur dissimilia præmia propter dissimiles labores. At remissio peccatorum similis & æqualis est omnium, sicut unus est Christus, & offertur gratis omnibus, qui credunt sibi propter Christum remitti peccata. Accipitur igitur tantum fide remissio peccatorum, & justificatio, non propter ulla opera. De eleemosynis loquitur in hunc modum: *Concedimus, quòd eleemosynæ mereantur multa beneficia Dei, mitigent pœnas, quòd mereantur ut defendamur in periculis peccatorum & mortis.* Deinde pluribus interjectis: *Sicut justificatio ad fidem pertinet, ita pertinet ad fidem vita æterna.* — Postea opera quia placent Deo propter fidem, merentur alia præmia corporalia & spiritualia. Erunt enim discrimina gloriæ sanctorum. Paullò post: *Non movemus inanem λόγουςίαν de vocabulo mercedis.* Si concedent adversarij, quòd fide propter Christum justi reputemur, & quòd bona opera propter fidem placeant Deo, de nomine mercedis postea non valdè rixabimur. — Fatemur & hoc, quòd sepe testati sumus, quòd etsi justificatio & vita æterna ad fidem pertinent, tamen bona opera mereantur alia præmia corporalia & spiritualia, & gradus præmiorum, juxta illud: *Vnusquisque*

1 Cor. 3. 8.

accipiet mercedem juxta suum laborem. — Evangelium gratis
offert justificationem propter Christi merita, non nostra: &
merita Christi communicantur nobis per fidem. Caterum ope-
ra & afflictiones merentur, non justificationem, sed alia præ-
mia, ut in his sententiis, merces operibus offertur: Qui parè
1 Cor. 9. 6. seminat, parè metet, & qui largiter seminat, largiter metet. Hic
clarè modus mercedis ad modum operis confertur. Et tantum
meritis, quamvis æquivocis, tribuit Apologia.

CCX. Ex hisce, quæ hætenus proposuimus, de-
duximus & consideravimus, manifesta sunt, ut spera-
mus, quæ de Legali pacto, & quod ei oppositum est, E-
vangelico, quo post protoplastorum lapsum nititur re-
stitutio & salus hominum, cognosci oportet aut ex usu
fuerit: item de discrimine Veteris & Novi, quæ in hoc
quidem conveniunt, quòd utrobique per fidem in Chri-
stum remissio peccatorum & jus adeundæ æternæ beati-
tudinis obtineatur; quoad alia verò admodum discre-
pant. Excrevit quidem tractatio sub manibus: fateri
tamen cogimur, nondum omnia sic esse expedita, ut ni-
hil possit aut debeat addi. Confidimus autem benigni-
tati Dei opt. max. per eam fore, ut quæ defunt, ali-
quando suppleantur. Sit ei honor & gloria
in omne ævum.

F I N I S.






HELMESTADII,
IN TYPOGRAPHEO CALIXTINO
EXCVDIT
HENNINGVS MULLERVS.



ANNO
CIC ID C LIV.



005647185

